

JO. BAPTISTÆ
MORGAGNI

P. P. P. P.

EPISTOLÆ
ANATOMICÆ DUÆ
NOVAS OBSERVATIONES,
ET

ANIMADVERSIONES
COMPLECTENTES,

Quibus Anatomie augetur , Anatomicorum Inventorum Historia evolvitur ,
utraque ab erroribus vindicatur .

A D J E C T U S E S T

INDEX RERUM, ET NOMINUM ACCURATISSIMUS.



V E N E T I I S ,
M D C C L X I I .

~~~~~

EX TYPOGRAPHIA REMONDINIANA.

SUPERIORUM PERMISSU, AC PRIVILEGIO.

MORAGNI  
LO BAPTISTE

P. R. R.

EPISTOLE  
ANATOMICA DITTE  
NOVAS OBSERVATIONES


17

ANIMAE PARSIORE  
CONSTITUTIO

Quod Animae Parsiores et Constitutiones  
nonnullas ad vitam pertinent

1717

Joannis Baptistae Morgagni



ANATOMICA  
P. R. R.

Quod Animae Parsiores et Constitutiones  
nonnullas ad vitam pertinent  
1717



# EDITORES

## Auctori Historiæ Hepaticæ.



I tua tantummodo, Blance, quid auctoritas postulare, spectare voluissimus; fecissimus id, quod Morgagno nostro omnino placebat, ut te, cujus novæ in ipsum insultationes tibi quidem plurimum, nihil ipsi nocere possent, sine ulla prorsus refutatione despectum potius, quam castigatum, dimitteremus. Sed cum tua ista facta non tam huic optimo, nobisque omnibus charissimo

Viro, quam Amplissimo Præsuli, nostrumque, dum viveret, Amico summo Joanni M. Lancisio, qui inter vos pacis Arbiter, & sequester fuit, injuria esse, animadvertimus: cum quorum illi post constitutum solemniter pacis fœdus, æternam es, honestorum hominum more, oblivionem pollicitus, ea ipsa, contra sanctissima instituta, a te retractari omnia ac refricari repente novimus: cum denique *νεκρὸν εὐδαιμονεῖν*, quod Theodotus ille Chius (a) agebat, mortuum suo per se Honori consulere, ac te pro eo ac meritis es, tractare non posse, vidimus; tunc enim vero tua ista nobis confidentia visa est esse frangenda, & publico scripto comprimenda; ut magis in posterum consideratum, minus inconstantem esse disceres, & si minus viventes, at mortuos saltem Celeberrimos Viros ea qua par est, fide, ac reverentia prosequeris. Neque vero diu fuit nobis cogitandum qua id potissimum ratione præstaremus, in manibus commodum habentibus duas ejusdem Morgagni Epistolas, non illas quidem ut vulgarentur scriptas, sed quæ vulgarentur maxime dignas, ad nostrum autem propositum plane accommodatas. Nam simul novarum in Re Anatomica Observationum, atque Animadversionum plenæ sunt; simul tua non in hanc solum Facultatem, sed in Morgagnum ipsum, atque Lancisium peccata convincunt. Hæc ultima, quæ suo ipso genere gravissima sunt, in secundæ Epistolæ Articulo 102. cunctisque sequentibus manifesto quidem, sed nimis sero recognosces. Has enim Epistolas ita nos edendas curavimus, ut in suos singulæ Articulos partirentur, quo facilius tibi non omnia quidem (quis enim id posset?) sed majora, sed evidentiora, sed talia, ut neque negare, neque ullo modo tueri queas, tua tibi errata, vel potius erratorum genera hinc statim ab ipso limine indicarem.

*Historiam Hepaticam* in libri titulo, & Præfationis initio polliceris *numeris tandem omnibus absolutam*. Credat aliquis fortasse qui te a quatuordecim annis hanc coepisse, hanc agitasse, hanc molitum esse rem sciat, eamque maxima ex parte a tot Præstantissimis Scriptoribus jam tractatam, atque illustratam. Sed longe aliter judicabit qui hæc Epistolas inspexerit. Nam quicumque Anatomicam, ac Medicam cujusunque Partis Historiam mandare litteris perfectam instituat, hunc primum oportet in utriusque Facultatis scriptoribus; ne quid forte eorum quæ jam sunt tradita, prætermittat; diligentissime esse versatum: deinde vero ipsum egregium Anatomicum, ac Medicum esse, ut quæ adhuc desiderantur, addere, atque absolvere de suo possit; novissime iis, quæ in Historicis omnibus communiter requiruntur, scribendi facultate, memoria, diligentia, judicio, fide pollere. In te vero, Blance, quid tandem horum esse, dicemus? Num (ut a levioribus incipiamus) scribendi aliquam facultatem? Hæc quidem quanta sit, demonstrabunt *Doctores Orationes* tuæ, quæ cum *Indice selectæ latinitatis* alias a nobis, si ipse volueris, recudentur; est tamen ubi Morgagnum omnino coegeris, quamvis aliud agentem, nonnulla obiter de hoc genere notare Epistola II. Art. 14. 60. 65. præsertim vero 32. 41. 54. 63. & cæt. unde luculenter patebit, ne anatomicis quidem, medicisve vocabulis, sine intolerandis erroribus, scire te uti. Memoria vero *ea parte animi quæ*, ut præclare ait M. Tullius (b), *custos est cæterarum ingenii partium*, quam debilis sis atque infirmus, eadem II. Epistola ostendit non modo Art. 67. sed etiam 8. 32. 49. 57. 62. 68. 71. 81. 94. 99. & cæt. Epistola autem I. Art. 8. 16. 33. 38. 40. 48. 49. 82. 88. 97. 94. & cæt. in his enim omnibus locis quam oblitus eorum



rum quæ alibi posueras, quam inter se repugnantia scripseris, demonstratur. Sed quoniam tam obliviosus in scripto esse nemo potest, nisi qui & negliger scribat, & oscitanter scripta relegat; hinc etiam diligentia apparet tua, quæ tamen cujusmodi sit, cum ex aliis innumeris locis constat, tum ex eo præsertim intelligitur, quod quorum niteris auctoritate scriptorum, eorum libros non inspexeris; nam si inspexisses, quas aut non habent, aut non ita habent, observationes, sententias, Icones minime citavisses: quod a te factum Epistola convincit I. Art. 26. 32. 37. 38. 39. 47. 49. 51. 52. 54. 67. 95. &c. sed potissimum 96; quanquam negligentia tuæ nullum gravius quæri testimonium potest, quam tui ipsius, confitentis, te ad ea perneganda quæ Nobiles Anatomici certe docuerant, tuæ *uni aut alteri observationi impensius fîsum fuisse*, tua vero *properanter scripsisse*, quæ confessiones tuæ Art. 28. & 9. ejusd. II. Epistolæ, ac 53. I. notatæ sunt. Judicio autem ut sis acri, & intelligente, etsi loca alia plura commonstrant; ex Epistolæ tamen I. Art. 78. 70. & ex II. Art. 33. 69. 82. & sequentibus apertissime cognoscetur. Restat fides, qua una dempta, quid tandem est quod in Historia quæramus? Ipse autem quam verax sis, quam ea scribere metuas, in quibus deprehendi manifesto ac teneri possis, satis superque monstrat II. Epistola Art. 19. 20. 30. 38. 44. 45. 49. 51. 53. 58. 59. 61. 64. 68. 69. 70. 73. 81. 93. 95. 100. & cæt. præsertim autem 105. 109. & 114.

Porro cum Res Medica, atque Anatomica diligentia, & judicio in observando, memoria autem, & fide in referendo, docendoque usque adeo contineantur, ut una qualibet de quatuor iis dotibus (linguam enim *ἐπισδδντες* hic omittemus) sublata, nemo egregius esse Medicinæ, aut Anatomies Auctor possit; jam finge, judicium tibi, memoriam, fidem superesse, diligentiam tantum deesse, tuosque errores uni omnes esse negligentia imputandos; quid tuis tamen scriptis faciemus; cum Lectoribus perinde sit, siue Auctoris dolo, siue oblivione, siue incitia, siue incuria decipiantur? Quod si speciatim nos malis de tua in Medicina, & Anatome præstantia loqui; quanquam Morgagnus, qui utrumque pariter tractare poterat, non multa in his quidem Epistolis voluit de rebus medicis adnotare; satis tamen ex his quæ attigit I. Art. 45. 49. 50. 51. & II. Art. 94. ac quinque insequentibus, conjecturam capere de reliquis licet. Nam quod ad Anatomiam attinet siue bestiarum, siue ipsius humani corporis, in illa quam excellas, patet ex Epistola I. Art. 32. 64. & ex II. Art. 34. 36. 37. 91. 93; in ipsa autem Anatome humana, præsertim quidem ex tota ferme Epistola I. cujus nullum propterea Articulum hic sigillatim indicamus; sed ex multis tamen II. etiam locis, ut ex Art. 12. 23. 42. 58. 61. 62. 69. 71. ac potissimum ex 28. 29. 31. 65. in quibus quid alii quoque Anatomici tum Itali, tum exteri de te censuerint, demonstratur.

Esto: quæ Historicis communia sunt, & quæ item præcellentis Medici, & Anatomici propria sunt ac peculiaria, non habes. At habes, credimus, illud primum, ut in perlegendis utriusque Doctrinæ scriptoribus sis diu, ut par est, multumque veritatus, & in *anatomicorum præsertim librorum lectionibus* (quod de te ipse diserte prædicas pag. 1019.) jam prope consenueris. Est tamen hoc aliquid: tametsi non est satis; neque enim ad *Historiam numeris tandem omnibus absolvendam* satis est illo esse subsidio instructum, quo fretus nihil eorum ignores, quæ ante te ab aliis prodita sint; sed tu insuper quæ desint, supplere, omnia autem recte atque ordine exequi possis, necesse est. Veruntamen tua ista, quam jactas, in anatomicis libris legendis diuturna exercitatio, quæ, & quanta sit, utraque Epistola præclare docet, I. quidem 7. 8. 18. 53. 66. 77. 78. 83. 84. 86. & decem proximis Articulis; II. vero Art. 39. 40. 47. 51. 52. 80. & cæt. Itaque cum aliis in rebus, tum maxime in Historia ipsa Hepatica quot ignoraveris, aut omiseris, vel ex his poteris existimare, quæ sic quasi *ἐν παρῶδῳ* indicantur Epistola II. Art. 3. 39. 40. 77. & cæt. & I. Art. 7. 21. 27. 31. 33. 39. 44. 49. 50. 53. 63. 65. & cæt.

Cum igitur omnia te deficiant quæ ad ejusmodi scribendas Historias requiruntur; cur eas, Blance, scribere instituis? aut cum scribere tamen velis, cur modestia saltem, & circumspectione non uteris, ne quem forte eorum offendas, qui tua tibi exprobrare peccata facile possint? Tu vero qua modestia, & circumspectione usus sis, Epistola docebit I. Art. 45. 80. 81. & cæt. II. autem Art. 28. 43. 47. 51. 54. 55. 71. 72. 75. 79. 88. 91. 107. 108. & cæt. Quod si tibi alios, atque alios vellicare & lædere placebat, quod turbulenti, imprudentisque animi est; at eam saltem amicitiam quam, te instante, atque rogante, Amplissimus



us Præful Lancisius tam solemniter reconciliaverat, violare iterum, ac rescindere non debebas, quæ culpa multo omnium gravissima est. Num quia Lancisius vere defuit; Morgagnus autem nunc totus est in Posthumis Præstantissimi Faularis alterius tui (quod te morari ipsum debebat) Valsalvæ scriptis ad editionem comparandis; num propterea id tibi impune fore, sperasti? Credimus; nam sæpe iam (id quod Epist. notat II. Art. 80. & I. Art. 8, §8. 68. 69. 70. 72. 74. 76.) occasiones quæris in Lancisium ipsum insurgendi, & mortuo, quod ajunt, Leoni arbam vellendi, quandoquidem (c)

καὶ αὐτοὶ  
Νεκρὸ σῶμα λέοντος ἐφουβρίζουσι λαγῶι.

ed primum decebat te meminisse, ut Lancisius decesserit, plurimos tamen ejus amicos, tui dissimillimos, esse superstites; Deinde vero quam pulchre tibi prioribus illæ in Morgagnum insultationes processerint, reputare. Nam si quis tibi falsus Amicus illud initio consilium dedit, istum quidem voti compotem fecisti sui. Respectum, exagitatum, convictum, ad extremum supplicem, culpamque publice preprecantem videre te voluit: vidit. Sin autem nullum præter te illius consilii auctorem habuisti; quam tua te spes fefellerit, & sensisti jam, & in dies amplius senties. Neque enim susceptis inimicitias clarescere potuisti, qui ita refutatus sis, & adhuc refutere, ut nihil tibi, tanquam Adversario, respondeatur; sed errores omnibus demonstrantur tui; novis observationibus Res Anatomica amplificetur. Respice te aliquando, Blance: quid speraveris, quid consecutus sis, vide. Tibi curimum, nihil Morgagno obfuit; imo ut probatissimis, utilissimisque editis scriptis magis, magisque clareret, occasionem præbuit. Si tecum ipse certare non vult; invenies fortasse alios qui velint. Noli nos tandem cogere, ut quod se melius, atque iterum sua ipse scribendi ratione indicavit, quodque jam diu intelligere debueras, apertissime dicamus. Sed de te tu ipse videris; nos de nobis ipsis probebimur. Viventem Lancisium amavimus; mortuum non deseremus. Per Morgagnum, quem graviores diu res distinebunt, liberum tibi fortasse erit quidquid se voles in posterum scribere; per nos non erit. Quinetiam si pertinax ipse fueris; multo nos constantiores invenies. Nam certe æquum est, ut cum (d) priores solsci arma sumpserint, posteriores ea ROMANI deponant; neque minus est æquum, ut tamen alias sic tractemus, ut Epistolæ II. postremus Articulus postulat, & si quæ remissa, aut condonata sunt modo; multa autem sunt condonata; ea demum, non per nos quidem, sed per inductam, quæ sit te digna, personam deinceps omnia deferantur. Atque hoc idcirco dicimus tibi,

*Ne temere facias, neque tu haud dicas tibi non prædictum: cave. (e).*

(c) Ex Græc. Epigr. (d) Plutarch. in Coriol. (e) Terent. Andr.



# RERUM, & NOMINUM INDEX.

Romani numeri Epistolas ; barbari autem Articulos denotant .



A.

Chillinus Alexand. num primus fuerit Of-  
ficulorum Mallei, & Incudis inventor. I. 92  
Actorum Lipsien. Scriptores laudati : II.  
55. 65. 75. 107. 111  
Albertus Salom. quasdam venarum val-  
vulas delineatas primus edidit. I. 95  
Oblongiores quasdam alias, ante Re-  
centiores, descripsit. I. 95  
Albinus Christ. Bern. laudatus. I. 62  
Almeloveenii Th. Janss. lapsus. I. 96  
Anellius Dominic. Chirurg. Gall. laudatus. II. 21  
Animalium quædam nova divisio examinatur. II. 37  
Arachnoidea. Vid. Cerebri.  
Aristoteles non modo Eustachianam Tubam cognovit,  
sed etiam quæ, ea posita consequuntur. I. 93  
Arteria hepatica ad membranam quoque pertinet jeco-  
ris. I. 21. II. 78  
Duplex nonnunquam observata. I. 71  
De eadem arteria. II. 11  
Arteriæ Emulgentes ex Magna prodire solent ad angu-  
los, non rectos, sed inæquales. I. 76  
Avium corpus Tubulosum vocatum, num ipsarum Pan-  
creas sit. II. 37  
Auris Canales Semicirculares non omnino videntur igno-  
ti Corn. Celso. I. 92  
Cochlea non prorsus incognita Empedocli. I. 92  
Cochleæ Spiralis Lamina fuit ab Eustac. descripta. I. 92  
Mallei, & Incudis inventor. Vid. Achillinus.  
Mallei tertium musculus quis proposuerit. I. 93  
Auris Tympanum quinam inter Veteres descripserint  
primi. I. 92  
Tuba Eustachiana. Vid. Tuba.  
B.

Artholini Th. lapsus. I. 2. 10. II. 12  
Bellini Laur. experimenta per quæ urinæ com-  
positio indagatur, defenduntur. II. 88  
Berengarius Jac. Renum Papillas proposuit. I. 86  
Auris Tympanum, post Hippocratem, docuit. I. 92  
Bidloi God. lapsus. I. 8  
Bilarii Ductus. Vid. Cysticus. Communis. Hepaticus.  
Cyst-hepatici. Hepaticystici Ductus.  
Biliorum Ductuum in reticulo interno varietates. I. 52  
De eorum glandulis quid observatum. I. 56  
Bilis ex hepatico, & communi ductu, non descendit,  
sed ascendit, si cysticum est subitura. I. 23  
Num quæ per hepaticum ductum defluit, pene  
tota divertat in cystim. I. 23. II. 33. 34  
De causis a quibus e cysti extruditur. II. 35. 36. 37  
De Bilis Secretione. Vid. Secretio. & speciatim.  
I. 27. II. 64. 66. 67. 81  
De Bilis Usibus. II. 49. 50. 51. 52. 53  
De Bile in ventriculum influente. II. 51. 52  
De Bile artificio paranda. II. 67  
Bilis num sit naturaliter in urina. II. 88  
Boerhaavius Her. Pr. Lugdunobat. laudatus. II. 38. 58. 107  
Bronchiales venæ. Vid. Venæ.  
Brunnerus Joh. Conr. Archiat. Palat. laudatus. II. 56  
C.

Calculi cystis felleæ qua sint figura. I. 44. 45. 49  
Qua substantia. I. 47  
Haud raro insunt sine icterico colore, aliave ulla  
peculiari noxa. I. 50. 51  
Horum, & urinariorum affinitas, & discrepantia.  
I. 48. 45  
Quidam per experimenta inventi ab aliis ejusdem  
cystis discrepantes, & cur. I. 43  
Calculi cystis felleæ Flavi qua sint structura. I. 47. 48  
Hi, vel antiqui, æque flammam conceperunt, ac  
recentes. I. 49  
In aquam coniecti, statim fundum non petunt, ne  
fracti quidem. I. 45. 46  
Integri, ne triduum quidem in aqua macerati, ad  
fundum descenderunt; sed fracti, paulo post descen-  
derunt, & cur. I. 46. 47  
Hæc ipsa de aliis pluribus calculis etiam non flavis  
observata. I. 46

Calculi cystis felleæ Nigri qua sint structura. I. 4  
Hi in aquam coniecti num semper statim fundum  
petant. I. 43. 44  
Horum nonnulli inter ipsas cystis tunicas inventi. I. 4  
Calculi Ductus Hepatici per experimenta tentati. I. 4  
Discrimina quædam inter hos, & cysticos, ut per  
petua, proposita, experimentis rejiciuntur. I. 4  
Calculi qui in Vena Portæ olim inventi dicuntur, vi-  
dentur potius fuisse in annexis ramis Ductus Hepa-  
tici. I. 49. 6  
Caldesius Joannes laudatus. II. 1  
Calvus P. Bernard. Chirurg. Taurin. laudatus. II. 2  
Cantius Arant. laudatus. I. 14. 32. II. 1  
Capsula Portæ Ven. Vid. Hepatis.  
Casseri num extrema in liene vascula instar penicillo-  
rum esse, revera cognoverit. I. 8  
Arachnoideam Cerebri tunicam delineavit primus. I. 9  
Celso A. Corn. Canales Auris Semicirculares non viden-  
tur omnino ignoti. I. 9  
Cerebri novum quoddam rete mirabile Varolio notum. I. 9  
Protuberantiæ Annularis tractus ipsi, sive striæ  
Varolio primum descriptæ sunt. I. 9  
Transitus a tertio ad quartum ventriculum nu-  
paulo vetustioribus Anatomicis fuerit ignotus. I. 9  
Tunica Arachnoidea descripta a Varolio fuit, &  
Casserio delineata. I. 9  
Chyli Vasa, & Receptaculum qui primi in homin-  
ostenderint, & delinearint. I. 8  
Qui primi in illis tum in bestiis, tum in homin-  
valvulas animadverterint. I. 9  
De Chyli Receptaculo. II. 12. 3  
Cicogninus Jac. Med. & Consil. Taur. laud. II. 67. 81. 10  
Columbi Reald. lapsus. I. 49. 6  
Columella primus in bestiis Scroti Septum indicavit. I. 8  
Communis bilarii Ductus finis, & orificium quale. I. 3  
Valvula, huic orificio superposita, qualis. I. 3  
Frenuli, eidem subjecti, in variis varietates. I. 3  
Hujus Usus inquiruntur. I. 3  
Ductus ejusdem dilatatio observata. I. 4  
Cordis fibrarum cochlearem ductum qui primi observa-  
verint. I. 90  
Coschwitzius Geor. Dan. Prof. Hal. & Phys. Reg. laud. II. 10  
Cremasteres musculi unde oriuntur. II. 58  
Curtius Bartholom. Med. Mediolan. laudatus. I. 79. 80  
Cyst-hepatici Ductus num in homine sint demonstrati  
I. 38. 39. 40. 41. 42. II. 16. 17. 18. 19. 20. 21.  
22. 23. 24. 25. 26. 27. 77  
Cysticus Ductus ad quem angulum confluat cum He-  
patico. I. 23. II. 44. 45. 46. 47. 78  
Descendit, non ascendit, in eo confluxu, & quid  
hinc sequatur. I. 23  
Ejus dilataciones observatæ, & unde ortæ. I. 43  
Valvularum varietas. I. 53  
Harum Usus jam olim a Riolano, & Highmore  
propositus. I. 53  
Annulus quidam, ad hujus initium introrsum ex-  
tans, num plane sit nullus. I. 54  
Cystis fellea cur sit in hepatis sinu semirecondita. I. 15  
Cur sæpe imâ parte sit undique libera. I. 15  
Nonnullum parva tantum parte cum hepate con-  
nectitur. I. 42  
Ejusdem divisio in collum, cervicem, & fundum  
refutatur. II. 39. & seq. 42. 43  
Valde parva inventa. I. 43  
Valde amplificata. I. 43  
Num sæpe in cadaveribus disrupta inveniatur. II. 96  
Excrescentia carnea intra ipsam observata. I. 43  
Calculi. Vid. Calculi.  
Cystis felleæ Sinus quidam, a pluribus observatus. I. 73  
Internum Reticulum quale. I. 52. 55  
Quidam hujus usus rejectus. I. 55  
Carunculæ quædam num intus extent, & quid  
esse aliquando possint. I. 40. 56  
De glandulis quid observatum. I. 56. 63  
De iisdem. II. 72. 73  
De harum usu. I. 56. II. 71. 73. 74. 75  
De tunicis quædam. I. 57  
Cel-



Cellulosa tunica addi posset. I. 62  
 Cystis fellea est in Gliribus nostratib.; & qualis. II. 36  
 D.  
 Diaphragma sæpe a dextris altius thoracem subit, quam a sinistris. I. 13  
 Tribus nonnunquam foraminibus pro Venis dumtaxat, in centro pertusum. I. 26  
 Quomodo utile promovendæ secretioni, & motui bilis in toto hepate. II. 60. 90  
 Diaphragma tributum inter Aves Vespertilioni. I. 32  
 Ductus Thoracicus. Vid. Thoracicus.  
 E.  
 Empedocli Auris Cochlea non videtur ignota. I. 92  
 Epididymidum canalicularem structuram quis proposuerit. I. 87  
 Eustachii Figuræ quædam consideratæ, & explicatæ. I. 2. 8. 10. 12. 14. 15. 19. 21. 23. 33. 68. 69. 70. 71. 72. 73. 74. 75. 76. 93. II. 69  
 Eustachius delineavit Lobulum hepatis, nunc Spigelii dictum. I. 19  
 Item arteriæ hepaticæ, & ductus bilarii ramos, intra hepar ramos venæ Portæ stipantes. I. 69  
 Item vascula sanguifera in Uteri Ligamentis Rotundis. I. 89  
 F.  
 Acciolatus, Jac. Prof. Patav. laudatus. I. 87  
 Fallopius uteri vasa superiora, & inferiora, dextra, & sinistra inter se communicare, docuit. I. 89  
 Fantonus Jo. Med. Reg. & Prof. Taurin. emer. laudatus. I. 7. 9. II. 58. 59. 67. 81  
 Faucium glandulæ Antiquis notæ. I. 84  
 Fontenellius Bernard. a secr. Reg. Acad. Sc. Par. laud. II. 21. 65  
 Forestus, Petrus defensio. II. 92  
 G.  
 Galenus docuit excarnare hepar ad ejus vasa persequenda. I. 69  
 Gerbezius Marc. Poliar. Labac. laudatus. I. 51  
 Glandulæ conglobatæ ad cavum hepatis. De his. I. 22. 30. II. 3. 4  
 Glandulæ ipsius hepatis. Vid. Malpighii.  
 Cystis felleæ. Vid. Cystis.  
 Vesicæ urinariæ. Vid. Vesicæ.  
 Gliræ, saltem apud nos, cysti fellea non carent. II. 36  
 Graafii lapsus. I. 31  
 H.  
 Heisterus Laur. Prof. Helmstad. laudatus. I. 25. 53. 56. 58. 63. 90. 94. II. 18. 28. 29. 31. 55. 58. 65. 107  
 Hepar in Vipera quomodo, & ubi se habeat. I. 64. II. 91  
 In Multis Piscibus. II. 93  
 Hepar hominum an distet a diaphragmate. I. 2  
 In nonnullis connatum cum diaphragmate. I. 2. 9  
 Quem habeat situm. I. 11. 13  
 De ejus regionibus, sive faciebus. I. 14. 24  
 Figuram sæpe habet in variis variam. I. 12. 13. 15. 19  
 Quid de ejus Fibris, seu Lobis, & variis apud Veteres horum appellationibus habendum sit. I. 18  
 Recte dividi potest in lobos. I. 17  
 Hepatis Lobus dexter sæpe sursum impense protuberat. I. 13  
 Sinister dextero est multo minor. I. 21  
 Lobulus Spigelii notus fuit Eustachio, & Vidio. I. 19  
 Quam varia hic Lobulus figura sit. I. 19  
 Ejus utilitas. I. 34  
 Hepatis fissura, & sinus pro vena Umbilicali, ejusque sinus isthmus, & ligamentum. I. 33  
 Sinus, seu fovea pro vena Cava ubi, & quanta sit. I. 14. 26  
 De ejus foveæ isthmo. I. 33  
 Sinus pro Cysti. Vide Cystis.  
 Sinus reliqui, sive foveæ. I. 34  
 Fissuræ naturales majores, minoresque, & ipsarum utilitas. I. 35  
 Rete quoddam, etiam externum. I. 65  
 Capsula Portæ venæ, Glissonii dicta, jam nota fuerat Walæo. I. 66  
 Hujus Capsulæ Septum a Glissonio prop. fuerat. I. 66  
 De carneis Capsulæ fibris, & glandulis. I. 66. II. 58. 59. 60  
 Hepatis Malpighiana structura. De hac. II. 82. 83. 84. 85. 86. 87  
 Excarnatio ad vasa pervestiganda, a Galeno proposita est. I. 69  
 Usus num sit etiam præstare diverticulum sanguini, nimis vel copioso, vel turgenti. II. 94  
 Hepatis Arteria. Vid. Arteria.  
 Cystis. Vid. Cystis.

Ductus bilarii. Vid. Bilarii Ductus.  
 Ligamenta. Vid. Ligamentum.  
 Lymphæductus. Vid. Lymphæductus.  
 Nervi. Vid. Nervi.  
 Venæ. Vid. Venæ.  
 Hepatis subitanæ phlegmones, & celeres quædam obstructiones unde videantur repetendæ. II. 94  
 Hepatici Ductus rami non connivere in hepate, sed patuli servari videntur. I. 27  
 Sinus non est perpetuus. I. 66  
 Dilatatio observata. I. 43  
 Calculi. Vid. Calculi.  
 Hepati-cystici Ductus num in homine sint demonstrati. I. 38. 39. 40. 41. 42. 56. 83. II. 16. 17. 18. 19. 20. 21. 22. 23. 24. 25. 26. 27. 77  
 Highmori lapsus. I. 96  
 Hippocrates primus Seminales Vesiculas indicavit. I. 83  
 Hoffmannus Frid. Prof. Halens. & Consil. Reg. laud. II. 107  
 I.  
 Jecur. Vid. Hepar.  
 Injectionum humoris, aerisve ad Anatomen augendam rudimenta apud Berengarium, & Eustachium. I. 69. 86  
 Intestinorum glandulas qui docuerint. I. 83. 84  
 L.  
 Actæa Vasa. Vid. Chyli vasa.  
 Lancisius Archiat. olim Pontif. defensio. I. 8. 68. 69. 70. 72. 73. 74. 75. 76  
 Laurentii Andr. lapsus. I. 34. II. 80  
 Defensio. II. 39  
 Lentilius Rosin, Archiat. Wrtenb. laudatus. I. 49. II. 96  
 Lienis ligamenta num sint solæ, & dispersæ fibrillæ. I. 9  
 Fissuræ naturales, & harum utilitas. I. 35  
 Vasorum extrema instar penicillorum num vera Casserius noverit. I. 83  
 Ligamenta hepatis quatenus unum dumtaxat dici possint. I. 9  
 Ligamentum hepatis dexterum, ejusque in variis hominibus varietates. I. 6  
 Num perpetuum sit. I. 7  
 A quibus Auctoribus sit propositum. I. 8  
 In bestiis quibusdam deest. I. 7  
 Ligamentum hepatis sinistrum. I. 6  
 Num sit perpetuum. I. 7  
 A quibus Auctoribus propositum sit. I. 7. 8  
 In quibusdam bestiis desideratur. I. 7  
 Ligamentum hepatis Suspensorium latius est, quam vulgo creditur. I. 2  
 Eo minus tamen, quo posterius. I. 2  
 Pervenit usque ad umbilicum. I. 3  
 Quatenus verum sit, ipsum instar zonæ hepar amplecti. I. 9  
 Num in se habeat quasdam teretes productiones. I. 4  
 Habet vascula sanguifera, & in his quædam nondum adnotata. I. 4  
 Num per membranam hepatis in hujus parenchyma reapse penetret. I. 5  
 Num præter hoc sit aliud Ligamentum hepatis ad cartilaginem ensiformem. I. 6  
 Ligamenta Lienis. Vid. Lienis.  
 Ligamenta Uteri Rotunda ex sanguiferis vasculis magnam partem constantia primus pinxit Eustachius. I. 89  
 Lospichlerus Jo. Ad. Archiat. Salisburg. laudatus. I. 51  
 Lymphæductus qui primi viderint. I. 96  
 Qui primus in homine viderit, & delinearit. I. 83  
 Eorum valvulas qui primi animadverterint, & luculentissime demonstrarint. I. 96  
 De ipsorum origine. I. 30. II. 5. 8  
 Lymphæductus hepatis. De his. I. 28. 29. II. 4. 5. 6. 7. 8. 9. 77. 78  
 Num cum glandulis vicinis non communicent. II. 3. 4  
 M.  
 Malpighii de structura hepatis sententiæ illustratæ, & a nova quadam alienissima interpretatione vindicatæ. II. 82. 83. 84. 85. 86. 87  
 Mammæ. De harum in Areolis Tuberculis. II. 10  
 Mangetus, Jo. Jac. Archiat. Pruss. laudatus. II. 3. 11. 17. & alibi passim.  
 Marsilius Lud. Ferd. Comes laudatus. II. 107  
 Mead Rich. Med. Londin. laudatus. II. 107  
 Mediavia Nicol. Publ. Incis. in Th. Anat. Patav. laud. I. 56  
 Mercurialis, Hieron. De ejus vita, & primo ab ipsa edito, nunc ignoto, & rarissimo libello quædam. I. 81  
 Mesaraicæ venæ. Vid. Venæ.  
 Michelottus Petr. Ant. Med. Ven. laudatus. II. 70  
 Musculi exiles, & dubii in quibus potissimum cadaveribus



tribus examinandi. I. 59  
 Musculi Mallei. Vid. Auris.  
 Vesicæ. Vid. Vesicæ.  
 Urethræ. Vid. Urethræ.  
 Cremasteres. Vid. Cremasteres.

**N**arium Turbinata ossa qui primi descripserint. I. 94  
 Nervi quatenus inter vasa referri possint. II. 15  
 De Nervis ad hepar pertinentibus. I. 36. 37. 70.  
 II. 13. 14

**O**.  
 Mentum num coctionem juvet. II. 92  
 Ossa duriora num fieri molliissima possint sine ullo vitio fluidi universalis. II. 95  
 Ossa Turbinata. Vid. Narium.  
 Officula Tympani. Vid. Auris.  
 Ova vera mulierum num sint adhuc bene perspecta. I. 89

**P**ancreatis lobi inferioris, in cane prælongi, inchoamentum in nobis non deest. I. 30  
 De ejus Ductu quædam. I. 84. 85  
 Papadopoli Nicol. Comn. Prof. Primar. Patavinus laud. I. 80.  
 Partes nostri corporis num aliæ ab aliis orientur. I. 9.  
 Internæ in variis variant fere ut externæ, & quid hinc sequatur. I. 12  
 Pascolus Alexand. Prof. Rom. laudatus. I. 7  
 Pauli Jo. Guil. Prof. Lips. laudatus. I. 96  
 Peritonæum an, & quomodo visceribus ventris tunicas præbeat. I. 9.  
 Platnerus Jo. Zachar. Prof. Lips. laudatus. II. 65  
 Polenus Jo. Marchio, & Prof. Patav. laudatus. II. 104  
 Portæ vena. Vid. Vena.  
 Posthii Jo. lapsus. I. 36

**R**enum Papillæ notæ fuerunt Berengario, & aliis. I. 86  
 Reverhorstius Maur. Med. Batav. defensio. I. 33.  
 II. 2. 3. 6. 77  
 Riolani Jo. fil. lapsus. I. 31. 34  
 Defensio. II. 92  
 Ruyschius Frid. Prof. Amstel. laudatus. I. 7. 21. 52. 56.  
 90. II. 18. 33. 47. 69. 71. 72. 73. 74. 75. 76. 77. 78. 101. 107

**S**alivarium glandularum, & ductuum quorundam Inventores. I. 77. 84  
 Saltzmannus Jo. Prof. Argentor. laudatus. I. 32. II. 12  
 a Sancta Sophia Marsilius. De hoc quædam. I. 80  
 Sanguinis Circuitum qui primi docuerint. I. 82  
 Santorinus Jo. Dominic. Protomed. Venet. laudatus.  
 I. 31. 32. 56. 88. II. 29. 31. 58. 65. 71  
 Schrockius Luc. Cæs. N. C. Acad. Præs. laudatus. II. 107  
 Scroti Septum in bestiis primus indicavit Columella. I. 87  
 Secretio animalis. De hac. II. 61. 62. 63. 64. 66. 67. 68. 69. 70. 81  
 Semicirculares Labyrinthi Canales non omnino videntur ignoti Corn. Celso. I. 92  
 Sievertus Paul. Godfr. Med. Magdeb. laudatus. I. 82  
 Spermaticæ Venæ. Vid. Venæ.  
 Splen. Vid. Lienis.  
 Stahlius, Georg. Ernest. Consil. & Archiat. Pruss. laud. I. 27  
 Stephanus Carol. Urethræ musculos Transversales novit, & primus delineavit. I. 88

**T** Eichmeyerus Herm. Frid. Prof. Jenens. laudatus. II. 58  
 Terraneus num Urethræ glandulas illustraverit. I. 88  
 Testiculi canalicularem structuram qui primi docuerint. I. 77  
 Quis primus corpus, Highmori dictum. I. 87  
 Thoracicus Ductus cur insulas habeat. I. 10  
 Non fuit a Mundino indicatus. I. 78  
 Tozzii lapsus. I. 80  
 Tubas Eustachianas non modo novit Aristoteles, sed etiam quæ, illis positæ, consequuntur. I. 93  
 Tubas Falloppianas quis primus in bestiis descripserit. I. 89  
 Tympanum quinam inter Veteres descripserint primi. I. 92

**V**allisnerius Anton. Prof. olim Primar. Patav. & Cæsar. Med. Cubicul. laudatus. I. 1. II. 36. 51. 104  
 Valvulæ. Vid. Venar. Lymphatic. Chyli vas. Cysticus ductus.  
 Varolius primus Arachnoideam cerebri tunicam descripsit. I. 91  
 Item novum quoddam Rete mirabile. I. 91  
 Item Tractus, sive strias Protuberantiæ Annularis. I. 91  
 Vaterus Abr. Prof. Witenberg. laudatus. I. 31. II. 17. 107

Venæ Bronchiales a quibus observatæ. I. 90  
 Vena Cava ab emulgentibus ad cor non recta ascendit, sed bis inflectitur. I. 10  
 Harum inflexionum utilitas. I. 10  
 Venæ Hep. omnes quomodo pervestigandæ, docuit Gal. I. 69  
 Hæ omnes, etiam minimæ, num decussentur. II. 79. 80. 81

Hæ omnes sensibiles, nunquam connivere possunt, sed semper patulæ servantur. I. 27  
 Ejus rei causæ inquiruntur. I. 27

Venæ Hepaticæ, ad Cavam pertinentes, majores, & minores. I. 26

Venæ Lactææ. Vid. Chyli vasa.

Venæ Meseraicæ cur insulas habeant. I. 10

Vena Portæ num in sinistram latus jecoris inferatur. I. 24. 25

Ejus Sinus sedes, positus, figura. I. 25. 75

Ejusdem Sinus habitudo ubi excipit venam umbilicalem. I. 75

Venæ Portæ ramos intra hepar arteria, & bilario ductu stipatos jam olim pinxit Eustachius. I. 69

Ejus Calculi. Vid. Calculi.

Venæ Spermaticæ cur insulas habeant. I. 10

Venarum valvula qui primi cognoverint, & delineaverint. I. 95

Oblongiores quædam valvulæ ante Recentiores descriptæ. I. 95

Ventriculus. De hujus tunica cellulosa. I. 63

Ventriculus in Vipera qualis. Vid. Vipera.

Verheyenii lapsus. I. 2

Vesalii lapsus. I. 31. 49

Vesicæ urinariæ figura non rotunda, neque instar inversi pyri observata, sed potius contra. I. 61

Eadem retrorsum magis, quam antrorsum impense protuberat. I. 61

A lateribus angustior est, quam a fronte. I. 61

De Vesicæ glandulis quid observatum. I. 63

Ejus fibras carneas esse super extimam tunicam, a vero alienissimum ostenditur. I. 58. II. 29

Eadem intermedium tenere locum, & plane interdum rubere, demonstratur. I. 58. 59. 60

Quænam circa ipsas in pluribus vesicis sint observata. I. 60

De Vesicæ Sphinctere musculo quid observatum sit, & animadversum. I. 60. 61

De Vesicæ musculis quibusdam Elevatoribus, & Depressoribus. I. 88. II. 91

Vesicæ nova quædam divisio in collum, cervicem, & fundum refutata. II. 39. & seq. 42. 43

Vesicula fellis. Vid. Cystis.

Vesiculas Seminales primus indicavit Hippocrates. I. 83

Veslingii lapsus. I. 2. 10

Vespertilioes non carent diaphragmate. I. 32

Vidius memoravit Lobulum hepatis, nunc Spigelii dictum. I. 19

Viperæ ventriculus qualis. I. 64

Hepar num ad Duodenum intestinum pertingat. I. 64. II. 93

Urethræ, & vesicæ urinariæ finibus innata excrescentia. I. 43

Urethræ musculos Transversales novit, & primus delineavit Car. Stephanus. I. 88

Num hi sint quidam vesicæ Depressores musculi. I. 88. II. 31

Urinæ secretio. Vid. Secretio, & speciatim II. 68. 69. 70

Naturalis color num vocandus sit croceus. II. 89

Ad ejus compositionem indagandam Bellini experimenta num minimi momenti sint. II. 88

Uteri Ligamenta. Vid. Ligamenta.

Vasa superiora, & inferiora, dextra, & sinistra inter se communicare, Falloppius docuit. I. 89

Divisio quædam in collum, cervicem, & fundum quos Auctores habuerit. II. 40

Eadem non est admittenda. II. 39. 40. 41. 42. 43

Vulpus Jo. Anton. laudatus. II. 106

Vulpus Jo. Bapt. Prof. Patav. Emeritus laud. I. 43. 56. II. 106

W.

W Alæus Capsulam hepaticam ante Glissonium indicavit. I. 66

Winslowius Jac. Benign. ex Acad. Sc. Paris. laudatus. II. 107

Wirsungus. De hoc, & ejus morte quædam. I. 85

Wolfartus Petrus Prof. Marburg. laudatus. I. 7. 35

Z.

Z Anottus Franc. M. Prof. Bonon. laudatus. II. 106

J O.





J. O. BAPTISTÆ  
MORGAGNI  
AD  
AMICUM  
EPISTOLA ANATOMICA PRIMA.



QUOD Te mihi de Epistola purgas, eo facilius excusationem accipio, quod antequam scriberes, ab Amico audiveram, qui tecum essent, cum illam reddidit, & qui continuo inter vos sermones coorti sint. Verum si me amas, quantum ab ipsis amaris, suscipere debes partes meas, & eum te esse fingere qui ego sum. Placeretne tibi, Vir Doctissime, id in publicum emitti quod tu horis subcelsivis dictasses potius, quam scripsisses? quod non emendare, si opus esset, quod vix relegere potuisses? in quo nonnulla fusius, multa strictius rescribenda, & quod caput est, plura diligenter etiam atque etiam expendenda esse, scires? An tu nolles diutius considerare non solum quid in alium dici, verum etiam quid a te dici deceret? neque tantum ne levioribus verbis uterere, quam causa postuleret, quantum ne graviorebus, quam tua natura pateretur? Huc illud accedit, quod Epistolam meam vel nullius, vel alicujus ponderis esse, putatis. Si nullius; cur edendam censetis? Si alicujus; cum eo spectet universa, ut neque debere, neque oportere ullum a me Provocatori responsum dari, idque omnibus manifestissimum esse, confirmet; cur videri vultis omnium ingentis diffidere, de tam perspicuis rebus tam longam Epistolam emittendo? At enim istis qui vulgari eam velint, suas vicissim causas esse, & rationes, scribis; sed quæ sint, non scribis.

Illud contra, quod minime ignorabam, inculcas, eos esse istos, qui apud utrumque nostrum debeant & necessitudine, & beneficiis, & dignitate plurimum posse: quorum ego neque benevolentiam erga me ignorare; nec auctoritatem aspernari, nec voluntatem negligere debeam. Vera prædicas, & quæ neque inficiari possem, si vellem, neque vellem, si possem. Sed quorum voluntati obstare nequimus, fac, obsecro te, ut eorum voluntatem sectamur, ut partes lenitatis quas me natura ipsa docuit, sinant me agere libenter; istam vero severitatis personam, a me nunquam appetitam (nisi si vestrum omnium judicio & gravissima causa urgere, neque mea improbanda esse Epistola videatur) mihi iterum non imponant. Atque ut intelligant, quanto libentius lenitati indulgeam, quam severitati; huc alterius adscribam Epistolæ exemplum, quam ante istam quæ in manibus vestris est, ad Provocatorem mittendam paraveram. Hanc; etsi affecta est, non perfecta; habeant, ostendant, in vulgus edant;

minime ego moleste feram: imo non levem voluptatem capiam, si hoc alterum a me exemplum publice extiterit, quemadmodum inter Amicos literariæ controversiæ sint exercendæ. Hujus Epistolæ, si quæris, causa mihi ad hunc modum se obtulit. Cum *Historiæ Hepaticæ* novam Editionem accepi, nolui ipse primus legere, ne in propria causa fortasse fallerer; sed ad certos quosdam mihi amicissimos Viros afferendam curavi, qui si quid forte invenirent, unde meus animus offendi posset, iis notatis locis, librum remitterent, ut ego, quoad vellem, declinare illa possem, reliqua legere, & ad primam saltem lectionem, nullam præjudicatam opinionem afferre. Sic, post aliquot menses, remisso ad me libro iis ipsis diebus quibus Anatomem in publico docebam, subcelsivis quibusdam temporibus, animi causa versare Tabulas præsertim, earumque Explicationes, nonnullas etiam Orationes, interdum quoque si quid mihi dubium videretur, adnotare cœpi. Ita mihi enata Epistola est. Quam tamen ne absolverem, imo ut alteram istam aliquanto longiorem eo qui insecutus est, mense ad te perferendam dictarem; fortuito contigit. Cum enim alium quærerem nescio quem locum; in eam Animadversionem forte incidi quam potissimum eo tempore vitare statueram. Tum enimvero incredibili re commotus, cum illam, tum reliquas a capite ad calcem Animadversiones perlegi, illamque ad te Epistolam effudi, quam unusquisque, opinor, in pari causa effudisset. Nunc quando rerum ordinem habes; jam quæ ex Anatome alias, si tu velles, me esse scripturum, in ea Epistola promisi, eorum pleraque omnia in hac habebis. Ita autem conscripta erat:

1. **M**ulto antea Tibi, Vir Cl., quas molesto mago, gratias egissem, si vel nihil, nisi gratias agere voluisssem, vel Celeberrimus Collega meus Antonius Vallisnerius, qui non nisi post Kalendas Novembris (\*) redire huc potuit, tuum mihi librum eo tempore attulisset, quo non tam assiduus laboribus, & occupationibus distinerer. Nunc autem ob eas, aliasque probe ipsi cognitæ causas, vix aliud quam Tabulas atque Orationes nonnullas inspicere mihi licuit, ex quibus argumentum caperem ita tibi gratias agendi, ut fortasse ex parte aliqua etiam referrem. Cogitanti enim mihi quo potissimum grati, amique animi testimonio tuæ erga me liberalitati responderem; nullum aptius visum est, nostrave amicitia

(\*) Ann. 1725.



ria dignius, quam eas tecum dubitationes ingenue communicare, quas mecum ipse communicari pariter vellem, si forte interdum in Amicorum, mea Scripta legentium, animis ejusmodi dubitationes exorirentur. Nam aut a recte dubitantibus verum discerem, meque ipse emendarem; aut vicissim ipsi a me acciperent unde suos sibi scrupulos evellerent: quorum alterum mihi utile, alterum ipsis non inutile, utrumque utrisque jucundum, publico autem rei literariæ incremento conducibile plurimum foret.

2 In I. ergo Tabula, nitide & perspicue, ut reliquæ, delineata, plura sunt in Ligamento potissimum Jecoris Suspensorio, quæ non leves mihi dubitationes injiciant. Nam primum ubi id latissimum pingis, duos transversos digitos non excedis. Ego vero solitus sum in isto ipso qui supra hepatis fissuram est, loco id Ligamentum digitos interdum quatuor, alias tres latum deprehendere, quamvis neque jecur, neque cadaver magna sint.

Hist.  
Hepat.  
pag. 681.

988

Quod nisi tu *Ichnographiam* tuam *Hepaticam* esse ad *virum incisam*, testareris, sic ut omnia, quod alibi confirmas, *magnitudinem naturalem servant*; aut nisi Fernelius, Piccolhominus, Spigelius, Highmorus transversi fere digiti intervallo jecur ab diaphragmate, ne hujus obesset motui, distare, docuissent, contra autem Diemerbroeckius (a), Spigelium, & ante illum Riolanus (b) omnes, ut ait, *Anatomicos* in eo ipso redarguissent, ac jecur *stricte, & sine ulla vel levi distantia, tota superiore parte diaphragmati affigi*, tradidissent; minus illud mihi attendendum existimassem. Neque tamen credas, a me negari, quod ipse nonnunquam vidi, & Bohnius (c) confirmat, posse jecur ita ut Riolanus scribit, septo transverso affigi sine hujus actionis incommodo; hic enim non quod aliquando, sed quæ sæpius viderim, propono; hisque inhærens, hepar stante homine, & ventriculo, ac intestinis inanibus, ab diaphragmate plusquam fortasse credatur, distare aliqua saltem sui parte, conjicio, si modo Suspensorium Vinculum non oblique, sed ad lineam a septo transverso ad jecur undequaque se se demittit. Dixi autem *aliqua sui parte* non ignarus aut eorum quæ de jecinoris figura infra addam, aut eo magis ejus Vinculi latitudinem contrahi, quo magis ex eo de quo supra dictum est, loco ad posteriora accedit: id quod a te, Vir cl. egregie pictum esse lætor, ut habeant iterum Anatomici quam Verheyenii Figuræ (d) opponant id non magnopere observantis, & præterea hoc Vinculum extra fissuram, ut videtur, pingentis, itemque aliis apud Veslingium (e), & Bartholinum (f) Figuris, in quibus omnibus illud quoque vitii est, ut ad hepatis imam partem cum Vinculum amplius esse oporteret, angustius exhibeatur. Quanto aliter Eustachius! cujus si convexæ jecoris faciei delineationem (g) inspexeris, facilius, opinor, feres tum quæ de hujus Ligamenti latitudine a me observata indicavi, tum quæ de ejusdem longitudine continuo subjiciam.

884

3 Tu igitur hoc Ligamentum proponis ad unum, aut alterum infra hepar digitum descendens, non ultra videlicet eum locum ubi illud concurrrens cum umbilicali vena repræsentas, per cujus interventum ad lineam albam hoc eodem loco firme pariter adnectatur. Mihi vero semper ad hoc usque tempus contra observare, atque ostendere datum est, non ibi, ut putant suum imum terminum habere, sed ad umbilicum usque demitti inter lineæ albæ regionem, & venam umbilicalem sic, ut non hujus interventu Vinculum, sed Vinculi interventu ea vena cum alba linea committatur. Qua quidem de re, deque ejus, sive in utero, sive extra uterum utilitate, ac de iis perpaucis Anatomicis qui id præfuso ignoravisse non videntur, cum fufius in meis illis Observationibus scripserim

quas cum Celeberrimi Valsalvæ nostri Operibus Posthumis vulgabo, non hic plura adjiciam: sed abs te illud dumtaxat petam, ut cum jecur suis e sedibus eximes, dare operam velis, ne quidpiam de hoc Ligamento relinquant ad septum transversum, albæque lineæ regionem; vel etiam prius quam cultrum Vinculo admoveas, leniter manibus hinc umbilicalem venam, inde, jam divisos ad finistram albæ lineæ latus, abdominis dextros musculos trahendo, tuismet oculis credas, hoc Vinculum supra hepatis fissuram, & tribus, aut quatuor infra hanc digitis totidem æquans digitorum latitudinem, magis quidem, magisque deinceps contrahi, quo magis ad umbilicum accedit, sed non antea cessare, quam ad hunc umbilicalem venam perduxerit, quam intra duplicaturam suam hinc usque ad Sinum venæ Portæ tuetur, ac fulcit sic, ut ultra interius ejusdem umbilicalis venæ latus sæpe, in mulieribus præsertim, & pinguibus viris, adipe fartum, promineat. Sed quamvis adipe sæpe farciatur; haud tamen propterea non perpetua & continens cum Ligamento Suspensorio membrana est; quinimo non ita pridem cum in macilentia alioqui Anu a pinguedine flaventem invenerim, adeo firmam valentemque deprehendi, ut hanc digito percurrere difficiliter potuerim, quam ipsum diaphragmati, & jecori interjectum Vinculum Suspensorium.

4 Hic quæres fortasse, an hoc in Vinculo eas viderim quas delineas, atque describis, geminas compactas, & teretes --- instar tendinis productiones venæ umbilicalis. Verum tibi ingenue fatebor: neque unquam vidisse memini, & frustra nuper, quatuor, aut quinque continenter sectis jecinoribus, perquisivi; quamvis omnia tam sedulo, objecta etiam adverso lumini, exploraverim, ut inter adipis strias, sæpe a primo non satis conspicuas, quæ inter diaphragma, & hepar interdum haud ineleganter dispositæ sunt, vascula etiam multa sanguifera viderim, quorum exiles caudices ad jecur pertinebant; ramuli diaphragma versus ferebantur, nonnulli etiam paulo majusculi, qui fere ex jecoris fissura existerant, deorsum per eam quam supra descripsi, membranam umbilicum versus pergebant; cum his nonnunquam alia vidi quæ communicarent, vascula, a peritonæo prope umbilicum prodeuntia, & obviam prioribus ascenduntia. Quæ omnia commemoravi cum quia vascula hæc ultima, atque illa prima neque picta, neque descripta vidisse memini, cum secunda, atque alia, ad vincula hæc pertinentia, viderim; tum vero ut intelligas, qui ejusmodi res perspexerim, longe facilius istas conspiciere durioris densiorisque corpulentæ productiones, si in iis fuissent cadaveribus, potuisse.

5 Ne autem credas, ea dumtaxat quæ a te proponuntur, a me inveniri non posse; ne aliud quidem, a Glissonio propositum, mihi adhuc licuit invenire. Tradidit (id quod tu minime ignoras) Auctor ille Experientissimus (h), *Ligamentum hoc*, quo de loquimur, Suspensorium non solum extimæ hepatis membrana affigi, sed etiam parenchyma ejus penetrare, & communi vaginæ sive involucri rami venæ Portæ (quæ vena umbilicalis eidem continua est) valide annecti. Frustra hoc olim invenire conatus, eo me primum solabar, quod Verheyenio (i) quoque, exercitatissimo Anatomico, idem accidisse videretur. Neque enim rem ita se habere, scripsit; ut scripturus fuerat, si vidisset; sed ad hunc modum: quod ligamentum D. Glissonius dicit capsulæ venam portæ & ductum hepaticum involventi continuatum. Deinde autem mihi illa Glissonii verba iterum consideranti, locumque propositæ connexionis attendenti, quæ vena umbilicalis ramo venæ Portæ continua est, subiit dubitare, an ista penetratio per hepaticam dum-

(a) Anat. l. 1. c. 14.

(b) Antrop. l. 2. c. 21. & Animadv. in Laur. c. 19. l. 6.

(c) Circ. Anat. Prog. 17.

(d) 3. in Tab. XI. l. 1. Anat.

(e) Synt. Tab. c. 4. Fig. 4.

(f) Anat. quart. renov. l. 1. Tab. 23. Fig. 1.

(g) Fig. 3. Tab. XI.

(h) Anat. Hep. c. 2.

(i) Anat. l. 1. tr. 2. c. 17.



dumtaxat fissuram; qua umbilicalis vena ad ramum venæ Portæ traducitur, sit fortasse intelligenda. Hac in dubitatione cum adhuc essem, te, Vir cl. legi sine ulla hæsitazione affirmantem, hoc

283 Ligamento substantiam visceris ad transversum fere digitum penetrari: hoc Ligamentum a tunica hepar investiente per totum suum tractum distingui; quam scilicet tunicam non jam producit, sed scindit, & perforat in trajectu suo, ut hepatis substantiam factâ hâc scissione trajiciens penetret, eique ideo firmiores sui radices internas implanter.

Tunc enimvero, mea seposita dubitatione, tibi que magis, quam mihi credens, scalpellum iterum in manum sumpsi, in tribusque jecinoribus quod frustra olim perquisiveram, invenire conatus sum. Verum mihi pro tua humanitate veniam dabis; si ne nunc quidem invenisse fatebor, quamquam & scalpelli, & oculorum acie connixus, nihil intentatum reliquerim, ut invenirem. Modo enim cultro a summo Ligamenti limbo deorsum per Ligamentum, ipsamque hepatis substantiam in transversum ducto, utramque sectionem præclaro sub lumine intentis oculis inspectavi, si forte pergere intra hepar Vinculum, quod subinde leniter alternatim trahebam, laxabamque, conspicerem. Modo cultrum secundum alterutrum Vinculi ipsius latus, lenta ac suspensa manu leviter sensimque abradendo, in subjectam jecoris substantiam deprimebam. Quid verbis opus est? his, atque aliis ejusmodi tentaminibus cum magnum tractum convexæ hepatis faciei supra fissuram dissecuerim, non modo Vinculum se per hepatis membranam trajiciens non vidi, sed contra luculenter vidi, cum prima illa instituta sectione, Vinculum, ut dixi, traherem, hoc se se utrinque in jecoris membranam dividens, in eamque faceffens; cum autem alteram secundum ipsum Ligamenti latus suspensa manu sectionem incepissem, tracto inter dissecandum in alterum latus Vinculo, perspexi albas, validas, parallelas fibras ex hoc in hepatis membranam passim dimissas.

Quæ cum ita sint; nisi tu doceas, quemadmodum membranam hanc videam per trajiciens Ligamentum dilcissam, in priorem illam dubitationem relabar necesse est, an forte Glissonii verba, quæ certe non ad totum Ligamenti ambitum tractumque pertinent, sed ad unum illum contrahuntur locum quo vena umbilicalis venæ Portæ ramo continua est, de parenchymatis jam ab ipsa natura per fissuram divisi penetratione sint accipienda. Hanc enim Ligamentum fissuram subit, & quamquam cum hujus pariete cohæret sæpe dextero, nonnunquam, ut vidi, sinistro, mox tamen ab eo pariete solutum, cum vena umbilicali ad illum usque ramum pergit venæ Portæ, ut ibi cum capsula, quemadmodum Glissonius docuit, connectatur.

285 6. Quod ad reliqua hepatis Ligamenta attinet, primum illud placet quod peculiare ad cartilaginem ensiformem Vinculum non agnoscis. Et mihi sane accidit, ut quotiescumque id quæsi, sic invenirem, ut quidam Anatomici universe docent, tu autem in nonnullis esse dicis, ut idem corpus ligamenti lati, absque distincta, quam tu delineas, productione, cartilagini immediate adnecteretur; nisi quod semel, idque in fœtu, ne hoc quidem illi nexum cartilagini vidisse memini. Illud quoque placet quod Sinistrum, & Dexterum jecoris Vinculum non omittas. Illud enim quotiescumque quæsi, semper inveni, ab ipsis convexæ, & sinistæ faciei jecoris posticis finibus exortum, quod cum aliquando diligentius inspicerem, longius fere quam latum esse vidi trianguli forma cujus totum latus superius, tres digitos transversos longum, a basi ad verticem usque peritonæo, diaphragma succingenti, neceretur, donec vertex ipse haud procul a superiore lienis sede cessaret. Dexterum quoque semper Vinculum deprehendi, membraneum pariter, firmum, nec sane angustum, nisi quod semel in fani alioqui hominis cadavere inven-

Morgagni Epistola Anat. I.

nire non potui, cui gibba hepatis facies magno ad posteriora spatio cum septo transverso, connatis utriusque membranis, arctissime a dextris connecta erat. Sed latus ipsum dexterum utriusque hepatis faciei, omneque illi fines quocunque vinculo nexuque carebant; ut in eo certe limbus dexter lobi majoris hepatis ad interna latera spuriarum costarum, medio pariter amiciente Peritonæo, per spatium sat latum ab Ligamento colligatus non esset. Quinimo, etsi haud raro vidi hoc Vinculum peritonæo affixum non modo alicujus dexterae ad ipsos hepatis fines spuria costæ, sed & muscutorum, his costis subjectorum, latera convestienti; haud raro tamen etiam vidi affixum peritonæo diaphragma amicienti, videlicet huic quoque, aut huic tantum regioni, sæpius a latere, nonnunquam prope vertebrae solum, atque unum modo, interdum quasi duplex, aut triplex, sæpe a limbo ipso profectum hepatis dextero, aliquando tamen potius a facie sinistra, aut etiam convexa, modo summæ & posticæ, modo imæ & antice jecoris parti amplius annexum. Quæ cum ita sint; ut facile agnosco, variis in variis hominibus locis dexterum hoc Ligamentum affigi; sic haud facile intelligo quomodo istud quod tu, Vir cl. in I. Tabula delineas, eo potuerit ubi diaphragma interjectum non esset, extendi, & ad interna latera spuriarum costarum, medio pariter amiciente Peritonæo, per spatium sat latum, ut tu quidem scribis, colligari.

7 Quod autem addis, te Ligamentum utrumque hoc jecoris, sinistrum, & dexterum, non tam in homine, quam in quocunque aliorum animalium genere majus, aut minus, angustius, aut vastius compertum semper habuisse; ego quidem, si bestias seponamus, quarum tot nempe sunt genera, ut nihil de ipsis universe affirmare audeam, imo in earum quibusdam neutrum Ligamentum vidisse me, sciam; ad tuas libenter observationes adjungam meas, ex quibus paulo ante indicatis colligere potes, mihi vix semel accidisse, ut Ligamentum dexterum in homine non invenerim. Censeo tamen, æquum esse, ut ambo aliis Anatomicis etiam credamus, ut Gerardo Blasio (a) qui duo hæc Vincula non perpetua esse, docuit, ut Isbr. Diemerbroeckio (b) qui sinistrum non semel de-fuisse, vidit, ut Doctissimo Fantono (c) qui haud aliter de sinistro videtur innuere, ut præsertim Gabrieli Falloppio (d) cujus nobilissimi Professoris verba, ob aliam quoque rem consideratione, aut certe examine non indigna, hæc sunt: Aliquando reperiuntur rami venarum a portæ trunco per hepar disseminati, qui ab extremo apice sinistrae fibrae ex hoc viscere egrediuntur, & per ligamentum, quo in illo latere hepar ALIQUANDO septo transverso jungitur, repentes, atque ipsi septo communicati, descendunt per posteriora ad dorsum usque, ibique junguntur sub pancreo cum quibusdam aliis venis ab eodem portarum trunco extra hepar abortis, & cæ. Atque horum observationes a nostris discrepantes, apud eos saltem qui præter perpetua, vix ulla attendunt, ejus rei, opinor, causa fuerunt, quam valde ipse demiraris, tam modicam apud nuperos Anatomicos de hoc ligamento dextero (ut pariter de sinistro) quo ad usum, & ambitum valde notabili, mentionem institui.

Quamquam, ut verum loquar, de sinistro non tam crebro quidem a nostris Anatomicis mentionem factam esse, video, quam ab iis qui ante demonstratum circuitum sanguinis scribebant, & nominatim; ut Columbium, & Piccolominum prætermittam, qui ipsi quoque ut perpetuum commemorare; a Vesalio (e), Valverde, Vidio, Platero, Bauhino, totque aliis qui Vesalii descriptiones, aut certe plures Iconismos retulerunt, in quibus sinistrum jecoris Ligamentum proponitur, atque indicatur. Attamen neque post Harveyum plures defuerunt Anatomici qui hoc Ligamentum dilerte verbis, aut non obscure Iconibus proposuerint, videlicet præter eos quos ipse

A 2

nomi-

(a) Comm. in Vesling. c. 4. (b) Anat. l. 1. c. 14. (c) Anat. Diss. 6. (d) Obs. Anat. (e) De hum. corp. fabr. l. 5. c. 7. & Fig. 18. aliisque ejusd. & 3. libri.



nominas, Bartholinum, & Verheyenium; Nathanael Highmorus (f) Daniel Sauvryus (g); & Cl. Alexander Pascolus (h), ex quorum numero haud omnino expungendi sunt ii quos supra laudavi, Blasius, Diemberbroeckius, Fantonus, multoque minus aut Cel. Ruyschius (i) qui & in sua quadam Tabula pinxit, & ceu perpetuum sic indicavit: *Ligamentum Hepatis tertium, quo, suo in loco, continetur Hepar*, aut Cl. P. Wolfartus (k) qui nomine *Ligamenti Hepatis validioris*, imo & *principalioris, quo mediante Diaphragmati annectitur*, semel, atque iterum post Ruyschium in iis delineavit Iconibus, in quarum prima, qua tu quoque alibi uteris, vereor, ne forte litteræ I, & K sic inter se locum permutarint, ut Auctoris observationem, remque ipsam vehementer obscurant.

109

Sed hoc omisso, si horum omnium verba, & picturas diligenter inspexeris; cum in quibusdam notabis fortasse nonnulla quæ ne ipse quidem undequaque probo, tum Diemberbroeckium animadvertes longe aliter ac tu, docentem, hoc Vinculum in brutis plerumque non inveniri, unde nonnulli Zootomici, qui cadavera humana rarius inspexerunt, ex illa brutorum sectione putarint, illud in homine etiam frequentissime deesse: cum hoc autem consentientem invenies Cl. Pascolum, qui idem Vinculum ordinario deesse in Brutis, confirmat.

887

8 De Ligamento autem dextero res non ad eundem modum se habet. Nam quod tibi videtur cum Galenus metipso lib. 4. de usu partium c. 14. *ligamentum huiusmodi præcise adnotavisse asserendo*: „Hepar costis etiam mendosis jungi“, tum Eustachius suis in Tabulis idem ligamentum amplissime demonstravisse; primum Galeni verba hæc esse invenies, quæ, ut par est, & Andreas Lacuna (l) ipse distinxit, proferam: *Magno præterea alio vinculo hepar phrenibus: atque aliis quibusdam membranosis & parvis, costis nothis connexum est*; in hæc autem Casp. Hofmanni commentarium leges: *Vulgo dicunt, hepar duo habere vincula, dextrum (quod suspensorium dicitur) & sinistrum, quibus mediantibus diaphragmati, & ex parte costis spuris connectitur*. Horum Gal. meminit illis verbis „Uno quidem & maximo & cat. „Et mox „Magno præterea alio & cat. „ex quibus conjunctis præterea cum iis quæ Bauhinus (m), alique de connexionibus hepatis cum spuriarum costarum cartilaginibus scripsere, intelliges facile, non posse videri omnibus ista Galeni verba de eo quod tu ais, Ligamento dextero esse præcise accipienda. Quod vero ad Tabulas Eustachii attinet, hoc est ad Figuram illam IV. Tabulæ XI. qua Figura non modò hoc Ligamentum sedule, sed & sinistrum præcipue videndum præberi, non dubitas; equidem ultro fatebor, me quoque olim primo aspectu idem credidisse; verum ubi paulo attentius considerare Figuram cœpi, vidique prope ea quæ credebam, vincula, præsertim autem prope dextrum, non obscura indicia sublata hepatis membranæ, vehementer suspicatus sum, & adhuc suspicor, nisi illa quidem indicia eo forte spectent ut intelligamus, id hepar iis in locis cum diaphragmate connatum fuisse, non illa fortasse, Ligamenta, sed elevata membranæ jecoris esse partes ad eundem videlicet modum ad quem hanc a te in tua Tabula ista I. ad litt. R, & extimam ventriculi tunicam in superiore proxima Tabula ab Eustachio videmus sejunctam fuisse atque elevatam; imo ad quem in ista ipsa de qua loquimur, Eustachii Figura IV. exterior vehiculæ tunica separata videri potest, & in latus dextrum reducta.

886

Quæ si tuum animum suspensiones occupassent; non dubito quin pleraque istic omisurus fuisses, ubi Eustachiani Interpretis, Summi Viri, & Fautoris utriusque nostrum, dum viveret, amantissimi Jo. M. Lancilii diligentiam desideras

in duobus istis Vinculis indicandis, præsertim cum usque adeo occupatum fuisse, atque illas Adnotationes in maximis temporis angustiis effundere coactum esse, non ignorares. Veruntamen ut Ligamentum jecoris dextrum Eustachio fuisse notum, ex ea Figura pro certo adhuc non affirmo, sic ex libro quem postea emisit de Renibus, sine ulla dubitatione statuo; cum in eo (n) hæc scripserit: *alligatur autem dexter renis tum septo transverso, tum jecori: illi prope eam regionem, in qua jecori connascitur, nec procul ab eo vinculo, quo hepar in dextra parte, eidem septo annectitur*. Neque idem Vinculum ignoravisse videtur Piccolhomius (a), qui ab hac, inquit, membrana jecoris duæ aliæ membranæ, pullulantes, altera dextra, altera sinistra, jecoris partes dextram & sinistram vincientes, diaphragmati committunt, ut utraque jecoris latera suffulta sustineantur. Gerardus autem Blasius (b) etsi hoc Ligamentum, ut supra dictum est, non perpetuum esse, tradidit; diserte tamen sic proposuit: *Ligamentum membranofum dextram hepatis partem cum dextri lateris costis spuris seu parte Diaphragmatis dextri lateris connectens*. Neque vero omittendus est Bidlous (c), qui mihi quidem videtur Vinculum hoc dextrum pictura expressisse, quamvis & sculptores Figuram inverterint, & ipse in Explicatione illud eo pertinere, scripserit, quo sane haud video quipoterit pertinere. A Verheyenio (d) autem, quem ais unum fortasse ad hæc tempora aliquam ligamenti huiusmodi dextri obiter instituisse mentionem, certe in loco, hoc est inter reliqua hepatis Vincula, neque pauca prorsus, si cum iis quæ de illis aliis scripsit, comparentur, de hoc Ligamento verba sunt facta. A dextris, inquit, sub costis spuris hepar eidem septo transverso alligatur per ligamentum aliud latum & tenue, ab externa hepatis membrana, vel si mavis a peritoneo ubi diaphragmati applicatur productum, quod aliquando geminum reperi. Tertium huic simile est quo ad substantiam, & robur. Obsecro te, Vir cl. ut videas, num tu post Verheyenium, in I. Editione Historiæ tuæ (\*) plura dixeris? Sane hepatis connexionem tantum memorasti, dextrorsum cum variis peritonæi areis per plura, sed brevissima stamina ab ipsamet succingente tunica producta. Sed in Editione quoque hac nova istis verbis hæc tantum addis: ea stamina esse in unum coadunata, & hoc ligamentum dextrum, seu quantum, aliis quidem brevius esse, sed latius, & cum sit in omnibus animalibus obvium, & necessarium, a nemine hucusque adnotatum te legisse. Quæ quidem omnia cum secundum ea quæ supra sunt scripta, amplius examine digna credam; tum vero præsertim istud ultimum non video quemadmodum cum iis consentiat non modo quæ ego, & tu ipse adnotavimus, sed ne cum eo quidem quod in utraque Editione eodem in loco scribis, ipsorum antiquorum descriptionibus nos debere etiam quadruplicem hepatis connexionem cum attiguis partibus, quo in numero istam ipsam ponis quæ habetur dextrorsum. Quin etiam infra cum scribis: *Anatomicorum aliquos geminum interdum ligamentum huiusmodi dextrum, interdum etiam multiplex esse tradidisse*, necesse est, ut vel præter Verheyenium qui geminum, alios agnoscas Anatomicos qui etiam multiplex esse docuerint.

17

895

9 Suspensorio autem Ligamento, quod & Bidlous (e) ait *Venæ Portæ vaginali Tunica a latere quo ei Umbilicalis Vena adjacet, canalique Venoso Ligamenti munus subeunti, validissime connecti*, hepar quasi validâ zonâ præcingi, fateor, sed multo in lima facie, quam in convexa, angustiore, integrâ quoque, nisi capsula interventus obstaret.

888

Cum eodem pariter Ligamento Ligamenta alia, ne excepto quidem toto, ut ego intelligo, Ligamento umbilicali, continua inveniri, scio, ut

(f) Corp. hum. Disquis. l. 1. P. 3. c. 1. (g) Anat. Ration. c. 9. (h) Il Corpo Um. l. 1. P. 4. c. 5.

(i) Theat. IX. Tab. 4. Fig. 1. G. (k) Eph. N. C. Cent. V. Obs. 1. (l) Epit. Gal. Oper.

(m) Theatr. Anat. l. 1. c. 44. (n) c. 13. (a) Anat. Prælect. l. 2. l. 17. (b) Comment. in Vesl. c. 4.

(c) Anat. hum. corp. Tab. 37. Fig. 1. lit. F. (d) Anat. l. 1. tit. 2. c. 17. (\*) Part. l. c. 6.

(e) loc. cit.



ut propterea quodammodo verum sit quod Riolanus (f), ut tu etiam animadvertis, censebat, fere tantum unicum Ligamentum jecoris apparere.

Hanc tamen a suspensorio ligamento, tamquam a prima origine, eorum propagationem esse, in variisque hominibus non variare, hæc vero ejusmodi sunt, ut sine aliqua hæsitatione probare non possum. Primum namque ista posteriora, quæ ut tu recte animadvertisti, Cel. Fantonus, alique memorant, jecoris Ligamenta aliquando an sint, nedum an cum suspensorio Ligamento continua sint, non licet affirmare cum videlicet totos istos in quibus esse consueverant, convexæ & sinuæ faciei jecoris fines, longe lateque diaphragmati connatos deprehendimus, quod in nonnullis, neque, ut videbatur, a morbo, observavimus. Deinde ut cum Vinculo Suspensorio continua sint; num ex illo tamen hæc Vincula, an ex his illud propagetur, ita incertum est, ut quamvis alterutrum facilioris doctrinæ gratia & de his, & de aliis haud dissimilibus continuis membranis dicamus, utrumlibet tamen, imo si verius loqui velimus, neutrum tueri nobis liceat, quando videlicet post Hippocratem (g) qui olim docuerat: *principium corporis nullum esse, sed omnia similiter principium, & omnia finem; circulo enim scripto principium non reperiri*, facile hac ætate ponimus, non modo, quod tu ais, *membranas omnes majoris usus in animali, sed membranas cunctas in primordiis aque fuisse congenitas*, quamvis non æque iisdem temporibus explicatas. Igitur cui membranæ quæ membrana continua sit, scire & licet, & oportet; & interdum etiam utile est. Hoc autem intelligentes, quærere possumus, an ventris visceribus tunicam extimam peritonæum largiatur, sive immediate, ut in urinaria vesica, renibusque videmus, sive ad ea per vasa perductum, sive etiam per ligamenta continuatum; quæ ligamenta, quod ad splenem attinet, num solæ, eaque dispersæ fibrillæ sint, ut tu scribis, *umbratilem cum peritonæo connexionem* efficientes, amplius censeo esse quærendum; mihi certe aliquot in cadaveribus in quibus diligentius quæsi, solæ fibrillæ visæ non sunt.

10 Illuc jam venio, ubi obliquæ, non rectæ in Hepatis Iconibus trunci cavæ habitudinis genuinam rationem, hætenus fortasse non investigatam exporrigis. Primum non dubitas, quin is truncus ab iliicis ad usque latus dextrum auriculæ dextræ cordis directe, & in homine verticaliter ascendat, facto vix quodam flexu ante introitum in auriculam: cæterum directe progredi per hepar, & diaphragma, neminem præterire; constare autem hanc directam productionem, si truncum hujusmodi venosum cum dicta auricula, & corde a ventris visceribus, & jecore præcipue, expeditum, tabulæ apponamus, & demonstramus. Me vero, quod pace tua dixerim, ista præterit Venæ Cavæ directæ progressio, non quod cum expeditam Anatomici in tabula collocant, non ipsis proclive sit ab Iliacis venis ad cor usque directam ostendere, sed quod ego istiusmodi habitudines vasorum numquam censuerim e suis sedibus depositorum, in tabulis; sed suis in sedibus hærentium, in cadaveribus esse quærendas. Itaque cum istam de qua sermo est, nuper diligentius inquirerem, mihi certe accidit, ut venam Cavam deprehenderem ab eo fere loco ubi emulgentes excipit venas, in dextrum latus deflectere, in idque magis magisque, donec hepar attingeret, inclinare sic ut non minus priorem suam directionem, quam magnæ arteriæ societatem omnino defereret, mox autem in obtusum angulum si non in ipso jam diaphragmatis trajectory, certe haud ita procul ab hoc inflexam, sinistrorsum ad auriculam cordis dexteram inclinari.

Quæ cum perspicerem, mirabar, illorum neminem, quod ego quidem meminisse, qui de Morgagni Epistola Anat. I.

circuitu sanguinis, aut post hunc inventum scripsere, has maximæ venæ inflexiones commemorasse, adeo, ut ego opinor, ad eum circuitum juvandum pertinentes. Quod enim in ductusthoracici, imò in spermaticarum, & mesaraicarum venarum insulis, quas vocant, efficiendis ab Sapientissimo Conditore spectatum credimus, ut chyli, ac sanguinis ascensus per plana, ut loquuntur, inclinata facilius foret, idem in hac quoque vena semel, atque iterum inflectenda videtur esse spectatum eo potissimum in loco ubi amplitudine jam sua, ingentique copia sanguinis sursum convehenda laborat. Sic enim huic & facilius est ascendere, ut indicatum est, neque tam directe premitur aut ipse ab eo qui jam ascendit, aut ab ipso is qui ex inferiore trunco est ascensurus. Verum ut hæc causæ recentioribus faciles, & apertæ sunt; ita res ipsa minus, quam vetustioribus Anatomicis videtur cognita, aut certe perpenfa. Quamvis enim Verheyenius in quibusdam Figuris, in eaque (a) præsertim qua venæ Cavæ distributionem proposuit, id inter A, & D D sic satis delineavit; non tamen memini, quod ibi pictura indicavit, ubi verbis exposuerit. Thomas autem Bartholinus (b) ne id quidem pinxit, sed retenta non sine additis erroribus (ut ubi venæ sine pari in Cavam fines multiplicavit) Veslingii Figura (c), istam nobis quam tu, Vir cl. inculcas, ab iliicis venis in thoracem usque directionem, istumque verticalem ascensum venæ Cavæ proposuit. Contra, antiquiores Anatomici, iique præsertim qui in hoc Patavino Gymnasio ante Veslingium docuerant, ac nominatim Andreas Vesalius (d), & Hieron. Fabricius (e), totque præterea Clari Viri qui Vesalii Iconibus sunt usi, ejusdem venæ curvaturam evidentius multo, quam Verheyenius, delineaverunt, pluresque eorum de hac illius obliquitate non omnino siluerunt, ut Vesalius idem (f), Platerus (g), Bauhinus (h), atque alii quos sciens omitto. Sed inter eos qui propriis delineationibus Rem Anatomicam illustrantes, hanc obliquitatem pinxerunt, procul dubio Eustachius præstitit Tabula XXV. qua cum ipsam præclare ostendit, tum hæc suis esse in sedibus spectanda, docuit; non expedita, tabulæ esse apponenda, quæ res facile Veslingio, & qui sunt eum secuti, imposuit, multoque iis magis qui, ut vulgo in administranda anatome fieri solet, istum qui flexuosus est, venæ tractum dum plura in segmenta dividunt, seorsum singula cum renibus, cum jecore, cum corde servanda, hoc ipso faciunt, ut quos integer, suæque in sede flexus ostenderet, non modo hinc detractus, sed in frustra concisus, ostendere amplius non possit. Et quamvis illud segmentum quod cum hepate relinquitur, oblique positum spectetur; tamen neque primam illam inclinationem a sinistris ad dexteram, sed oppositam dumtaxat, ideoque nullum angulum, nullam curvaturam ostendit; neque adeo prohibuit, quominus ingeniosus, ut es, Anatomicus rectam nihilominus, & verticalem venæ Cavæ esse habitudinem, censes, credens nimirum, illam quam unam ibi videmus, venæ obliquitatem, hepate quidem, ut in tabulis fieri solet, in transversum disposito, nobis apparere, sed eodem in naturali sede positumque locato, nullam esse, hoc est venam Cavam in viscere secundum naturam obliquo, non oblique ipsam, sed recte esse dispositam. Quamquam, ut verum dicam, quantacumque ista hepatis secundum naturam obliquitas esset; tanta certe esse vix poterat, ut venæ Cavæ truncum a te ipso delineatum, si nullo prorsus addito flexu in directum deorsum produceres, non in dextrum potius incidere ventris latus, quam in reliquum truncum venæ Cavæ, lumborum vertebri insidentem, videres.

11 Sed de naturali jecoris positu, & sede, neque a præ-

(f) Animadv. in Bartholini l. 1. c. 14. (g) De loc. in hom. (a) Tab. 39, Fig. 1. (b) Anat. quart. renov. libell. 1. (c) Tab. 2. c. x. Fig. 1. (d) De corp. hum. fabr. l. 3. ante c. 6. (e) De Ven. Ostiol. (f) loc. cit. c. 9. (g) De corp. hum. struct. ubi de Vasis. (h) Theatr. l. 1. c. 20.



891 præfenti instituto alienum, neque inutile est pauca adjicere. Tu quidem *Tabula V. Tom. I. Anat. corp. hum. ult. edit. Cl. Verheyenii*, ut in hac hepatis depromenda naturali sede accuratissimæ, *totum defers*. Me autem, ne id prorsus faciam, morantur plura. Primum quæ Verheyenius ipse sub ejus *Tabulæ Explicationem* Lectores monuit, illudque potissimum: *ligamentum hepatis umbilicale in eadem Tabula esse solito longius*; unde consequitur, hepatis limbum ad fissuram quam id ligamentum subit, plus solito ab umbilico distantem repræsentari. Deinde aliorum ante Verheyenium excellentium Anatomicorum *Tabulæ*, quarum pleræque easdem partes ostendentium jecur sursum versus minus obliquatum commonstrant. Novissime inspectiones meæ, quæ ut minime sinunt iis assentiri qui hepar vix oblique positum pinxere (vidienim semper, cum animum adverti, sic positum, ut ima ejus ora oblique a dextris ad sinistras manifestissime ascenderet) ita vicissim faciunt; ne mihi istam Verheyenii *Tabulam* pro Polycleri regula habere liceat, quando; ut eam ligamenti umbilicalis longitudinem omittam, & hoc tantum dicam; haud raro cadavera inspexi in quibus hepar vix paucillum infra costas a dextris se ostenderet; nonnulla etiam vidi in quibus sub ensiformi cartilagine dumtaxat appareret. Quod autem istius, a Verheyenio pictæ *multum obliquæ locationis* hanc causam proponis, *quod viscus hoc præcipuam diaphragmatis concamerationem implendo, lobus ejusdem minor, seu sinister versus summitatem fornicis, seu centri diaphragmatis notabiliter elevatur, ideoque multo altius confidet, quam lobus major, seu dexter*; id esse quidem præcipue assentiar, ubi & diaphragma ad eum se habeat modum ad quem passim se habere, putant, & dexteri jecinoris Lobi convexa facies multum extuberet; non æque autem, si contra. Quæ ut plane intelligi ambo possint; de altero primum dicam.

12 Magna quidem in externis nostrorum corporum partibus occurrit varietas; sed internæ quoque, si diligentius animadvertamus, haud raro non exigua inter se discrepant varietate; unde ut Naturæ in iisdem alioqui partibus non omnino similiter procreandis immensam ubertatem magis admirari, ita, hinc etiam, minus mirari eam tantam licet, quæ inter varios sive sanos, sive ægros homines propensionum, virium, actionum, passionum diversitas observatur. Sed quid varietatis in aliis visceribus, & partibus a nobis observatum sit, & alibi scriptum est, & alias proferetur. Nunc de varia dumtaxat figura jecoris illud ex parte confirmabimus quod generatim Riolanus (i) scripsit, ubi non diffiteor, inquit, *Hepatis figuram in plurimis variare*. Inspice istas, quæso, quas supra etiam memoravimus, Eustachianas jecoris Figuras (k). Nonne, si ambitum spectemus, quoddam quasi triangulum referunt, cujus basis ad eum limbum sit quem a dextris sursum ad sinistras ferri, diximus? Aliorum deinde inspice, ut Verheyenii, atque adeo tuas; nonne ad ellipsis potius quam ad trianguli formam accedunt? Egregie omnes; nam omnes quod vidistis, delineastis. Et si enim jecur ea sæpe figura est qua a plerisque pingitur; sæpe tamen ea quoque vidi quæ ad IV. Eustachii Iconismum accederet, semel etiam ea qua in III. Iconismo est, aut saltem apparet. Sed quod nulla, quantum memini, delineatione satis adhuc expressum vidi, illud est quod maxime ad propositum hoc nostrum attinet, nimirum etsi convexa hepatis facies in quibusdam segmentum illud ovi referat quod a Glissonio (l) describitur, ac delineatur; sæpe tamen utrumque lobum non in eandem ovalem superficiem conformari, sed majorem lobum in cujusdam quasi hemisphærii modum plurimum attolli, ac protuberare, cujus superficies ubi ad suspensorium Liga-

mentum pervenit, repente in longe humiliorem, atque planiorem minoris lobi superficiem substat, ac deprimatur. Sic nuper de quinque in quibus id paulo attentius observare volui, sanis jecinoribus, unum quod Glissonius; tria quod ego proposui, repræsentarunt; quintum media quadam inter utramque conformationem ratione se habuit. Erat autem illa hemisphærica, & quasi natiformis majoris lobi protuberantia eo manifestior, quo magis hepar ab suo illo antico limbo recedebat, eratque eadem tanta, ut ad eam quæ semper esse vulgo creditur, diaphragmatis figuram minime se posset accommodare.

13 Itaque in quo illam homine maximam vidi (fuit autem vir apoplexia sublatus) deposito diligenter hepate, animadverti diaphragma qua protuberantia hepatis sita fuerat, in foveam insignem conformatum ei protuberantiæ figura, & magnitudine respondentem, ut ibi a dextris ipsum diaphragma altius esset, quam in medio, nedum in tota sinistra parte: quamobrem etsi hepatis lobus major usque adeo extuberabat; tamen ejus limbus non modo infra costarum cartilagine non apparebat, sed paulo supra infimam earum oram positus erat. Neque vero morbo si aliquid occurrit aut in hepatis nexibus, aut in subjectis ipsi visceribus, quorum videlicet mole, aut distentione, quæ nullæ erant, eo fuisset vi compulsus, ubi a nobis inventum est. Quæ cum sedulo observassem, tum recordari cœpi, me alias quoque septum transversum vidisse altius a dextris quam a sinistris, in thoracem curvari, tum hujus rei causam, quodcumque est, in illiusmodi figura, & sede jecinoris ponendam esse, conjicere. Et quanquam legisse haud memini qui idem in septo transverso adnotaverit, præter Cl. Cantium (m), qui se diaphragma in dextro latere non semel observavisse, scripsit, paulo magis *Pectus introtrusum quam in opposito sinistro latere*; tamen non dubito, quin tu quoque, Vir cl. si animum adverteris, tuis possis utriusque nostrum observationes confirmare, simulque videre, num lobus hepatis minor semper tanto altius confideat, quam lobus major. Hæc cum sua in sede observabis, tum alia animadverti a te velim, de quibus protinus verba faciam.

14 Hepar a diaphragmate per sua Ligamenta ea ratione suspendi, ut cava hujus visceris pars potius inferius, quam posterius respiciat, & per anatomen notum est, & diserte a te confirmatur. Velim tamen videas, num anticus hepatis limbus ita ipse positus sit, ut quæ ei proxima est cavi jecoris particula, non posterius potius spectet, quam inferiora. Nam si posterius potius spectat, illa certe in postica hepatis facie censenda erit, atque illa eadem cum ipsius hepatis pars ima sit, idest qua nulla inferior est; consequetur sane, ut cum aliquid in regione, aut facie ima, & postica hepatis esse, dicemus, de ea particula intelligamur. In hac vero num fovea pro venæ Cavæ tractu excavata sit, tute vides. Quod si pro postica hepatis regione, seu facie illam dumtaxat partem hepatis velimus intelligi quæ dorso, quam pectori vicinior est, illam, inquam, cujus Vesalius (n) voluit delineationem proponere, & cui altera, hepatis, sive antica pars opponitur, quæ, resectâ, ut apparere melius posset, diaphragmatis portione ab Eustachio (o) picta est; si illam, inquam, partem velimus intelligi; tum vero a te seu rem ipsam, seu Figuras inspiciente, etiam atque etiam peto, ut hæc duo componas: Sanguis asportatur e ramis in truncum cavæ, trajicientis per hepatis foveam, ad hoc ideo opus in regione ejus ima, & postica expresse excavatam, & Introitus in hepar ramorum cavæ ad posticam, & superiorem ejusdem visceris faciem conspicitur. Si enim hoc alterum verum est; quomodo fovea ad hoc opus excavata, in regione illa hepatis ima, non etiam superiore, excavata est? aut si in superiore etiam exca-

(i.) Animadv. in Laur. c. 19. l. 6. (k) Tab. xi. Fig. 3. 4. (l) Anat. Hep. c. 10. (m) Imper. I. Anat. Tab. IV. (n) l. 5. Fig. 18. (o) Tab. IX.



excavata est; cur in *ima*, non etiam superiore excavata esse dicitur? Animadvertas hic oportet, quo tua ista verba spectarent, cum *posticam*, & *superiorem* hepatis faciem scripsisti; sic facile jam quid mihi velim intelliges, neque te de ea regione foveæ, quæ saltem supra *imam* regionem foveæ sit, sed de ea regione hepatis ibi scripsisse cognosces quam supra iis verbis descriperas: *duas regiones hepatis, gibbam scilicet seu convexam, & cavam seu concavam, primam superiorem, & diaphragmati contiguam, alteram inferiorem, quæ ventriculo, aliisque abdominis visceribus obvertitur.* Itaque has duas regiones inter se opposuisti, cum ea scriberes de quibus loquimur: *Quoniam autem introitus in hepar ramorum cavæ ad posticam, & superiorem ejusdem visceris faciem conspicitur; Ingressus autem portæ, ejusque propaginum ad ejus sinistrum latus, seu concavæ regionis centrum; --- sequitur necessario ramorum utriusque venæ intra hepar decussatio.* Sed de illa fovea, & hisce venis infra fortasse etiam scribam. Nunc ad alias figuræ hepatis varietates redeamus.

15 Vesiculæ fellis particulam hepar a convexa facie insipientibus, non (quod tu credere videris) semper apparere, & Verheyenius (p) admonuit, & III. illa quæ supra memorata est, Figura (q) Eustachii confirmat. Quod autem plerumque appareat; non modo ipsius longitudini, verum etiam limbo hepatis tribuendum est, qui ad eum locum plerumque sursum sinuatur, & deficit minus in his, in aliis magis sic, ut in quodam cadavere alteram fissuram in convexa facie repræsentaret, ejus per similem quam proxime vena umbilicalis subibat, in alio autem limbi curvaturæ non ibi solum, sed alibi etiam conspicerentur.

Cæterum quæ ad eum locum, ut dixi, plerumque est, eodem pertinere, crediderim, quo sinus ad excipiendam Vesiculam in cava jecoris facie excavatus, videlicet ne illa quo tempore a subiectis visceribus jecinori apprimatur, plus fellis quam plerique opus habeant, in intestinum eructaret, si nimis undequaque comprimeretur.

16 Quod denique scribis, *correspondere hanc Tabulam I. Cap. VI. Part. I. Historiæ tuæ*; optandum quidem hoc esset; sed illi Capiti, præsertim quod ad Ligamenta attinet, sive in nova, sive potissimum in prima Editione legatur, vereor, ut hæc Tabula satis respondeat. Nam ut de Ligamento dextero sileamus; certe ibi peculiare *cum xiphoide cartilagine* Ligamentum probas, neque præter hoc, ullum aliud agnoscis per quod hepar *sinistrorsum* nectatur.

17 Sentio, me super I. Tabula & plura, & fufius scripsisse quam mihi ab initio propositum fuerat. Quare de sequentibus Tabulis vel pauciora, vel pressius scribam. Et primam in II. illud probo quod eos sequaris qui humanum etiam hepar in lobos dividunt. Etsi enim non ulque adeo se juncos habet, ut bestiarum plures; tamen sic satis habet distinctos: & si cerebri singula hemisphæria in lobos dividimus, quamvis superiore facie nullam exhibeant distinctionem lorum; quanto id magis servare possumus in jecinore in quo ea distinctio, facie etiam superiore, semper a suspensorio Vinculo, sæpe etiam a magis, ut diximus, extuberante lobo dextero indicatur. Num tamen facies hepatis inferior tam alte in lobos tota divisa sit, & aperta, ut in hac Tabula, aliisque ostenditur, ibi videbimus, ubi loquimur de IV.

18 Quod ad extantias, seu eminentias attinet in hac inferiore facie hepatis occurrentes, primum dubito, num istam cui littera E inscripta est, antiqui vocarint hepatis portas. Hippocrates enim, vel potius vetustissimus Auctor libelli de corporum refectione, non unam, sed duas indicat prominentias quas antiqui portas vocabant: *Hepar*, inquit, *apices habet duos, quos portas appellant, in dextris Morgagni Epistola Anat. I.*

locis sitas. Deinde magis etiam dubito, num illa *productio* quam littera G imposita indicas, ea sit quæ, apud Antiquos ab aliqua figuræ similitudine nominibus variis insignita est, nunc *gladii*, aut *cultri*, nunc *aurigæ*, pariterque num *minores* istæ *protuberantiæ* per litteras KK a te, Vir cl. definitæ, illæ sint, ab Antiquis ob aliquam figuræ similitudinem nominibus *foci*, *menstruæ*, & *unguis* confusim indicatæ. Nam ejusmodi nomina sive Haruspices, ut Rufus Ephesius (a), sive Medicum aliquem, ut Theophilus (b) scripsit, auctores habeant, multiplicibus jecoris fibris, hoc est lobis, ut multis in bestiis ad sacrificia olim, & ad anatomen adhibitis occurrunt, divisim fuerunt imposita, quod laudatorum Scriptorum verba indicant, & Vesalius (c) censet: neque a figuræ similitudine petita, sed vel ab attributis hepatis facultatibus, ut diserte apud Theophilum explicatum est, vel fortasse etiam, idque apud Haruspices, ab iisdem commentis secundum quæ de capitibus (sic enim appellabant) duobus jecoris domesticum unum, hostile alterum vocabatur, quod memorat Riolanus (d), & prolato Lucani loco, exponit Stuckius (e). Quid? quod Riolanus idem, *unguis* nomen, ut librariorum mendum expungit. Quid? quod non ejusdem lobi, ut docet Theophilus, *culter*, & *auriga* nomen erant. Quid demum? quod vel Ruffi ipsius ætate quæ loca in humano jecore hoc, vel illo istiusmodi nomen vocanda essent, definiri non poterat: *in homine quoque, sed obscura*, inquit, & *incerta reperiuntur: ad nullumque medicinæ profectum necessario nominantur.* Veruntamen ut ego dubitationum mearum causas profero, sic minime improbo quod hæc quoque nomina memoraveris, ne quid eorum quæ ad argumentum spectabant tuum, prætermitteres. Quæ cum attendo, nequaquam vereor, ne tanquam minuta, aut inutilia ulla horum quæ scribo, contempnas, quippe quæ ad tuum argumentum omnia videas pertinere.

19 Spigelii Lobulum (sic enim ego quoque appellabo, etsi non ignoro, ante Spigelium fuisse a Vidio (f) saltem descriptum nomine *parvulæ fibræ*, quasi *nucis* & *cat.* ante Vidium autem ab Eustachio delineatum) Spigelii, inquam, Lobulum recte doces varia sæpe figura inveniri: quem haud raro valde dissimilem illius comperi cujus magna ex parte per similem alias deprehenderam, accuratæ Eustachii (g) delineationis, ut mirum tibi videri non debeat, si ingenue confitear, me non satis meminisse, an unquam ullius istorum quos in hac, aliisque Tabulis exhibes, consimilem viderim. Etsi enim aliquando vidi ejus similem quem Tabula IV. proponis; tamen hic etiam, quamvis non ita, ut reliqui, extuberans totus, haud multo aliter quam ipsi, finitur. Ego vero ita solitus sum invenire, ut a dextris in isthmum plerumque desineret (nonnunquam enim ne vestigium quidem isthmi fuit) isthmum autem neque ita crassum, neque ita deorsum obliquatum, ut tuæ omnes Tabulæ ostendunt, sed ad Eustachii delineationem propius sane quam sæpe accederet reliquus lobulus, accedentem; tantum abest, ut secundum meas quidem observationes, ista ejusquam exhibes, *habitus communior sit*. A sinistris vero invenire consuevi in angulum fere desinentem qui interdum triangularis pyramidis verticem refert, alias magis compressus est; solet autem ab reliquo hepatis corpore liber & solutus antrorsum versus extare.

20 De Ligamentis supra a nobis scriptum est satis. Hic illud tantum addemus, Sinistri positum una eademque opera in II. hac Tabula indicari potuisse, si non ita sursum, sed in transversum fuisset dispositum. Nam inferius quidem Ligamentum quod vena olim fuerat umbilicalis, in adulto apertum pingi non debuisse, ita manifestum est, ut omnes, non modo ego, hoc inter Operarum

(p) Anat. l. i. tr. 2. c. 17. (q) Tab. XI. (a) De corp. hum. Part. appell. l. i. c. 28.

(b) De corp. hum. fabr. l. 2. c. xi. (c) De corp. hum. fabr. l. 5. c. 7. (d) Anthropol. l. 2. c. 21. (e) Sagar. Descript.

(f) De Anat. corp. hum. l. 5. c. 7. & Tab. 64. Fig. 12. (g) Tab. XI. Fig. 4.



errata sint relaturi: cui similia in alias quoque Tabulas irrepperunt, ut cum in III. *introitus in cavam Venosi Canaliculi h*, in VIII. autem Tabulæ Figura II. illud idem umbilicale Ligamentum Faperra sunt delineata. Nimirum omnia non possunt animadverti: quemadmodum; ne a vena umbilicali recedam; cum supra scripsisti; hanc a

893

vena portæ fere in medio hepatis excipi; aut minime ipse animadvertisti, nisi aliquid adderes, unde constaret qua ratione istud medium intelligeres, posse ita intelligi, ut verum scribere non videris; aut illud addidisti tu quidem, sed a Typographo omissum est.

21 De Canali Venoso nihil dico, nisi quod ut in adulto, æquo crassior videtur. De Vena autem Portæ, & Cava super aliis Tabulis sermo erit.

Nunc de Arteria Hepatica scire aveo, quinam ejus rami multo maximæ istius jecoris parti invirent? Lobus enim sinister hepatis cum dextero comparatus, sane parvus est & crassitudine, & ambitu, ut interdum vel in Eustachianis Iconibus aliquanto minorem desideraverim. Tu igitur, Vir cl. qui id minime ignoras, qua, obsecro, causa cum utrumque istius Arteriæ ramum, & omnes fere propagines monstres versus sinistram lobum directas; vix harum unius partem, eamque exiguum ostendis se dextrorsum versus insinuantem, tantæ isti moli majoris lobi prospecturam? Hoc certe ne cum tua quidem convenit Tabula IV. in qua totum dextrum Arteriæ ramum, sinistro sane majorem, in lobum dextrum immittis. Porro illa de qua modo dicebam, propago quomodo certo in loco qui haud procul est ab 2, ita repente dilatatur, ut origine sua multo amplior sit? Po-

898

stremo quod omnes Arteriæ hepaticæ furculi denique in venæ Portæ, ductuumque biliariorum tunicis, & capsulæ substantia definant, libenter crederem, nisi ego, ut alias scripsi, quod Cel. Ruyschius, vidissem, ejus videlicet Arteriæ ramusculos ad membranam quoque investientem hepar pertinentes, per eamque repentes: quarum similes observationes habuisse audiavi Joannem Loquet, qui atro humore injecto, ejusdem Arteriæ finem non modo in ea membrana, sed & in hepatis Ligamenti invenit. Ejus *Disputationem*, quæ de Arteria quidem Hepatica inscribitur, sed alia quoque complectitur æque ad argumentum tuum pertinentia, minus miror me nondum vidisse, cum tibi ipsi neque in I. neque in nova hac *Historia Hepaticæ* Editione notam fuisse, animadvertam.

22 Glandulas conglobatas, cavo hepatis adherentes; scribis, capillamenta venosa propria in ramum portæ magis attiguum transmittere. Si scriberes in radicem portæ, ut intelligere possemus de furculo quopiam ad venas cysticas pertinente; res sane esset expedita. Sed in ramum qui arteriæ videlicet vices gerat, venosas radículas influere, & in eum canalem ex quo sanguis in capillamenta urgeri debet, sanguinem ex quibusdam capillamentis inferri, atque admitti, videtur sane vel apud te, Vir cl. line dubitatione scribi non posse, qui hoc speciale privilegium venis cysticis, quæ in ramum tamen venæ Portæ non influunt, servasti. Veruntamen quod injectiones sine ambiguitate docebunt, hoc sequar.

1087

23 Cystis felleæ, sedes, ut tot alia in hepate vidimus, varia sit in variis, necesse est. Ne enim alias observationes memorem; Eustachius (b) certe qui illam semel, atque iterum pinxit, utrobique magis a fissura hepatis distantem exhibuit, quam tu in ulla de tot Tabulis exhibueris. Sed hoc mitto. Neque magis mihi in præsentia quidem dispiciendum existimo, quem ad angulum Meatus cysticus cum hepatico Ductu confluat; quamquam ego ad acutum angulum a parte hepatis solitus sum invenire, nec fere video, si VII. tuæ Tabulæ Figura II. in quodcumque cavum hepar de tot quæ pingis, transferretur, quænam apta

ei Vesiculæ sedes contingeret. Verum aut illo ipso, aut quocumque alio ex tot quæ delineas, cystici, & hepatici canalis confluxibus in quodcumque a te pictum cavum jecur translato, jam attendere illa præstat quæ in hujus II. Tabulæ Explicatione, & recte quidem, doces, *Ductum communem* a te exhiberi, naturalem in hac figura ad duodenum inclinationem, & directionem quidem præseferentem, sed sinistrorsum reflexum. Jam igitur fingamus, Ductum Communem, & cum hoc Hepaticum, & Cysticum a sinistris quo tu reflexisti, eo quo debent, reduci, simulque eorum memores quæ supra constituimus, cavam hanc hepatis faciem in eum quem secundum naturam positum habet, restitutam intelligamus. Particula quidem jecoris quæ proxima limbo est, qua fere videlicet fundum excipitur Cystis, posteriora fortasse respiciet magis, quam inferiora; reliqua autem hepatis cava facies, ideoque illa etiam ex qua Cystis cervix, & meatus Cysticus pendent, inferiora magis, quam posteriora spectabit. Hæc ubi semel vel ex tuis hisce Tabulis probe animo conceperint quibus cadaverum copia non est, non poterunt sane non intelligere, Cysticum ductum, ad confluxum illum suum tendentem, non ascendere quidem, sed descendere, & præterea secundum curvaturam in Figura illa IV. (i) ab Eustachio, in tuis autem fere omnibus a te pictam, & a Bauhino (k) etiam memoratam, sic reflecti, ut ejus orificium non defluenti ex Canali Hepatico bili, sed retrocedenti ab intestino per Communem, obvertatur. Non est opus, ut Piccolhomini, ut Vidii, ut Hornii vel descriptiones, vel picturas, quibus hæc firmentur, proferamus, quando satis est Summi Anatomes Doctoris qui iis, aliisque faciem prætulit, Gabrielis Fallopii (l) verba producere: *Cervix*, inquit, vesiculæ prope portas quasi duplicata reflectitur, atque ipsius pars altera, quæ cum meatu hepatico conjuncta est, non sursum ad portas, sed deorsum ad duodenum respicit. Quorsum hæc? inquires Vir cl. Eo nimirum, ut monstres, quemadmodum componi hæc queant cum iis quæ de indubitabili scribis digressionem in cystim totius pene liquidi ab hepate versus intestina per foram biliarium excurrentis. Manifestum hoc trahis ex naturali hepatis, ductus ejusdem excretorii, & ipsius folliculi positione. Hanc autem ita describis: *Folliculus* in eam cavæ regionis inhabitans perpendicularem situationem servat; cujus collum seu angustior capitas superius ponitur; fundum seu amplior pars ad inferiora jacet. --- Producto hinc verticaliter a cervicis apice canali cystico; seu potius eodem vesiculæ collo ad ductus fellei insertionem ascenso; patet, ut supra, bilem ex ductu hepatico ad hoc bivitium deventam, facilius in ductum cysticum, longitudini perpendiculari proximum a gravitate sua deturbari posse & cat. Supra autem scripseras, cysticum ductum hiare osculo sat amplo in tubi biliferi basin; --- indeque ab eo quasi perpendiculariter propendere; --- ut ideo tamquam vorago viam occupans, trajicientem ibidem placide versus duodenum bilem, hujusque veluti præcipitii nesciam deglutiat, & per propriam cavitatem raptet. Nos vero bilis a meatus Communis sine in Hepaticum retrocedentis partem quidem ascendere per Cysticum posse, & sic in Vesiculam postremo descendere, nunquam negavimus. Sed totam pene bilem quæ ab Hepatico in Communem defluit, inter defluendum, a gravitate sua deturbari in Cysticum, ut qui ab Hepatico quasi perpendiculariter propendeat, hæc vero in præsentia intelligis cur probare pariter non possimus.

24 Intelliges quoque, cur nobis probari nondum queat, ingressum venæ Portæ esse ad Hepatis sinistram latum, seu concavæ regionis centrum, si nimirum animadverteris, foveam hepatis CC, ejus regionis centrum non esse censendam, nisi jam jam prope D. quo usque elongari ad latum dextror-

(b) Tab. X. Fig. 2. & Tab. XI. Fig. 4.  
(l) Obs. Anat.

(i) Tab. XI.

(k) Theatr. Anat. l. i. c. 45.



trorsum illam foveam docuisti pro ingressu, sinu, ac primis distributionibus trunci venæ portæ; quem quidem locum jam jam prope D, non esse ad Hepatis sinistrum latus, iidem oculi per se judicant, qui ejus faciei hepatis centrum esse, judicant. Nam quod mones, Truncum venæ Portæ (in hac iconē ad dextra; & superiora revera inflexum, sed in his, quæ subsequuntur, figuris propria in sede perspicendum) hanc foveam, seu centrum cavæ hepatis transmittentem, sinistrum pariter ejusdem cavæ regionis latus necessario occupare; primum hic quaeritur, ut de ramis venæ Cavæ quærebatur, de introitu in hepar, hoc est de ipso fine trunci venæ Portæ, non de sede trunci ante introitum, sive ante finem, quæ nimirum sedes sinistro quidem esset in latere, sed non in centro tamen cavæ hepatis regionis. Deinde si in hac ipsa II. Tabula truncum venæ Portæ propriam in sedem restitutum intelligamus, nunquam sane illuc trahi posse, perspicimus, ut locum occupet quem in subsequente Tabula III. eidem assignas: qua de re, aliisque eadem Tabula exhibitis protinus, quæso, videamus.

25 In III. igitur Tabula (in nulla enim alia ex his, quæ sequuntur, Figuris id agi a te, video) Truncum venæ Portæ propria in sede perspicendum proponis. Qua de re ut vere existimare possimus, necesse est ut sedem, positum, figuram Sinus ejusdem venæ, & quam in Sinus hujusce partem truncus venæ ipsius desinat, cognoscamus. Quod ad me attinet, eum Sinum oblongum, & a dextero hepatis lobo ad sinistrum in transversum porrectum observare solitus sum ita uti cum ad eum pervenit locum ad quem umbilicalem excipit venam, se se, aut amplum quasi rimum, huic eidem venæ obviam mittat. Porro ut Sinum, ad extremum sinistrum, vena adit umbilicalis, sic prope extremum dexterum, subire truncum video venæ Portæ: hoc autem Sinus extremum dexterum extremam foveæ hepatis dexterorem partem sic tenere, uti haud raro non totum oculis pateat, sed hepatis substantia, quæ isthmo lobuli Spigeliani proxima est, obductum, nisi hæc auferatur, deducaturve, ex toto conspici non possit. Quamobrem sicuti haud raro mihi accidit, ut truncum venæ Portæ in eam Sinus partem influere viderim quæ isthmum contingebat (id quod in IV. illa Figura (a) satis indicavit Eustachius) sic nunquam accidisse memini, ut eo influentem viderem quo tua III. Tabula ostendit, nec, quod consequitur, ut Sinus ramos dexteros; ne de aliis nunc loquar; jam divisos, atque ita patentes tanto ab dextera foveæ ora intervallo conspicerem. Quæ omnia si velis diligenter attendere; facile intelliges, observationes meas longe magis ad illa accedere quæ Tabula II. indicas, quam ad hæc quæ III. proponis. Neque tamen credas, me negare in aliquo interdum cadavere rem ad hunc modum posse inveniri. Nam Glissonium (b) quoque video trunci venæ Portæ ingressum in Sinum suum non a dextris delineasse. Verum cum te animadverto in aliis pariter duabus Figuris (c) quibus hunc eundem ingressum, quamvis vena ab hepate exempta, pingis, a dextris non pingere, idemque servare in Tabula hac III. in qua id agis, ut Truncum Venæ Portæ propria in sede perspicendum proponas; peto abs te illud primum, ut saltem moneas, non ita rem se semper habere, deinde hoc quoque, ut amplius quæras, sitne crebrius in naturæ consuetudine positum, ut res se habeat secundum hanc tuam delineationem, an secundum meas illas observationes, præsertim cum mecum faciant præter Eustachium de quo paulo ante indicatum est, duo Experientissimi, & Celeberrimi Anatomici Kerckringius (d), & Heisterus (e), qui venæ Portæ suum in Sinum ingressum pingentes, hunc prope Sinus extremum dexterum commonstrarunt.

26 Nunc a vena Portæ ad Cavam transeamus.

Scribis, Cavæ truncum postquam insculptam in ejus gratiam hepatis foveam ad quatuor circiter digitos protensam emensus est, ab eadem emergere, relictoque jecore, ad lumborum vertebrae juxta aortam protendi. Etsi mallem, hujus etiam venæ progressum secundum sanguinis motum, non contra hunc, memorasses; ea tamen re omissa, hoc dicam, non videri mihi, illius foveæ longitudinem sine aliqua ejus varietatum commemoratione definiri posse. Nam certe in quibusdam, etiam magnis, jecinoribus multo infra istam mensuram vidi, ut vix duos transversos pollices æquaret, ima etiam parte computata, quæ potius quam fovea, leve jam jam deficientis foveæ vestigium erat. Tu vero cum istam foveam, vel immisam foveæ partem venæ Cavæ ter pingas; longitudine semper exhibes multo majori, & quæ cum tua ista quatuor circiter digitorum mensura conveniat. Quod vero ad ramos attinet ex hepate in eam venam influentes, primum in II. Tabula inferiores ostendis, seu postremos, ut tu loqueris, quos cava suo per foveam trajectu a lateralibus hepatis partibus excipit, deinde in hac III. Tabula tres principales, seu majores. Verum hos majores nunquam, ut abs te, Vir cl. delineantur, vidisse memini. Equidem recordor, ipsorum orificia tam alte intra venam Cavam mihi nonnunquam se obtulisse, ut in hoc Theatro diaphragma ostenderim tribus, inter se proximis, foraminibus pertusum, medio uno, multoque ampliore quo vena illa Cava transmittēbatur, duobus quæ huic adjacebant, minoribus per quæ hepaticæ hæ venæ trajiciebantur, statim supra diaphragma Cavam adiit. Sed contra haud subit, earundem orificia intra Cavam usque adeo infra septum transversum vidisse, ut summum omnium ab fine Venosi Canaliculi duorum pollicum intervallo; reliqua trium, quatuorve distarent, quemadmodum a te ostenduntur. Imo ea observare solitus sum in illa ipsa parte venæ Cavæ quæ diaphragma versus ex jecinore emergit, aut jam jam est emersura, neque fere plura duobus, sic tamen, ut in unum ex iis orificiis binos ex majoribus ramis confluere, interdum diligentius attendens, animadverterim. Ramos autem illos minores nulla certa aut loci, aut ordinis, aut numeri, aut denique amplitudinis ratione in subjectam proximam venæ partem desinentes inveni. Sic etiam nuper de tribus jecinoribus primum vix unum osculum exhibuit, idque satis parvum, transversi digiti infra majora intervallo; alterum duo, vel tria mediocria orificia; tertium nihil ejusmodi, sed minuta tantummodo hic illic foraminula ostendit. Quin te ipsum quoque aut multo his minora foraminula, aut nullum certe infra majora, satis notabile osculum interdum vidisse, non modo hæc III., sed & IV. Tabula confirmat. In qua etsi, vena Cava exempta, nudam hujus foveam ostendis; ramulorum tamen in venam influentium hiantia oscula superessent; nam non concidere, nec conivere, maxime venarum hepatis proprium est.

27 Qua de re quantum per se ultro obviam, atque conspicua, tantum ab Anatomicis sileri solita, equidem optassem, ut tu, Vir cl. in Historia Hepatica mentionem injecisses, & cur instituta illa sit, quævisisses. Nam certe quamcumque jecinoris partem in frustra, ut libet, conscindamus, quæcumque ejus venæ vel majores, vel parvulæ, in transversum dissectæ; sectiones omnes suas offerunt patulas atque hiantes, indicio manifestissimo, exteriorem omnem tum propaginum venæ Cavæ, tum Capsulæ Portæ superficiem cum hepatica substantia, cum Capsula autem venam Portæ sic cohærere, ut harum omnium venarum quæ quidem magis sub sensum cadunt, parietes nunquam, ut alibi possint concidere, sed propter ejus cum quo undequaque cohærent, corporis stabilitatem consistentiam, ut loquuntur, & firmitudinem, expli-

(a) Tab. XI. (b) Anat. Hep. c. 33. (c) Tab. VIII. Fig. 1. & 2. (d) Spicileg. Tab. XXIX. Fig. 1. (e) Eph. N. C. Cent. VI. Obs. 27. & Compend. Anat. Tab. III. Fig. 12.



explicatos extensosque servari necesse sit. Idque non in hominis modo, sed in aliorum quoque animalium jecinore Natura præstitit, quantum ex suis, bovis, & hujusmodi quadrupedum, ac nonnullorum piscium, aliorumque animantium dissectione cognovi. Hoc autem eo pertinere, ut *progressus sanguinis* per vasa hepatis *promptissime fieri possit*, tradi video in quadam Medica Dissertatione, in qua una, quantum in præsentia memini, hanc observationem commemoratam invenio. Ea Dissertatio, non uno nomine ad tuum spectans argumentum, sub præsidio Medici Nobilissimi G. E. Stahlî habita est; inscriptaque *De Vena Porta Porta Majorum*. Cæterum an illa ejus rei causa sit, quod a primo ratio ipsa videtur confirmare, ne sanguini, lento ac debili impetu per jecur propulso, superandi concidentium venarum obices opponantur; an vero illa ipsa res ex parte tamen inserviat ad opportunam in hepate tarditatem sanguinis conservandam, quatenus huic circumjectæ vasorum tunicæ, ut distendi, ac distrahi, sic resilire, & contrahi ad urgendum sanguinem haud satis queant, indagari fortasse posset. Utcunque est; excretorii etiam bilis canaliculi (non modo arteriæ, quæ & alibi id solent) mihi in discindendo hepate, hoc nonnunquam attendenti, sic satis, quamvis non æque manifeste, patulas sectiones exhibere vili sunt. Hæc autem omnis disquisitio ad quarundam etiam aliarum partium sanguifera vasa transferri potest quorum transversas sectiones sic satis patentes animadverti, & nominatim pulmonum, ac renum, dum hos secundum longitudinem a dorso ad sinum, illos autem transversos discinderem. Sed nunc ad hepatis lymphæ ductus transeamus.

28 Horum germanos icones tibi in promptu esse, indicaveras A. 1711. Hic autem ea vascula exhiberi a te dicis *qualia jam anno 1706. in juvene ascitico, & melius anno 1714. in homine, hydropica pariter ægritudine denato observasti*. Sed minimorum, qualia lymphatica sunt vasculorum tot, tantæque in variis cadaveribus varietates spectantur, ut ex una, aut altera observatione germanas (tua pace dixerim) & quæ id saltem quod plerumque est, exprimant, eorum delineationes sperare non possimus. Accedit manifestus Pictoris error, qui quomodo toties errare eundem errorem potuerit, quot internodia lymphæ ductuum inversa descripsit, cum te *nescire* fatearis, tanto minus intelligere aliis licebit, præsertim animadvertentibus, recte eundem Pictorem internodia expressisse in plerisque ex iis lymphæ ductibus qui per fellis vesiculam obvii sunt: quæ discrepantia etiam facit, ut te in universum monente: lymphaticorum internodia inversa in hoc iconismo exhiberi, nostri turbentur Tirones, qui hoc ut de omnibus dictum vident, sic in omnibus non queunt agnoscere. Sed vide, quæso, ne alia sint, eaque graviora, quibus Tirones perturbentur. Hoc certe iconismo, quo *capsulam Glissonianam in situ* ostendis *sinum portæ circumcingentem*, commostras quoque, occasione ortus, *progressus, & termini Lymphaticorum hepatis, partem Pancreatis, & receptaculum chylare in situ cum ductu Thoracico; tum membranaceas productiones, quæ pancreaticas, & chylares has partes cum hepatis corpore communicant, & supradicta lymphatica ad extremos fines deferunt*. Cum autem Sinum venæ Portæ Capsula convestitum in situ ostendere non possis, quin facies hepatis, quæ inferiora spectat, conspiciatur, per hanc autem faciem Thoracicus ductus non modo non feratur, verum neque eidem faciei hepatis, sed posticæ, quam a Vesalio delineatam esse, diximus, respondeat, haud inutile opinor, fuisset, si alicubi in tam longa præsertim Explicatione Tirones monuisses, ne, præter sententiam tuam, sibi forte imponi a pictura paterentur, sed hepar secundum naturam ita positum meminissent, ut ejus superior in Figura limbus ad posteriora, inferior ad anteriora, & quod consequitur, hic quidem ad eam regionem pertineat quæ a chyli Receptaculo, in situ collocato, longe absit,

ille vero ad eam quæ Thoracico ductui, suæ ad corpora vertebrarum sedi affixo, propior sit, ita tamen propior, ut diaphragma inter hepar, eumque ductum intercedat, alterumque ab altero sic dirimat, ut illud in ventris cavea, hic intra ipsos thoracis parietes contineatur.

29 His igitur ita, ut par est, constitutis, animoque probe conceptis, de istis singulis quas commonstras, Partibus videamus. Et primum, si limbum hepatis qui in Figura superior est, sic ad posteriora deorsum trahi, intelligamus, ut picta hepatis cava facies naturalem obtineat locum, ventrisque inferiora respiciat; non satis video quæ illa ductus Thoracici insula quæ littera H comprehenditur, neque inferiore hepatis plano superior sit, neque ab hujus partibus quæ tres, aut quatuor transversos digitos a postico hepatis limbo distent, satis remota, ut lymphæ ductus qui H litteram contingit, & qui item fere eidem H subjectus est, ab iis partibus eam insulam adituri, descendere debeant, & tam brevî tractu, quam numerus internodiorum ostendit, ad ipsam pervenire jam possint.

30 Mitto libenter hic quærere, num, Glandulæ ad cavam hepatis conglobatæ --- omnes a plurimis, communi nomine *muscosæ* vocatæ sint, itemque illud, num lymphaticorum, exortum jam non esse glandulosum, ex iis lymphaticis, quæ in hac figura diligenter Archetypo collata, ab externa jecinoris tunica propagantur, liquido pateat, quod enim pro exortu ipse delineas, omnes viderunt, neque tamen omnes verum propterea lymphaticorum exortum liquido sibi patere, crediderunt. Hæc, inquam, libenter mitto, & ad partem illam Pancreatis, & receptaculum chylare pergo, quæ in situ ostendere te, dicis cum ductu Thoracico, tum membranaceas productiones, quæ pancreaticas, & chylares has partes cum hepatis corpore communicant. Binæ istæ membranaceæ Productiones P. P. & SS. a te, Vir cl. sic exhibentur, quasi pancreaticas, & chylares has partes cum antica & convexa facie imi hepatis limbi communicarent: quod num verum sit, ipse vides, videntque omnes qui eum limbum in cadaveribus inspexere. Porro cum ais: *in hac figura Chylarem cisternam situm exacte suum, suamque cum jecore naturalem habitudinem servare; hic nempe productionem illam membranaceam SS. considerandam esse a T. ad R. non jam verticaliter, sed pene horizontaliter protensam; distantiam ideo in homine ab hepate ad cisternam horizontaliter mensurare; hinc dubitationes magis magisque succrescunt; nam & mensura ista a T ad R longe brevior spatio est quod a T ad R horizontaliter secundum naturam intercedit, & si membrana ab imo hepate ad chyli Receptaculum pene horizontaliter protenditur, quonam modo (id quod supra quærebamus) ab inferiore hepatis facie lymphæ illi ductus & descendit, & brevissimum emetientur spatium ut partem Thoracici ductus adeant sex, septemve transversis digitis summo Receptaculo altiore?* Denique; ut alia præteream; si chyli Receptaculum situm exacte suum hic servat; quonam modo pars ista Pancreatis in situ est? Si enim illud in sinistro latere superiorum vertebrarum lumborum jacet; eam certe Pancreatis partem a sinistris habere non potest, quam extremam dexteram esse, cum crassitudo ostendit Pancreatici ductus, hujusque ramorum vel longe major quam in elaborata, ut fateris, Figura Graafii, tum Lobulus comprobatur in quem Pancreatis ima ora quasi in appendicem solet prope intestinum excrecere eo ipso in loco ubi in cane, aliisque ejusmodi animantibus eadem ora quasi in alterum producitur Pancreas: cujus in nobis Lobulus iste leve quoddam est rudimentum.

31 Quoniam de Pancreate sermo est, cujus ductum, & Communem, quem vocant, bilis Meatum in hac Tabula disjunctos proponis, maluissim ut in alia quadam utriusque confluxum, & commune (sic enim sæpius se habere res solet) in intestino osculum demonstrasses, vel saltem quod Glissonius fecit in *Anatomia Hepatis sua*

(\*) tu



(\*), tu quoque in tua fecisses, ut sine illius osculi, & eorum quæ ad ipsum pertinent, accurata descriptione *Historiam Hepaticam* omnino perfectam, atque absolutam non crederes. Tu vero *coalitum*, & *communem*, *unamque amborum Ductuum in intestinum insertionem* vis interim ab Lectoribus *videri in eleganti, elaborataque*, de qua modo diximus, *figura Graafii*. Utinam hæc quæ intestino aperto obvia sunt omnibus, satis ostenderet. Neque enim quæro, ut nobis demonstret quid de *no-ro Bilis Diverticulo* sentiendum sit, de quo non nisi ante hos sex annos scriptum est a Præcl. Abr. Vatero in Dissertatione de eodem inscripta, ad tuumque institutum pluribus locis pertinente. Non inquam, hæc quæro. Illa quæro, ut quæ sine ullo apparatu ultro in omnium oculos incurrunt, exhibeat. Primum, commune illud osculum non in cylindro sic intra intestinum quasi recta se conjiciente, & toto, ut videtur, corpore libere intra ejus cavum sic prostante, sed in cylindro secundum intestini longitudinem inter hujus tunicas ad tractum interdum transversum pollicis se demittente, ut altera cylindri facies intra parietem intestini delitescat, altera, hujus tunicas attollens, intra intestini cavum promineat, hæcque magis quam extrema ima cylindri pars quam carunculam vocitant, oppositum intestini parietem respiciat. Hunc enim haud semper caruncula respicit; sed sæpe omnino deorsum cum insculpto osculo conversa est; ut propterea in multis id osculum non in medio quodam monticulo, instar umbilici, esse videatur. Porro osculo ac toti cylindri protuberantiæ cum alias, tum nuper in sex continenter sectis cadaveribus superinductam valvulam, eamque longe conspicuam, vidi; ut mirer qui hanc omittant, & magis qui hanc negent, inveniri, Riolanum (a) credo, exercitissimum alioqui Profectorem, sequentes, qui nullum, nisi quod ad Ureterum est fines, hic voluit artificium agnoscere. Equidem non *duas membranulas*, a Vesalio (b), atque aliis propositas, *quæ utrinque ad orificii latus laxè propendeant*, imo ne unam quidem membranulam, quam huic officio præfectam alii commemorarunt, agnosco, nisi forte unius membranulæ nomen pro peculiari membrana haud sumpserint, sed idem quod Diemerbroeckius (c), & Verheyenius (d) intellexerint. Nam ego quoque nihil aliud invenio, nisi intimas intestini tunicas supra cylindri protuberantiam corrugatas, duplicatasque in modum valvulæ deorsum pendentis, & clitoridis præputium quodammodo referentis, ut facile sursum versus duci possit ad carunculam cum cylindro retegendam, & facile vicissim reduci ad eandem operiendam. Quod quidem conspicuum, in eodemque constans loco Naturæ artificium præclare intelligitur eo spectare ut quæ in ventriculo sunt confecta, dum ad hunc locum delabuntur, ipsa in valvulam incurrendo, hanc deorsum versus extendant, sibi que aditum in carunculæ orificium præpediant. Sed qua vicissim industria cautum sit, ne quæ sursum, ut interdum contingit, ex intestino revertentia, in illud se osculum intrudant, non satis adhuc mihi cognitum esse, fateor. Nam si cum valvulæ ora commissam quandam columellam carneam viderem, hac prorenata deorsum trahi, tractamque servari posse, intelligerem. Nunc verò non valvulam, sed imam cylindri, seu carunculæ oram quæ cum intestini pariete cohæret, in alterum corpusculum, stabilis firmæque rugæ instar, produci video, deorsum pariter secundum longitudinem intestini protensum, huicque tota altera facie affixum, altera intra intestini cavum prominens in his magis, in illis minus. Nonnunquam enim crassiusculum vidi, nonnunquam imo sine bifidum, sæpius autem exile, simplex, & quo magis descenderet, eo magis extenuatum: fuit quoque cum vix levem obscuramque ejus quasi adumbrationem inveni. Longitudine etiam, aliquando transversos digitos fere duos,

interdum pollicem, alias minorem digitum adæquabat. Nemo adhuc, quod meminerim, id descripsit præter Virum Præclarissimum Amicissimumque Jo. Dominicum Santorinum (e) apud Venetos Protomedicum, & in præsentia Anatomæ Profectorem, qui *frænulum*, seu *ligamentum* hujus orificii nuncupavit. Ego ut quodammodo iis respondere Corporibus video quæ olim sub ureterum osculis in vesicæ collo descripsi, ita candide fatebor, me ut de illorum, sic de hujus quoque vero certoque usu dubium hære. Venit quidem in mentem aliquando inquirere, possitne, ubi contrahatur, carunculæ osculum, quod alioqui proximo cylindri, idest Communis ductus cavo aliquanto angustius est, coarctare, atque ita, opportune aditum sursum recurrentibus ex intestino succis intercludere. Verum hoc frænulum deorsum trahendo, ut nunquam valvulam moveri vidi, ita carunculæ orificium visum quidem interdum est contrahi, & angustius fieri, sed interdum contra visum est, sic deorsum tracta infima ipsius ora, magis aperiri, interdum denique nec contrahi, nec aperiri, sed ut per se erat, quantumvis traherem, permanere.

32 Proximum esset ut quæ de numero, figura, & sede Receptaculi, & quod item de Thoracico ductu in istum modum flexuoso scribis, aut pingis, non modo cum tibi notis Cowperi, & Henningeri, verum etiam cum aliorum pariter Celebrissimorum Virorum Saltzmanni, Cantii, Santorini Iconibus, aut descriptionibus, atque aliis quæ nobis in promptu sunt, observationibus conferremus. Verum & tu idem in parte facere per te poteris, & nos super hac III. Tabula jam plura scripsimus. Itaque his, aliisque omisissis, vel quæ olim fortasse inter Bilii Assedlas sine ulla dubitatione accipi potuissent, vel quæ ut oppido per rara, ita certa quadam alia ratione sunt enarranda, duo tantum ex te, cl. Vir, quæram. Alterum, ut quid intelligas per uteri *lactifera vasa chylosis suis uberrimis identidem copiis imbibita* diserte exponas, atque ita exponas, ut quod tu videris facere, nos quoque dubitare cogamur, ne in mammas quidem per arteriarum semitam chylum importari. Alterum, ut si commodum est, istarum *avium rapacium* nomen indicare ne gravearis, in quibus nimirum conspexeris *non tantum lactea vasa --- ex intestinis agminatim erumpentia, --- sed ulterius producta ad omnia abdominis viscera, imo & ad ipsa præcordia, penetrato diaphragmate, immediate repentia*. Nam ego qui non paucas aves, & in his ex rapacibus etiam quasdam secui; ut ista *lactea vasa*, istamque horum productionem *ad omnia abdominis viscera* prætermittam; nunquam certe, nisi in Vespertilionibus, *diaphragma* vidisse memini. Hæc ergo omnia si in bono lumine collocabis; non tu quidem *quasi adversaria*, sed iis dumtaxat præclarum egregiumque Opus *construxeris*.

33 Sequitur ut Tabulam IV. inspiciamus. Et primum id probo, quod ad *conciliandam figuræ perspicuitatem*, arteriam hepaticam, & choledochum meatum *aliquatenus in propriis ramificationibus invicem diducta representantes*. Si tamen hunc rursus ad illam adductum fingamus; ne sic quidem satis intelligere poterimus, quomodo hæc Figura cum iis consentiat quæ de utroque hoc vase alibi scripseras, affirmans, *pari utrumque passu, paribusque diramationibus excurrere*. Deinde ea quoque libens confirmo quæ de Isthmo ostendis, ac tradis, quo foveæ pro vena Cava paratæ summa latera sæpenumero conjunguntur. At illud miror, cur Isthmum alterum quo foveæ, seu majus sinitis venæ Umbilicali attributi latera non ab similiter committuntur, nec usquam in *Historia Hepatica* memoraveris, neque in ulla de tot Tabulis ostenderis; sed totum hunc sinum semper omnino apertum delineaveris. Attamen ita ego solitus sum rem aliter invenire, ut vel nuper de octo jecinoribus continenter inspectis, nullum prorsus fue-

910

931

27

(\*) C. 16. (a) Antrop. l. 2. c. 22. (b) De corp. hum. fabr. l. 5. c. 8. (c) Anat. l. 1. c. 15.  
(d) Anat. l. 1. tr. 2. c. 17. (e) Obs. Anat. c. 9.



fuerit in quo sinus hic totus per se pateret. In tribus enim peculiare vidi Ligamentum, modo tenue, ac teres, modo latum, & crassum, semper autem firmum ac validum quo sinus latera haud procul a magna quam tu vocas, hepatis fovea neceiebantur ita uti illud dissecare opus fuerit, ut venæ Umbilicalis summa pars, ejusve cum Sinu Portæ connexio in conspectum veniret. Præter id Ligamentum, in uno hepate ipsam quoque ejusdem visceris substantiam cum eo Vinculo in Isthmi formam conjungi, eaque latera committere, animadverti. In reliquis autem quatuor jecinoribus nullo hæc alio vinculo, nisi ipsa hepatica substantia ibidem committebantur, in Isthmum conformata interdum minimi transversi digiti, nonnunquam pollicis crassitudine, quo Isthmo in nonnullis ad duorum digitorum, in aliis ad minorem tractum Sinus cavea operiebatur. Quæ quamvis ab nemine, quod sciam, descripta, cum ita se habeant tamen; poteras, opinor, te æquiorē præbere Doctissimo Reverhorstio ubi in quadam ejus Figura Jecinoris, quæ in Theatro Anatomico Cl. Mangeti 3. est Tabulæ LXII, quævisi: *Quid tandem sit fissura illa C. quæ quidem cum magna hepatis fovea haudquaquam communicat, ut hinc inter minorem hanc, majoremque aliam hepatis foveam, nova lobi species inter umbilicalem venam D. & felleam cystidem K. hic efficta representetur, quæ quidem nusquam in hominibus visa est. Quo autem pacto umbilicalis vena D. sejunctam minorem hanc foveam C. trajiciens, ad sinum portæ in majori fovea, quæ in hac figura satis longinqua est, degentem concurreret?* Isthmus enim a Præstantissimo Viro haud procul ab o non omisus, operit, non tollit, fissuræ C continuationem, ut vena Umbilicalis D in eo posita, sub Isthmo, tanquam sub ponte trajiciat ad superiorem quæ a latere f adumbratur, fissuræ partem, atque ita cum sinistro extremo Sinus venæ Portæ quod illuc demitti diximus, concurrat. Quod si oculos ad eam dumtaxat transtulisses Bidlor Figuram quæ supra istam ipsam Reverhorstii in eadem Tabula proponitur, aut ad illos diligentissimi Eustachii Iconismos (a), quibus cava jecoris pars commonstratur; ut in his cunctis Iconibus eum Isthmum, quantumvis minorem, non prætermisum conspexisses, sic Reverhorstii factum probandum magis, quam improbandum esse, agnovisses.

34 Quoniam de hepatis foveis sermo incidit, quas in nulla Tabula æque ac in præsentī detectas pingis; haud alienum est de iisdem pauca subijcere. Si ergo ipsas, quemadmodum a te, Vir cl. in hac, & proximis duabus superioribus exhibentur Tabulis, cum plerisque jecinoribus conferamus; sane dubito, ne tam profundas amplasque, quam tuæ istæ apparent, inveniamus. Et supra quidem de venæ Cavæ fovea dictum est, quam Spigeliani lobuli, hujus quoque rei gratia efformati, summum latus dexterum magna ex parte efficit, in multisque etiam magis, dum se in notum, quem tu delineas, ejusdem foveæ Isthmum producit. De reliquis autem foveis illud univerſe dicam, vel non adeo amplas, nisi earum oræ distraherentur, vel non adeo profundas, si hæc distraherentur, apparere consuevisse. Quid mihi velim, quod ad mediam transversam foveam attinet, hæc, & III. potissimum Tabulæ; quod ad foveas reliquas, II. Tabula satis ostendit: quarum insuper fovearum fundum non semper ejusmodi est, sed interdum ex ipsis lateribus efficitur illuc ad angulum convenientibus. Non me quidem præterit, Jo. Riolanum (b) scripsisse: *Jecur parte sima adeo excavatum esse, ut manum excipere queat, & ab eo specu quatuor, aut quinque canales, qui digitum reciperent, huc & illuc ferri per Hepatis substantiam.* Sed primum, hæc sic exaggerantur contra Laurentium, in alterum extremum decurrentem, inque Hepate cavitatem nullam esse,

scribentem. Deinde Riolanus cum de specu dixit manum excipiente, facile hepar spectavit ex septo transverso in se pendens, non in tabula resupinatum. Postremo nos quoque nostris credere oculis par est de isto hepatis specu, vel ut tu Riolo, opinor, indulgens loqueris, *hepatis antro*: quod nuper vel in maximo secundum naturam jecinore tantum abest ut manibus capax deprehenderim; multo minus amplum, minusque profundum quam tu delineas, inveni, seu Portæ Sinu sine ulla distractione sublato, inspicerem, siue priusquam Sinum prorsus auferrem: curus certe, Capsula adhuc obducti parietes non modo ab foveæ oris dexteris non tantum supra, infraque distabant, quantum III. tua Tabula ostendit; sed plerasque earum certissime contingebant.

35 Verum ut in hisce hepaticis foveis delineandis tui, credo, Pictores nimis liberales se præstitere, sic vicissim nimium fortasse fuerunt parci in iis rimis describendis, quibus sæpenumero fissam jecoris superficiem deprehendimus. Difficile enim est, ut vel ipsi in tot jecinoribus pingendis nullam viderint, vel tu aliquod data opera non quæviseris ex quo illæ describi possent. Cum enim ex iis octo quæ continenter me inspexisse, supra demonstratum est, quinque saltem fuisse, meminim, in quibus sine ullo aut præsentis, aut prægressi morbi indicio aut rimas, aut sulcos animadverti; non videtur dubitandum, ejusmodi res quas ut morbosos effectus nescio cui ingenti fictitati olim acceptas referebant, ad hepar secundum naturam pertinere, ideoque in absoluta ejus Historia omitti non posse. Sane Verheyenius (c) vel in contracta hepatis descriptione hæc scribere non prætermisit: *Ad sunt insuper aliquando in jecoris superficie fossula, quædam longiores, quasi fissuræ, nullo certo numero aut loco circumscribendæ.* Itaque aliquam ipsarum mentionem tu quoque in descriptione tua videris fecisse, ubi inter ea quæ Veteres exacte descriperunt, præter fissuram pro vena umbilicali, alias memorasti *minoris momenti fissuras & sinulos.* Et recte quidem distinxisti.

Aliæ enim sunt rimarum instar, aliquando satis profundæ, & ubi oras diducamus extremi pollicis ferme capaces, quales in facie sima haud procul a cysti semel, atque iterum nuper conspexi. Aliæ vero oblongos potius sinus, & sulcos referunt, intra quos interdum totus fere conditi minimus digitus posset. Tales in tribus ex illis octo jecinoribus vidi, in summa convexa facie lobi dexteri insculptos, & Suspensorio Vinculo parallelas. Sed multo etiam proportionē longiorem, ac profundiorē, ideoque rariorem ostendit Cl. Wolfartus (d) in illo hepatis Iconismo quem supra commemoravimus, *Crenam* vocans *satis considerabilem, mentientem divisionem partis dextræ hepatis in duos lobos.* Hos ego omnes sulcos, illasque rimas eadem vidi qua reliquum jecur membrana, non peculiari quadam, ut videtur credidisse Glissonius (e), *pellicula* obduci, multoque minus quales adversus Tulpium Riolanus (f) in læso fortasse jecinore, bis, aut ter vidisse se, scribit, quibus ut in olla scissa serositas quædam exsudaret. Itaque ut majores has, non perpetuas; sic minores, minimalve; siquis diligentius attendat, fortasse *perpetuas*, omnes autem, quas ego quidem conspexi, *naturæ filias*, cum Malpighio (g) esse crediderim. Et hic quidem ad divisiones illas retulit, ac rimulas quas ipse inter hepatis lobulos perspexit. Ego vero eo quoque pertinere censuerim, ut in quibus aut crebriores sunt, aut majores, in iis jecur ad septi transversi motus, & subjectorum viscerum turgentiam, ac compressionem flexilius sit. Ita etiam Splenem fissuris, & rimis quibusdam ad oras præsertim scissum, nonnullis autem haud raro & profundis, & ad medium usque alterutrius faciei pertinentibus observamus, quas illud pariter præstare, non dubito, ut viscus in-

(a) Tab. X. Fig. 2. &amp; Tab. XI. Fig. 4.

(b) Animadv. in Laur. c. 19. l. 6.

(c) Anat. corp. hum. l. 1. tr. 2. c. 17.

(d) Eph. N. C. Cent. V. Tab. I. Fig. 2.

(e) Anat. Hep. c. 9.

(f) Add. ad pag. 132. Enchir. Anat.

(g) Exerc. de Hep. c. 2.



inter diaphragma, & ventriculum altius, interiusque quam plures Medici videntur credere, interpositum, ibi pro re nata facilius cedere, & flecti queat.

36 Nunc propius ad tuam IV. Tabulam revertens, in pauca rem conferam. Nam etsi Ligamentum Sinistrum multo ampliorem, inferioremque quam solet, cum hepate nexum habere video, etsi etiam quod ad nervos attinet, quædam conspicio quæ non sic vidisse me, memini; haud tamen me fugit, quam varia in rebus præsertim ejusmodi Natura sit. Igitur satis erit ex te, Vir cl. dumtaxat hæc quærere. Primum, cur truncum istum nervi intercostalis ex Vieussenii (b) potius Tabula XXIII. quam ex XI. Willisii (i) in Tabulam transcripseris tuam? Deinde, quando illum potius sequi maluisti, funiculum nerveum a a ex illo trunco in antro Thoracis, non cum Willisio (k), Thoracis cavitate emensa, e regione fundi ventriculi, deducens; eundem tamen funiculum & furculum b infimum longe breviores, & quod consequitur, Plexum Glanglioformem G, hepaticum a Willisio, semilunarem a Vieussenio appellatum, longe altiore, aut certe origini illorum funiculi, & furculi propiorem multo quam Vieussenius, proposueris? Ad hæc, atque istiusmodi alia quæ sciens omitto, respondebis fortasse, te in istis rebus proponendis, non quid Vieussenius, aut Willisius, sed quid ipse videris, attendisse.

Verum illud etiam attendas velim, num hac tibi responsione uti liberum sit, qui docueris scilicet, idque laudaveris, sex ab iisdem (Willisio, & Vieussenio) graphice describi fibras nerveas a, plexus intercostalis semilunari ad diaphragmatis, perforationem diramatas & cæt., cumque ego animadvertissem (l), Auctores illos de nervis hepaticis neque ista eadem prorsus, neque ista eadem ambos unanimiter tradidisse, nunc contendas, utriusque Viri esse consonas, sibi que invicem respondentes sententias, neque in hujus Tabulæ explicatione --- a Willisii, & Vieussenii descriptionibus tuam differre. Sed Willisio, & Vieussenio paulisper repositis, quæ ostendis reliqua, explicasque, attendamus.

37 Funiculi sequuntur d. d. d. d. & cæt. quos nervus intercostalis juxta singula vertebrarum internodia, spinalibus nervis suppeditat, & e. e. e. e. & cæt. Funiculi alii, quos nervi spinales, æqualibus ad superiorum d. d. distributionem, intervallo nervo intercostali suggerunt, & cæt. Verum si ista, ut his verbis explicas, ita se habent; binorum & binorum sive hujus, sive illius generis funiculorum intervalla, videntur esse oportere ut altitudines singularum vertebrarum, & quod consequitur, illa esse multo ampliora quæ lumborum, quam quæ dorsi vertebris respondent. Quid ergo est causæ cur tua in Tabula tria exempli gratia infima intervalla simul sumpta tribus supremis intervallis simul sumptis non ita ampliora inveniamus? Num quod intervalla tua infima lumborum vertebris non respondeant? At vel respondeant necesse est, vel Plexus Semilunaris G sit a te perperam collocatus. Sin autem respondent; cur ad ista infima intervalla Nervum Intercoastalem pingis nullo modo in plexus illos hordeiformes excrecentem, quos Vieussenius (m) circa internodia vertebrarum lumborum in ipso non tantum pinxit, verum etiam descripsit? Præterea cur ad ista eadem intervalla funiculos d. d. pergis delineare, quos idem Auctor diligentissimus infra ea intervalla quæ dorsalibus respondent nervis, ab Intercoastali emergentes neque describit, quod sciam, nec certe pingit? Sed tu aliter, opinor, ac Vieussenius, invenisti. Cur igitur de novis tuis ejusmodi rerum observationibus Lectores in Explicatione Tabulæ non monuisti? Et sane erant quædam in quibus ab illo posses dissentire in istis ipsis origine, & termino, quæ, eundem secutus,

Funiculis omnibus d. d., & e. e. sine ulla dubitatione assignasti. Nulla enim, ut alibi etiam indicavi, satis firma ratio apparet, cur non utrosque ab Spinalibus ad Intercoastalem nervum, aut cur non vicissim primos funiculos ab iis ad hunc, aliter ab hoc ad illos transmitti, pro certo habeamus. Verum; ut omisso nervo Intercoastali, duo, non plura, de iis Nervulis subijciam, quos ab Semilunari Plexu deductos pingis; primum hoc quæro: cum nervulos h. h. eo desinentes ostendas ubi in proxima superiore Tabula chyli Receptaculi sedem collocasti, quod quidem situm esse dixisti in sinistro latere superiorum vertebrarum lumborum; quonam modo hic doceas, per eosdem nervulos cieri communicationes hepatici plexus --- cum plexu renali vicino, seu dextro? Deinde illud quæro, cum alios nervulos m. m. vasorum biliferorum, arteriarumque divisiones per totam hepatis intimiorem substantiam, capsulæ ductu, subsequi, doceas; quonam modo per totam hepatis substantiam sis eosdem persecutus, aut quomodo cum arteriarum divisiones subsequi affirmes, ne unum quidem ostendas qui arteriarum ramis dextri lobi jecoris partem maximam petentibus comitem adjungere se posse videatur?

38 De Tabula autem V. qua ductus Hepaticus, & Cysthepaticos in homine ostendere conaris, vellem quidem, ut quod ego judico, id omnes judicarent, nimirum sic tibi visam rem se se habere, ut pinxisti. Sed in tanta, quantam ipse nosti, ejusmodi in rebus ad errandum proclivitatem vel ob arteriolas, vel ob ipsa etiam biliaria vascula ut ad reliquas hepatis partes, sic ad eam pariter quæ Cystim proxime contingit, pertinentiā; profecto nisi homines videant aut certam aliquam facilemque, quam tu omititis, anatomicam administrationem propositam, secundum quam & ipsi eadem possint invenire, aut omnes saltem dubitandi causas ita amotas esse, perspiciant, ut undequaque consentiens veri lumen affulgeat, nisi, inquam, hæc probe videant; vereor ut qui præsertim in anatomicis sectionibus, aut etiam lectionibus sunt versati, ii continuo promptèque assentiantur. Nunc enim conspicient hepatis substantiam profundius abrasam sic ut exempli causa sinus pro vena umbilicali alte insculpti fundum ipsum, & quæ fundo suberat, substantiæ pars sublata sint; & tamen ad G intactum persistans fundum majoris sinus hepatis, multo adhuc profundius quam modo dicta sublata pars, sublidere videbunt. Legent, non solum ab hac figura truncum cavæ, ejusque omnes propagines ablatas esse, sed & ulterius integram portam, & arteriam hepaticam, earumque omnes distributiones: quarum quidem plerasque, & præsertim minores, longe facilius esse sciunt Pictori omittere, quam Anatomico, salvo situ, & integritate conjunctorum bilis vasculorum, omnes auferre. Legent, postrema illa duo sanguifera vasa licet per totam hepatis substantiam cum vasibus biliferis interveniunt capsulæ sociata progrediantur, non easdem tamen cum istis porum biliarium exacte distributiones inire, ut horum vasorum divisiones & cursus variis modis locisque non discrepent. Intelligent profecto, quorsum hæc spectent, videlicet ne dubitatio ulla exoriatur conferentibus hanc tuam Pori biliarii delineationem cum tuis aliis vel Portæ venæ, vel arteriæ comitis delineationibus, & divisiones, & cursus longe discrepantes animadvertentibus. Attamen haud satis scio, quonam possint modo illum tibi scrupulum penitus ex animis evellere, cum sciant, observavisse Glissonium (n), Portæ venam, Porumque biliarium in hepate pari passu una progredi, & similiter iterum iterumque usque ad ultima capillaria dividi; imò cum te ipsum videant non semel in descriptione tua hæc confirmasse, inculcantem: Ramos omnes pori biliarii, non minus majores, quam minores, & ulti-

(b) Nevrogr. (i) Nervor. Descrip. (k) Ibid. c. 25. (l) Adv. III. pag. 38.  
(m) Nevrogr. Tab. 23. & l. 3. c. 5. (n) Anat. Hep. c. 27.



ultima gracilescentes -- portæ furculis inalterabiliter parallelas, communem directionem prosequi; pari passu, paribus divisionibus excurrere. Vim hujus dubitationis te porro aliter declinare conatum esse, animadvertent, hæc illis prioribus hic subjicientem: Adde ulterius, quod distributio capsulæ, & in consequens vasorum, quæ ipsa completur, eadem non est in subjectis omnibus; ut ideo habitudo biliariorum canalium in hac figurâ non tam exquisitè videatur concurrere cum habitudine portæ, per alias figuras nostras exhibita. Verum utinam solum non tam exquisitè videretur convenire. Certe oprandum fuerat, Vir cl. ut in subjectum potius incidisses in quo tanta ista discrepantia non fuisset, quam ut huic tot ejusmodi defensiones præparare deberes.

39 Sed fac, homines istas dubitationes deposuisse. Ecce aliæ, atque aliæ exoriuntur. Nam primum animadvertent, te quatuor aliis in Tabulis primas ductus Hepatici divisiones exhibentem, ne semel quidem ad eum modum exhibuisse, ut saltem hæc quas hic pingis, primæ, majoresque ductus ejusdem divisiones cum alia de tot delineationibus sic satis convenient. Deinde si majoribus omisissis ramis, ultimos spectent quos in hac Tabula versus imum limbum dexterum pingis, cum iisque conferant quos ultimos pariter haud procul ab eodem loco in Tabula III. delineasti; invenient illos, quamvis, ob adjunctas venæ propagines, non omnino patentes, tamen multo quam hic ostendas, crassiores; ut dubitent, num satis sit ad hanc tantam varietatem tuendam quod ab Schelhamero (b) in Programmate, in quo alia etiam comperies ad tuum argumentum spectantia, traditum est, videlicet in hepate aliquando perexilem esse, aliquando magnum hepaticum ductum: quod in pathologicis usum habet; vel si hoc satis esse, credant; mirentur, cur non majorem Hepaticum ductum ad hanc potissimum demonstrationem selegeris. Porro hæc etiam quærent: quem ad ramusculum duo illi spectent furculi quibus a superiore parte est vicina littera L? cum alii omnes quo spectent, intelligatur: unde autem existat, & prodeat is ramusculus cui superius respondet littera D? fundi enim foveæ D. superficiem contingit, superne integram, & quæ neque supra illius ramusculi initium protuberat, neque quâ proxime infra est abrafa, secundum naturam protuberabat: præsertim vero quærent, quid fiat, ut ex primis atque majoribus Ductûs ramis ille qui dexterior erat, cum omnium ultimus sit, tanto tamen crassior sit quam Ductus Communis M, qui & meatum Cysticum jam excepit, & alios omnes Hepaticos ramos, atque adeo istum ipsum crassiorem? Ut enim eadem ratio non sit inter biliariorum Ductuum truncum, & ramos, quæ in aliis est vasis; tamen illius unius rami major crassitudo est, quam ut, rebus secundum naturam se habentibus, defendi sic posse videatur. Utinam illud saltem addidisses, quod de glandulis istis addis intra Ductum appictis, sic tibi in hoc subjecto videre contigisse. Et si enim de iis glandulis mihi certe, ut infra dicam, ad eundem modum non est observatum; dubitationi tamen quæ ex observatione minus usitata exoritur, sic quadantenus occurratur. Poteras etiam fortasse id, atque alia nonnulla quæ supra attigimus, Pictoris incuriæ adscribere, qui certe in fundi vésiculæ interna facie, qua hæc dextrorsum reflectitur, ejus reticulatam structuram omisit. Attamen præstabat, ut supra dixi, in Tabula ad ejusmodi demonstrationem parata omnem penitus cuiuscunque dubitationis causam vitare.

40 Id enim conaris ostendere quod Experientissimi Anatomici satis luculenter potuisse adhuc demonstrari, negant, tum majores, ut vocant, radices Cystis quæ ad cervicem pertinent, tum minimas quæ ad fundum, manifeste in ipsis hominibus cum Hepatico ductu communicare: quarum illas Cyst-hepatica, has Hepati-cystica nominas vasa. Verum utraque prope Cystim usque adeo tenuia

pingis, & præsertim secunda, ut his addita insuper majori per cystis involucra, trajectu suo obliquitate, magnopere verear, ne maxima difficultas inveniendi ad ea quæ supra commemoravimus adjuncta, magis magisque augeat dubitationem. Sed rem indicas quæ inveniendi difficultatem possit minuere; nam horum ductuum Hepati-cysticorum extrema in bilis folliculo foraminula admodum quidem minuta esse, confiteris, sed per quandam tamen circumpositæ carunculæ eminentiam in plurimis subjectis satis conspicua. Et sane carunculas appingis decem, satis prostantes, atque conspicuas, ut lenticulares glandulæ esse videantur. Sed veniam dabis ingenuitati meæ, si candide confitebor, me istiusmodi carunculas in nulla unquam Vesicula, quod meminerim, vidisse, etsi plurimas, & in his quasdam interdum valde amplificatas, dissecui. Veruntamen in rebus ejusmodi quas tu & pingis, & in plurimis subjectis satis conspicuas esse, affirmas, meæ non memoriæ modo, verum etiam diligentiae diffusus, nuper Vesiculas quinque, quanto maximo studio potui, perlustravi; nec mihi adhuc contigit, ut unam saltem istarum caruncularum viderem. Quid ergo est? In quibusdam Vesiculis carunculas istas interdum apparere posse, non negabo; attamen num carunculæ sint, an potius distentæ glandulæ, iis qui viderint, decernendum relinquam. Sed fac, quod ego non video, adesse; quomodo per has carunculas in tua vascula traducemus, non dico specilla, sed tenuissimas setas, si non modo foramina admodum minuta esse, confiteris, sed nonnulla vascula quacunque seta delineas tenuiora? Quæ res, & illorum fere omnium tenuitas minor ad Pori biliarii ramusculos, quam ad Cystim delineata, non satis præterea videntur convenire cum his quæ a te, Vir cl. diserte scribuntur: hepato-cystici canales ampliores sunt ad proprias in cystim extremitates, angustiores in suis ad poros biliarios radicibus. Imo qui tuam delinationem attendent, cum rem contra pingi, animadvertent; non istos esse canales hepato-cysticos existimabunt, sive ab ductu Hepatico ad Cystim vehentes, sed Hepaticos, hoc est, ab ea hepatis substantia quæ Cystim contingit, ad ductum Hepaticum referentes, nec a cæteris quos in vicinia similes pingis, origine, & munere discrepantes.

41 Neque vero de iis aliis vasis quæ Cyst-hepaticorum nomine a te pinguntur, multo aliter existimabunt. Longe enim tua differt delineatio a descriptione Glissonii, qui propterea longe etiam aliud munus vasi adscripsit, cujus finem in cervice Vesiculæ observavit. Namque ille (c) radicem vasorum biliariorum insignem, integrumque truncum describit vesiculam ingredientem; tu contra, ex pluribus qui sunt ad Vesiculam divisi, ramis coalescentem ostendis truncum qui Hepaticum ductum ingreditur. Ille suum truncum ait, ramusculos aliquot, & vasa capillaria in hepatis cavum distribuere; tu a truncis bene longis ne unum quidem proponis ramusculum, aut vas capillare quod in jecur ipsum spargatur, ad idque pertineat. Ille in Vesicula docet vix vestigium foraminis sui trunci apparere, ejusque insertionem comparat cum insertione ureterum, aut ductus communis, non sine quadam, instar hujus, sed exigua protuberantia; tu nullam hic protuberantiam pingis, imo doces, hanc ut plurimum deesse, & hæc vasa folliculi tunicas plerumque transmittere directius, quam vasa alia primigenis, orificia autem ipsorum satis manifesta, & patentia delineas. Postremo Glissonius qui monuit, ut in certam trunci hujus sui, ejusdemque distributionis atque insertionis notitiam deveniamus, hepar ipsum sua carne exuendum esse, & toties sane ipse exuit; non modo nullum ejus trunci cum Hepatico ductu commercium memoravit, sed certe, ut diximus, truncum ad Vesiculam docuit pertinere. Tu vero ita rem proponis, quasi Glissonius exiliores quidem vasis partes, seu ramos, crassiorem autem, seu truncum videre non potuisset! duos

(b) Progr. Anat. n. 23. (c) Anat. Hep. c. 23.



duos enim truncos delineas cum trunco Hepatici ductus connexos, imo satis amplis cum hoc orificiis communicantes.

42 Hæc omnia cum ita essent; tamen ego tibi tantum tribui, ut tot dubitandi causis neglectis, tua ista in Cystis cervice tot, & sic patentia foramina, tum vero ista etiam satis ampla in trunco Hepatico orificia diligenter inquirerem. Verum necesse est ut in cadavera inciderim quæ, quamvis viderentur, minime tamen essent ad hanc perquisitionem idonea. Tibi enim pro certo affirmare queo, me neutra in parte quæ a te pinguntur, adhuc videre potuisse. Quod vero ad ipsos attinet ductus; cum aut Hepatici canalis ramos persequeretur qui in vicinia Cystis discurrent, aut cum Cystim lenta ac suspensa manu a jecinore separarem, surculos quidem conspexi quosdam qui cum sanguifera essent, aut bilaria etiam vascula, sed Vesiculam denique non subeuntia, ductus *hepato-cysticos* facile, si quis non caveret, mentiri posse viderentur: quinetiam interdum nonnulla vidi quæ me post multas perquisitiones dubium incertumque relinquerent; nulla tamen unquam quæ manifesto perspicerem intra Vesiculæ fundum hiare.

Quod si alias unquam me perspicerem, speravi; certe quidem speravi nuper, cum videlicet jecur dissecarem quocum Cystis non nisi modica fundi parte jam prope ejus limbum cohærebat, toto autem reliquo superiore fundo, totaque cervice sic laxè adhærebat, ut sine cultro, sine ulla vi ab hepate disjungi posset. Multa enim eo toto intervallo jecur inter, & Cystim intercedebat pinguedo. Cum igitur lente disjungerem; sanguis quidem paucus, sed nihil quidquam effluxit bilis, neque ullum prorsus *Cyst-hepaticorum* canalium indicium fuit. Restabat illa dumtaxat pars infima ab arcto hepatis nexu dividenda: quod intra modicum omnino spatium cum tot collecta vasa tum *Cyst-hepatica*, tum *Hepato-cystica* esse oporteret; non difficile fore sperabam, ut aliquod saltem luculenter mihi in conspectum se daret, sive ad Vesiculæ exteriorem faciem id quærerem, sive oscula ad intimam superficiem investigarem. Et sedulo utrumque feci; sed frustra. Nam neque extra, certi aliquid inveni, neque intus ullam prorsus carunculam, aut foramen ullum; cum tamen jecur recens, & quam sanissimum foret, Vesicula autem optime constituta; isque homo probe nutrito, atque adeo obeso corpore prope ad sexagesimum, cum apoplexia sublatuſ est, annum pervenisset.

43 Tabula VI. mihi meas quasdam ad memoriam revocat observationes, in hisque duas; in quarum altera Cystim tam brevem, tamque angustam inveni, ut imo fundo ab jecoris limbo satis distaret, majorem autem oleam tota continere vix posset. Bilis inerat perpauca ex viridi pallida. Hepaticus truncus duplo erat amplior quam par fuisset, rugosaque intus superficie, sed non in rectis formam disposita. Nimirum credo, quæ bilis in Cystim divertere debuisset, eam magna ex parte in eo trunco subsistere coactam, hunc olim dilatasse. Ut hanc observationem in Anu, sic alteram in Sene habui, cujus cadavere ante aliquot annos ad publicam Anatomem usus sum. Huic Seni Communis, Cysticus, & Hepaticus ductus intra hepar usque, dilatati erant adeo, ut perimetrum duobus transversis digitis æqualem haberent. Orificium tamen ductus Communis naturalem ferre, in sua caruncula, angustiam servabat; ut proclive esset intelligere, subsistere ibi calculum potuisse, bilique exitum intercludere, cujus propterea tanta collecta vis fuerit, ut non modo eos omnes ductus sic distendere, sed cystim insuper potuerit ad digitorum transversorum octolongitudinem amplificare. Erant autem calculi vel intra jecur in ductu Hepatico, hujusque præsertim majoribus ramis passim obvi. Sed in Cysti nonnullis cum calculis erat bilis ejuscemodi ac si admixtam haberet aquam in qua caro recens lota esset.

Subcruentus is color acceptus referendus vide-

batur sanguini, & ichori qui ex carnea quadam excrescentia destillarent inæquali, flaccida, subrubicunda, ad cerasi magnitudinem ex imis Vesiculæ ipsius internis parietibus extante. Cui non absimilis altera ad urethræ initium inventa est quæ vesicæ orificium fere obstrueret, urinæque exitum difficilem redderet. Sed calculi qui in ejusmodi subcruenta aquosaque bile concreverant, ut quo plerumque invenire soleo, colore non erant, sic; ut fieri posse prædixeram; non ea quæ plerumque soliti sunt, præstiterunt. In aquam enim conjecti, etsi ad fundum non ruerunt; non æque tamen ac solent, eos vidimus supernatare. Flammam autem non servaverunt, neque ad flammam ingutas liquati sunt, neque crepitus edidere, nec quod gratum esset, oluere. Quæ omnia accidere posse, prædixeram ob ea quæ de nigris calculis non modo in III. *Adversariis* scripseram; verum insuper eodem quo illa edebantur, tempore animadverteram.

Cum enim Jo. Bapt. Vulpius Vir Cl. meusque nunc Collega meritissimus, tunc quosdam ad me calculos attulisset, ab se olim de Vesica fellea extractos, nonnullisque eorum disruptis vidissem sub tenui crusta ex viridi subflava nullam nisi nigram atque friabilem latere substantiam, eosdemque flammæ admotos illa omnia quæ nigros scripseram, omnino præstare; tum vero ipsos in aquam conjectos primum quidem ad summum redire animadverti, sed mox emissis bullulis paulo post ad fundum prolabi. Quæ cum observassem, delibere mecum cœpi, an ad calcem eorum *Adversariorum* hoc quoque nigrorum calculorum discrimen adjicerem. Nec feci tamen, primum quia non est meæ consuetudinis ex una observatione quidquam magnopere affirmare. Deinde quia ne id quidem; ut infra ostendam; iis quæ in *Adversariis* scripseram, plane adversabatur. Novissime quia si id a me scriptis adversaretur; Fernelii quoque, & Bidloi observationibus repugnasset. Ille (a) enim scripsit: *calculus in cysti fellea plerumque concreſcere nigrum, sed tamen levem, & qui aquæ immersus innatat.* Bidlous (b) autem: *calculos ex bile oriundos, aquis innatare, atque igne, cujuscunque sint coloris, figuræ, & magnitudinis comburendos existere.* Quorum Virorum observationes pro falsis habere, ac prorsus repudiare ego sane non auderem, ne si plurimas quidem omnino adversas ipse vidissem; propterea quia variæ esse possunt in nigris calculis substantiæ, varioque modo compactæ, ut non omnes ad fundum ruere necesse sit. Atque adeo ut ad illam meam, publice in Gymnasio habitam observationem revertar; cum de calculis quos in Hepatici ductus ramis fuisse plurimos dixi, plures vel in aquam projicerentur, vel flammæ admoverentur, alii quidem quæ plerique solent biliosi calculi, præstiterunt; alii vero, etsi pariter flavi erant, non modo eadem non præstiterunt, sed quæ ex illo eodem Sene cystici, ut dictum est, nobis præbuerant, obfervanda omnino præbuerunt; ut necesse sit sub eadem facie, & colore non eandem compositionem fuisse. Quæ omnia haud alio proposito memoro, ac cætera illa in *Adversariis* memoravi; ut quid ego observaverim, constet; non quod aliter ab aliis, in rebus præsertim hujusmodi, observari posse, negem.

44 Idemque te, Vir Cl., ut pro amicitia nostra simpliciter dicam; in re eadem facturum speravi. Sed quando tibi aliter videtur placuisse, in mearumque illarum observationum examen plures tibi socios, cum Bononiæ esses, adjunxisti, in iisque, quod tunc multis mirum est, Virum Præstantissimum, mihi quæ non uno nomine conjunctissimum Antonium M. Valsavam; tantum abest, id ut graviter feram, ut hujus, incredibili Rei Anatomicæ detrimento mortui, memoriam majori propterea quam alias fecissem, meo labore, & contentione ornandam susceperim; vos autem qui estis superstites (& diu, precor, sitis) quocumque possim, ac mihi liceat, officio sim libens pro-



prosecuturus. Neque enim alia quam veri quærendi causa id factum a vobis esse, dubito, ut ego vicissim pro eodem veri studio nunc a te quæso, ut quæ scripsisti, mecum recognoscere, & cum meis conferre observationibus ne graveris. *Calculi*, inquis, *vesicæ felleæ duplicis generis sunt; alii nigri, flavescentes alii: & cæt.* Nigri nunquam perfecte cuboidei visi sunt, seu sex lateribus præditi, quidquid aliqui asseverent. Ego (c) quoque meas observationes in duo capita diviseram, in eas quæ ad nigros, & in eas quæ ad cæteros (quos ego quidem sæpius inveni) calculos pertinerent. In hoc files. De figura autem non files, in qua me lapsum esse, putas. Verum ego de figura perfecte cuboidea nunquam asseveravi, qui scripserim, observatos a me calculos varia fuisse figura, quam omnes, uti ferme solent, a cuboidea longissime non aberant. Hoc tu in paucissimis nigrorum agnoscis, sed eorum reliquos ut plurimum deprehendi asseveras quatuor triangulis æquilateribus, & aequalibus circumscriptos; Flavescentes autem calculos sphericam plerumque aut ovalem æf. fectare figuram; --- quod si angulosam nanciscantur superficiem, pentagonum ut plurimum corpus, seu dodecaëdram, duodecim aequalibus, æquilateribus, atque æquiangulis pentagonis contentum imitari. Ego vero cum te animadverto istam facierum similitudinem, & æqualitatem usque adeo inculcare, ut; quasi timeres, ne non satis quid tibi velles assequeremur, pentagona dicens æqualia, & æquilatera; adjiciendum insuper censeas æquiangulara; non possum interdum non forti meæ subiras, qui cum calculos non paucos nigros, longe autem plurimos flavescentes invenerim; neque ex his quos multos asservo, neque ex ullis quos nunquam viderim, in unum incidere potuerim qui tantam istam omnium seu triangulorum, seu pentagonorum æqualitatem, & similitudinem exhiberet. Sed hoc me interea solatur, quod etli a te ut plurimum id visum credo; perraro tamen ab aliis conspectum animadvertam, atque ita perraro, ut vix unum Bartholinum producas, qui tamen inter infinitos calculos figuræ seminum Cnici præditos, quinque, haud amplius, memorat figuræ mathematicorum corpora pentagona representante, quibus ipsis verbis ut corpora significantur quinque angulis, ut pyramis cujus basis quadrilatera sit, non viginti, ut dodecaëdram, instructa, ita certe in illiusmodi corporibus nulla omnium angulorum, aut laterum æqualitas potest significari. Magis fortasse ad tetraëdram pertinet Vesalii (d) locus, quem poteras attulisse: Bilis Vesiculæ decem & octo lapilli continebantur perquam leves ac trianguli imagine æquis undique costis ac superficiebus formati. Re tamen vera ex nigris non erant, sed colore virides, & quasi nigrescentes. at quum exiccati essent, magis videbantur cinericei. Quod si tu vicissim ex me quæras, ut Auctorem producam qui cubica hos calculos figura observaverit; primum is in promptu est quem ipse accuratissimum vocas, Exercitissimus certe, & Præclarissimus Vir Mangerus (e). Hic enim scribit, se aliquando reperisse vesiculam biliariam ad absolutam turgescientiam infarctam bile nigerrima & cæt. aliquando præterea vidisse eandem vesiculam calculis ad formam & magnitudinem testifarum lusoriarum efformatis completam. Deinde tantum abest ut ego perfectam (quod tu facis) aliquam figuram hisce calculis adscripserim, ut juvet hic mea paulo ante producta verba iterare quibus hoc tantum scripti, ferme solere a cuboidea figura longissime non abesse. Et sane eorum quos ego vidi, plerosque memini a propositis a te figuris multo longius quam a cuboidea abfuisse. Atque adeo ex iis quos forte asservo, plerosque videre est factos magnam partem ex duabus quarum altera alteri basim utcumque obvertit, triangularibus pyramidibus, inæqualibus, & inæqualiter junctis, atque inæqualibus facierum tum spatiis, tum angulis, horumque perpauca, quales in do-

decaëdris esse omnes debent, obtusis: quæ omnia videlicet faciunt, ut existant corpora nulla regulari, ut vocant, figura prædita, ideoque non cubica, imo neque (nam ne id quidem scripsi) cuboidea, sed ab hac ultima tamen figura longe minus quam a certis illis, a te propositis, usque adeo regularibus, remota.

45 Etli vero has meas de felleorum calculorum figura a tuis adeo discrepantes observationes omnibus qui apud me inspicere velint, facile possum demonstrare, non tamen tuas propterea reprehendo, neque scribo: *nunquam perfecte tetraëdrici calculi, aut dodecaëdrici visi sunt, quidquid aliqui asseverent.* Quinimo etli egomet tanto ante quam tuas legerem observationes, in quosdam, ut supra ostensum est, tum nigros, tum flavos calculos incidi qui in aquam conjecti, deorsum laberentur; non tamen tecum possum pro semper in concusso statuere: *Ex flavis ejuscemodi calculis plurimos aqua immersos submergi, ex nigris vero prorsus omnes.* Quam enim tibi, Vir cl. fidem habeo, eandem Fernelio, & Bidloo me habere, par est, quorum ille, ut vidimus, diserte de nigris, hic de cujuscunque coloris calculis contrarium affirmavit. Horum autem Doctorum fides, & quod neque ego, neque tu pro certo unquam asseverare poterimus, nos de nigris, cujuscunque generis inveniri possint, experimenta cepisse, hæc, inquam, cogunt me assensum sustinere, cum te aut illa quæ protuli, aut hæc etiam scribentem lego: *nigros felleæ cystidis calculos in aquam projectos statim immergi, & fundum petere, extra omne dubium est.*

Quid? quod si me mihi ipsi æquum est credere, ex nigris habeo qui in summo innatent; nigros autem illos alios calculos immergi vidi quidem, & fundum petere; non tamen statim. Nam, ut supra expositum est, in aquam projecti, primum ad summum redierunt, deinde emissis bullulis paulo post ad fundum descenderunt. Quod quidem satis est, ut vere scribi possit: *hos aqua immersos, non ut ii qui de urinaria vesica extrahuntur, in imo subsidere, sed innatare.* Urinariis enim quos ego quidem hic habeo, calculi, in aquam projecti, neque sursum redeunt, neque in summo vel punctum temporis consistunt, aut innatare, sed recta ad fundum continuo ruunt. Qua in re satis ab ipsis discrepare flavescentes Cystis calculos confitearis, necesse est, qui scribas, *ex his --- plurimos --- aqua immisos eidem primum supernatare; hinc post aliquam in aqua macerationem, cum eandem imbiberint, sponte non minus submergi, & fundum petere, --- te summam cum voluptate observasse.* Tu vero ad hanc potissimum observationem habendam tot tibi Bononiæ socios adiungas narras, & in his Cel. Valsavam, cujus etiam in ædibus eandem semel, atque iterum cum ipso simul a vobis tentatam scribis. Tanti erat videlicet, ut illud confici, & concludi adversus me posset: „Jam animo excutiendam esse, veluti non vel, ram, bonæque observationis expertem, propositionem illam in genere: *Felleæ folliculi calculos aqua immersos, non ut ii, qui de urinaria vesica extrahuntur, in imo subsidere, sed innatare.* „ Quam quidem post Bidloum, Fernelium, Riolanum, aliosque, Moderniorum aliqui nimis fidenter, minusque experti receperunt, propriis, quæ in Operibus exscripserunt. „ Sed vide, quæso, hac in re quantum inter meum intersit, tuumque iudicium. Tu propter veltram istam observationem mea illa verba damnanda censes; Ego, ut paulo ante ostendi, ista ipsa observatione iudico mea illa verba satis comprobari potuisse, si forte ea (quod non est meæ consuetudinis) nimis fidenter, minusque expertus ex Fernelio, & Riolano exscripsissem. Quid enim tandem ea sibi verba aliud volunt, nisi felleis, & urinariis calculis in aquam conjectis, non idem pariter utrisque accidere, sed hos in imo subsidentes conspici, illos autem innatantes? Aut quis est qui significari omnino iis verbis contendat, felleos vel post aliquam in aqua macerationem, & post-

(c) Adv. III, Animadv. 28.

(d) Epist. ad Roel.

(e) Theatr. Anat. Tom. I. pag. 382.



& postquam hanc satis imbibierint, adhuc esse inaturos? ut propterea ad me arguendum, sibi insuper, si Diis placet, eos calculos cogendos existimet, quod vos fecistis, atque adeo *per manum mergendos, ut citius aquam imbibant, citiusque etiam fundum petant*. Ego vero neque id unquam volui, neque mea verba ex Bidloo, Fernellio, Rioloano omnia exscripsi, neque etsi omnia exscripsissem, horum loca, & nomina laudare omisi, neque demum ut *minus expertus* ipse (quanquam iis minus expertum libenter me fateor) eos Scriptores memoravi, sed ut suum omnibus redderetur, & tu in posterum, alique Cl. Viri non ad Bidloom dumtaxat, sed ad illos potissimum qui Bidloom præcesserunt, Auctores istam eandem observationem referretis: quibus sane omnibus posteros magis gratias agere quam obtestare, par videlicet, æquumque est.

46. Verum me idcirco, opinor, *minus expertum* putasti, quod me *aliquoties expertum* id esse, scripseram. Sed ego toties ea quæ propono, experiri solitus sum, ut cum *aliquoties* dico, sæpe *pluries* dicam quam alii plerique soliti sint observare.

Idque adeo hæc ipsa res ostendit. Neque enim quæ tu observasti, iis adversantur quæ me expertum esse, scripsi; sed iis quæ te expertum esse, scribis, quæ ego observavi, adversantur. Nimirum tu scribis, atque pronuncias, ex flavescensibus calculis *plurimos* ad fundum mox labi; aliquos dumtaxat excipis, quos novissime videris observasse, *non ita pridem ab amico quodam dono acceptos, tum nonnullos a te ex fellea hydropici cujusdam vesicula extractos*.

Hos *curiose inter ceteros reservas*. Hos concedis *aquæ vel diutius immersos, eaque quantum velis imbibitos, nunquam in imo subsidere*.

Sed annotandum censes: *valde adhuc molles esse, & cum illis fluvialibus topis comparandos, qui levissima digitorum pressione in arenulas omnino dissiliunt*. Contra ego ex iis quos variis temporibus, variisque de cadaveribus flavescensibus Cystis calculos extraxi, longe plurimos inveni qui in aquam projecti, ad fundum minime descenderent.

Quinimo repetitis nuper, atque adeo hisce ipsis diebus in iis omnibus qui ad manum erant, cysticis calculis experimentis, ut si forte contra atque alias, succederent, id tibi ingenue fateri possem; ne unus quidem fuit qui post horam, post horam autem? post unum, atque alterum diem fundum peteret. Quid verbis opus est? Totum triduum in aqua reliqui. Omnes tamen totum triduum in summo innatantes perstiterunt. Neque ullum prorsus indicium dederunt, aliter futurum fuisse; si vel aliquanto diutius reliquissem. Quos enim fregi, siccos intus, non humidos deprehendi; ut nihil aquæ viderentur imbibisse. Neque hæc ideo acciderunt quod *molles* essent, aut *levissima digitorum pressione* in fragmina dissilirent; duri enim satis sunt, nec levi digitorum pressione frangendi. Imo vero, quantum ego judicare potui, idcirco sic contigit, quod bene compacto, firmoque cortice muniti, imbibere aquam non potuerunt. Itaque fracti, & in aquam iterum coniecti primum quidem in summo natarunt, mox vero quædam citius, alia serius omnia sane fragmenta brevi ad fundum corruerunt; inde autem extracta, & in minora fragmina diffracta, intime aqua imbuta apparuerunt. Inter calculos autem qui aqua triduum innatarunt, præter plures ex flavescensibus, fuerunt plumbeo colore quidam, aliqui etiam valde fusco, nonnulli nigro, ad summam omnes quicumque, nullo habito delectu, a me in aquam projecti sunt. Hi omnes olim (recentibus enim quos ipsos alias vidi innatare aquæ, nunc carebam) hi, inquam, omnes alii ex aliis Vesiculis felleis extracti fuerant: quod hic omittendum non putavi, cum tu quidem quos calculos *post aliquam in aqua macerationem* ter vidisse submersos narras, hi ex una omnes Cysti, an ex pluribus; recentes, an veteres fuerint, non adnotaveris.

47 Cum autem ea quæ istis calculis sive adeo fuscis, sive nigris contigisse, modo scribebam, Morgagni Epistola Anat. I.

attendo, illudque præterea quod observasse alias memini in nigris calculis quibusdam non uno ex cadavere extractis, præsertim vero in viginti varia magnitudine præditis quos in Peripneumonici fellea Cysti deprehenderam, rara videlicet ac friabili carbonis instar fuisse substantia; cum hæc, inquam, omnia attendo; certe in universum liquere non puto, *nigrorum horumce calculorum substantiam magis esse compactam, --- ut flavescens nigris leviores sint*, neque inde horum, illorumve calculorum in aqua citiorem, aut tardiorum descensum potius esse repetendum, quam ex eo quod aquæ particulæ citius, aut tardius ea copia intra calculos se insinuent quæ horum ponderi addita, efficiat, ne ab aqua amplius sustineri jam possint. Cæterum quod ad calculorum structuram attinet; illud primum a te scribi animadverto: *revera calculos hujusmodi flavescens ex superpositis invicem, numero pluribus, aut paucioribus stratis, veluti supercretis corticibus --- crescere, & construui, diligenti inspectione deprehendi*. Neminem videlicet hic designas. Sed paulo inferius cum addis: *Illam tamen in hujusmodi calculorum stratis concinnitatem, & regularem elegantiam non cerni, ut si, ad exemplum, primum stratum ex albo flavum sit, alterum sit viride, tertium rursus ex albo flavum, quartum denuo viride &c.*; hic vero nonnullos continuo notas, *veluti*, inquis, *ab aliquibus prædicatur*. Et tamen idem ego & probatam a te, Vir cl. structuram illam ex stratis, & hunc a te improbatum eorum ordinem descripseram, neque tamen hunc quidem prædicaveram; sed in nonnullis dumtaxat mulieris cujusdam calculis fuisse, scripseram. Tu vero cur improbas? Nunquam, inquis, ego certe in tot inspectionibus cysticis calculis hunc ordinem deprehendi. Sed hinc profecto non efficitur, me in illis calculis non deprehendisse, in quibus ad hunc usque diem servatis, possum omnibus istum ipsum quem descripsi ordinem luculentissime demonstrare. Fortasse ne alia quidem vidisti de quibus files, a me non jam in nonnullis unius, sed in multis plurium Vesicularum calculis descripta; ut strata illa *tot quasi lineolis ad centrum tendentibus distincta, ut flavam bilem (primis diebus mollem, post in nucleum ex obscuro croceum concretam) manifesto in media calculorum singulorum parte conclusam*. Ego tamen vidi, & videre adhuc omnes apud me possunt, atque ita videre, ut in his quidem haud paucis flavescensibus variorum hominum calculis locum non habere agnoscant, quæ tu de flavescensibus in universum pronuncias: *Minimum nucleum, seu potius solidiorem quandam arenulam centrum occupare*. Huic vero solidiusculo principio bilis corpuscula hærentia, indeque indurata, molem paulatim amplificare, veluti foliis ad folia superstructis. Nam neque *minimum*, sed amplum pro mole calculorum *nucleum*, neque *arenosum*, sed *biliosum*, neque demum *veluti foliis ad folia superstructis*, sed simili prorsus bile adactum videbunt, donec strata incipiant ipsum complectentia, firmioremque calculorum partem efficientia. Sed alia quoque conspicient ab iis quæ tu pariter doces, magnopere discrepantia.

48 Tu enim universe pronuncias: *calculos hujusmodi bifariam, seu in æquales partes sectos, aggregatos exhibere elegantissimos circulos, quorum minores a parallelis majoribus usque ad externam faciem continentur*. Hi vero saltem de quibus dicebam, calculi, sic dissecti, non *elegantissimos circulos*, sed stratorum lineas exhibent ei figuræ quam supra in iisdem descripsi, respondentes; quanquam vel in tuis ipsis calculis non satis intelligo, quomodo, si *dodecaedri* forma sint, illa quoque ultima quæ ad externam faciem sunt, sive externam faciem componunt, strata *elegantissimi circuli* videantur, aut quomodo, si *sphæricam aut ovalem affectent figuram*, vel necesse sit, vel satis sit in *æquales* partes secari, ut istos exhibeant circulos; nam sphærici sectione quacunque, ovals omni quæ majorem axem ad perpendicularum secet, circulos exhibebunt; iidem autem ovals, si per eundem majorem axem non ad perpendicularum sectio



ducatur, quamvis *in aequales partes secti* esse possint, non *circulos* exhibebunt, sed *ellipses*. Non me præterit, inter *Anatomicos & ovalem fenestram* dici foramen quod *ellipticum* sit, & *cubiforme* os vocari quod *cubica* revera non sit figura, atque alia ejusdemmodi inter nostros ad mathematicam loquendi normam solícite exigí non consuevisse. Verum tuos istos *circulos* ad eandem non esse exactos, quí credam? cum mea illa certe exegeris verba quibus horum calculorum figuram vel cautius aliquanto quam *Anatomici* soleant, sic ut potui, indicavi: *ferme esse solitos a cuboidæa longissime non abesse*. Eadem animadversio facit, ut cum de *nigris calculis* scribis: *Id maxime dignum adhuc observatione esse, quod calculis hujusmodi in cujuslibet magnitudinis fragmina fortuito abruptis, hæc tetraedricam adhuc affectant figuram*; silere hic non debeam, neque ista fragmina si, ut mihi accidit, ita fortuito abrumpantur, ut rupturæ sectio vel plures planas facies, vel unam quidem, sed aut curvam, aut si planam, parallelam annexæ basi repræsentet, *tetraedricam satis affectare figuram* posse, neque cum affectant, id calculorum, sed tetraedri naturæ & proprietatibus acceptum esse referendum. Cæterum quod hos *nigros calculos arbitraris* compingi *absque arenoso illo nucleo*; huic opinioni, a me olim habitæ observationes non adversantur. Sed eum nucleum & in plumbeis nonnullis frustra quæsi, & in valde fuscis, quorum illi ferme ad cuboidæam, horum plures ad pyramidis figuram accedebant triangularis, sed ita inæqualibus faciebus, ut a vero tetraedro longissime abesset. Nolim tamén existimes, me istum arenosum nucleum credere ne in iis quidem quos ego non viderim, calculis inveniri, aut, si crederem, a cæteris propterea dissentire quæ ex Medicis colligis de *calculorum felleæ cystis, & urinariorum excipulorum affinitate*. Imo vero quantum hæc probem, Doctissimi illi, & Celeberrimi Viri sciunt, qui meum, ante hos quinque annos scriptum, Consilium legerunt pro Fœmina Principe quàm renum calculi & dolores quibus subinde obnoxia vixerat, tum denique amplius non vexarant ex quo aliis corripí doloribus cœperat quorum semper sub dextris coltis spuriis initium erat. Sed & olim in Illustrissimo Præsule Anguisciola, Pontificis Max. ad Inclytam Venetorum Rempubicam Legato, qui urinariis etiam morbis laborare consueverat, tres aut quatuor in fellea Cysti calculos vidimus. Amplissimus autem Vir, & omnibus quæcumque in Principem cadunt, Virtutibus Ornatissimus Georgius Cardinalis Cornelius, Antistes Patavinus, ut renes abnormi magnitudine, & ramosis fractos lapidibus, sic incredibilem in modum flaccidam, omnisque humoris expertem habuit Vesiculam fellis, unum, sed insignem, calculum complectentem. Verum hæc, & alia fortasse ejusdemmodi fusiis alias persequemur.

49 Nunc ad illa transeo quæ olim primus; ut puto, scripsi de iis quæ inter comburendum utrumque felleorum calculorum genus observantur. Neminem hic pariter designas, ubi nihil credis esse quod arguas. Easdem proponis observationes, ac quædam addis quæ utinam ego omnia possem accipere; velut istud: *flavos calculos illa observanda præbere qui præcipue molliores, aut recentiores sunt*. Plures enim calculos habeo neque molles, neque recentes, in his etiam ex iis quosdam in quibus illa primum Bononiæ vidi. Hi autem (nec cæteri discrepant) post hos totos viginti annos nihilo difficilius flammam concipiunt, servantque, aut reliqua præstant, quam olim vel recentissimi. Illud etiam, quod, *ut ad praxim apprimé faciens, annotandum censuisti, multo scilicet in genere difficilius flammam concipere calculos cysticos; quam qui biliferis duntaxat poris insederant*, quomodo verum sic in universum esse credam, qui, *nigris, paucisque aliis exceptis calculis, cysticos*

omnes in quibus id quidem expertus sum, facillime inflammari vidi; ex Hepatici autem ductus calculis quosdam, ut supra indicatum est, deprehendi, qui etsi flavi erant, minime tamen flammam servabant? Nec vero quæ addis alia cysticorum, atque hepaticorum calculorum discrimina priore certiora existimo. *Ut ductuum*, inquis, *hepaticorum calculi oblongi semper sunt* ---: *cystici ex adverso ad rotundam plerumque, & conglobatam figuram accedunt*; Ita minores calculi hujusmodi ductibus inhabitare quidem; majores vero felleum folliculum duntaxat occupare possunt. Verum, si tu ipse jam supra scripseras, tot illos calculos a Cl. Lentilio observatos, sedes suas figere forsân potuisse, non tantum in cysti fellea, quam etiam per hepaticum ductum, & melius per poros altiores bilarios, ubi molis rotunditatem, & parvitatem assumpserint; instar calculorum in iisdem fistulis nidulantium, a Cl. Reverborstio observatorum; quoniam hîc pacto, ductuum hepaticorum calculos oblongos semper esse, pronuncias? Vel quomodo cysticos ex adverso ad rotundam plerumque, & conglobatam figuram accedere, fatebor, quando; ut te ipsum docere, fileam, ex cysticis nigros esse tetraedros, vel utcumque cuboideos, flavescerent autem non omnes sphericam, aut ovalem affectare figuram, sed ex iis esse qui angulosam etiam nanciscantur superficiem; certe mihi alia plerumque quam rotunda, & conglobata figura occurrisset, satis antea ostensum est? Postremo quí credam, a minoribus calculis hepaticos ductus, a majoribus vero felleum folliculum duntaxat occupari posse? cum legerim, atque adeo viderim, Hepaticum ipsum ductum ad eam interdum amplitudinem dilatari, ut non minores quam quos plerumque in Cysti invenimus, calculos possit continere. Quo magis suspicor, in eodem, ejusve ramis illos, minoris fortasse magnitudinis, calculos, si modo biliosi fuerint, delituisse, quos alibi, ut hic memoras, scribis, *in vena portæ S. Ignatii a Columbo reperi- tos esse*. Nam; ut recenti adhuc re, atque adeo sexto ab illius obitu die Polancus is qui a secretis viventi fuerat, ad Socios scripsit (a); *hepar durum, & intra hoc quidam lapides inventi sunt*; Intra hepar autem tam arctus nexus, tamque similis intra eandem Capsulæ vaginam, venæ Portæ, & bilarii ductus incessus est, ut proclive Columbo fuerit in ejusmodi præsertim extispicio quod honoris causa expedire, ut sit, non disciplinæ gratia diligenter habebatur, id in venæ ramis esse credere quod fortasse in conjuncti meatus ramis hærebat; Quorum quidem perpetuam cum ea vena conjunctionem num Columbus idem probe nosset, dubito, cum alibi (b) ipsum animadverto eisdem, *inter venæ Cavæ, portæque ramos, describentem per jecinoris substantiam dispersos*. Nec sane meliora Vesalius (c) docuerat, eos *in ductorum utriusque venæ ramorum medio* proponens, & aliquibus duntaxat *in locis*. Quod si hæc Summi Anatomici; tanto magis excusandi Medici essent, si qui forte per ea tempora ob eandem illarum rerum ignorationem ad eundem essent modum hallucinati. Hoc autem dico propter Jacobum Camenicenum (d), cujus observatio non unâ ratione ad Historiam pertinebat tuam, atque aptius certe quam ista Columbi, ad propositum illud tuum de bile ante secretionem hepaticam a toto sanguineo in vena portæ distincta, & secreta spectare posse videbatur. In viro enim diu primum icterico, deinde hydropico, scripsit, *hepatis venas in parte ejus cavæ, priusquam in communem illum caudicem portæ desinunt, omnes obstructas fuisse, lapillis eas distendentibus foris nigris, intus flaventibus*. Quos ego lapillos quanto magis biliosos fuisse, credo; tanto magis suspicor in ramis hæsisse ductus Hepatici, omnes venæ Portæ ramos arcte comitantibus, præsertim cum legam, Communem quoque bilis meatum, cujus finis coaluerat,

(a) Bartoli Vita di S. Ignat. l. 4. n. 31.

(b) L. XI. c. 8.

(c) De corp. hum. fabr. l. 5. c. 7.

(d) Vid. inter Epist. Matthioli l. 5. Epist. 2.



*lapide ejusmodi obstructum fuisse*, verique minus simile videatur, hunc eo ex Cysti fellea, in qua bilis quidem plurima, at nulli memorantur calculi, quam ex ramis illis descendisse canalis Hepatici, cujus truncus *liberrimus erat*. Quod si non hujus, sed venæ Portæ rami lapillis omnes ad eum locum *obstructi fuissent*; haud satis video, quæ via sanguis in truncum ejus venæ tot ex partibus comportatus, inde cavam versus porro pergere; & quomodo hepar ipsum grande, colore nigricante, & fere tali qualem in splene alias conspicimus, esse potuisset. Verum ut hunc in quem forte incidi, de venæ Portæ calculis sermonem absolvam; mihi certe horum observationes tanto magis suspectæ videbuntur, quanto difficilius est in venis calculos, quam in hepaticis ductibus concrevere; nisi forte cautus, & sedis horum ductuum, ac meæ suspicionis probe gnarus Anatomicus qui ejusmodi in posterum historias scribat; idem se quod Columbus & Cameniceus tradunt, omni sublata dubitatione luculenter perspexisse testetur.

50 Illud nunc restat ut de calculis in Cysti ipsa cognoscendis tantum addam; quantum illæ meæ observationes requirunt. Cum enim minime me præteriret; haud raro cum iis calculis conjunctum regium morbum fuisse observatum, imo nonnullos Medicos esse audirem, qui semper conjungi arbitrati, ipsum in eorum calculorum notis quas gravissimi, cautissimique Doctores ambiguas, obscuras, incertasque censuerunt, sine ulla dubitatione semper crederent esse ponendum; ob hanc ipsam causam ne hæc magis magisque in Medentium animis opinatio inolefceret, in illarum observationum calce non omittendum existimavi: *mihi vero forte contigisse, ut ex illis calculis ad eam usque diem a me compertis nullam unquam peculiarem noxam, sed ne ictericum quidem colorem iis in quibus compereram, inductum esse, observarem*.

Sive enim calculi a me reperti; nondum ea fuerant magnitudine, aut pondere, aut figura qua satis lædi Cystis posset, sive eo numquam compulsi fuerant, ut bilis exitum prohiberent; illud certe mihi observare contigerat, argumento evidentissimo, esse igitur in Cysti lapillos posse, neque ullam tamen peculiarem, quæ quidem manifesta sit, noxam, sed ne ictericum quidem colorem inducere. Tu contra, Vir cl. pronuncias: *Qui calculo hepatico, aut cystico, ut ut exiliori, mitiorique continentur, malo semper, ictericoque plus minus corporis habitu persusos deprehendi*. At quonam pacto id evincere te posse, speras? Num forte rationibus? Scilicet his magis credam, quam sensibus,

(e) *Qui nisi sint veri, ratio quoque falsa fit omnis?*

An tuis, atque aliorum observationibus? Quasi vero illud hic ageretur, an sæpe Icterus cum cysticis calculis jungatur, quod cum vestræ confirmant observationes, tum ego certe negavi nunquam. Hoc autem agitur, an semper jungatur, id quod tu affirmas, sed nullis, ne innumeris quidem, observationibus probari unquam poterit, quando ego; ego autem? tot etiam alii contrarium toties observatum esse, non ignorant. Neque eos tantum dico Doctissimos Viros qui eas mecum observationes summâ tum in cadaveribus inspiciendis, tum in viventibus adhuc, vel eorum notis atque domesticis interrogandis, diligentia habuerunt; sed omnes præterea dico quicumque aut Andream Lacum nam (f) legerunt nobilem præsertim fœminam memorantem, cujus vesica fellis duobus vel corpulentissimis instar glandium lapidibus occupabatur, quum ne minimam quidem regii morbi antea medicis suspicionem dedisset, aut Joannem Scultetum (g) de Veneta scribentem, cujus ipse reperit vesiculam felleam calculo instar crystalli pellucido repletam, neque tamen icterica, ut ex hac alteraque historia colligat, quod ad obstructum porum biliarium, & cysticum, non semper sequatur icteritia; aut Jo. Jacobum Wepferum (h) affirmantem, se ali.

Morgagni Epistola Anat. I.

quando lapidem insignis magnitudinis in fœmina; in alia plures invenisse in vesicula biliaria, quarum neutra icterica erat, aut denique; ne nunc plures quæram; Theophilum Bonetum (i) qui, præter superiorem Sculteti, alias producit observationes, suam videlicet, ac Medici Florentini, hujus quidem, calculorum cystis XVIII. numero, nucis Ponticæ magnitudine in Constantia Acciaro- lia, & Elizabetha Capponia repertorum, quarum neutram tamen arquatus morbus infecerat; suam vero in muliere, in cujus vesica fellea reperti 44. lapilli, quorum maximus fabam æquabat, reliqui pisi, & lentis erant magnitudine: Vultus tamen Ictero nequaquam fœdatus fuit. Mirum videri potest, hæc tot exempla omnia in fœminis fuisse. Verum in maribus quoque idem promiscue observavi, ut sic fortuito acciderit, hæc de mulieribus fuisse litteris mandata, ut mihi forte (id quod dixi) ad illud usque tempus contigerat eos lapides cum icterico colore vidisse nunquam.

51 Hæc cum ita essent, neque meæ modo; sed ne a Boneto quidem, cujus locum indicas, productæ observationes te, Vir cl. laterent; tuum illud nimis certe patens pronunciatum mox tibi necessario contrahendum esse, intellexisti. Itaque hæc repente subjecisti: *ex ejusmodi calculosis illos dumtaxat non evadere ictericos, in quibus præedita bilis in aliquod determinatum viscus, ad fœrum, & plerumque lethalem peculiarem procreandum morbum decumbit*. Quæ cum scripseris, non illud tantummodo fassus es, non eos igitur malo semper, ictericoque plus minus corporis habitu persusos deprehendi; sed hoc insuper fateri debes: illis etiam qui neque icterici sint, neque ejusmodi decubitu affecti, posse tamen calculos in fellis vesicula insidere. Nam si ii decubitus fiunt ob præeditam a calculis bilem; sunt igitur jam calculi tum sine ictero, ut concedis, tum antequam decubitus illi fiant. Quid? si præterea possunt esse eodem tempore sine ulla, quæ quidem sub sensus cadat, peculiari noxa. Te quidem non fugit, præter nos, Gerbesium, & Lospichlerum, in Observationibus Nat. curios. Germ. aliosque, alibi, memoriæ tradidisse: *Homines vel a numerosissimis cysticis calculis, quorum aliqui ad pisorum, alii ad mediocrium castanearum molem excrevisse, obsessos, citra querelam diu sanos vixisse, propriaque naturalia munia obire incolumes, valuisse*. At respondes, te quomodo id scripserint, non intelligere. Nam vitiatus, inquis, plus minus cutaneus color, aut profunda quadam, lentæque primarum, ut dicitur, viarum affectiones ab his forte, atque ab ipsismet patientibus fuere non satis perpensæ. Ego vero non intelligo, cur ejusmodi Viris id scribentibus non satis credas, qui alibi sine ulla dubitatione credis Chirurgo narranti, virum, cujus muscoli omnes se se contraxerant, ita ut homo staturæ justæ, & elegantis formæ, in homunculum redactus, staturam infantis duorum, sed non trium annorum vix attingeret, cujus thorax ad formam thoracis gallinæ se se coegerat, hunc, inquama, credis, interea temporis usum fuisse cibo, & potu, somno, & vigilia prout uti solebat in INTEGRA SANITATE, OMNESQUE functiones animi, & corporis satis liberas exercuisse excepto motu, atque ita credis, ut hinc inferas, ex probis omnibus corporis, & animi functionibus incolumem tunc temporis extitisse liquidorum crassim jure conjiciendum esse. Nullane esse in hoc poterant profunda saltem, lentæque affectiones, ab eo forte Chirurgo, atque ab ipsomet patiente non satis perpensæ? Sed in hoc ne fuerint; In illis qui fuerint? Eas, inquis, necessario interfuisse docuerunt ipsimet omnium illorum allatorum hominum improvisi obitus. Quasi vero hic illud quæramus, num improvisi obitus sine præviis contingere affectionibus possint, non illud dumtaxat, num siquæ præviæ sint affectiones, hæc semper satis sub

B 2

sen.

(e) Lucr. de rer. nat. l. 4. (f) Anat. Meth. (g) Armam. Chir. Obs. 61. (h) De Cic. Aqu.  
(i) Sepulchret. l. 3. Sect. 18. Obs. 8.



sensus cadant aut eorum hominum, aut Medicorum, & si etiam cadant, num *peculiares* noxæ eæ sint, hoc est propria cysticorum calculorum indicia.

Sed ut tandem aliquando hanc omnem de iis calculis disputationem absolvam; tu quidem pro tuis pronunciatis non dubitas scribere: *Hæc nos cum accuratioribus amicis, longa observationum serie perspeximus: An viderint alii, an noverint, id certe nobis non referet.* Ego contra, cum in meis illis vulgandis observationibus haud minor tua mihi fuerit *adjuvandis hominibus animi sollicitudo*, mea non parvi referre censeo, quid de ipsis homines iudicent, & an suis, aliorumque accuratis observationibus respondentes, cum iisque consentientes inveniant, doliturus, siqua forte pronunciassem quæ cum universe nimis prolata esse videri possent, tum eadem Fernelii, Riolani, Bidloi, Lacunæ, Sculteri, Wepferi, Boneti, Gerbezii, Lospichleri, aliorumque Præstantissimorum Virorum non facile refutandis observationibus repugnarent.

52 Nunc quando illa sunt a nobis expedita, in quorum mentionem a Tabula VI. deducti sumus; jam omiſſis omnibus quæ in eadem Tabula, quæ tua non est, possent fortasse perpendi, ad VII. tranſeamus. Figurâ I. *reticulatam* intimæ faciei Vesiculæ fellis structuram demonstras, quam per cysticum ulterius, ipsumque choledochum, & hepaticum ductum, quantumvis levioſorem, produci, atque conspici, affirmas. Quid ergo est, quod non levioſorem, sed crassioſorem multo densioſeremque in iis ductibus quam in Cysti delineas? Equidem in aliis rete ductuum esse crassius, in aliis autem exilius, & rarius quam Vesiculæ, a me quoque observatum est. Tamen quæ hic dicis, aliquanto magis Explicationi Tabulæ V. quam hujus Figuræ conveniebant. Cæterum cum ductuum rete bis pingas, & alio Iconismo aliter pingas; mirari subit, cum Cystis rete quater ostendas, cur nulla in Figura sic tenue, atque ita factum commonſtres, ut Cel. Ruyschius (a) exhibuit. Mihi quidem accidit nuper, ut cum Vesiculas quinque, continenter apertas, cum tuis omnibus, & cum una illius delineatione conferrem, cunctarum rete multo ad hanc propius quam ad illas, accedens invenirem.

53 Figura II. apertum cum Vesicula canalem Cysticum tertio proponis. Numquam tamen hujus Valvulas pingis in cochleæ modum eleganter circumductas, ut a Præstantissimo Heistero (b); a meque ipso nonnumquam sunt observatæ, & hæc quidem valde extantes, neque ingressurum, aut egressurum specillum admittentes. Non miror tamen; quando tales non bene te hætenus conspexisse, fateris, sed nulla certa norma ut plurimum dispositas, quales mihi quoque sæpe occurrerunt, eadem specillo impedimenta afferentes, alias vero tenuiores. Alia miror, & in his illud primum, te supra declinantem observationes Doctissimi Heisteri, *sinum dixisse hucusque invisum* quem, ad finem cujusdam Vesiculæ, ductusque Cystici initium, is observavit, & pinxit (c); cum Jасolinus (d) olim, itemque Bauhinus (e), quali rem observari solitam, istum sinum ad eum locum verbis, & Icone proposuerint. Deinde hoc miror, te in prima, atque adeo in hac etiam altera Editione statuentem, *imaginarias esse quorundam antiquorum valvulas colli, & cervicis cavum in cysti fellea occupantes*, nulla alia propria, nisi una, aut altera, ut fateris; observatione in re ejusmodi innixum esse, in quibus scilicet illud facile contigerat, --- vesicæ felleæ digito vel leviter pressæ, bilis a cysti in choledochum per cysticum ductum liberum sursum ac deorsum effluvium. Nam ut tibi semel, aut iterum id contigisset; æquum fuerat existimare, multo sæpius Adriano Spigelio (f) contra accidisse, alioqui non sic præcepturo: *Has valvulas si videre cupias, expressam ex vesicula bilem in mea-*

tum digitis reprime. nam circa Valvulas immobilem consistere advertes. Sed nihil adeo possum mirari, quin magis in eo te, Vir Cl. probem, ac laudem, quod Valvulas a te tandiu pro imaginariis habitas, ac semel, atque iterum publice impugnatas; hoc tandem in loco ingenue agnoscas. Usum quoque laudo quem iisdem adscribendum esse putas, nempe ut his obicibus, bilis neque tam libere, rapideque a biliario poro in cystim descendat; neque tam facile, subitoque a cysti in hepaticam, atque choledochum erumpat. Quo in usu magnum te in parte Auctorem habere animadverti, Jo. Riolanum (g). Hic enim scripsit quidem: *intra cysticum ramum biliarium juxta corpus Vesiculæ, valvulas contineri: --- esse potius rugositates, quæ bilis semel elapsæ refluxum impediunt*; at supra, facere easdem, scripserat, Highmoro (h) adstipulante, *ne tam facilis & lubricus esset descensus bilis*: itemque alibi (i), *ut festinum bilis prolapsum utcumque sistant & moderentur*: atque ut bilis per angustioſorem meatum sensim exstillet, & vacuetur.

54 Verum ut te impugnatas Valvulas candide agnoscentem laudo, sic non minus probo alia ingenue retractantem. Cum enim supra id quod in prima Editione posueras, in hac quoque his verbis confirmasses: *Quod certum est; Nos in cujuscumque generis animalium cysti fellea non nisi ad cervicis finem, & colli principium angustiam quandam ab annulo musculari obvoluto productam vidimus; in quo concurrimus cum cl. Glissonio; nihilominus hic fateris, te respectu ad muscularem hanc fasciam, seu sphincterem folliculo proprium, ea ipsa moderari, imo retractare, quæ ibi scripseras Glissonii auctoritati non parum fideus & cæt.* Fortasse tamen retractationem istam tuam aliquanto magis contrahere potuisses, ibique præsertim ubi nimis, nisi fallor, universe scribis: *ad initia Canalis cystici nullum esse interſertum specialem annulum, muscularem, aut distincte membranaceum, vel interius a canalis superficie, instar pylori, circumquaque eminentem, --- sumus nunc adeo post innumeras observationes certiores redditi.* Cum enim memoria tenerem, me in quibusdam certe Vesiculis quæ cervix in Cysticum ductum se contrahit, specialem annulum membranaceum interius vidisse instar pylori circumquaque eminentem; de hoc etiam in iis quinque quas nuper a me incisas esse dixi, Vesiculis quærendum exultavi. Vidi autem in quatuor saltem, interiores summæ cervicis tunicas sic ibidem introrsus, & sursum versus duplicari, ut insignem quandam valvulam infimam omnium efficerent, circumcirca extantem, atque ita ad superiora conversam, ut ingressuro potius, quam egressuro, appresso ad latera, specillo obſisteret.

55 Hæc dum quærerem, in nonnullis saltem animadverti, Cystis rete jam ad colli summum minus extare, quam infra: id quod a te quoque adnotatum est. Verum ut hoc libenter confirmo; sic illud vellem probare posse quod de his Cystis retibus in universum subjicis: *ad lentam stabulantem bilem forte quassandam, suoque modo a concretione inhibendam facere, non improbabile a te duci, si validas ventriculorum cordis reticulatas asperitates ad attenuandum, atque in insitis ramosis particulis veluti discerpendum trajicientem sanguinem, multam præstare operam cogites.* Quid enim, te obsecro, simile? Crassissimus cordis, & validissimus musculus alternis jugiter parietes contra adversos parietes urgens, & Vesicula, ad quam vix quidpiam muscularis naturæ percipi, te ipsum tradidisse, in proxima pagina fateris, & potius muscularia extare rudimenta, confirmas; Vesicula, inquam, illa, in qua statuisti ex nulla contractionis naturalis existentia, & impossibilitatem superaddite per vim propriam contractionis. Huc retia adde ex vel majoribus illis valvularibus extantiis per ductum cysticum, & interdum communem, atque

(a) Tab. ad Epist. Pobl. V. Fig. 3.

(b) Eph. N. C. Cent. VI. Obs. 28.

(c) Ibid.

(d) De poris cholid. c. 5.

(e) Theatr. Anat. l. 1. c. 45. & Tab. 38, Fig. 1.

(f) De hum. corp. fabr. l. 8. c. 13.

(g) Anthropol. l. 2. c. 22.

(h) Corp. hum. Disqu. l. 1. P. 3. c. 2.

(i) Animadv. in Laur. c. 20. l. 6.



atque biliarium porum disseminatis, quibus tamen in ductibus sic lenta non stabulatur bilis.

56 De Glandulis autem tum Cystis, tum eorum Ductuum illud a te verissime scriptum est, in aliis quidem pusillas adeo esse, & immerfas, ut quacumque ut plurimum industria utentis visum adhuc effugiant: quod tamen num ideo in Cystico hujus II. Figuræ meatu accidat, quod crebrioribus valvulosis complexibus forte admodum obscurantur, ipse videris, qui in I. Figuræ Cystico ductu, crebrioribus crassis retibus magis impedito, eas glandulas luculente delineasti. Verum utcunque hoc est; ejusmodi glandulas crediderim te artificio aliquo anatomico retegere consuevisse. Nam cum Vesiculas quatuor dissectas proponas; in omnibus, vel in Vesiculis ipsis, vel in Ductibus ejusmodi glandulas demonstras, quas ego quidem nullo, nisi oculorum, & cultri auxilio, usus vix in ullis aut Vesiculis, aut Ductibus vidisse memini. Quinetiam Malpighius (a), qui post diutinos labores ejusdemmodi glandulas in suilla, & ovilla Cysti deprehendit, non modo de humana, qua de hic agimus, siluit, sed ne in earum quidem animantium poro biliario ex observatione, sed ex conjectura posuit. Ruyschius (b) autem Anatomicus Diligentissimus in homine quidem ostendit, sed cum minores, rariores, minusque luculentas atque extantes quam tu, Vir cl. repræsentavit, tum insuper monuit, aliquanto majores a se esse delineatas, ut melius conspici possint; præterea in omni vesicula humana non æque distincte conspici; quam quidem in suilla, aut bovina. Quid? quod Præstantissimus Heisterus (c) se in vesicula fellis boum sæpius parvas glandulas flavas, ceruminosis in meatu auditorio haud absimiles, vidisse, testatur; In humana vero quandoque tantum videre potuisse. Vide, inquit, Ephem. Nat. Curios. Cent. V. & VI. pag. 243. Tab. VI. fig. I. & II. ubi tamen in una, neque ea tota, Vesicula, imo potius in parva ejus Appendice, quam tu quoque in rariorum censum arrogandam esse, non dubitas, plura quidem ostendit corpuscula glandulis similia, sed Ruyschianis, atque adeo tuis fere omnibus tanto majora, ut veri simile sit, dilatata fuisse ac distenta; quæ exiguis foraminulis in cavitatem hiantibus prædita erant. Denique ante hos duos annos, Eruditissimus, idemque Exercitativissimus Santorinus (d) cum Cystis glandulas a plurimis nullo detegi vel optico auxilio, animadvertisset; ad has confirmandas, non quomodo ab omnibus in Cysti secundum naturam se habente conspici possent, sed quomodo ipse in quadam turgente nimium, obstructaque Vesicula conspexisset, edocuit, nimirum se, & qui aderant, in ea probe purgata Cysti aliquot potissimum sub interiore membrana conditas lenticulares glandulas luculenter vidisse, quarum cum dispar esset moles, maxima quæ fundo inerat, lenticulam pene æquabat; ex harumque singulis, in quibus conspicuum osculum erat, non difficile fuisse id exprimere quod continebatur, bili prorsus simile, ex quo maxime pellucere, & glandulæ figura, & magnitudo internoscatur, eo prorsus modo ac in plurimis disjunctis intestinorum glandulis evenit. Ego vero, qui neque glandulas, neque certa & vera foramina videre potui in illa amplificata Vesicula, dilatatisque bilariis ductibus de quibus supra commemoravi; nuper cum id minus sperarem, nonnulla, huc maxime, ut puto, spectantia, vidi in Vesicula alterius Senis, cujus visceribus quibusdam ad hanc publicam Anatomem usus sum. Illa igitur, quæ suo cum jecinore, bilariisque meatibus sana, & recte constituta apparuit sive extra, sive intus examinaretur; quinque, aut sex foramina mihi præbuit observanda, quæ per faciem ipsius intimam tam ab ea parte qua hepatis adhærebant, quam ab opposita, omnia a medio deorsum disjuncta erant. Singula erant tum circuli figura, tum atro colore conspicua quem subniger annu-

Morgagni Epistola Anat. I.

lus cingebat, ut lenticulares glandulas repræsentarent atra quadam materia plenas, in ambitu translucente, per foramen autem se se manifesto ostendente. Cum specillum, quod foramina admittebant, tenue illud quidem, sed non tenuissimum, facile indidissim singulis, non humorem, sed solidum subesse corpusculum, sensi; erat autem ater calculus: quo educto, liberum specillo fuit intra cellulam qua is continebatur, quoquoersum in gyrum agi. Singulæ cellulæ, non perexiguæ, membranei instar subrotundi folliculi erant, inter Cystis tunicas locati: quibuscum cellulis an ulla ex annexo adhuc hepate biliaria vascula communicarent, cum summa adhibita diligentia quæsitum esset, non a me modo, aut ab Nicolao Mediavia Philos. & Medicinæ Doctore cujus egregia opera jam aliquot annos in publicis utor dissectionibus, verum etiam ab Experientissimo, qui forte aderat, collega meo Vulpio (sum enim solitus in controversis præsertim rebus observandis, meis ipse oculis diffidere, & eos quos mecum magis habeam exercitatos, ut ipsi quoque observent, rogare) cum, inquam, id ab omnibus esset quæsitum; nihil ejusmodi inventum est. Id autem ideo quæsi, & quæri volui, quod mihi suspicio inciderat, ejusmodi cellulas humore factas atque distentas posse fortassis ita extare aliquando, ut carunculas, a te eodem in loco in V. Tabula delineatas mentiantur. Veri autem simillimum censeo, has cellulas fuisse quasdam ex cysticis glandulis a subsistente ob additum fortasse lentorem ea quam secernunt, materia, in calculumque concreta ad eum modum dilatatas: quam quidem materiem bilem esse quandam, id ipsum videtur indicare quod in ejusmodi nigros calculos, ut bilis haud raro solet, concreverat. Nam quod vereri aliquis posset, ne se bilis ex Vesicula per cellularum foramina illuc coniecisset, minus in hac nostra observatione credibile est, cum in ea Cysti nec ejusmodi bilem, neque ullos calculos invenerimus. Utcunque id est; sicut has cellulas fuisse cysticas dilatatas glandulas, credo; ita hinc potes intelligere, me eas quidem glandulas secundum naturam in Cysti esse, & continuatis etiam non ita absimili structura Ductibus, existimare; sed adeo parvas, ut per se, nullo adhibito artificio, multo rarius conspiciendas se præbeant, quam tuæ istæ omnes Figuræ videntur significare.

57 Quod quidem artificium si in ulla, certe in Figura III. generatim saltem a te fuisse commemorandum, censeo, aut illud sane non omittendum, ut Lectores moneres, haud semper ita res inveniri, & ostendi posse, ut a te istic proponuntur. Nam ut Cystis tunicarum numerum prætermittam, quem, ut quisque aut cultro indulget, aut contra timet, ne lacerare magis, quam separare videatur, ita augere facile possit, aut imminuere; illud mihi per anatomen compertum est, istam alteram tunicam vasculosam non semper saltem ita inveniri, ut cumulatissimam, quam pingis, elegantissimamque sanguineorum vasorum sylvam undequaque sustentet, sed ne subjectam quidem tertiam, quam vocas glandulosam, istis pariter haud inelegantibus plurimis sanguiniferarum vasculorum plexibus ita instruatam. Verum ut hæc etiam omnia fileam, & de prima, ac tertia tunica illa dumtaxat de quibus a te plura verba fiunt, attendam; musculares fibras, quas tamen potius muscularia rudimenta mox vocas, diligenti anatomico cultro ab extima, cui incumbunt, & annectuntur, tunica non difficile solvi, ac separari, doces. Nimirum in fellea illud iteras quod in urinaria Vesica, me vix credente, atque adeo dissentiente, indicaveras (e), exteriorem ipsam tunicam plano ulterius obtegi musculari. Imo; quantum intelligo, proximas aliquot paginas cursim hic illic inspiciendo; ita in ea adhuc es opinione, ut me potius in eo in quo a te dissentis, loco (f) in multos,

B 3

gra-

977

(a) De Lien. c. 6. (b) Ad Epist. Probl. V. (c) Comp. Anat. n. 391. (d) Obs. Anat. c. 9. n. XI.  
(e) Theatr. Anatom. Manger. Tom. I. pag. 416. (f) Adv. III. pag. 76.



gravesque errores prolapsus esse, non dubites.

58 Ego vero te longe aliter sensurum existimo, si iterum, sed magis quieto animo, quæ ibi scripti, & quo spectent singula, reputaveris, ac præsertim si, quod rei caput est, Vesicæ urinariæ examen, omni præjudicata opinione paulisper seposita, institueris. Quod si feceris; primus ipse pro veri studio tolles de medio istud, Anatomicis inauditum, discrimen quod inter ventriculum, aut intestina, & urinariam Vesicam excogitasti, ut muscularis tunica in illis sit *extimæ revera intimæque* 980 *tunicæ intermedia*, sive (quod eodem recidit) in ventriculo quidem & intestinis *peritonæum ipsum* 984 *extimum sit*; sed non in Vesica, quippe in qua tantum abest ut musculare planum intermedium agnoscas, ipsam *externam tunicam propaginem peritonæi, musculari plano obtectam* scribis. Nam quid, te obsecro, causæ est, quod in ejusdem Vesicæ anatome mihi, & cæteris supra extimam membranam fibræ istæ musculares occurrant nunquam; imo sæpe ne illa quidem sublata, omnino, & undequaque in conspectum veniant, adipe videlicet hic illic intercedente, cujus causa Gravis Anatomicus Heisterus (g) in *vesica humana tunicam cellululosam statui posse credit*, nimirum quia *manifesto inter extimam & muscularem tunicam plerumque, si non semper, pinguedo, eaque sæpe copiosa, ibidem reperitur, in peculiaribus cellulis adiposis secreta, collecta atque asservata*. Igitur externa, imo etiam secundum Heisteri rationem altera quæ externæ subjicitur, detracta tunica; tum demum nobis sub hac altera conspicuum prorsus sit illud musculare, ut vocas, *planum*, quo tu, Vir cl. ipsam extimam *obtegi tunicam*, contendis. Necesse ergo est, ut istud non minus in Vesica, quam in ventriculo, & intestinis locum teneat intermedium.

Si hoc autem necesse est; tu videris, quonam modo tuum istud tuearis discrimen, & quo pacto probes, --- a nemine negari ullo modo posse, *urinariam vesicam solum extrinsecus rubere, interius vero, & præsertim in media ejus tunica insigniter albescere*; ut alia præteream quæ tibi minus fortasse attendenti istic crediderim excidisse. Nam quod in ista pariter media sede fibræ ego locari scripsi æmulantes fibræ trium fasciolarum Coli intestini, cum id, ut testatus sum, *conferendo perspexi*, nec unus sane perspexi; tum in meis ad Posthuma Cel. Valsalvæ, Scripta Adnotationibus quidquid & eo tempore, & insequentibus annis de iisdem rebus observavi, iam pridem candide in utramque partem ad eum modum expositum est, ut facile omnibus futurum sit intelligere, an præter Virum Summum, & de utroque nostrum egregie meritum Lancisium (h) sequi, cujus judicio apud nostrates, Coli *musculares fasciæ* appellari cœptæ sunt, an tecum potius *communi, consultoque*, ut tu ais, *nomine uti debeamus Ligamentorum intestini coli* propterea, quia illarum fibræ *leves, & candidissimæ sint, tum nulla fabrica, usuve musculari sint præditæ*: quod utte alibi esse explanaturum promittis, sic nos ibi satis superque examinavisse, patebit.

59 Nunc enim quando in media Vesicæ tunica tu nullum alium, nisi *insigniter albescentem* colorem agnoscis, & ne *subalbidum* quidem fers, quem tamen negare in parte nemo potest, & qui primam eam tunicam diligentius inspexere, diserte memorarunt; quid dices, si *subalbido* eo colore non contentus, rubentem quoque in eadem tunica, quibusdam præsertim in cadaveribus, & conspectum esse, & conspici, affirmem? Nam quid sibi aliud tandem volebat aut Adrianus Spigelius (i), cum illam tunicam esse scripsit *nonnihil fibris carneis conspersam, quæ se se egregie, facta aliqua sanguinis affusione, in conspectum proferunt*, aut Casparus Bauhinus (k), cum easdem docuit *nonnunquam ex sanguinis affluxu ita fieri conspicuas, ut membranam carnosam diceret*, aut ante eorum utrum-

que Archangelus Piccolhominus (l), quem ab ipsis laudari auctorem par erat, cum de exteriori propria Vesicæ tunica, hoc est de illa de qua hic loquimur, media, *sub communi a peritonæo deducta*, invenienda hæc literis mandavit: *exterior paulo crassior, & fibris carnosis tota conspersa*.

Quæ tametsi rubrum vividum carnis colorem non promant, quia inter membranas candidas consertæ, albicare nituntur, tamen carnosæ sunt, & cum sanguinis appulsu & confluxione increverint, colorem vere rubrum expromunt. Quinetiam uberiore sanguinis in vesicam confluxu, interdum ita grandescunt, & conspicuæ fiunt, ut totam illam exteriori membranam, quasi membranam carnosam diceret. Vidi equidem superioribus annis puellam, undecim annos natam, cujus vesica ob exesione, & acrimoniâ humorum spoliata erat interiore tunica: Exterioris vero fibræ carnosæ, adeo erant inflammatione vexatæ, ut totam eam carnosam judicares. Sed hæc, inquires, constitutio morbofa erat. Fateor. Illud tamen primum dico, sanguinis appulsus illum quem sine inflammatione Archangelus memorat, fere idem videri quod in hanc ipsam rem nostram Bohnius (m) indicavit, scribens, *præprimis si cum stagnatione sanguinis animal perierit*, atque adeo cum illo sanguinis appulsu comparandum, quem Anatomici ad melius perspicuendos examinandosque nonnullos musculos quærunt, ex iis, exempli causa, qui ad ossicula auris pertinent; quem certe ob appulsus, musculi naturam manifestari potius quam fingi, existimamus. Deinde ajo: ut ejusmodi constitutio qualis in puella fuit, in parte, alia sit ac quæ secundum naturam deprehenditur; maxime tamen ipsa erudiri Anatomicum, aptioremque fieri ad eorum plura in cæteris Vesicis quærenda, & melius dignoscenda quæ spectant ad fibras earum musculosas. Sic ego etiam sæpe alias, ut mox apparebit, in harum examine versatus fueram; numquam tamen rem melius intelligere visus sum quam in accurata anatome viri apoplectici qui urinariis morbis obnoxius vixerat.

60 Cum enim extimam Vesicæ tunicam; in qua nullæ carneæ erant fibræ; eique adhærentes magna copia adiposæ cellulas facile abstulisset, musculus in conspectum venit in tunicam conformatus, musculus, inquam; nam quo alio appellem nomine firmum, crassum, rubicundum stratum ex firmis, crassis, rubicundis compactum fibris? Eo detracto, subalbidi, & in retis fere modum impliciti alii fibrarum fascies, & intima, quam nervosam vocant, successit tunica. Media igitur inter extimam, atque intimam illa erat tunica musculosa: cujus fibræ eadem qua circum vesicam crassitudine, rubedine, directione super faciem, anticam præsertim, glandulæ Prostatae pergebant, ut ibi quidem hæc glandula vero, ac longe evidentissimo obducta musculo dici posset. Verum hæc, atque alia fusius alibi persequemur. Nunc quæ ad Vesicam dumtaxat pertinent, exponamus.

Erat ejus tunica musculosa antè crassior, quam postè, ex fibris autem ubique facta secundum longitudinem positis, ut nullam ne ad infimam quidem cervicem satis perspicere potuerim quæ curva esset, aut in transversum ferretur. Non tamen propterea continuo ad stipulabor Viro alioqui, dum viveret, Diligentissimo Johanni Bohnio (n). Nam quod hic scripsit: *unicum tantum, eumque longitudinalium, licet cernere hujus tunicæ fibrarum ordinem, reliquos fictos crederem*; sic quidem ingenuo, & Celeberrimo Scriptori visum haud dubito; mihi tamen tum aliorum Præstantium Hominum, tum meæ observationes aliquanto aliter ostenderunt; ut verear, ne nimia in illa, a me descripta, Vesica muscularium fibrarum constipatio nonnulla obscurarit, quæ in aliis vidi, ut eadem certe, intensusque rubor quædam vicissim illustrarunt, quæ in aliis perspicere satis non potui. Nam vidi nonnunquam in Vesicæ anti-

ca,

(g) Comp. Anat. Not. 13.

(h) Ad Eustach. Tab. x. Fig. 2.

(i) De hum. corp. fabr. l. 4. c. 12.

(k) Theatr. Anat. l. 1. c. 31.

(l) Anat. Prælect. l. 2. Lect. 24.

(m) Circ. Anat. Prog. 14.

(n) Ibid.



ca; & postica facie fibras per medium recta primum ferri secundum Vesicæ longitudinem. Sed vix ullæ apparebant quæ hanc totam emensæ, summum Vesicæ fundum attingerent. Pleræque enim, aliæ non multo, aliæ majore a Prostata glandula intervallo hinc, & hinc ad latera curvabantur, nec quid deinde his accideret, nec quæ rectis aliæ in medio subessent, erat manifestum. Nam sive cultro, sive unguibus adniterere; nil proficiebas, imo rem magis obscurabas. Sin oculis dumtaxat fideres; nihil præterea perspiciebas: tantum ad imam cervicem plures quam alibi, fibræ esse videbantur; sed qua directione, non apparebat. Contra alias fuit cum fibras plerasque recta summum petere, & assequi perspicerem, unde in oppositam faciem se demittebant. Quasdam propter imam cervicem videre visus sum in modum arcuum, cornua sursum convertentium. Verum alias vicissim nihil tale videre potui; sed fibras ibi potius transversas, ut alias videram, easque plures. Rectæ autem, quæ per posteriorem Vesicæ faciem occurrebant paucæ, minusque distinctæ, satis multæ erant in anteriore, quas ubi divellerem, earum aliquas in subjectas transversas inflecti, & degenerare, intelligebam. Has omnes fibras, quarum positum, quantum ad hoc tempus observare licuit, significavi, sub detracta; cum pinguedine, extima tunica deprehendi, & musculosi generis esse, cognovi, quanquam non ita rubicundo, sed pallido colore apparebant.

Quoniam autem has fere omnes observationes in Vesicis habui, ut par est, aere distentis, nonnunquam etiam post id siccatis; ut ea semper figura essent quam plenæ lotio obtinuerant; quædam mihi contigit animadvertere ad eandem figuram, & Vesicæ Sphincterem musculum pertinentia, quæ ubi adscripsero, protinus ad illam a qua tecum digressus sum, Vesicam fellis redibo.

61 Vesicæ urinariæ rotundam, imo inversi pyri figuram assignari passim, ex Anatomicorum descriptionibus, & Iconismis notius est, quam ut hic a me inculcari oporteat. Mihi tamen inflatas, quales Anatomici pingunt, Vesicas accuratius insipienti, præsertim vero quinque, aut sex quas continenter e cadaveribus extraxi virorum, mulierumve urinæ vitiis minime laborantium, imo nonnullorum etiam qui dum sanissimi viderentur, vulneribus, aut apoplexia repente occubuerant, contigit non sine admiratione longe altam figuram spectare. Nam siqua erat pyri similitudo, non inversi illa erat, sed basi innixi; ut inferior Vesicæ pars fere media, nedum superiore, latior esset, ac inversi potius, ut vulgo loquuntur, cordis quam pyri imaginem tota Vesica repræsentaret. Ac sane cordis in eo quoque similior erat, quod neque tam longa, quam delineare plerunque solent, pro latitudine apparebat, & satis amplior a fronte inspecta, quam a lateribus, inveniebatur. Glandula autem Prostata cum imo Vesicæ orificio, non Vesicæ basis centro subjiciebatur; sed ita erat in medio quidem, verum anticæ faciei magis subjecta, quam posticæ, ut cum Vesica a fronte vel ad basim ipsam spectata, non ultra Prostata anteriorem faciem promineret, contra a tergo ultra ejus glandulæ posteriora ad tres nonnunquam, aut quatuor transversos digitos protuberaret, hujusque protuberantiæ, atque adeo Vesicæ ipsius posticæ basi annexæ vesiculæ seminales totæ subessent. Erat autem intra Vesicam eadem basis, hoc est Vesicæ ipsius cervix, instar plani ad imum orificium versus leniter declivis, non in angustis, oblongique conii modum extenuata, circum quem possumus musculi Sphincteris fibras circumductas esse, intelligere. Quamobrem etsi plures ad cervicem musculosas fibras perspexi, velut antea dictum est; non tamen video quæ possint in distenta præsertim Vesica orificium a quo pleræque earum sic distant, contractum servare; ut id mune-

Morgagni Epistola Anat. I.

ris iis tantum quæ orificium proxime cingunt, ideoque non multis sane fibris adscribendum videatur. Sed hæc, atque alia ad hæc pertinentia posteaquam cum multo pluribus tum cadaveribus, tum Scriptis Anatomicorum collata fuerint, a me fusius alibi fortasse exponentur.

62 Nunc ad fellis Vesiculam, exterioremque ipsius tunicam rediens, caute illud abs te, Vir cl. factum censeo quod nullas in *extima* Vesiculæ, hoc est exterioris ejus tunicæ *facie* fibras carneas delineaveris. Quod autem scribis, *in obesioribus eandem tunicam adiposis acervulis, hinc inde obtegi*; mihi quidem contra videntur adiposi acervuli hac tunica obtegi, *exteriore, seu communi dicta*. Sane Verheyenius (a) quoque adnotat, *communi immediate subjectam* tunicam quæ utriusque vestrum est *vasculosa, in obesis continere multum pinguedinis, parvoque labore in diversas lamellas separari*; ut permirum mihi videatur, neminem adhuc, quod sciam, extitisse qui cellulosam tunicam, ut alibi, & nominatim in intestinis, vesicaque urinaria, sic in fellea Vesica sub communi tunica statueret, aliarumque numero superadderet, præsertim cum non modo in habitioribus sceminis sæpe pinguedinem viderim ubique, aut fere ubique sub extima Cystis tunica collectam, aut in obeso, neque tamen plurimum, viro multam ibi crassam. que pinguedinem maxima ex parte circumfusam, verum in aliis etiam, carnosius quidem, sed non pinguibus, viris ibidem satis, siquis attenderet, conspicuam non uno in loco deprehenderim. Igitur hujusmodi tunicam cellulosam facile agnosco eodem hic posse, quo in urinaria vesica, jure constitui, potiore autem, quam in tenuibus intestinis, si sub horum communi tunica secundum Cl. ac Solertissimi Albini (b) observationes, certos dumtaxat ad tractus statui debet, quod & in ventriculo fortasse locum habere, suspicor, cum, in obesis præsertim, cellulosa, pinguedinis plenam, substantiam ejus vasa video quadantenus, sub extima tunica, comitantem. Verum utcumque hoc est; cellulas quidem, atque pinguedinem sub communi utriusque Vesicæ tunica nullo negotio demonstrari posse, constat; Glandulas autem sub intima utriusque tunica posse pariter ostendi, non liquet.

63 Neque hoc eo dico quod glandulas negem iis inesse, aut sub intima inesse tunica. Tibi enim, mihi, aliisque credo qui hæc viderunt. Nam quod ad felleæ Cystis attinet glandulas; ubi eas ego, & Cl. Santorinus perspexerimus, satis supra indicatum est. Neque aliter sensisse videtur Malpighius (c), cum glandulas ejusdemmodi in poro bilario, quem *veluti coarctatam, & ramificatam vesicam* spectabat, *sub ipsius tunica* quærendas esse, indicavit. Quod si alii in tunica interna locavere; non tamen continuo necesse est, ut eos omnes erravisse, credamus, cum videlicet uno ejus tunicæ nomine plures fortasse lamellas comprehenderint, quas singulas tunicarum vocabulo non dignarentur. Idemque pariter de his ajo qui in Vesicæ urinariæ interna tunica, tot in lamina a Borrichio (d) divisa, glandulas constituerint: quas tamen Bidlous (e) diserte in tertia statuerat tunica, cui deinde *villosum adhærere tegmen*, hoc est, intimam membranam, docuit; ut mallet, a te minus universe scriptum (f), in tunica intima illas non esse, *ut hucusque putatum*. Cum igitur in utriusque Vesicæ glandulis, harumque sedibus agnoscendis inter nos conveniat; quid jam est in quo discrepamus? Magnitudo nimirum, propter quam passim obviæ sint, ac manifestæ. Tu enim illas esse affirmas (g) in Vesica urinaria *patenter obvias*.

At Amicus alter meus Experientissimus Heisterus (h), etsi id a te pronunciatum sciebat, scripsit tamen, *maxime prope collum, attamen raro conspicuas esse*. Ego vero semel iis qui mihi secanti aderant, firma, albida; subrotunda, disjecta granula ostendi; alias autem ejusdem figuræ vesicu-

B 4

las,

982

977

(a) Anat. corp. hum. l. 1. tr. 2. c. 17.

(b) Vid. AG. Lips. A. 1725. M. Sept.

(c) De Liene c. 6.

(d) Vid. Bartholin. Anat. quart. ren. l. 1. c. 20.

(e) Anat. hum. corp. Tab. 44. Fig. 2.

(f) Mangeti Theatr. Anat. Tom. I. pag. 416.

(g) Ibid.

(h) Comp. Anat. n. 391.



las, magnitudine inæquales, sed omnes parvulas, & ex fusco subflavas, quæ illo expresso quo distendebantur, humore, evanescebant: hæc sub tenui intima Vesicæ lamella consistæ erant. Verum neque illorum granulorum, neque harum vesicularum ulla oscula videre potui, neque aliquid istiusmodi alio in loco, quam in cervice, neque in aliis demum Vesicis præter illas, quæ certe secundum naturam non prorsus se habebant; intus enim vel rubebant, vel erodi etiam alicubi cœperant. In Vesicis autem recte se habentibus frustra omnino oculorum aciem intendi, si forte ulla conspicerem glandulas; frustra etiam nonnumquam, dum intimam tunicam separarem, an huic subessent, in illisve quas memoras, *areolis* consistæ essent, quæsi. Itaque nihil præter rationem facere mihi videor, cum hinc non jam illud infero, eas glandulas nullas esse, neque ipsis, ut tibi videor, *indicare bellum intendo*; sed hoc unum infero, non ea esse magnitudine, ut passim, ac manifesto se se offerant, sive ut *patenter obvia* sint. Neque magis indico bellum Vesicæ biliaris glandulis; velut ex iis quæ supra scripta sunt, constat.

Hoc tamen miror, tibi adeo esse patentes, ut earum nonnullas vel per tunicam secundam, seu vasculosam transpicias, quantum ex Figura hac III. mihi videor intelligere, cum litteris B, & E interjectum ejus tunice tractum diligenter inspecto: contra autem mihi in iis quarum tunicas accuratius separavi, Vesiculis nondum ne unam quidem ulla in tunica ejusmodi glandulam se se obtulisse, sed aereas tantum, id quod manifesto deprehendi, spumosas bullulas, istiusmodi glandularum corpuscula mentientes. Quod reliquum est; sane gaudeo, te meis *Adversariis*, quasi sinceris quibusdam monitoribus, hic, atque alibi usum, tandem induxisse animum ad illa tuæ *Hepaticæ Historiæ* addenda quæ ad ipsius complementum pertinere videbantur; at magis gauderem, si quemadmodum Cystis, ita biliariorum quoque Ductuum tunicas singulas, harumque descriptiones aut sigillatim adjecisses, aut quæ esse possent, hic generatim indicasses, aut saltem minime prætermisisses quid de iis quas alii vel ante hos totos tres & triginta annos proposuerunt, habendum esset. Hæc omnia cum ad *Historiam* pertinebant tuam *numeris tandem omnibus absolutam*; tum longe minus erant in vulgus nota, quam in *intermedia mesenterii tunica*, seu *cellulosa*, ejus *glandulas sitas esse*, quod tu hic nobis *autopsia satis edoctus confirmas*.

64 De Figura IV. qua Salamandræ cujusdam nonnulla viscera repræsentas, crederem me fortasse aliqua posse adjicere, si vel ejus bestiolæ mihi in præsentia copia esset, vel quorum tandem *errorem longe, lateque patentem* redderes, in *hujusmodi*, opinor, *insecti* (sic enim vocas) anatome, intelligerem. Sed quoniam neque in Joh. Pauli Wrrfbainii *Salamandrologia*, neque alibi quidquam invenisse memini quod istiusmodi controversiæ ansam daret; totam eam rem mitto, ut illud quoque, an Salamandra, quod Eruditus ille Auctor (i) negat, recte vocari *insectum* possit. Ad humanam ergo anatomen redeamus; vel si de brutis animalibus sermo a nobis habendus est; non Salamandræ, cujus de visceribus nulla mihi dubitatio fuit, sed Viperæ de qua fuit, jecur, & ventriculus quæ se modo habeant, videamus. Affirmaveras, in *Vipera* --- *hepar esse non tantum supra, & circa ventriculum protensum, sed usque ad duodenum; ad ultimam scilicet chilificationis opellam ibidem adjuvandam incubatu suo*. Ego vero qui si aliorum Tabulis, meique ipsius non recenti memoriæ omnino credere voluissem, oppositum affirmare potuissem; malui non minorem tibi, quam mihi, aliiisque, fidem habere, & rem propterea in dubio relinquere. Itaque scripsi (k): id *num ita sit, dubito*. Verum emissis *Adversariis*, cum tempus reddisset habendis, secandisque Viperis opportunum, subiit quærere pro veri studio, quemadmodum

res se haberet. Comperi igitur, me mea memoria non falli. Nam pluribus Viperis diligenter inspectis, nullam invenire potui in qua hæc tria non luculentissime observarem. Primum: jecur, ventriculum, & ingentem illam vesicam in quam degenerat pulmo, ut secundum Viperarum longitudinem statuta sunt, ita esse in eum modum disposita, ut vesica aere distenta ventriculum ab jecore, hujusque *incubatu* diducere potius videatur, quam adducere. Alterum; etsi vesica ei rei minime officeret; hepar tamen ne totum quidem ventriculi unum latus stipare, imo quæ præcipua ventriculi pars videtur, hanc fere non attingere. Tertium; jecoris finem ab intestini duodeni initio non exiguo intervallo distare. Quæ duo postrema ut præclarius intelligantur; scire licet, ventriculum Viperarum solere formam referre duorum conorum qui inter se basibus juncti sint. Superior conus in quem imus œsophagus ipse expanditur, hujus structuræ similior est. Inferior autem manifesto crassior est, ob intimam tunicam non modo in crebriores fere, altioresque rugas secundum longitudinem, complicatam, verum etiam crusta quadam instructam subflavi obsoleti coloris, ex plurimis, quod in supremo limbo præsertim apparet, minutis particulis compacta, ipsaque specie atque habitu glandulosa: quanquam præterea non semel vidi huc illuc per crustam disjecta albida quædam, ovalia, aut subrotunda, sed compressa, corpuscula parvarum instar lenticularium glandularum, quorum semel nonnulla quidem in superiore etiam cono animadverti, sed qua inferiori vicinior erat, & perpaucissima, cum in hoc longe plura conspicerentur. Ejusmodi autem crusta ad hujus inferioris coni verticem non extenditur; sed duorum fere transversorum digitorum emenso spatio, desinit. Mox coni vertex non perficitur; sed in tubum se se arctat cylindri forma, donec exiguo, sed minima tamen sæpe diligentia conspiciendo annulo, ita posito ut regressui magis quam egressui obstitat, seu pyloro, intercedente, suaque albida, compactaque facie in subrubentem, ac mollem conversa, aliquanto amplius intestinum fiat, in quod sub ipso annulo bilarius canalis influens bilem viridem importat. Est autem inter pylorum, & supremum descriptæ in ventriculo crustæ limbum intervallum transversorum digitorum circiter trium, idemque fere est a pyloro ad finem jecoris intervallum. Jecur enim insigni sanguifero vase quasi in duos secundum longitudinem directum lobos, qui ad finem extenuari solent, & alter altero paulo inferius extendi, vix aliquando extremam ac tenuem laciniam infra illum crustæ supremum limbum, neque tamen nisi ad exiguum tractum, demittit. Itaque cum jecur longitudine sex fere æquet transversos digitos; superiore quidem parte quæ prope cor incipit, & deinceps reliqua quæ ut crassior, ita ad *incubandum* aptior est, œsophagum; inferiore autem, quæ jam tenuior esse solet, eam ventriculi regionem quæ œsophagi similior est; quantum pulmonaris vesica permittit; comitatur, & stipat; regionem autem ventriculi alteram, quæ, ut ex descriptione etiam intelligitur, potissima est; hanc, inquam, vel potius summam ejus dumtaxat partem vix tenui extrema lacinia attingit, sic ut propositum trium fere digitorum intervallum inter hepatis finem, & intestini duodeni initium servetur. Cum hæc omnia in pluribus illis quas eo tempore diligenter secui, Viperis ad hunc omnino modum se habuerint; non me tunc pœnituit quod assensum sustinuissem, te contra docente, *hepar in Vipera protensum esse usque ad duodenum; ad ultimam scilicet chilificationis opellam ibidem adjuvandam incubatu suo*; neque vero in præsentia pœnitet, quamvis tu dubitationi meæ opponas *tuam, omniumque* (sic enim ais) *accuratiorum Anatomicorum autopsiam*, qua videlicet suaderi luculenter possim. Nam etsi omnes a me adhuc visæ Anatomicorum Tabulæ

(i) c. 5. n. 4. (k) Adv. III. pag. 61.



balæ non tibi; quod constat; sed mihi adversarentur; in re tamen quæ non dexteritatem, neque artificium, sed oculos tantum requirit, me meis oculis non minus saltem quam vestris, credere æquum esse, existimarem.

65 Postrema hujus VII. Tabulæ Figura, ut extra ordinem addita est, sic ostendit, quam præter expectationem tibi, Vir cl. acciderit aliquid intueri de illo genere quod tandiu Malpighii Afsectis negavisti. Verum hoc in præsentia omitto quod tibi permirum visum est. Illud ego vicissim miror, te id rete intra suillum jecur pingentem, nusquam in tot Iconismis delineavisse, nec, quod sciam, in tam longo Opere memoravisse rete illud quod ultro, ac sine ulla prorsus sectione, nedum præparatione, in externa facie humani, & plerarumque bestiarum jecinoris sæpe vel luculentius observamus quam intra ipsum humanum, suillum, & aliarum animantium jecur, nulla pariter adhibita præparatione, spectemus. Sed de hoc fufius alibi scripsimus.

66 Ad Tabulam denique veniamus VIII. in cuius Figura I. Sinum ductus hepatici non secus proponis, atque indicas, ac si in omnibus cadaveribus ista occurreret peculiaris dilatatio. Video quidem, a Glissonio (a) transversam quandam in eo ductu amplitudinem pingi in quam rami omnes corrivantur. Sed neque perpetuæ hæ res sunt, ut sive inanes, sive immisso aere distentos ductus observando, comperi, & quibus sunt, eorum nonnullis an potius a bile majore copia congesta, & diutius sæpe restitante accidissent, quam ab ortu paratæ jam essent, dubitavi. In ramorum autem ejusdem Ductus numero, habitudine, finibus quantum ista vel a tuis reliquis Iconismis, te silentē, discrepet delineatio, manifestius est, quam ut animadverti a me debeat. Verum si qua in re te, Vir cl. filere non oportebat; in iis certe non oportebat tot, tamque conspicuis fasciculis muscularibus quibus Glissonianam Capsulam robuste instructam repræsentas; neque enim ad istum modum perpetui magis occurrunt, quam adeo manifestæ Glandulæ in ipsa occurrant. Quod autem Septum capsulare primum opinaris Cl. Bohnium observavisse; opinio plane te fallit tua. Eius enim quæ profers, verba: *vaginam crassiorem esse illa sui parte, qua portam, ac qua porum biliarium involvit; imo binis his vasis processus ejusdem involucri vices intermediæ sepimenti præstare*, miror, te non vidisse fere secundum vulgatissimam Anatomiam Hepatis, Francisci Glissonii conscripta esse. In ea nimirum hæc legimus (b): *Capsula communis, ubi vas istud biliarium obteggit, minus, quam alibi, crassa est; quippe pars ejus magna inter Portam, & vas isthoc intervenit: & mox: Præterea, toto vasis hujus tractu, capsula communis, prominentia quadam tereti, duraque extuberat: & infra (c): Cum Capsula ea sui parte, qua Portam tegit, crassior sit, quam illa qua ramos bilarios obducit, septuploque minimum latior reperiatur; cumque nonnulla ejus portio inter Portam & porum biliarium ( præsertim in majoribus eorum ramis ) manifeste intercedat; & cæt.* Sed ut id Septum Glissonio est restituendum; sic ipsam Capsulam; quanquam, ut a Glissonio diligentius descriptam, eoque nomine insignitam, Glissonianam Capsulam communi more nos quoque appellare consuevimus; aliis Inventoribus acceptam esse referendam, non ignoramus. Quamobrem tibi minime possumus ad stipulari scribenti, eam primum detexisse laudatum Virum Glissonium. Et si enim ipse quoque id opinabatur, cum hæc verba (d) edidit A. 1654. *Mihi primum ( nisi fallor ) contigit, partem hanc detegere; cum ante duodecim annos, ex mandato Collegii Medicorum Londinensium, mihi publice prælegendi munus incumberet; tamen; ut de Eustachio ex conjectura nil dicam; sane Joannes Walæus in altera de motu chyli & cæt. ad Bartholinum Epistola, scripta A. 1640. diserte hæc posuerat: in ipso hepate, tot rami ar-*

teriæ cæliacæ sunt, quot sunt rami venæ portæ, & totidem quoque sunt rami ductus cholidochi, quæ omnia hætenus ab Anatomicis pro venis portæ habita sunt, quod COMMUNI TUNICÆ tria illa vasorum genera in hepate includantur: quibus insuper Walæi verbis suspiciones illas meas de calculis a Columbo, & Cameniceno, haud in Portæ vena, sed in bilario ductu inventis confirmari maxime vides. Denique cum ais, *Concursum Ductus cystici, ac hepatici esse in hoc exemplari quasi ad angulum rectum*; id quidem omitto; nam tuam tibi Figuram adversari satis video, quæ a parte jecoris acutum, ab altera obtusum angulum quam luculentissime ostendit. Sed cum eundem illum concursum ibi delinees, ubi revera esse potuisse non videtur; obsecro te, ut diligenter consideres, num etiam si ductus Hepatici Sinum in naturalem sedem, ex qua diduxisti, atque elevavisti, repositum intelligamus, ille tamen concursum eo non cadat, ut intra Capsulam delituisse, necesse fuerit.

67 Et si tum veteres, tum recentiores Anatomici plures nobis totius venæ Portæ delineationes reliquerint; tamen tua quoque, Vir cl. industria probanda est, qui novam adhuc, eamque majorem in II. Figura insuper addere voluisti. Verum optandum fuerat, ut id aliquanto felicius præstares. Nam si nihil proportionem est pulchrius, si contra nihil ad perturbandos Tirones aptius, quam partium in una eademque Icone minime servata, proportio; quid tanti fuit, ut gastricas omnes venas adeo contraheres suisque in extensionibus in hac Figura abbreviases, ut angustissimus hic admodum infra naturalem magnitudinem repræsentaretur ventriculus? ut repræsentati ventriculi sedem justo altiore efficeret? ut truncum Portæ justo longiorem delineari curares? Nimirum ne subjectæ venæ occultarentur, atque ut vasa hepatis ventriculo superimpositi distinctim ostenderentur. Sed aut ego quidem plurimum fallor, aut potius quam usque adeo a proportionem recederes, decebat idem in gastricis facere quod in tot aliis venis fecisti, ut nihil nisi fines ostenderes, vel si reliquum addere placebat, ut crassiorum dumtaxat trunculorum ductum, & sedem per lineas e punctis factas indicares; cætera autem, si velles, seorsum peculiari Icone persequereris. Huc illud accedit quod Tirones magis perturbet, te supra pollicitum in tuis Figuris omnia magnitudinem naturalem servantia, venæ Portæ truncum in III. Tabula aliquanto, in hujus vero Figura I. multo longiorem, quam in hac qua de loquimur, II. pinxisse, in qua tamen truncum Portæ justo longiorem delineari curavisse te, dicis; ut vel in superiore Figura errorem, vel in hac minorem hominis magnitudinem ( quanquam huic cogitationi, præter silentium tuum, Sinus, & ramorum venæ in utraque Figura comparata dimensio obstat ) vehementer suspicari cogantur. Sed in eo quoque minus felix fuisti, quod in subjectum incidisse videris nimium discrepans a cæteris ex quibus superiores Icones descriptæ sunt. Nam si a Tironibus dextera, ut par est, earum pars cum hujus sinistra, & vicissim conferatur, vel si tantummodo in hujus Tabulæ Figuris duabus primis ramorum ortus, sedes, primæque partitiones inter se comparentur; vereor, ne hæc magis diffideant, quam verba significant tua quæ in eorum dumtaxat distributione ramorum ad varias jecoris regiones nonnihil varias per homines varios habitudines esse, indicant. Huc adde quod Tirones magis magisque perturbet, te qui recte alibi, & in hujus quoque Explicationis initio venam Portæ in radices, truncum, ramosque dividendam esse, agnovis, ipseque diviseris, sæpe deinde in hujus Explicationis progressu, ejus oblitum divisionis videri. Quæ enim venæ tanquam minores radices ab aliis ventris partibus in radices majores, & truncum convenire dicendæ erant, eæ contra a majoribus radicibus, & trunco egredi, emergere, germinari, oriri, & ad illas ventris partes produci, dividi, propagari, ramos disseminare dicuntur. Alia præ-



prætermitto; sed unum tamen, ad hanc, aliasque in quibus venæ Portæ Sinum delineas, Figuras pertinens, ante subijciam, quam de proxima finem scribendi faciam.

1098 68 Proximæ igitur Figuræ III. quæ Tabulæ Eustachii XXVII. ( in Theatro Mangeti XI. ) Prima est, cum Amplissimi Lancisii Interpretatione productæ, altera a te adjicitur Interpretatio in *Animadversione* videlicet quæ inscripta est: *De vero in hac Figura Authoris Bartholomæi Eustachii sensu*. In quo assequendo utinam longe felicissimus fuisses. Sic enim operæ pretium apparuisset, cur istam ultro, & sponte tua interpretationem suscepisses neque facilem, neque ejusmodi ut confici sic posset sine multiplici reprehensione Viri de utroque nostrum egregie meriti. Ego vero præsentis coactus instituto, tertiam quidem interpretationem afferre conabor, sed earum dumtaxat partium de quibus & dubitatio fit, & sententiam meam firme, ac luculenter probare possim. Sic enim ratio apparebit cur aut revelare Eustachii mentem aggressus sim, quam alioqui multis in Figuris, ut in hujus quoque nonnullis partibus, me nondum satis assecutum confiteor, aut quædam ab Lancisio non scripta adjicere, quæ minime dubito hæc quæ proponam, per se, & longe quidem facilius, visurum fuisse, nisi innumeras illas suas rerum difficillimarum Explicationes intra eas temporis angustias, interque illa tot, ac tanta quibus distinebatur, negotia effundere debuisset. Illud principio est statuendum quod ex inspectione Figuræ illius I. ac proximarum II. & IV. apertissime colligitur: cum Eustachius veller universam venam Portæ sociis ubique stipatam arteriis sive cœliacis, sive mesentericis ab anteriore facie demonstrare; in I. venæ illius ramos, & radicum fines; in II. & IV. ramorum initium, & radices; in omnibus interjectum ramis, ac radicibus truncum proposuisse. Ex quo consequitur, ut siquid forte dubitationis in Figura I. explicanda occurrat, magno adjumento esse debeat vel II. vel IV. quippe quæ, si varium, a Lancisio animadversum, *vasorum numerum*, ac præterea variam insertionem excipias ejus venæ quæ inferiorem arteriam mesentericam sociam habet, & siqua sunt alia istiusmodi; in reliquis certe partibus eadem sunt, in eoque præsertim, ut continuationes sint trunci venæ Portæ, in hisce ambabus, ut diximus, Primæque Figura delineati. Hoc quod posuimus, exemplo aliquo illustremus. Amanuensium Lancisii culpa ingens error in Figuræ I. Explicationem irrepsit, cum *Majores venæ portæ rami substantiam hepatis penetrantes* ad 13.  $\frac{1}{4}$  12. indicati sunt, sive ad litteram *c* in Theatro, & apud te quoque, Vir cl. quem minus gravia notantem, tale erratum tua Animadversione non emendavisse, plurimum miror. Atqui illos non esse ramos *substantiam hepatis penetrantes*, sed radices in truncum Portæ confluentes, si ex anatome non constaret, satis superque intelligi posset ex ambobus trunci illius extremis in triplici proposito Iconismo inspectis, atque collatis. Cum igitur res ad hunc modum se habeant; in propositis super Figura I. dubitationibus dirimendis, recte atque ordine facere videbimur, si proximis illis Figuris pro re nata subinde utamur.

69 Illud primum animadvertis, illam ubicumque duplicatam, quam ad quoslibet majores, minoresque Portæ ramos, constanter delineatam intuemur, parallelam distributionem, illam, inquam, Lancisiana explicatione adnotatam non perspicui. Esto, Lancisius brevissimis Explicationibus illis suis majora potissimum adnotare solitus, duplicem istam distributionem diserte non memoraverit; quamquam incuria, opinor, Pictorum, Scalptorumque Eustachianorum non ubicumque, neque ad quoslibet minores ramos illa constanter delineata est; Poteras tamen Lancisio ignoscere, quod diserte du-

plicem non adnotaverit, cum tu qui triplicem adnotare debebas, duplicem dumtaxat notes. Nam esse triplicem, vel sola comparatio satis docet Figuræ hujus I. cum proximis illis duabus, in quibus duplicitas ternis in singulis ramis parallelis lineis, non quaternis, ut in hac fere ubique, designatur. Quo posito, fallaris necesse est, cum per istam parallelam distributionem nil aliud indicare voluisse accuratissimum Auctorem Eustachium, doces, præter quam parallelam per totum jecoris corpus vasorum Portæ, ac biliarium Ductuum, se se perpetuo comitantium, distributionem. Nam si vel duplex tantum parallelum vas Eustachius delineasset; nil aliud indicare voluisse præter ramum venæ Portæ, & biliarium ductum, negare tamen possem, præsertim cum id tu ex Figura ipsa non probes; ipse autem pro eo ductu, hepaticæ arteriæ ramusculum pariter indicare potuisset; Quanto ergo magis negare potero, nil aliud indicare voluisse, cum vas, non duplex, sed triplex eadem distributione delineaverit? Quid verbis opus est? cum ex hac ipsa Figura mox sim luculenter ostensurus, in ea Eustachium conjunctos cum singulis venæ Portæ ramis binos demonstrasse ramusculos, arteriæ videlicet, ac ductus hepatici, ad ultima usque, quantum ipsi perspicere datum est, illius venæ extrema deductos. Nec mirum; quando olim Galenus ( *a* ) non modo excarnare, ut nunc loquimur, hepar, docuit, & singulos venæ Portæ majores ramos in ramos minores, & hos in furculos, & hos denique in germina divisos persequi; verum insuper tradidit, si animal amplæ magnitudinis extiterit, UNA CUM his VENIS, & meatibus, qui bilem recipiunt, & arterias ipsius, dum in jecore, sicut ostensum est, detegis, conservare esse integrum: Sin autem parvum fuerit, non adeo AD FIBRÆ CUFUSQUE EXTREMUM tria vasorum genera posse salva relinqui. Igitur Eustachius in Galeni lectione, siquis alius, exercitissimus, ab hoc propositam excarnandi hepatis rationem amplexus, eadem quærere aggressus est. Et sive aperta Capsula qua terna illa vasa in unum fasciculum junguntur, singula quoad potuit, scalpello est persecutus, reliquum immisso, ut jam tum solebat ( *b* ), aere, aliove humore, perspexit; sive flavus illi color, ductus hepatici, hiantes autem, ut in arteriis, sectiones, arteriæ indicium; ut nobis etiam, in valde ulterioribus hisce ramusculis; nonnunquam dederunt; certe nihil esse manifestius potest, quam ipsum olim, cum Summi alii Anatomici, ut supra vidimus, hisce in rebus cæcutirent, hunc trium vasorum fasciculum, & quod facile consequitur, Capsulam ea concludentem perspexisse, & Posterorum in his retegendis industriam tanto antea tempore prævenisse.

70 Sed priusquam id ostendo; necesse est cuiusdam occurram dubitationi tuæ. Nam præterea valde ambigere te, scribis, pro binis illis trunculis d. d. duos arteriarum ramusculos, ut interpretatur clarissimus Commentator Lancisius, nostrum intellexisse Bartholomæum. Te autem cogitavisse, subijcis, incomparabilem illum Anatomicum per binos hos trunculos, arteriam, simulque nervum aliquem majorem ramum indicare potius distinctim voluisse. Ita, concludis, Eustachiana figura necessariam partem, seu nerveam, quæ quidem in memorata explicatione desideratur, jure restituimus. Ego vero de eo primum ambigo, num Lancisius, cum duos illos ramusculos arteriosos per 12. 11. designavit, de ambobus trunculis intellexerit, quibus nunc pariter litteras d. d. appositas esse, video, an de ramusculis duobus qui ex sinistro trunculo cooriuntur. Hoc enim si voluisset; Eustachii mentem præclare mihi videretur affectus. Ab hac autem, quod pace tua dixisse liceat, te longe censeo recessisse, cum in alterutro eorum trunculorum ( utrum enim dicas, sinistrum, an dexterum, non desio ) nervum aliquem majorem



jorem ramum, eumque tanquam hujus figuræ necessariam partem agnoscendum esse, arbitraris. Volo enim, tuis ex Tabulis, tuoque ex arbitrio judicemus: optionem tibi do, ut de duobus illis trunculis utrum velis seligas, quem pro ramo nerveo, & quem pro arterioso Eustachius pinxerit. Utrumlibet pro nervo accipias; nonne reliquus, pro arteria videlicet accipiendus, æqualis nervo illi erit, vel fere æqualis? Nunc igitur ex tua ipsa Tabula IV. in qua hepaticos nervos omnes cum arteria demonstras, ex ramis nerveis illis omnibus unum mihi, si potes, indica, qui non ipso hepaticæ arteriæ trunco plurimis partibus minor sit. Fatearis igitur necesse est, de iis trunculis neutrum pro nerveo ramo ab Eustachio esse delineatum, præsertim si illud insuper attenderis, neque consuetudinis ipsius fuisse, ut cum viscerum singulorum vasis, nervos commonstraret, & si maxime fuisset, in nullis tamen ejus Tabulæ Figuris, illisque potissimum proximis quæ hujus continuationes sunt, id fecisse, & si etiam fecisset, in hac certe Figura, hisque trunculis non fecisse, quorum videlicet sectiones ambas ad eundem modum repræsentarit: tantum abest, ut nervus vel in memorata explicatione Lancisii, merito desideretur, vel ut abs te, ceu Figuræ necessaria pars sit jure restitutus.

71 Verum ut de iis trunculis d. d. neutrum esse nervum, contendo; sic non utrumque, sed alterum dumtaxat esse arteriam, agnosco. Nec me tamen plane permoverent quas in hanc rem producis, rationes: neque binos arteriarum truncos ex cœliaca in hepar proficisci; neque unquam super Portæ truncum ad jecoris ostium arteriam hepaticam in ramusculos, præcipue æquales, & parallelos, jam distributam observari. Nam bini nonnunquam earum arteriarum sunt trunci, quod in nostro quidem Theatro publice ante hos novem annos demonstratum est; tunc autem ramusculos esse æquales, & parallelos, nil prohibet; nunquam vero super Portæ truncum ad jecoris ostium jam ortos observari, quis concedat? Me igitur magis moveri fateor ab duabus illis Figuris proximis, quas hujus esse continuationes, sæpe diximus. Nam per istam ipsam faciem trunci, venæ Portæ unum trunculum, non duos, commonstrant ex cœliacæ arteriæ ramo sursum contendentem, cujus trunculi sedem, magnitudinem, partitionem si diligenter attenderimus, ac simul hæc omnia cum trunculis in Figura hac pictis contulerimus; facile intelligemus, unum arteriosum esse trunculum, eumque sinisteriorem de duobus quos hic Eustachius delineavit. Reliquus vero trunculus, five dexterior, cum arteria non sit, nervus autem esse nequeat, velut supra ostensum est; relinquatur, ut bilarius sit Ductus; neque enim alius istiusmodi truncus superest qui propter truncum venæ Portæ cum hac in ramos dividatur. Quod si Figuram diligentius inspiciamus; hæc magis magisque confirmabimus. Sinistri enim trunculi ramus dexter mox ramusculum emittit, venas cysticas ita comitantem, ut pari cum ipsis passu incedat, ac pariter dividatur: quæ res profecto neque bilariis ductibus, neque cysticis nervis convenit, sed arteriis. Itaque tu ipse in calce Animadversionis hoc agnoscis, ubi de venis cysticis verba facis cum trunco ex iisdem producto, sociæque arteriosa propagine, quæ quidem omnia, inquis, per figuram Auctoris elegantissime distinguuntur. Necesse ergo est, ut trunculus, unde ramus oritur, ex quo arteriosa ista propago enascitur, arteria sit. At ille idem ramus ulterius progressus, alios manifesto ramusculos præbet qui socios se dant ramis venæ Portæ, pictæque ab Eustachio illius triplicis parallelæ distributionis unam efficiunt partem. Igitur palam est, arteriæ hepaticæ cum vena Portæ progressum per hepar, ac conjunctionem ab ipso fuisse cognita, & hic delineata, neque ea distributione nil aliud indicare voluisse præter quam --- vasorum Portæ, ac

bilium Ductuum perpetuam conjunctionem: quod certe scripsisses nunquam, si semel attente quem descripsimus, ejus rami progressum, ac partitiones in ipsa autographa Eustachii Tabula, non in ea quæ oscitanter hac præsertim parte a tuis Scalptoribus descripta est, Icone inspexisses. In eademque Eustachii Tabula alterius trunculi ramum dexterum ulterius quam in tua Icone pergentem, ac dexterum venæ Portæ ramum jam comitantem vidisses. Quacum re si cætera, quæ in eodem spectantur trunculo, conjunxisses, illudque præsertim quod qua parte Cystis fellæ sedem respicit, Cystici in se influentis, & hinc abscissi meatus adjunctam adhuc particulam servat; non sane video, cur de nervo potius quam de bilario Ductu cogitare debuisses. Huc illud denique accedat quod & perspicuitatis ratio, & servata ab Eustachio in Figuris illis proximis, totaque adeo illa Tabula consuetudo plane postulat. Cum enim quorumcunque vasorum conjunctionem parallelam distributionem proposuit; nunquam trunculos ad quos ea pertinent, prætermisit; ut videlicet vasorum origines, finesque sciremus, & ex truncis naturam, ac nomen cujusque rami, & vicissim, facile possemus cognoscere. Hoc cum ita sit, qui fieri potuit, Vir cl. ut qui de duobus trunculis alterum arteriam esse, arbitrareris; nil aliud in ramorum distributione indicatum credideris ab Eustachio præter quam biliales Ductus; & vicissim ut qui ramos, biliales esse Ductus censes, trunculum alterum non hisce Ductibus, sed nervis tribueris?

72 Hactenus quæ Eustachiani Iconismi partes diligentia nostra explicari poterant, satis, ut opinor, dilucide, & firme explicatæ sunt; ut planum jam sit, Ductus bilarii, & Arteriæ hepaticæ perpetuam intra hepar cum vena Portæ conjunctionem minime Eustachium latuisse. Nunc ea sequuntur partes, quæ potius quid non esse videantur, quam quid sint, affirmare possim. Nam quod tu intelligendum ducis, Eustachium per illum ramum. f. (Lancisio 8.  $\frac{1}{2}$  12.) non quidem venam umbilicalem arcuatam delineare intendisse, ut explicat cl. Lancisius; sed potius sinistram sinus Portæ productionem: quod deinde addis, ramum illum rami f. extremo sinistro superimpositum, quem tu peculiariter adnotas superaddita Littera. g. (sed a doctissimo Interprete non adnotatur) --- ab Eustachio ---, ut tubum metipsum fœtus venosum procul dubio adumbratum fuisse: quod denique concipi posse, negas, Eustachium vas illud. e. (Lancisio 11. 14.  $\frac{1}{2}$ ) pro vena ipsa umbilicali delineasse. --- Cautius igitur juvare decernere, cl. Eustachium canalem hujusmodi. e. in ramos diffusum, non jam pro vena umbilicali adumbrasse, sed totum pro ulteriores sinus Portæ sinistra productione; quod, inquam, hæc tu omnia pronuncias; ego ut rationes haud improbo tuas, propter quas ea non esse videri ais, quæ interpretabatur Lancisius, ita vicissim spero, te non improbaturum meas, quibus adductus, neque illa esse videri ajo, quæ ipse nobis interpretaris. Nam; ut ab ultimis incipiam; fateor quidem, canalem e non videri esse venam umbilicalem, cum ejus attendimus ramos, quos certe in ea vena nos adhuc conspiceri non potuimus. Non tamen Sinus venæ Portæ ea videtur esse productio, quæ cum eo Sinu non communicet, sed cum ulteriore demum ramo, non solum ex Sinu jam profecto, sed in alios etiam ramos diviso. Quid? quod non modo Sinus, sed ne productio quidem esse videtur istius rami venæ Portæ, cum & multis partibus crassior sit curvo illo ramusculo f. per quem a latere cum ramo illo continuatur; & suos ipse ramos contra obversos, habeat, ac rami illius productio haberet. Quid ergo est? Num forte major aliquis ex iis ramis quos aliquando Falloppius (a) (ut ejus verba, supra a nobis ex parte allata, demonstrant) hinc communi-

muni-



municare vidit eum intima sinistri hepatis lobi substantia, inde vero aut sub pancreo cum quibusdam aliis venis ab eodem portarum trunco extra hepar obortis, aut in liene cum hujus ipsius substantia. Non hoc dico; neque enim delineatio hæc cum Falloppii descriptione satis convenit, quamvis ad id rerum genus quadantenus videri possit accedere. Hoc tantum dico, Lancisium in vena umbilicali designanda attendisse locum e. ejusque canalisi crassitudinem venæ umbilicali convenientem. Atenim, hic urges, cui unquam vere anatomico contigisset perspicere, umbilicalem venam suo per hepar itinere in ramos facessere? Hoc Lancisius vel quibusdam crediderit Scriptoribus, vel potius in tanta rerum copia satis fortasse non attenderit. Sed tu vicissim (quod pace tua dixisse liceat) non vidisti, quærere ex te, si viveret, Lancisium posse, cui unquam vere anatomico contigisset perspicere, Sinum venæ Portæ, posteaquam in majorem ramum, deinde in ramusculum contractus est, mox repente in ampliorem, & tam longum ramum expandi, cujus præterea furculi contra atque oporteret, non secundum motum sanguinis a Sinu venientis, sed contra eundem conversi sint, nimirum ut ob hæc tandem omnia; quæ non umbilicalis esse vena, ea cautius, si Diis placet, Sinus illius esse productio ipsa videri debeat.

73 Sed hæc fortasse pro se Lancisius. Ego vero pro ipso ad alterum respondebo quod in ejus perbrevis Explicatione desideras, ut ramum videlicet g. adnotasset, quem tu ab Eustachio pro tubo metipso venoso fœtus procul dubio adumbratum fuisse, pronuncias. Scilicet hoc ipsum Lancisio quibium visum fuerit, neque injuriâ visum. Nam si Anatomen, atque adeo tuam ipsam, quam istic memoras, II. Tabulam consulamus; certe neque sedes, neque initium, neque finis ejusmodi solet esse, tubuli venosi. Totus enim a sinistro latere trunci venæ Cavæ; non ad hujus anteriorem faciem positus est: Ex Sinu autem oritur venæ Portæ; non ab ramis de quibus antea dictum est: Denique in Cavam desinit ex hepate jam emergentem, hoc est ad a; non ad g. multoque minus ubi delineat Eustachius, cujus Autographum Scalptores tui nescio cur hac ipsa in re non fecuti, hujus rami finem tum aliquanto altius produxerunt, tum bifidum non expresserunt, quæ res videlicet ipsa quoque isti repugnasset interpretationi tuæ. Cui tamen interpretationi ne illud quidem satis esset, nec quod in ullos alios furculos ramus idem g. toto itinere non dividatur, quando Eustachius a dextris cysticæ venæ dexteræ alterum vel longiorem pinxit ramum venæ Portæ qui nullos furculos de se emittit.

74 De ramo autem f. quod Sinus Portæ productio esse non videatur, ex iis quæ supra sunt dicta, intelligitur. Quod si ex me forte vicissim quæras, quid fuisset ipse factururus, si trium istorum ramorum e. f. g. interpretationem aggredi debuisset; sic habeto: me utrinque rationes fuisse propositarum, cur vena umbilicalis, productio Sinus venæ Portæ, tubulus venosus tum esse, tum non esse videri possent: iisque propositis, rem in medio relicturum, ut siqui vel alia vestigare, & credere mallent, vel hæc quidem, sed ita uti Eustachius aut humani aliquid passus esset, aut ex quam rarissimo exemplari, aut ex non humano rem descripsisset, aut ejus Pictores, Scalptoresque non satis fideliter expressissent; hæc per me omnibus sive meliora statuendi, sive divinandi facultas libera esset. Itaque multum censeo laudandum esse consilium tuum, ubi ratione illa proposita quod vena umbilicalis ad hepar in ramos non findatur, nihil ipse de alia quadam Eustachii deinceptione constituere videris, sed ita scribis: Ob similem rationem, an Eustachius in fig. 3. Tab. II. ex Tabulis suis, quæ insertæ sunt Theatro Anatomico (& II. est Tab. X. Romanæ editionis) pro trifido vase illo, h. (Lancisio 6. 27.) seu in tres ramos ad ingressum in hepar diviso, venam umbilicalem significare voluerit, Probi

Anatomici viderint. Quoniam in ea Figura; ne tecum quidquam dissimulem; res aliquanto minus difficilis videri potest. Nam illud primum, quod Lancisium, opinor, movit, ex anatomico perspicuum est, nullum eo loco vas ejusmodi crassitudinis subire jecur, præter venam umbilicalem. Neque aliud voluisse Eustachium, altera ejus Figura commonstrat, quæ in proxima ipsius Tabula sequitur, ac numero IV. designatur. Si enim hanc eodem quo illa positu, locatam fingamus, sique jecoris fissuram, si isthmum, summæ fissuræ latera committentem, in utraque attendamus; ut in hac ibi nullum aliud vas, nisi umbilicalem venam, membraneo ligamento annexam, ostendisse videbimus, sic in illa quoque nullum aliud ibidem vas, nisi eandem venam, ab ligamento jam liberatam, voluisse Eustachium ostendere, non difficile conjiciemus. Cur autem in vena illa, sic liberata, & fortasse etiam versus jecinoris limbum aliquantum protracta, supremam partem pinxerit trifidam, sive singulos se minores ramos ab singulis lateribus in hepar mittentem; certam quandam mihi posse videor ex anatomico conjecturam afferre.

75 Quod ut faciam; necesse est ad memoriam revocem, imo paulo fufius exponam quod supra ad tuam III. Tabulam adnotavi: solitum me esse invenire, Sinum venæ Portæ, cum a dextero jecinoris lobo ad sinistrum se extendens, contra interjectam utrique lobo fissuram pervenit, se ipsum, aut potius quendam quasi ramum ex ima sui parte deorsum mittere, qui obviam scandentem umbilicalem venam mox infimo suo extremo sic excipiat, ut non facillimum sæpe sit utriusque fines statuere, præsertim cum venæ summa pars (quod nonnunquam observavi) non prorsus adhuc in adultis occlusa est. Ex ejusmodi igitur ramo, in quem ipsa umbilicalis vena recta producit, & quidem prope hujus venæ finem, cum alii minores rami ab anteriore, seu superiore facie oriuntur, tum duo præcipui ab lateribus recedunt, singuli ab singulis; ut haud raro, extrinsecus inspiciendo, non absimilem effici figuram viderim ac si vena umbilicalis in fine trifida esset, quemadmodum ab Eustachio in eo Iconismo videtur repræsentari. Etsi vero ramum illum Sinus, duobus ramis interjectum, præ his invenire solitus sum crassiores, quam Eustachius delineavit; ab singulis autem lateribus non singulos semper præcipuos ramos, sed binos interdum comperi; sæpe vero non sursum, sed deorsum potius oblique ductos inveni; nunquam tamen hæc quæsi (quæsi autem in adultorum jecinoribus saltem decem) quin si extrinsecus spectarem, illa se se mihi species offerret venæ umbilicalis quæ in summo hinc, & hinc ramos emitteret; si vero intrinsecus scrutarer, Sinus caveam deprehenderem se se manifesto demittentem in occursum illius venæ, iisque ramis initium præbentem. Itaque etiam atque etiam miratus sum, te eum Sinum toties delineantem, vix semel aliquid pinxisse quod ad ea quæ sunt a me decies continenter perspecta, accedere videri posset, in Tabula nimirum II. ad litteram q. non secus ac si id ipsum pro re singulari æque habuisses ac divisiones illas de quibus ibi verba fecisti in explicatione litterarum r. r. r. Sed longe aliter visum iri iis spero qui diducta jecoris fissura, hujusque isthmo, ne ulla ex parte obstat, dissecto, umbilicalem venam ad suum usque finem persequentes, qui rami denique hinc, & hinc in summæ fissuræ latera, eamve viciniam immittantur, inquirant; mox autem trunco venæ Portæ, & continuato Sinu a sinistris aperto, sectionem ad venam usque umbilicalem deducant, eorum quos diximus, ramorum oscula perquirentes. Hi igitur si in istiusmodi perquisitionibus fuerint diligenter versati, cum facile mecum conjicient quid Eustachius per trifidum illud vas significare voluerit, tum percipient, cur ejusdem vasis truncum Lancisius venam umbilicalem appellavit.

76 Verum; ut ab hac ad quam tecum digressus sum,



sum; Eustachiana Figura ad priorem illam revertar; non erat denique cur tuam in Amplissimum Lancisium Animadversionem ita concluderes, ut scriberes: cur ipse venulas cysticas gemellas. --- separatim ab aliis vasis, per propriam hepatis substantiam dispersis non indicaverit, id est ulterius, quod certe haudquaquam intelligo. Multo enim æquius fuerat, si negasses, te intelligere, quomodo affecta Vir ætate, ac valetudine, idemque tot, tantisque negotiis distentissimus, in rescribendo autem ad innumerabiles Amicorum litteras, de ipsisque bene merendo (quod nos ambo sæpe experti sumus) diligentissimus, tantum tamen somno, aliisque necessariis vitæ subsidiiis detraheret temporis, ut tot, tam copiosa, tam utilia, tam diversa tam brevi commentari, scribere, vulgare posset; hoc, inquam, multo æquius te intelligere, negasses, quam si in eo Opere quo ipse princeps viam cæteris, aditumque patefaceret: quo in tot alienis, antiquisque delineationibus sine ullo adjecto Auctoris Scripto nuperrime inventis, quæ hujus mens esse potuisset, conjicere ac divinare cogeretur: quo demum pressis illis suis, brevibusque interpretationibus quas pro angustiis temporis effudit, innumera, & maxima evolveret; si in eo, inquam Opere minutum aliquid forte prætermitteret, vel potius non satis diserte ac separatim indicaret. Sed hæc melius pro tua æquitate, tuoque adversus Summi Viri, Optimique Amici, ac Fautoris memoriam grato animo ipse videris. Ego enim, his jam omissis, priusquam de Eustachii Tabulis finem scribendi facio, nobis haud inutile esse censeo, ut ex ipsis cum alia, tum illud præsertim addiscamus, Arteriarum Aortæ, & emulgentis angulum magna ex parte non esse rectum angulum ex longitudinalis atque transversæ fistulæ concursu productum, qualem videlicet tu scribis, & plerique passim Anatomici videntur existimare. Hic nimirum error ex non satis accuratis delineationibus olim ortus, perque tot alias non absimiles etiam apud Summos Anatomicæ Scriptores ad hanc usque diem propagatus, eo magis discentium animis inolevit, quod qui in Theatris exemptos cum vasis magnis Renes in tabula spectandos disponunt, quam in plerisque editis Figuris vident, eam solent partium dispositionem imitari. At si rem diligentius in cadaveribus, non in picturis, aut si in picturis, in Eustachianis præsertim, perpaucisque aliis inquirerent; sæpius Renes aliquanto inferiores, valisque magnis viciniore statuerent, & quod consequitur, emulgentia vasa sic disponent, ut cum magnis non rectos angulos, sed supra obtusum, infra autem acutum efficerent.

77 Tuas reliquas Tabulas, quod anatomicæ non sunt, in præsentia quidem prætereo: ad aliaque potius transeo quæ unam, aut alteram ex tuis Orationibus, hic illic inspiciens, adnotavi, ad Anatomes ipsius, ac Medicinæ historiam pertinentia. In I. Oratione Arantium pronuncias Canaliculorum seminalium in testibus inventorem; licet a Graafio, Higmoro, Slado, Coupero aliisque collecta fuerit inventionis Laureola. Ibidem Alexandrum Achillinum affirmas primum glandularum maxillarium inferiorum excretorios Canales juxta linguam debiscentes invenisse, primumque salivæ fontes perspexisse, primumque foramen Uveæ, seu pupillam ipsam ad lumen mediocri mediocriter dilatari, magis ad minus, maxime ad minimum, aut nullum, ad majus, aut maximum vicissim constringi evulgavisse; Quod deinceps nobilissimum inventum velut arcanum Fabricius ab Aquapendente cujusdam Amici sui investigationibus retulit. Sed Bononiensibus nostris, apud quos illam Orationem habebas, cum aliis in locis, tum in istis potissimum meum tamen nomen ad memoriam redibat. Meminerant nempe, ante illos totos tre-

decim annos hæc quæ in I. Adversariis (a) edita sunt, ex me audivisse: Minimam testiculorum structuram (quam tamen antiquioribus aliis adscribi non ignoro) ab Arantio vestro visam comperio, sicut postea a Cabrollo perstrictam, fusius vero a Riolo expostam scio, tametsi ab nemine; ut in consimilibus erat captus temporum eorum; probe intellecta, & cum illa, cum qua debebant, parastata connexa est: quæ nempe laus diligentissimo Graafio reservabatur: itemque illa (b): glandularum maxillarium canales, uti Eruditis notum est, neque aliis antiquis Anatomicis fuerunt ignoti, & in his Achillino vestro, homini, ut illis temporibus, bene docto; cujus in scriptis unum quoque ex iis arcanis reperio quæ Fabricius postea suo cuidam Amico observata primo esse, arbitratus est; videlicet: Uvea & cat. Utram tandem laudationem; ut sincere, quemadmodum Amicos decet, inter nos loquamur; utram, inquam, laudationem fuisse Bononiensibus gratiorem putas? meam qui veritus sum ignota credere Doctissimis Viris aut verba Theophili (c), vascula multa capillacea aranealique tenuitate in ipsis testibus memorantis, aut aliorum Veterum, quos ex parte indicavi, cum Avicenna (d) docentium, sub lingua esse duo orificia, quæ ambo ingreditur stilus, & sunt fontes salivæ, quæ ad carnem proveniunt glandosam, ac propterea Arantio, & Achillino his in rebus tantum tribui quantum licuit; An tuam qui plus æquo tribuens, sine ulla dubitatione ambos harum rerum inventores pronunciaſti? atque ita quidem pronunciaſti, ut nihil Graafio relinqueres: quocum Sladum, & Cowperum quare ad eum modum conjungas, Claudium autem Uberium fileas, nescio; qui Patavio Pisas evocatus, nomine Vaulcii Dathirii Bonglari (e) totum testem esse totum vas, decem ante Graafium annis & pictura, & verbis ostenderat.

78 De Mundino autem in eadem Oratione cum diceret, putasne, Bononienses ipsos non intellexisse: qua ratione quæcunque tibi liberet Mundino inventa tribueres, ea ipsa ratione contendere posse, Arabes, & cæteros qui ante Mundinum scripsere, nihil prorsus ex tota Anatome ignoravisse? Rem, si placet, exemplo illustremus. Nonne, inquis, Mundinus per venam chylin videri posset chylosa itinera quodammodo indicasse? Tanto enim ductore --- Eustachius --- lacteam venam suam meditatus est, ut ab Eustachio in clariora lacteorum indicia properabat Aselius, & ab Aselio Pecquetus. Quid simile? Ex accurata Eustachii (f) descriptione inter omnes constat, ipsum revera Thoracicum ductum vidisse, atque ante Pecquetum proposuisse. Mundinus autem cum venam chylin scribebat; quid, quæso, aliud, quam venam Cavam intelligebat? Estne aliquis cui ulla unquam hac de re dubitatio fuerit, atque adeo esse potuerit, quando Mundinus (g) ei capiti quod inscriptum est de Anatomia Venæ Chilis, hoc initium fecit: Quibus omnibus elevatis tibi apparebit vena magna, quæ est ramus venæ chilis descendens, & arteria magna, quæ est ramus aborti descendens, & quando illa vena chilis est in directo renum, ab ipsa ramificantur duæ venæ, quæ vocantur emulgentes, quarum una vadit ad renem dextrum, & altera ad sinistrum. Mitto alia Mundini loca, omnia non minus perspicue comprobantia, venam cavam fuisse ab ipso venam chylin vocitatum, idemque apud Mundinum significari per illam venam chylin, quod apud Ciceronem (h), eosque fere omnes qui latinis litteris anatomem attigerunt, per venam illam cavam. Nec mirum, quando Græcis idem est κοίλος, quod Latini cavus. Sic Fernelius (i) diserte: vena κοίλη, id est cava dicta. Sic Massa (k) quam venam græci chilim, latini cavam vocant. Sic Falloppius (l): cavam venam appellavimus, aliorum anatomicorum more, Latino nomine: Græcis vero κοίλη.

(a) N. 19. (b) N. 26. (c) De corp. hum. fabr. l. 5. c. 27. (d) Can. l. 3. Fen 6. c. 1. (e) Test. exam. (f) De Vena sine pari Antig. 13. (g) Anatom. (h) De Nat. Deor. l. 2. (i) Physiol. l. 1. c. 11. (k) Lib. Introd. Anat. c. 17. (l) Instit. Anat. c. de Ven. & cat.



*κοίλη* dicitur. Sed in re minime necessaria cæte-  
ros prætermitto. Jam enim satis superque patet,  
non modo rem, sed ne nomen quidem quo usus  
Mundinus est, *venæchilis*, vel, ut Matthæus Cur-  
tius edidit, *cylis*, vel potius *cilis*, excitare Eusta-  
chium potuisse ad cogitandum de venis chyli-  
feris, nisi forte existimamus, Virum græce doctissimum  
aut ea quæ diximus, ignoravisse, aut quantum ef-  
fet discrimen, nescivisse inter vocem *cilos* (*κόλος*)  
qua *cavus*, ut diximus, & vocem *chylos* (*χυλός*)  
qua succus, & apud Medicos is peculiariter qui  
*chylus* dicitur, significatur. Quid? quod Eusta-  
chius (*m*) cum Thoracicum invenit ductum, non  
aliū usum habere credidit, quam sanguiferæ ve-  
næ, neque unquam ostendit, suspicari se, an chyli  
via esse posset; ut quanquam usque adeo rerum,  
& verborum imperitus fuisset, ut per Mundini  
venam *chylin*, venam chyliferam significari putas-  
set, manifestum sit tamen, in chyliifero Ductu in-  
veniēdo ductore Mundino non esse usum.

- 79 Quod si verba pariter Jacobi Berengarii in-  
dicasses quibus inductus es ad pronuntiandum,  
23 *primum detexisse ipsum ductus salivales conspicuos,*  
*tum scaturigines effluxuum sub nervis opticis per*  
*cavernas ossis basilaris ad aures, & palatum; quo-*  
*rum primas Steno, alteras Nuckius, velut in pro-*  
*pria inventa, sibi inde arrogarint; vereor ne facile*  
*hæc demonstrare potuisses. Sed ne forte credas,*  
*me Bononiensium Anatomicorum laudibus refraga-*  
*ri; sic habeto: neminem plus ipsis tribuere pos-*  
*se, quam ego tribuam, semperque tribuerim; imo*  
*vero tanti eosdem a me fieri, ut cum propriis lau-*  
*dibus & plurimis, & maximis celebrari illos pos-*  
*se videam, propterea satis æquo animo ferre ne-*  
*queam, tantos Anatomicos, quasi propriis quibus*  
*redundant, omnino carerent, alienis encomiis exor-*  
*nari. Bononiensem ipsam Academiam, Cives ip-*  
*sos Bononienses, quorum illam, ut Parentem*  
*amantissimam, hos, ut Viros amicissimos colo,*  
*siquis veris laudibus extollere cupiat, nunquam*  
*tam copiosa uti oratione poterit, ut cum pluri-*  
*ma dixerit, non multo plura mihi videatur omi-*  
*sisse. Idem tamen si in eandem orationem conjici*  
*videam quæ minus certâ fide subnixa, cætera quæ*  
*longe verissima sint, secum trahere in dubium,*  
*atque infirmare vehementer possint; Oratorem,*  
*quod nunc facio, etiam atque etiam rogem, ut*  
*vera alia, atque alia, quæ in tam ubere materia*  
*non desunt, conquirat; inania illa prætermi-*  
*tat. Hæc si forte quæ sint, requiras; ea nempe*  
7 *sunt: Bononiam post sex supra triginta sæcula scien-*  
*tiarum Genetricem esse: Academiam Bononiensem*  
*ipsam primos inter vetustissimos Hetruscos floruisse:*  
11 *Hetruscis debellatis, Gallisque Bojæ regnantibus,*  
*musas excolendas dedisse: Gallis inde Bononiæ hos-*  
*pitibus, & restauratoribus perditis, sub Romana*  
*Republica principem studiorum sedem non amisisse:*  
*quæ profecto ne cum iis quidem valde cohererent*  
8 *quæ paulo ante posueras: compertum esse antiqua-*  
*rum rerum Cultoribus genuinam Medicæ Academiæ*  
*Originem assequi Epochâ ad Augusti Regnum indu-*  
*cta: quanquam hoc ipsum num. satis compertum*  
*esset, poteras de Viri Cl. Curtii nostri (u) eru-*  
*ditissimo libro intelligere. Quem sane, & Lips.*  
*Actorum Supplementa (o) si diligentius verlasset;*  
*ne illa quidem sine ulla hæsitatione scripsisses quæ*  
12 *declinante Imperio, quæ Barbaris Italiam depræ-*  
*dantibus de servata dignitate ejus Academiæ sæcu-*  
*lis omnibus asseveras.*

80 Sed ut melius videas quam difficile sit pro-  
bare quæ remotissimis, vel obscurissimis sæculis  
fuere; iis prætermittis, ad propiora veniamus.

- 14 Affirmas, in prima finitimarum Scholarum O-  
MNIVM erectione ex Bononiensi Liceo in operam  
invocatos esse Præceptores, & Duces, --- simili-  
terque contigisse in ortu, aut restauratione Roma-  
næ, Pisanae, Parisiensis, Monspelliensis, aliarum-  
que plurium, quibus omnibus Bononiense Archi-

gymnasium propagare valuit doctrinæ germina, &  
VELUTI SOL PLANETIS MINORIBUS, mu-  
tuam dare lucem, & radios. Hæc etsi scio Bo-  
noniensibus ipsis nostris, Viris æquissimis, Mo-  
destissimisque, in hanc modum dicta, placere non  
posse; tamen pro meo in Academiam illam, &  
Civitatem longe Præstantissimam grato animo de-  
monstrari omnibus, & plana fieri, vehementer  
cupio. Tu igitur quomodo id præstas? Joannem  
producis a Concurezio, & Marsilium a Sancta So-  
phia, Mediolanensem illum, hunc Patavinum, at-  
que aliū præterea neminem; quasi vero quæ di-  
xisti omnia aut ad Ticinensem dumtaxat Acade-  
miam inchoandam, instaurandamque pertinerent;  
aut ex Bononiensibus ipsis nemo unquam in ejus-  
modi operam invocatus fuisset. Sed tamen id ip-  
sum quod de Ticinensis Academiæ initiis affir-  
mas, videamus. Sæculo, inquis, decimo quarto  
ad primum Papiensis Academiæ fundandum lapi-  
dem, ut alter medicinæ Lycurgus operam & decus  
instrueret, advocabatur Marsilius a Sancta Sophia  
Bononiensi in studio celebratissimus antecessor.

Equidem hunc Marsilium (quem Lucas Tozzius  
Vir alioqui Doctissimus, cum Sanctorii nostri  
Commentaria in primam Sectionem Aphorismorum  
Hippocratis non uno in loco dissimulanter de-  
scriberet, atque aliquid tamen vel iis in locis  
addere de suo vellet, cum Marsilio Cagnato, qui  
scribebat sæculo XVI. ad finem properante, con-  
fudit (p)) hunc, inquam, Marsilium a Sancta  
Sophia ego quidem ex Alidosio (q) non ignoro  
A. 1402. fuisse Bononiæ Professore Medicinæ ad  
diem usque qua ibidem mortuus est. Evenisse  
autem ei, ut extra Patriam Patavium moreretur,  
quod Carrar. Principi parum gratus haberetur,  
quasi secutus partes Galeatii Principis Mediolanens.  
quum Patavii imperaret, præter alios, docet Ja-  
cobus Salomonius (r), qui cum Venetis, ac Pa-  
tavinis Historicis, id imperium cœpisse, ostendit  
(s) A. 1388.; desisse autem A. 1390. Atqui Ti-  
cinensis Academia fundata, aperta est A. 1362.  
quod laudatus Curtius (t) demonstrat. Igitur uti  
certum est (u), Marsilium & Patavinum, & Ni-  
colai filium fuisse, qui præstantissimus Medicinæ  
Professor usque ad annum 1350. in Patria Acade-  
mia vivebat; ita non ex hac, sed ex Bononiensi  
profectum fuisse eundem Marsilium ad Ticinensem  
inchoandam, adhuc ostendendum est, præsertim  
cum ex Albis vetustissimis (\*) Professorum Gy-  
mnasii nostri liqueat, ipsum inter hos plurimis  
ante annis docuisse, quam ab Alidosio inter Bo-  
nonienses referatur.

81 Locus hic est, ut superiora quædam verba  
attendamus, quibus de Cardano, & Mercuriale  
ad Cathedras Bononienses munifice conductis ser-  
monem habens, primum, ais, suis erga Urbem  
Bononiensem expletis officiis, Romam ad summos  
a Pontifice atque Optimatibus colligendos honores  
se contulisse: Alterum Patavini Gymnasii instaura-  
torem fuisse, & jubar. Nempe videris sic in tran-  
situ significare, Mercurialem a Bononiensi Gy-  
mnasio ad hoc Patavinum instaurandum venisse.  
Quod si verum esset; cuinam magis placere posset  
quam mihi, qui tanto Cive jure ac merito glo-  
riari soleam? Sed ut de altera Parente mea Bono-  
nensi Academia, ita de ipsa quoque Patria, quam  
summa prolequar pietate necesse est, sic existimo:  
satis utramque habere verarum laudum; ut inanes  
debeat respuere. Mercurialis noster Patavini Gy-  
mnasii jubar fuit; instaurator non fuit. Studium  
Patavinum hoc anno 1570. non parum luminis ac-  
cepit ex adventu doctissimi Viri D. Hieronymi Mer-  
curialis, qui ad lectionem Præcticæ ordinariam in  
locum Fracanziani defuncti, ROMA advocatus  
est. Sic Tomasius (x): ex quo (y) scire licet,  
eo ipso tempore in hoc Gymnasio res ad Medici-  
nam spectantes tradidisse Bernardinum Paternum,  
Paulum Crassum, Hieronymum Capivacuum, Hiero-

(m) An. gr. cit. (n) Notizie stor. & cæc. (o) Tom. VI. Sect. X. (p) Comment. in Aph. l. 1. Aph. 3.  
(q) Dottori Forest. & cæc. (r) Inscript. Urb. Patav. (s) Ibid. in Fast. Prætor. (t) Libro cit.  
(u) Vid. Tomasius. Gymn. Patav. l. 3. c. 1. (\*) Ex his Excerpta, a Salomone conscripta, Patavii sunt apud  
Antecessorem Doctissimum, Celebratissimumque Nicol. Commenum Papadopoli, quem audio usdem niri in amplissima  
Historia Gymnasii Patavini, quæ nunc sub prælo est, propediem vulgabitur. (x) Ibid. l. 4. (y) L. 3. & l. 2.



Hieronymum Fabricium ab Aquapendente, Melchiorum Guilandinum, Albertinum Bottonum, aliosque Homines Celeberrimos, Collegas autem in cæteris Disciplinis habuisse Franciscum Piccolomineum, Archangelum Mercenarium, Bernardinum Petrellam, Josephum Moletium, Jacobum Menochium, Marcum Mantuam, Tiberium Decianum, Joannem Cephalum, Guidonem Pancirolum, Franciscum Mantìcam, aliosque in sua quemque Facultate usque adeo illustres Viros, ut eorum singuli ad alias potius instaurandas Academias mitti, quam in qua universi essent, opusullo instauratore esse posset. Summa igitur Mercurialis mei, & prope divina laus fuit quod inter tot ejusmodi Professores advocatus, non parum luminis tanto, & tam præclaro Gymnasio addiderit adventu suo. Huic autem Gymnasio eo charior fuit, & gloriosior novi ejus luminis accessio, quod Mercurialis non aliunde id attulit, sed eodem unde acceperat, retulit. In hac enim ipsa Academia, Oddo de Oddis, Bassiano Lando, Victore Trincavellio, Gabriele Falloppio, M. Antonio Genua, Bernardino Tomitano, Francisco Robortello doctibus, medicis, philosophicis, & humanioribus studiis eam operam dederat, ut annos duos & viginti natus hinc scriberet, typisque committeret opusculum suum primum, quod *Nomothelasmus, seu Ratio lactandi infantes* inscribitur, aliudque opus *propediem in lucem edendum parare, die, nocteque laboraret*, ut ipse ad civem suum nobilissimum, Franciscum Pauluccium scripsit in Epistola illi Opusculo præfixa, & Patavii data M. D. LII. Sexta Augusti die: cujus libelli, iis qui vel de Mercurialis Vita, vel de Medicorum Scriptis egere, quantum video, incogniti, rarissimum apud me exemplar asservo. Hinc (z) Philosophica, & Medica corona meritissimo donatus, in Patriam rediit, a qua Romam ad Pium IV. Pontificem Max. legatus, ibi apud Alexandrum Cardinalem Farnesium tandiu fuit, donec in hanc altricem suam Patavinam Academiam vocaretur. In qua (a) cum duodeviginti annos docuisset, tum vero in Bononiensem maximis stipendiis accersitus est, ubi quinquennium moratus, Pisas transit, unde senio, morboque confectus in Patriam demum reversus, quantam huic vivens gloriam pepererat, tantam moriens tristitiam reliquit. Hæc Summi, atque Eruditissimi Medici initia, hi progressus, hic exitus fuit, digni certe qui Patavini Gymnasii instaurator esset, si egens instaurazione invenisset: quod ea tamen quam hinc hauserat, & quam hinc alio, non aliunde huc importavit, doctrina, atque eruditione perfecisset.

82 Num vero seculo decimo sexto, an decimo septimo, expertissimus Julius Caesar Claudinus ingressum ad Infirmos, consultationum, præsidiorum omnium, praxeos, uno verbo, felicioris regimina pervulgarit; num Garzonius, Nicolai V. Medicus, num Varolius, Gregorii XIII. ille Bernardinus, hic Constantinus nomen habuerint, an Bernardus, atque Constantius, hæc, inquam, ac alia istiusmodi ipse videris; In his illud quod in eadem I. Oratione scripsisti; *Sanguis, te*, Bononiensis Academia, monstrante, circumactus in orbem, quomodo cum his conveniat quæ in IV. Oratione scribis: *Columbus minorem, sive per solos Pulmones inductam sanguinis circulationem primus invenit, Casalpini majorem & cæt.* hic enim Pisus, ille vero Patavii, Pisus, & Romæ docuerat. Verum ut intelligas, Vir cl. me non de hujus, aut illius Academiae laudibus, sed de vero in Medicina, & Anatomies historia laborare; sic habeto: non Columbum, quem quidem Virum in serie illa incomparabili repono Summorum Anatomicorum qui Patavii docuerunt; non Columbum, inquam, sed nihil ad te, aut ad me attinentem, imo ab utroque nostrum ob insana commenta damnandum quæ in Religionem invehere conatus est,

Hispanum Medicum Michaellem Servetum sex & viginti annis ante Columbum minorem illum circuitum sanguinis diserte tradidisse: quod ex ejus verbis liquet per Cl. Sievertum (b), aliosque ante hos annos duodecim evulgatis, ab ipso autem Serveto editis A. 1533.

83 Sed eorum quæ in eadem VI. Oratione subjicis de Inventoribus Anatomicis, si non omnia, pleraque saltem in præsentia pro veri studio consideremus. *Œsophagi, ventriculi, intestinorum strueturas, atque tunicas a Willisio detectas* dicis, 43 *proditas autem a Kerkringio Conniventes Valvulas*. His ego objicio quæ in I. (c) & III. (d) *Adversariis* jam satis indicavi. Deinde quæro, si de *Mappa hominis Anatomica*, si de *humani corporis imagine* hic verba facis, cur Willisianam Œsophagi structuram, ex bestiis descriptam, huc trahas? cur *patefactos ab Asellio Chyliferos Ductus; reseatam a Pecqueto nutritii laticis cisternam; enodatas a Bobnio Hepatico-cysticas fistulas* hic commemorares? Certe horum nemo in humanis corporibus ea patefecit. Sed quæ chylifera vasa in bestiis Asellius, & ante hunc olim, ut ipse (e) candide fatetur, *vidit omnino*, sed non agnovit Erasistratus, illa in hominibus primum omnium Venetiis privatim ac publice se ostendisse, testatus est Cæcilius Foliolus (f) in libello edito A. 1639: quod eodem anno a se ipso, imò biennio ante ab alio Medico, factum esse, duodecim post annis scripsit Highmorus (g). Pecqueti autem cavum Receptaculum, ut vasa quoque Lymphatica, videtur primus in homine conspexisse, & delineasse Olaus Rudbeckius (h). Vasa denique Hepaticystica, nisi tu, Vir cl. omnibus sublati dubitationibus, certius demonstrares, nondum aliquem habemus a quo satis in humanis cadaveribus perspecta esse, sciamus. Quod si promiscue (id quod tua superiora verba credere non sinunt) si ve in homine, si ve in bestiis inventa, hic enumeranda suscepas; cur *proditas a Pejero intestinorum Glandulas* dicis; quas nimirum in brutis animantibus a Pechlino (i) ante *proditas* esse, constat? Quod vero ais *evoluta ab Eustachio Coli intestini ligamenta*; quæro; num tertium quoque? & si omnia, num ut initium, sic omnium finem eolverit? Nam in *Hepate* num *pansa a Glissonio* fuerit *Muscularis capsula*, satis visum est supra. *Explicata autem in Liene* ab recentissimo Summoque Anatomico *penicillaria Vasa* num ita vis nos accipere, ut nihil discrepans intelligamus ab eo quod in I. Oratione scripseras, eundem Anatomicum *distributionem penicillorum in lienaribus vasis* --- a *Casserio recepisse videri*? Scilicet Casserius id invenerit; hic dumtaxat *explicavit*? Sed quoniam ad ea probanda quæ in hac, vel illa Oratione a te de Inventis Anatomicis pronunciantur, nulla Auctorum loca proferre soles; si forte id Casserio adjudicas propter eam Iconem quæ ad VIII. Spigelii librum Tab. IX. n. IV. adjecta est; animadvertere te decet, ad eundem modum picta esse a Casserio vasa tum Jecoris in Fig. II. Tabulæ proximæ, tum Placentæ in Tab. VI. de *Formato Fœtu*: ideoque non a Casserio, sed ab suo singulari artificio eum didicisse qui cum una in Tabula *Ramorum lienalium, hepaticorum, ac Placentæ uterinæ* figuras repræsentasset, monuit (k): *hisce rite perspectis facile fore judicare, vasorum sanguineorum extrema summopere inter se differre, itemque nominatim vasorum extremitates in Arteria splenica penicilla detrita repræsentantes, non in placenta uterina --- locum habere*.

84 Ais deinde, fuisse *Pancreaticum Ductum, seu fontem salivalem inferiorem, ab Hoffmanno, & Wirsungo propositum, ut salivarias superiores scatebras detegere datum esse Stenonio, Whartono, Nuckio, & Casp. Bartholino, atque dudum Achilino*. Non est mihi in animo urgere hic multum Galeni (l) loca, ne dicam Herophili, & Eude-

(z) Vid. Tomasin. Elog. Tom. I. (a) Vid. Erythr. Pinacoth. I. (b) Dissert. de Morbis & cæt. n. 61.  
(c) N. 23. (d) Animad. 4. & 7. (e) De Lactib. c. 13. (f) Sanguinis a dextro & cæt.  
(g) Corp. hum. Disq. l. 1. P. 2. c. 7. (h) Exercit. de Duct. Aquos. Tab. 10. (i) De Purg. Med. Fac. c. 36.  
(k) Thesaur. Anat. II. Aff. 4. n. 2. & 4. (l) De Sem. l. 2. c. 6.



Eudemi, & Marini, quæ Eruditis Medicis satis cognita esse, scio: ex glandulis quæ ad radicem linguae sunt, saliva eodem (in fauces) fertur.

Jam vero in intestina reliquæ ex ventriculo, biliosus vero humor ex jecore, ex glandulis item quibusdam aliis quæ hic quoque sitæ sunt, lenta humiditas salivæ perquam similis descendit. & infra: glandulas raras & humidas quibus conceptacula ipsa committuntur, --- humorem quandam quasi pituitosum gignere, quo interior intestinorum tunica sublinitur. nam quod quæ salivam gignunt glandulae, ipsam in os evidentibus venulis stillatim effundant, quodque tota etiam fauces a glandulis ejusdem utilitatis causa humectentur, nemo est amplius qui nesciat. jam enim inter omnes dissectionis professores maxime constat. Non, inquam, hæc volo hoc in loco multum urgere, quæ etiam paulo ante cum de intestinorum glandulis sermo esset, prætermisi, neque vero alia iterare quæ supra sunt cum de Achillino diceremus, commemorata. Hic satis erit quærere, cur ubi de homine agitur, inter salivariarum scatebrarum Inventores Nuckius, & Casp. Bartholinus qui suas in bestiis detexerunt, ponantur, cum his autem Rivinus ne memoretur quidem? aut cur in Pancreatico ductu retegendo cum Wirfungo Hoffmannus laudetur, qui (m) eum ductum non in hominibus, sed in gallo indico monstravit?

85 Quoniam ad Wirfungum ventum est; non dubito, te Vir cl. de ejus morte sapius legisse quæ a Graafio, Kerckringio, aliisque conscripta sunt. Tradit ille (n) id quod verum est: Wirfungum A. 1642. Patavii primum reperisse Ductum Pancreaticum, quem in Reip. Medicæ bonum æri incisum publici juris fecit. Sed hæc addit: a quo plura potuissimus sperare, nisi ab invidis nefarie in adibus suis, eo forsitan nomine, fuisset sclopeto interemptus. Kerckringius (o) autem de eodem: a quo ne plura acciperemus, invidia, eum in flore ætatis sclopeto, dum supra omnes antecessores suos in gloriosa Medicinæ cathedra quotidie de ignorantia ageret triumphos, perimenti, ferimus acceptum: quæ (neque hæc tantum) Kerckringii verba, sua deinde fecit Munnickius (p). Hæc atque alia ejusdemmodi quis commentus sit, ad eosque Clarissimos, Honestissimosque Scriptores detulerit, nescio. Illud scio, cum Inclytæ Nationi Germanicæ quæ pulcherrimarum Artium studio in nostra Academia degens, meæ fidei commendata est, annis superioribus auctor essem, ut Tabulam ipsam æream in qua Wirfungus resectum a se Ductum naturali magnitudine sculpendum curavit, sculptumque eidem Nationi donavit, ceu rarum Immortalis nominis Viri, & Sodalis quondam suum Virtutis, tum Amoris testimonium, diligentiori custodia in propriæ Bibliothecæ Ærario aservandam decerneret, atque ingressi essemus in eum sermonem, a quo, & qua causa Egregius ille Anatomicus hic interfectus fuisset, cumque alii, ut sit, alia dicerent; illud, inquam, scio, venisse in mentem mihi, ut Acta inspicerentur quæ a pluribus sæculis, in singulos annos, summa fide ipsa Natio conscribit, & conscripta, diligenter aservat. Ibi homines mei amantissimi, cum Acta superioris sæculi protulissent; non quærendi modo, sed etiam describendi quæ ad Wirfungum suum pertinerent, mihi libentissime copiam fecerunt. Hæc igitur Tomo IV. pag. 80. Anno ipso 1643. quo anno mortuus Wirfungus est, de ejus fato ab ejusdem Civibus, atque Sodalibus conscripta invenimus: 22. Augusti illuxit fatalis dies Nob. Excell.<sup>mo</sup> & Clar.<sup>mo</sup> Viro D. Joh. Georgio Wirfung Philosophiæ ac Medicinæ Doctori, Inclytæ Nationis nostræ Assessori honorando, qui circa 24. noctis horam, ex solito, sub propriæ domus janua, familiariter cum aliquibus Dominis Concivibus eodem contubernio utentibus conversatus, a D. Jacobo Cambier, ob nescio quod odium privatum, sclopeto ma-

jori, quod Carabinet vulgo dicunt, petitus, globoque transiectus cum sanguinis copia simul & animam fudit, hæc verba identidem repetens, son mortuo io, o Cambier, o Cambier... Hunc autem Cambier fuisse Dalmatam quendam, cum rei summa indicat, ad libri oram ex instituto sic adscripta: Quidam Dalmata interficit sclopo longo nostrum Concivem sub propriæ Domus Janua; tum illa confirmant quæ in Actis subjiciuntur: Interea facti hujus Author, suo Cognato Nicasio Cambier, ut & alio quodam Dalmata comitatus, in hoc facinore comitibus, hospitio suo in quo pernoctarat, exiens, Pataviumque relinquens, fuga sibi consuluit. Porro Wirfungus quo anno Patavium venisset, ex Albo constat laudatæ Nationis, in quo, more institutoque Majorum, sua se manu inscripsit, Anno, ut ipse vidi, 1629. die 8. Novembris. Hoc autem toto annorum ferme quatuordecim spatio nullum docendi munus gessit; tantummodo a Veslingio nostro (q) inter discipulos, qui maxime profecerant, selectus est qui sibi minister, vel incisor, ut dicunt, foret (r), quo in ministerio merita ipsum diligentiae laude celebravit. Itaque male natas illas de causis ipsius mortis suspiciones evelli ex animis penitus, decet, quando ex tam antiquo, fideli, ac simplici testimonio constat, Wirfungum ob privatum quorundam Dalmatarum odium, non ob invidiam quæ ejus Inventum, aut ejus Prælectiones (quæ, ut diximus, nullæ fuerunt) quispian Patavii sequeretur, sic interiisse, ut hic plures alii eam tempestate, crebris in maximo Juvenum Exterorum numero inter se dissensionibus interierunt.

86 Ad Orationem tuam jam redeo, Vir cl. in qua porro, Renales Papillas ab Eustachio revelatas; --- expositos a Bellino Urinarios Tubulos fuisse, dicis. Sed de his ut Falloppium, atque Eustachium videndos alibi (s) indicavi; sic vicissim Renales Papillas jam ante Eustachium revelatas fuisse, manifestum est. Nam, ut omittam quod tradidit Joannes Posthius (t): in renibus processus mamillares primum observavisse D. Rondeletium, in cadavere D. Fontanoni, Collegæ sui; certe cum Fontanonus adhuc viveret A. 1542. (u); sex ante annis Nicolaus Massa (x) dilerte scripserat: in rene versus cavitatem, ubi sunt pori uritides, videbis quasdam carunculas habentes figuras papillæ uberum, --- & dicunt, --- aquositatem --- per extremum papillæ mitti ad porum uritidem. Sed verbum illud quo utitur, dicunt, non obscure significat, alios quoque priusquam Massa hæc scriberet, papillas in renibus vidisse. Et sunt revera qui has Berengario acceptas referant; sed nec verba proferunt, nec locum ipsum satis designant. Verum tamen scribunt. Nam in Isagog. ubi agit de Renibus, hæc invenio: Prædicta lacuna (quam nunc pelvim vocitant) habet circa se paniculum solidum perforatum ultra decem foraminibus magnis: per quæ mediante certa Renis substantia parva simili papillis mamillarum mulierum in prædictam concavitatem natura emulget urinam. Sed & in Commentariis quæ superiore anno 1521. ediderat in Mundini Anatomiam Comment. XIII. ubi de Renibus scripsit, & de Injectionibus per syringam aqua calida plenam jam tum ab se in eorum vasa institutis, hæc tradidit: in illa lacuna sive in illo vacuo quod facit porus uritides, sunt certæ carnes: quæ assimilantur papillis mamillarum mulierum: sunt tamen minores: --- & prædictæ carnes papillares habent basim versus partem in qua terminantur rami venæ emulgentis & cuspidem versus lacunam pori uritidis. Et porus uritides nervus est: perforatus foramine notabili ubi est cuspis talis carnis papillaris, forte ut tale foramen non claudatur. Foramina autem hæc pertinent ad eos quos nunc vocitamus pelvis tubulos. Vel hinc igitur vides quæ Bononiensi huic Professori poterant in I. Oratione certiora, fortasse anatomica In-

(m) Vid. Bartholin. Anat. quart. renov. l. 1. c. 13.

(p) Anat. Præf. (q) Præf. Edit. 2. Syntagm.

(r) Epist. in Eust. Tab. pag. xxii.

(s) Lib. Introd. Anat. c. 18.

(n) De Succo Pancr. c. 1.

(o) Spicil. Anat. Proëm.

(r) Vid. etiam Molinett. Dissert. Anat. l. 6. c. 5.

(u) Vid. Linden. de Scrip. Med.



ca Inventæ tribui, quam quæ supra examinavimus.

87 Quæ porro subjicis: *Septum scroti descripsit Massa; Testium, ac Parastatæ syphunculos exhibere Arantius, & Graafius; Highmorus centro positum eorum fulcrimen*; hæc quoque ejusmodi sunt, ut non sine examine omitti possint. Nam *Testium syphunculos* fuisse ante Arantium indicatos, supra ostendimus; *Parastatæ autem syphunculos* neque ab Arantio descriptos meminimus, & ante Graafium ab Highmoro (y), ante hunc autem ab Riolano, ut alibi demonstravimus (z), propositos esse, constat. Ibidem pariter indicavimus, ab eodem Riolano exhibitum esse ante Highmorum id quod isti ejus fulcrimini in humanis testibus respondet. Nam quod tu, Vir cl. hoc *centro positum* esse, scribis; id vero in bestiis quibusdam, non in hominibus sic inveniri, Graafius (a) monuit. Hinc intelligis, istud *fulcrimen*, ut ab Highmoro exhibitum est, ad tuum institutum non pertinere; vel si pertineat, nihil esse causæ cur Massam quasi primum Septi Scroti Inventorem, producas. Atque olim quidem cum Massam ipse memoravi (b); qui ante hunc, illud indicasset Septum, ignorabam; sperabam tamen, fore ut *vetustiora Majorum testimonia comperirem in Epistola quam Cl. Joh. Jacobum Ravium de Inventoribus Septi Scroti conscripsisse*, intellexeram. Et quanquam antiquiora iis quæ ego protuleram, in ea Epistola non inveni; ipse tamen postea incidi in Columellæ locum, ut in mea I. in Auctores Rei Rusticæ Epistola ad Cel. Virum Jacobum Facciolum scripsi; quo in loco (c) *media quasi cutis, quæ intervenit duobus membris genitalibus*, hoc est, testiculis, ea ratione memoratur, ut planum sit, Columellæ minime ignotam fuisse membranam quæ testibus sive instar communis utrique Septi (neque enim adhuc sine ulla dubitatione statuere id licet) sive peculiaris singulorum Sacculi interjecta est. Si ergo quod in bestiis Highmorus vidit, ad propositum pertinet tuum, ad idem pertineat necesse est quod Columella agens de Suum castræ tione commemoravit. Cujus si hunc unum attendas locum; aliquid fortasse mutatum cupias in I. Oratione, ubi videlicet hæc de Anatome in universum scripsisti: *post inventores Egyptios exculta hæc ab Empedocle, Alcmeone, Democrito, Hippocrate, & Galeno, Romanis inde Professoribus Celso, Paulo Eginetæ, Aetio, Cælio Aureliano, Antonio Musa, Columellæ, aliisque omnibus obscura jacuit*. Quanquam, ne quid tecum dissimulem, alia sunt his in verbis, quæ magis flagitant mutationem.

Nam; ut Aristotelem, Herophilum, Erasistratum, Marinum, aliosque e Græcis illustres Anatomie Cultores, Auctoresque reticeam, quos, inter Hippocratem, & Galenum memorari, decuisset; quid *Romanis Professoribus* annumeras; mitto Columellam, & Cælium Aurelium, quorum ille etsi neque Medicus fuit, & veterinariam medicinam, aliud agens, modica sui Operis parte attigit, hic vero num medicinam Romæ, an apud Afros suos fecerit, neminem legisse meminisse qui doceret; latine uterque scripserunt tamen; sed quid *Romanis Professoribus* accenses Paulum Eginetam, & Aetium Amidenum, qui neque Patria, ut ex adjecto patet cognomine, neque incolatu, quod sciam, neque vero, ut longe omnibus notissimum est, qua in scribendo usi sunt, lingua, Romani Professores fuerunt, imo inter Græcos Medicos relati sunt semper, hodieque referuntur?

88. *Seminales vesiculas primum indicavisse Ingrassiam, secundum alios Rondeletium*, scribis.

Sed mirum est, te, Vir cl. qui in nova *Historia tuæ* Editione tam sæpe Hippocratem cites, incidisse nunquam in illa verba quibus Eruditissimorum non hujus modo, sed superioris etiam sæculi Virorum judicio, satis ipse eas Vesiculas indicavit (d): *Semen porro velut favus ab utraque vesicæ Morgagni Epistola Anat. I.*

parte est: quæ sane, atque alia ejusdemmodi in Hippocraticis libris obvia, sub quibus nunc te totum reponis, tibi longe notissima credidissem, nisi Hippocratem talem tantumque Virum, & quem vel tu ipse, ut paulo ante vidimus, inter eos certe a quibus Anatome exculta est, reponis, ex anatomicis disquisitionibus, pro temporum superstitione, & incuria, vix quidpiam sibi comparasse, nuperime pronunciavisses (\*). Quæ autem addis: *Alghisium Urethræ compositionem* --- illustravisse; --- *Terraneum* ejusdem glandulas internas; ejusque transversales, seu potius urinariæ vesicæ depresso- res musculos Bidloum; hæc omnia tu ipse illustres, necesse est; Primum quid tandem in perpauca mis Alghisii verbis sit, unde *Urethræ compositio*, quæ videlicet ignota, credo, aut obscura esset antea, illustretur? Deinde quomodo eas Terraneus illustraverit glandulas de quibus tu usque adeo ejus familiaris, sive, ut Præstantissimus Santorinus (e) loquitur, *ejusdem Amicus*, cui is sua communicaverat, tu, inquam, ipso jam mortuo, scripseris (f): nec datum adhuc fuisse tibi glandulas illas disgregatas distincte conspiciere, quas pro ductuum hujusmodi (urethræ) principis stabiliebat laudatus Terraneus, imo ostenderis, nescire te, ubi eadem, scilicet vel in intimiori urethræ substantiâ, vel in corpore spongiformi, urethræ circumposito, vel alibi ultra eam supponenda sint. Denique Transversales urethræ Musculos quæ potius urinariæ vesicæ depresso- res musculos credas, cum hoc nomine (g) ipse nobis rem profecto longe aliam descripseris? Cæterum non modo *suspensorii majoris virilis Mentulæ Ligamenti*, sed & Transversalium urethræ Musculorum tum Auctores, tum Illustratores cum ipse olim in *Adversariis* (h) laudaverim; hic illud addam, hostamen musculos videri mihi vel olim non fuisse ignotos Carolo Stephano (i), imo ab eo pictos esse in *Parergo* Tabulæ, capiti 20. libri II. subjectæ, & ad litt. D in hunc modum designatos: *Alii duo musculi ad virgæ latera minimi*.

89 Porro muliebria Ova enucleavisse Stenonem, genuinam rotundorum Uteri Ligamentorum fabricam Hornium, oviductus Falloppium, Novesium cervicis uteri vesiculas, Swamerdamium uterina vasa, tu dubitari non posse, existimas. Verum quod ad muliebria Ova attinet; me quidem non præterit, A. 1667. ante omnes scripsisse Stenonem (k): se non amplius dubitare, quin mulierum testes ovario analogi sint, quocunque demum modo ex testibus in uterum, sive ipsa ova, sive ovis contenta materia transmittatur: idque alibi se ex professo ostensurum. Sed in *Observationibus* (l) quas A. 1675. edidit, *spectantibus ova viviparorum*, cum muliebrium ovorum nomine nihil se, præter notas jam diu Anatomicis vesiculas testium, cum aliis intelligere se se, ostenderit; has autem non videri esse ova secundum Malpighii & sententiam, & anatomiam, atque adeo ex ipsius Graafii observationibus petita ratione, in *Adversariis* IV. (m) non obscure indicaverim, cumque Celeberrimi Viri qui postea scripserunt, eandem sententiam, atque rationem copiose, & docte confirmaverint; vehementer dubito non modo ne Steno, sed ne alius quispiam vera adhuc muliebria ova viderit, nedum enucleaverit. Num autem genuinam rotundorum Uteri Ligamentorum fabricam enucleaverit Hornius, etsi ex iis quæ ad Posthuma Valsalvæ Scripta adnotavimus, alias judicare melius poteris; tamen satis erit in præsentia, ut judices ex animadversione Graafii (n) de omissis in illorum fabrica venis Hornium, & merito quidem, arguentis, quando vel olim Eustachius (o), qui princeps ejusmodi fabricam observavit, venas in suis Tabulis non omiserat. Quod vero *Oviductus*, hoc est, Tubas Uteri enucleasse Falloppium, non dubites, valde miror, cum Riolanus (p), Lindenius (q), alique Gravissimi Viri censuerint, *eleganter* illas ab Ruffo

C

Ephe-

(y) Corp. hum. Dilqu. l. 1. p. 4. c. 2. (z) Adv. I. ad n. 18. (a) Tract. de Viror. Org.  
(b) Adv. I. n. 18. (c) De Re Rust. l. 7. c. xi. (d) De Off. nat. (\*) Præfat. nova Hist. Hep.  
(e) Obs. Anat. c. 10. n. 9. (f) Manger. Theatr. Anat. Tom. II. pag. 32. (g) Ibid. Tom. I. pag. 423.  
(h) Adv. I. n. 18. & IV. Anim. 21. (i) De dissect. part. corp. hum. (k) Hist. Diss. Pisc. ex Can. gen.  
(l) In Bartholin. Aët. Hafn. Tom. II. Obs. 88. (m) Animadv. 28. (n) Part. Genit. Defens.  
(o) Tab. XIII. & XIV. Fig. 1. (p) Anthropol. l. 2. c. 35. (q) Médic. Phys. c. 7.



Ephesio fuisse descriptas, ubi (r) adversus Herophilum, *fœminas varicosis affessoribus carere*, existimantem, se vero conspexisse, affirmat, e testibus enata vascula, atque utrinque varicis instar revoluta, quæ in uteri cavum perforata subibant: e quibus mucosus quidam humor, siquis exprimeret, emanabat. Nonnulla enim quæ pro Falloppio reponi possent, illudque in primis quod hæc Ruffus non in mulieris, sed in pecudis utero vidisse se, scribat; haud satis intelligo cui tibi usui esse queant, qui Mundinum uterinas tubas vel solo seminariorum vasorum nomine indigitasse ante Falloppium, non dubitas (\*), atque, ut sæpius vidimus, seu quis in bestiis, sive in hominibus rem primus invenerit, non laboras. Quod autem Novesium scribis cervicis uteri vesiculas, Swammerdamium uterina vasa enucleasse; primas velim animadvertas a Viro illo cl. ne nominari quidem, non modo satis non describi, ante autem quam ipse suas vulgaret observationes, non unum fuisse qui in uteri cervice diserte vesiculas memoraverit, quod ex nostris I. Adversariis (f) intelligi potest.

Uterina autem vasa, arterias videlicet, itemque venas tum superiores, tum inferiores, tum dexteras, tum sinistras inter se jungi, cum ante Arantium, cui hæc quidam tribuunt, Falloppius (t) docuit; sane Swammerdamii, aliorumque in iis vasis enucleandis industriam magna ex parte ab eo usque tempore occupavit.

90 Atque hæc de ventris tantum organis; nunc pauciora quædam de peculiaribus sive thoracis, sive capitis, & de communibus totius corporis partibus videamus. Lowero primum compertam heliceam muscularem cordis structuram, scribis.

At Jo. Alphonsus Borellus (u), spiris fibrarum cordis propositis, hanc, inquit, mirabilem structuram primum mihi videre contigit Pis, adstante clarissimo Malpighio anno 1657. postea novi alios eadem adnotasse; tandem Clariss. Lownerus, & Laurentius Bellinus exactam cordis contexturam indagant & cat. qua de re ipse quoque Malpighius (x) videri potest. Sed & biennio ante Lowerum, Anno videlicet 1667. Nicolaus Steno (y), Modernos spiralem fibrarum ductum in corde detexisse, jam scripserat, sive Pisanas illas, ut in Etruria tunc erat, designans observationes, sive alias etiam quæ ipsas antecessissent. Nam Lindanum a Th. Bartholino (z) laudari, video, qui in elixato corde observavit, a basi fibras deorsum cochleato prorsus ductu circumductas. Quanquam ejusmodi, in corde, fibræ, non fugisse omnino videntur Andream Vesalium (a), qui eas quoque fibras in illius visceris descriptione commemorat, quæ quidem orbiculatim cor ventriculosque amplectuntur, at oblique secundum cordis longitudinem procedunt. Porro Bronchialia Sanguiduca vasa Ruyschium exposuisse; bronchiales glandulas ostendisse Borrichium, dicis. Ego vero qui alibi de utrisque scripsi, hic tantum dicam, primum quod ad Bronchialia vasa attinet; nisi adhuc verum est quod sua tempestate agebat Galenus (b), a magna vena, quæ spinæ incumbit, venam aliquam in pulmonem transire, neque nos unquam vidisse, neque dissectorum quemquam scripsisse; nisi pneumonicam, ut Rolfincius (c) appellabat, venam, quam nunc bronchialem vocitant, in pulmonem insertam, & sparsam ab Nicolao Sammicelio primum (d), deinde a Fabricio ab Aquapendente demonstratam esse, negamus; nisi demum spernimus quæ de eadem, vel iisdem (numero enim, ac trunci insertionem, ut bronchialis arteria, discrepant) a Willisio, Bourdonio, Verheyenio, Cowpero, Heistero, aliisque ejusmodi Exercitatisimis Anatomicis, sicut omnibus est notum, litteris mandata sunt; sed si contra venam aliquam bronchialem agnoscimus; necesse profecto est, ut Cel. Ruyschio non hanc tri-

buamus, quam ipse (e) negat adhuc sibi videre licuisse, neque autem hic magis necessariam esse, putat, quam in hepate venam aliquam arteriæ hepaticæ sociam; tribuimus autem, si non bronchialem dumtaxat arteriam, sed in universum Bronchialia Sanguiduca vasa ab ipso exposita esse, affirmabimus. De Bronchialibus vero glandulis hoc unum dicam, tot, atque ejusmodi, præter Borrichium, fuisse Auctores a me in Adversariis V. (f) commemoratos qui illas proposuerint, ut minime proclive sit, Borrichium sic sine ulla dubitatione quasi primum earum Inventorem laudare. Gaudeo tamen, illo meorum Adversariorum loco illud saltem videri esse effectum, ut tu, Vir cl. sententiam mutaveris, neque amplius Verheyenium, qui sane post illos omnes Auctores scripsit, primum harumce glandularum Promulgatorem, & Indagatorem (g) appelles. Quo libentius tecum has quoque meas dubitationes communico, si forte alia aliqua tibi placere, & quadantenus prodesse possit. Nam & pro amicitia id cupio, & pro tua ista erga quasdam meas, in uvula saltem, & larynge habitas, observationes humanitate etiam debeo.

91 Itaque illud non satis assequi me, fateor, cur extricatum ajas a Sylvio quartum cum tertio cerebri ventriculo communicantem Aquæductum.

A quo, obsecro, Sylvio dicis? Jacobo illo veteri; an Francisco de le Boe? Si a Jacobo dicis; jam major Magistro Discipulus (ut antiquiores Anatomicos prætermittam) Andreas Vesalius (h) satis clare ante ipsum descripserat, imo & pictura indicaverat nomine Meatus ex tertio cerebri ventriculo in quartum sub cerebri natibus tendentis. Sin a Francisco; quid, quæso; præterea hic extricavit? A Tertio, inquit, Ventriculo sub Ponte nostro, Testibus & Natibus in quatuor ipsius extremis eminentibus ornato, Canalis vel Aquæductus est versum Quartum Cerebelli Ventriculum (i). Sed hæc ipsa sunt quæ Vesalii descriptio, & Figura docent. Neque ea ipsa nomina Canalis vel Aquæductus ante hunc Sylvium fuisse incognita, vel unus satis superque ostendit Arantius (k), cum diserte scripsit: canalis, vel aquæductus quidam est potius censendus, qui a centro cerebri, tertio scilicet vocato ventriculo, inter cerebellum, atque ipsam jam efformatam spinæ medullam, ad occiput descendens, confectos animæ spiritus in cerebri cisternam, aut sinum deferat. De Arachnoidea autem Cerebri Tunica quod videris indicare, hanc Slado & Blasio acceptam esse referendam; certe Præstantissimus Ruyschius (l) inter primos illius inventores hos ponit, sed æque tamen Quinam etiam, ac Swammerdamium, qui nempe omnes consortium quoddam inter se fovebant A. 1665. & 1666.

Ego vero hic opus esse distinctione quadam, existimo. Nam quod ad superiorem ejus tunicæ partem attinet, nihil in præsentia est quod adversari huic Recentiorum Anatomicorum Invento, sciam. Quod autem pars ejusdem inferior, quæ videlicet tum Oblongatam Medullam operit, tum Spinalem comitata, intra vertebrarum cavum se se demittit, aut ab iis Cl. Viris, aut a Tulpio primum detecta sit, quod Bohnius (m), & Ridleyus (n) putabant; certæ quædam causæ sunt quæ me longe aliter cogant existimare. Julium enim Casserium (o) video illam præclare delineasse tum qua Oblongatam Medullam, & ab hac producentes nervos late obducit, tum qua intra vertebrae se se immittit. Cum hæc animadverto, tum Varolium (p) invenio qui ante Casserium hæc scripserit: Firmatur autem tota spinalis medulla intra calvariam in propria sede respectu cerebri & cerebelli a quadam membrana tenui, lucida, atque robusta; qua mediante anterior pars medullæ annectitur cerebro, & posterior cerebello: ad quam posteriorem membranam extra spinalem medullam definit spatium, quod

(r) De corp. hum. part. appell. l. 1. c. 29.

(\*) Orat. I. pag. 17.

(f) N. 32.

(z) Obs. Anat.

(u) De Mot. Animal. P. 2. Prop. 37.

(x) Op. Posth.

(y) Elem. Myol. Specim.

(z) Anat. quart. renov. l. 2. c. 6.

(a) De corp. hum. fabr. l. 6. c. 10.

(b) De loc. aff. l. 5. c. 3.

(c) Dissert. Anat. l. 5. c. 29.

(d) Ibid.

(e) Ad Epist. Probl. VI.

(f) Animadv. 41.

(g) Manget. Theatr. Anat. Tom. II. pag. 261.

(h) De corp. hum. fabr. l. 7. c. 6. & Fig. 16.

(i) Ad Epist. Probl. IX.

(m) Circ. Anat. Prog. 21.

(n) Anat. Ccr. c. 2.

(o) Ad Spigel. l. 10. Tab. 9. & 7. Fig. 2.

(p) De Nerv. Opt. Epist. I.



quod quartum ventriculum vocant. Infra etiam de hac membrana fusius loquitur. Sed ego non plura proferam quam quæ satis sint, ut simul intelligatur, alia insuper quæ ætate hac nostra observata primum creduntur, a Varolio fuisse perspecta: Ubi igitur docuit, Infundibuli foramen existere in medio illius membranæ, hæc subjecit: Hac itaque membrana ablata, sub ipsa quidam vasorum se mutuo intercussantium plexus apparet, quem si cuidam arrideret vocare rete mirabile, nihil curo. Removeo deinde hæc omnia vasa, unde tanto magis conspicua evadit reflexio spinalis medullæ in anteriora, atque progressus ad superiora: si vero talis membrana removeatur etiam a subiecta spinali medulla versus posteriora (quam remotiorem cæteri vel vanam, vel impossibilem existimarunt) detegitur series quadam fibrarum transversalium cum eminentia, & distinctione a fibris rectis spinalis medullæ; est autem ille processus cerebelli, quem pontem appello; hoc est, quem Protuberantiam Annularem nunc vocant, cujus tractus, si ve strias, præter novum illud rete mirabile, vide ut Varolius perspectas habuerit.

92 Aurium Tympanum, & Labyrinthum protulisse in medium Casserium, atque Coiterum; Achillinum Incudem, & Malleum, ipse pronuncias. Sed, ut monuit Eustachius (q), ne ipse quidem Achillinus sibi tantum sumpsit, ut inventionis sibi palmam vendicaret: ex quo intelligere debemus, etsi Achillinus primus omnium quos legimus, iis de ossiculis scripsisset, videri tamen ab alio aliquo fuisse inventa, primumque demonstrata. Nam Tympanum, & Labyrinthum neque a Casserio, neque a Coitero primum fuisse proposita, satis superque ex Anatomicis Falloppii Observationibus intelligitur. Neque tamen quidquid nunc vocamus Labyrinthum, nedom Tympani cavitatem Falloppius princeps deprehendit. Aristoteles (r) enim hæc scripserat: Pars auris interior forma anfractui cochleæ similis. Et ante hunc Empedocles audire nos, censuerat, aere partem intimam aurium impellente, eam siquidem in modum cochleæ obvolutam, ac tanquam tintinnabulum edito in loco suspensam, irruentis aeris pulsus omnes agnosce-re: quod in libro extat Galeno adscripto de Historia Philosophica (s). Quod si nos haud satis hæc movent quæ ab Eustachio (t) etiam, aliisque sunt animadversa; Corn. Celli (u) verba insuper adjiciamus: In aure quoque primo rectum & simplex iter procedendo flexuosum fit. Quod juxta cerebrum in multa & tenuia foramina diducitur, per quæ facultas audiendi est: quæ quidem nisi conspecti jam essent quadantenus Canales Semicirculares, scribi potuisse non videntur; & sane de his quoque Rubeus (x) hunc Celli locum interpretandum esse, censuit. Quod ad Tympanum autem attinet; res quidem multo clarior est. Nam si quis etiam illa velit minus attendere quæ inter Hippocraticos occurrunt libros (y): Foramina aurium ad os durum, & siccum lapidei simile pertingunt. Jam vero ad ipsum os est cavitas antrofa. --- Pellicula vero in aure juxta os durum tenuis est, velut aranei tela; at aliorum negligere verba non poterit, qui Tympanum, ante Falloppium, manifesto proposuerunt, ut Berengarii (z), qui exposuit nomine certæ vacuitatis, quam claudit quidam panniculus subtilis, & solidus. --- Et huic panniculo intra prædictam vacuitatem adjacent, inquit, duo ossicula parva: quam vacuitatem alibi vocat (a) concavitatem anfractuofam, & cavernam; veletiam ut Massæ (b), qui esse cavitatem dixit quandam rotundam, quantitatis unius ungulæ, & istam cavitatem tegi a quadam membrana subtili dura, --- supra quam membranam intus sunt duo ossicula ad modum malleorum timpani & cat. Cum vero de cochleæ spirali lamina sic loquaris, ut minime liqueat, velisne hanc a Præcl. Verneyo inven-

Morgagni Epistola Anat. I.

tam, an oculis tantum accuratius subjectam; æquum est; hoc alterum potius a me credi, quam ea quæ Eustachius (c) de eadem scripsit, tibi incognita existimari.

93 Quod autem Eustachium Auris Tubam revelasse, diserte subjicis; magis vulgata Aristotelis (d) verba sunt; quam ut dissimulari a me queant: A parte auris interiore meatus ad cerebrum nullus est, at in oris palatum usque semita pertendit. Quid? quod ad Problemata quædam de auditu, ejusve organo solvenda, mihi quidem videtur ista eadem semita ad eundem modum esse usus ad quem Recentiores Anatomici uti solent, ejusque viæ cum via respirati aeris communicationem, & quam ad audiendum requiratur ut illa pateat, nullaque turbetur ratione, non ignorasse: ut cum sciscitanti (e), cur nonnulli cum suas inscalpant aures, tussiant? respondet: An quia sensus audiendi foramen cum pulmone, canalicque ab asperitudine cognominato sortitur? indicium, quod his ipsis repletis, obseptisque, homo surdescit; vel cum quærenti (f): qua de causa, oscitantes, minus audire possimus? satis sic facit: An quod multum spiritus effluentis inter oscitandum aures etiam intrinsecus subit? --- Igitur cum interior renititur exteriori illi occurrenti, efficitur, ut motus interioris strepitus motum exterioris retorqueat, atque effuscet. Valsalvam autem nostrum cum de aliis multis, tum de hac potissimum Anatomies parte egregie meritum, cur tertium mallei musculum revelasse, pronuncies, non sane video. Neque enim ipse novum esse, dixit; imo ut de proposito ab aliis musculo est locutus, cum videlicet in libri ora adnotavit (g), cur aliqui hunc non admitterent. Et revera is musculus Externi nomine descriptus fuerat a Verneyo (h) qui Casserii musculum, aliquanto potiori jure Externum appellandum, omisit. Hunc Casserii Musculum Processus Minoris Mallei, illum vero Processus Minimi Valsalva dixit, ut Processus Majoris Internum longioremque illum vocavit qui ab Eustachio olim inventus fuerat. Postremo scribis, Eustachium durum acusticum Nervum affabre prosequutum esse; Falloppium huic traditum canalem osseum, seu Aquaductum exposuisse; quasi vero Falloppius idem in quo libello (i) duri Nervi canalem, in eodem vel fusius, ac operosius quam ipsum canalem, ejus nervi incessum persecutus non esset. Certe Eustachius cum post Falloppium scriberet, non modo cum hoc in eo contendere non est aggressus, sed de eodem incessu dixit (k), sibi loqui non esse opportunum. Quod si non descriptiones, sed delineationes attendimus; neque certum est, Eustachium, antequam Falloppium legeret, nervi illius incessum pinxisse; neque tamen hunc tantum pinxit, sed canalem quoque ipsum osseum (\*), nisi ego quidem plurimum fallor, delineavit.

94 Verum illud magis miror quod ais, Turbinata ossa Schneiderum edocuisse. Nam si de re ipsa sermo sit; hanc vetustissimis Anatomicis non ignotam fuisse, Galenus (l) indicat, scribens, satius fuisse ipsa (ossa hæc admodum foraminulenta, & cavernosa) non magis ἰσχυροῦς appellasse, quam a spongiæ similitudine σπογγώδης, quemadmodum Hippocrates ea comparavit. Atque ut ad minus antiqua tempora descendamus; certe Ingrassias præsertim (m) haud brevem mentionem fecit de hujusmodi spongiarum, pumicumve instar asperis ossiculis, septum nasi versus oblique sæpenumero contortis, & gibbosis, quæ viatoriam perulam referre, dixit. Illud quoque minime prætermittendum est quod, ut a Fernelio acceptum, scribit Riolanus (n): spongiosa ossa consirui, & componi ex tribus ossiculis cavernosis seriatim contextis, ita ut unum alteri superjectum sit. At si & de re multo diligentius descripta, & de nomine simul loquamur;

C 2

utrum-

(q) Epist. de Audit. Org. (r) Hist. Animal. l. 1. c. xi. (s) Tit. de auditu. (t) Loc. cit.  
 (u) De Medic. l. 8. c. 1. (x) Annot. in hunc loc. (y) De Carn. (z) Hag. ubi de Aurib.  
 (a) Comment. 37. in Mundin. (b) Lib. Introd. Anat. c. 41. (c) Loc. cit. (d) Hist. Animal. l. 1. c. xi.  
 (e) Probl. Sect. 32. 6. (f) Ibid. Sect. xi. 29. (g) De Aure Hum. c. 2. n. 7. (h) De Aud. Org. Part. I.  
 (i) Obs. Anat. (k) Epist. de Aud. Org. (\*) Tab. 44. Fig. 2. (l) De Usa Part. l. 8. c. 7.  
 (m) In Gal. de Oss. c. 1. conim. 8. (n) In Gal. de Oss. Commun. c. 8.



utrumque certe in eo Casserii nostri Capite reperitur quod diserte de *Turbinatis Ossibus* inscriptum est (o). Quo ex Capite cum verba pleraque, Casserio nominatim laudato, Schneiderus in librum (p) transtulerit suum; atque adeo cum tu ipse, Vir cl. alibi (q), scripseris: „quæ a plurimis ossa vocantur spongiosa, --- a tecum Casse-rio, aliisque accuratioribus Anatomicis vocari, ofsaturbinata; „non injuria, opinor, mirari me, dixi, cur hic pronuncies, *Turbinata ossa Schneiderum edocuisse*. Veniam quoque dabis, si candide fatebor, me non satis assequi quod subjicis: *Malpighium reticulare corpus* in lingua, *Heisterum vaginales tunicas* evulgasse. Neque enim Amicus hic meus Eruditissimus (r) tegumenta linguæ proponere se dixit, ut nunquam descripta, sed dumtaxat ut nusquam adhuc delineata. Quinetiam ait in *Programmate de Inventis Anatom.* se linguæ tunicam reticularem, quam ab aliis recte delineatam non novit, ea figura illustravisse; ut non intelligam, cur non hanc quoque alteram tunicam (sive reticulare corpus) evulgatam ab eo dicas, quando primam dicis; nam certe utraque cum jam diu nota esset, ab ipso pariter fuit eadem delineatione illustrata.

95 In illis autem verbis: *Qui non --- excoluit in Venarum valvulis Aquapendens?* vicissim est unde, Vir cl. te laudem. Neque enim, si vera fateri volumus; Venarum Valvulas primus ipse vidit, aut memoravit, quamvis scripserit (s), ad suam usque ætatem tam priscos, quam recentiores Anatomicos adeo latuisse; ut non solum nulla prorsus mentio de ipsis facta sit, sed neque aliquis prius viderit quam A. D. 1574. quo videlicet ipse anno observavit, etsi annotantum edidit 1603. Nec tamen hæc dico aut propter Jo. Polthium (t), qui femorarias venas circa divisionem ipsarum insignes habere valvulas, tradidit, aut propter Archangelum Piccolhominum (u), qui docuit, in mediis venis reconditas esse innumerabiles pene valvas, quemadmodum in orificiis vasorum cordis, --- idque ex parvis venarum intervallis, alias sursum, alias deorsum spectantes, harum exemplo prolato ubi vena cava diducitur in jugularem externam, & internam, illarum vero in inferioribus venis. Quamvis enim neuter horum imitatus sit Andream Laurentium (x) qui ejusmodi ostiola non se quidem, sed recentiores quosdam observasse, confessus est; imo Archangelus rem hanc magni momenti, ab omnibus prætermisam se comperisse, affirmaverit; Salomon tamen Albertus (y), qui ipse quoque ante Fabricium de his Valvulis plura edidit, imo duobus, quos primos omnium habemus, Iconismis propositis, earum aliquas monstravit; quo erat candore, minime filuit quod audiverat, ante se, id est anno LXXIX. (Sæculi XVI.) ineunte Hieronymum Fabricium ab Aquapendente anatomicum, & chirurgum clarissimum, Patavii spectantium oculis subjecisse ostiola in venis. Veruntamen multis antequam Fabricius vidisset hæc, annis tum Vesalio (z), ut alias indicavi, Cananus dixerat, se in venæ conjuge carentis initio, & in sectionum venarum renes adeuntium, & in sectionum venæ juxta elatorem sacri ossis sedem occurrentium orificiis, membranas ejusmodi observare, quales in venæ arterialis, & magnæ arteriæ occurrunt principiis; tum vero Jacobus Sylvius (a) (quæ loca etiam Riolano, aliisque, nunc video, esse animadversa) tradiderat: *Membrana quoque epiphysim esse in ore venæ azygi, vasorumque aliorum magnorum sæpe, ut jugularium, brachialium, cruralium, trunco cavæ ex hepate proficientis, usus ejusdem cum membranis ora vasorum cordis claudentibus*. At his quæ addiderit, & quæ item in his emendarit Fabricius, manifestum est. Itaque cum quæris: *quid non excoluit in Venarum valvulis Aquapendens?* recte

quidem, & docte excolendi verbo uteris. Sunt tamen quædam in iis Valvulis quæ Posteris excolenda reliquit. Exemplo sint quæ Kerckringius addidit (b) de valvulis ternis sæpe a se repertis in venis hominum, itemque de valvulis, quæ affixæ sunt venis, ubi ramos majores emittunt, quæ differunt longe figura ab aliis venarum valvulis: non enim, inquit, lunæ crescentis, sed pyri oblongioris formam referunt. Quanquam hoc videtur non modo observatione alterius Celeberrimi Anatomici, verum etiam iis quas olim Salomon Albertus (c) ediderat, confirmare potuisse. Hic enim scripsit: *ad exortus emulgentium (venarum) in bobus visam esse membranam triquetram, ostio emulgentium subter ita prætensam, ut una cum eo repræsentaret quasi corpus terræ umbram in plano abs se projicientis*. Nam emulgentis orificium, orbis forma est, ipsa vero membrana, trigoni specie. Ejusmodi membranas passim occurrere tam in cavæ trunco majore, dum per dorsi declivem defertur, quam in cruribus, ramorum minorum ostiis inferius præfectas. Majores enim ramos alteras illas, de quibus mox dicetur, spongiosas membranas adipisci.

Quæ tamen cum Kerckringii observatione, atque adeo cum vero (quod ad hominem certe attinet) non cuncta conveniunt; figura tamen ab Alberto descripta mirifice cum iis convenit, quæ a Kerckringio in vena cava equina, humanaque delineantur.

96 Quæ autem addis: *Habere nos lymphatica vasa a Jolivio, Rudbeckio, & Bartholino depremta, deprompta a Ruischio eorum valvulas;* vide, quæso, num æque proprie ac superiora illa, dicantur. Hic enim Summus Anatomicus Opusculum illud suum quo vere eas valvulas, siquis alius, evidentissime demonstravit, inscripsit ipse *Dilucidationem Valvularum in Vasis Lymphaticis, & Lacteis*, professus (d) & alios, quos candide nominat, ante se (quanquam non ita dilucide) in *Lymphaticis valvulas observasse*. Et sane Rudbeckius præsertim (e) ea vasa sic descripserat: *Sunt ex membranis conflata, intus infinitas habentia valvulas, exterius nodosa & cat.* Quod si Vir Candidissimus tunc novisset quæ, Opusculo illo suo, paucas ante septimanas edito, protulit Blasius (f); omnino ne ipse quidem reticuisset, jam Anno 1664. 28. Junii Lugd. Batavorum præsentè D. Nicolao Stenonis Swammerdamium in valis lymphaticis flatu distentis, exsiccatis, & denique secundum longitudinem apertis, ut III. apud Blasium Figura ostendit, illas ipsas valvulas oculis penitus subjecisse: quibus de rebus haud inutile tamen erit Swammerdamium ipsum consulere, idem tempus, sed alium locum, aliosque testes memorantem in *Tractatu de Respiratione* (g). Cæterum in lacteis venis si non luculentissime demonstratæ, & sub oculos ipsos positæ; statim certe fuerunt valvulæ animadversæ, nec perpaucissimis verbis descriptæ; ut non intelligam, cur Almeloveenius, Vir alioqui Eruditissimus, in eo libro quem inscripsit *Inventa Nov-antiqua* (h) omnino adnotandum existimaverit, se primam valvularum in lacteis venis mentionem factam legisse apud Cæcilium Folium. Nam quo in libro primum venæ lacteæ descriptæ fuerant, in eodem ipsarum valvulæ propositæ sunt. In his canalibus, ipse inquit Asellius (i) illud admiratione dignum, quod pluribus valvulis, sive ostiis interstincti sunt, sive intercisi, quas ego valvulas, sæpius vanescente jam chylo, instar minutissimorum veluti marsupiorum, aut concretarum guttularum, stillarumque, dependere ex illis, non modo, qua comitantur intestinis, sed etiam in reliquo ductu animadverti. --- Hæ valvulæ intus foras spectant: & alibi (k): *Harum valvularum usus est impedire, ne quod semel haustum est materia, inani, atque irritò labore, remeet vicissim, ac restagnet in partem, unde haustum est.*

(o) Pentæst. l. 3. c. 6. (p) De Osse Cribrif. (q) Duct. Lacr. Part. I. (r) Comp. Anar. Expl. Fig. 20.  
(s) De Venar. Ostiol. (t) Obs. Anar. (u) Anat. Prælect. l. XI. Lect. 3. (x) Hist. Anat. l. 4. c. 7.  
(y) Obs. Anar. (z) Exam. Obs. Fallop. (a) Isagog. l. 1. c. 4. (b) Spicil. Anar. Obs. 4.  
(c) Loc. cir. (d) Præf. (e) Exerc. de Duct. Hep. c. 7. (f) Append. ad Vesling. Part. 23.  
(g) Sect. 3. c. 1. n. 6. (h) §. 23. (i) De Lactib. c. 18. (k) C. 28.



est. Id, quod adeo exacte hic præstant, ut nec digitorum compressu, nec alio nisu ullo retro cogere unquam, semel conceptum in iis liquorem, etsi varie id conatus, potuerim. Quæ cum duodecim annis ante quam Folius scriberet, edita essent, non est igitur apud hunc prima earum valvularum mentio, nisi forte (id quod neque ibi quærebat, neque attendit Almelveenius) in lacteis hominum valis, quemadmodum supra indicatum est. Scilicet Viros, quantumvis doctos atque eruditos, nonnunquam memoria fallit. Sic Highmorus (l) dum venas lacteas a Falloppio visas, atque adeo perlustratas esse, demonstrare contendit, hæc ejus verba protulit: In sima hepatis parte sunt meatus quidam minimi, qui desinunt, & terminantur in Pancreas, & in glandulas ibi proximas; qui minimi meatus succum quendam oleaginosum, album, & ad aliquam amaritudinem tendentem, deferunt. Sed Falloppius (m) eum succum, non album, sed flavum esse, scripsit, quod & Afellius, & Riolanus confirmant, qui de ea Falloppii observatione ante Highmorum meminere, omnesque cognoscunt, qui cum Falloppii libro verba illa, ab Highmoro haud satis accurate producta, contendunt. Quod si Highmorus cum ea scriberet, non lactea solum, verum etiam lymphatica vasa perspecta habuisset; vix dubito, quin potius conjecisset, meatus a Falloppio descriptos, illos ipsos esse quos in duabus proximis Tabulis (n) inter simam hepatis faciem, & pancreatis interiora ductos, pro valis lacteis, cum lymphatica revera essent, Highmorus ipse demonstravit. Huc illa faciunt quæ litteris mandavere cum Glissonius (o) de causa cur lymphæ ductus ex hepate prodeuntes, serius innotuerint, inde videlicet petita quod simillimum vero sit, hosce cum aliis valis intra pancreas sæpe abscondi, tum præsertim Franciscus Sylvius (p) de folliculi fellis valis lymphaticis, quæ, sicut Hepatica, liquorem flavescensem vehere --- se sæpius animadvertisse, & aliis quoque --- ostendisse, testatur. Eadem enim Falloppio accidisse, nihil prohibet. Itaque etiam Th. Bartholinus Anatomicus Eruditissimus (q), quem inter lymphæductuum Depromptores merito nominas, minime negavit, meatus illos Falloppii, sua vasa lymphatica fuisse. Verum ut Falloppius, multoque magis Afellius, Highmorus, & quotquot la-

cteas venas, in hepar tendentes, se vidisse, scripserunt, lymphæ ductus, quamvis non agnitos, conspexerunt; sic vicissim se & vidisse, & agnovisse tribus ante cæteros lustris, affirmavit Schneiderus (r), cujus huc verba, a paucis animadversa, transcribam, quanquam ab Doctissimo etiam Professore Joh. Guilielmo Pauli (s), ut Walæi quoque supra adductum locum, indicata esse, nunc video: Extant in corpore etiam Aquæ ductus, eo nomine eos appellabam, cum anno 1636. in Academia Jenensi notarem. Locupletissimus testis præsto est. Eum nominatim ciere quid attinet? Illorum positionem, ordinem, figuram, ac reliquas condiciones exactius persequi distuli, iter in peregrinas oras capiens. Vasa Lymphatica postmodum perquam commode cognominata fuere. Sed Rudbechii, Jolivii, aut Bartholini Fautores, siqua alia in re, in hac certe locupletissimum testem nominatim ciere attinuisse, contendunt. Quod vero .....

Haftenus ad Amicum; sic enim credebam; ea scripseram, quæ, Vir Doctissime, legisti. Restabat, ut quædam adjicerem non de iis modo quæ in VI. illa Oratione ponuntur, sed de iis etiam quæ omittuntur. Cum enim eorum suscepta esset commemoratio qui a Mundini ætate ad annum usque 1723. Rem Anatomicam auxerunt; cur Alexander Benedictus, Carolus Stephanus, alteruter Sylvius; Jo. Baptista Carcanus, Vidus Vidius, Archangelus Piccolhominus, Jo. Riolanus, Adrianus Spigelius, Casp. Bauhinus; cur, ut multos alios præteream, Reditus, Dodartius, Lancisius, Meryus, Ravius, cur horum similes qui apud cultiores fere cunctas Nationes adhuc vivunt, tot alii de Anatome egregie meriti Scriptores omitti sunt? Verum ne hæc, atque alia adderem, omniaque (id quod paucis perfecissem diebus) emendata, multisque etiam in locis magis emollita, extremâ denique impositâ manu, cum illo tantum cujus gratia conscripta fuerant, communicarem, ea nimirum causa factum est quam a principio demonstravi. Tu, si me amas, his qualescunque sunt, litteris ad eam potissimum rem uteris, cujus rei gratia ad te mittuntur. Hoc in præsentia mihi optatius facere nihil potes. Vale.

D. Patavio Idib. April. c10 1666xxvi.



(l) Corp. hum. Disqu. l. 1. p. 2. c. 7. (m) Obs. de Venis, Obs. 3. (n) Tab. II. & III.  
 (o) Anat. Hep. c. 31. (p) Disq. Med. 6. n. xi. & de Meth. Med. l. 1. c. 10. n. 2.  
 (q) Anat. quart. renov. l. 1. c. 13. (r) Lib. de Catarrhis specialiss. in ipso fine.  
 (s) Annot. in Horn. Microc. 9. 30. & 28.



# EPISTOLA

## ANATOMICA II.



D ea quæ cursim, & aliud agens in *Historia Hepatica* notaveram, invenit tandem post annos septem Auctorejus cl. quid reponeret, cumque plurimum, ut qui me nondum bene videtur nosse, ne secum ejusmodi contentione ferram reciprocarem, vereretur, & ne ipsi gloriam hanc fortasse inviderem, ut sicut primus, ita & postremus in laceffendo foret; in id omnes intendit nervos, & ne quid dissimulem, egregie denique, ac se ipse, si dicere fas est, superans, etiam effecit, ut, non modo mihi, sed & omnibus nullæ ad ipsum respondendi partes necessariæ amplius videantur.

2 Nam (ut a primis ejus Animadversionibus incipiens ex ordine venias ad extremas) videbis in duabus primis, Vir Doctissime, nihil esse omnino ad quod oporteat respondere, nisi forte quispian, vel quod esset *cava totius regionis Hepatis centrum*, vel quæ regio ejus ima, & postica, prorsus ignoraret. Veruntamen de his, si voles, alibi (a).

3 Ad tertiam autem Animadversionem, multo minus est cur quidquam reponam. Nam primum, quod ipse nondum intellexit, satis superque intelligunt omnes, me cum ipso nunquam, sed cum Præcl. Mangeto, & ibi quidem *ad hominem*, ut loquuntur, disputasse. Deinde me huic Malpighii, Nuckii, Reverhorstii loca, & contraria, & quæ supra, aut infra, in *Theatro* probaret suo, diserte objicientem, non ista profecto quæ mihi Animadversio supponit, intelligere potuisse: videlicet non verba ex Malpighii exercitatione de *Hepate*, quam Mangetus omisit, sed ex Epistola de *Gland.* quam proposuit; non xi. aut xv. Nuckii Figuras (b) ad aliarum partium glandulas attinentes, sed illam quam Animadversio transilit, xiv. quæ tamen una, ut ex Nuckii descriptione omnes sciunt, ad rem pertinebat, nimirum ad *Glandulas ad concava Hepatis portæ aditas*; non denique II. Reverhorstii Figuram (c) neque cavam hepatis faciem, neque glandulas exhibentem, sed dumtaxat III. In hac autem quod contra cl. Provocatorem evidenter est, expectabimus dum homines ipsius gratia credant *solo mentis lusu fuisse præstitum* a Reverhorstio gravissimo Viro: neque tamen hoc faceret quo minus illud a Præcl. quocumque disputabamus, Mangeto probatum jam esset. Nihil enim ad nos, si vel *intolerandis*, ut alibi Provocator dicitur, *erroribus* ambo illi Iconismi scaterent, quamquam in altero id quod plurimum reprehendit, & ceu *nuspiam in hominibus visum* miratur, mirari nos possumus ab Auctore tantum *Historiæ Hepaticæ numeris tandem omnibus absolutæ* adhuc ignorari, de quo quidem aliisque ejusmodi opportuniore loco agemus (d): in altero autem Iconismo id tanquam certissimum arripitur ad reprehendendum, de quo ejus Explicatio prorsus silet, contra vero *id prorsus ignotum esse* dicitur, quod eadem Explicatio aperte docet ad litteras *b. b.* sed de hoc in proxima Animadversione.

4. Hic illud minime est prætermittendum quod omnem responsionis necessitatem tollit: hanc pro nobis Animadversionem pugnare, cum Bartholinum laudat, qui si non semper, at modo, cum Rudbeckium exhibet, qui si non omnes, at per plurimos, ac interdum omnes hos hepatis lymphæ ductus glandulas, aut glandulam quamdam ingredi vidit, cum denique ipsum producit cl. Provocatorem non revera negantem, dari etiam in ipso homine hoc posse. Erat enim hæc nostra dissensio: Ipse in summa suarum ab aliis discrepantium observationum sine ulla dubitatione ita scripserat:

in omnibus animalibus præsentia sunt hepatis lymphatica: In quibus autem observabiles sunt hæ glandulæ, easdem solum supercandi a lymphaticis, non intime penetrari, manifeste adnotavimus. Ego vero credere me, scripsi, (e) Mangetum ipsum dubitaturum, huic ne potius uni, quam tot aliis; at quibus Viris! aliter docentibus crederet. De eo igitur quod ex illius observationibus contra tot aliorum observationes colligebatur, dubitare non liceret? Imo, ipso auctore, jam licet. Neque enim, iis quidem in verbis, illa erat nostra dissensio, an illam penetrationem agnoscere necessario oporteret, multoque minus an illi ductus ab iis glandulis orirentur, nullo autem modo, (nam hoc quoque obtrudere Animadversio videtur) de his erat dumtaxat humanis cadaveribus, sed erat de his omnibus animalibus, quæ ipsi observabiles præbuerant hæ glandulas; quamquam jam supra quod olim observaverat, & hic confirmat, in dubium traxit, imo qua solet constantia, in subjectis etiam humanis, longe aliter habere se, docuit, ubi videlicet scripsit: hæ glandulas Lymphaticæ hepatis trajiciunt, vel earum dorso prorepentia, vel per intimum etiam corpus interdum transmissa.

5 Quarta Animadversione Provocator cl. tria tentat, ad quæ nihil attinet respondere. Non ad primum, nisi quis forte sit aut tam ineptus, ut de incertissimo aliquo pronunciato dubitanti incumbere putet contrarium ostendere, aut tam facilis, ut existimet, prima lymphæ ductuum initia, quæ sub sensum cadere vel nullo modo, vel difficillime possunt, ea sic posse demonstrari, ut non solum autopsia, sed etiam ratione constet, cum demonstrata initia, prima illa esse, cum nullum de innumeris vas lymphaticum in partibus animalis omnibus non sic nasci, præsertim; ut nunc cætera omittantur; cum Nuckius, accuratissimus ille Nuckius, ex iis quæ in vitulino splene, aliisque humanis partibus observaverat, se conjecisse, professus sit, Vasorum Lymphaticorum principia ab arteriarum surculis emanare, idque aliquando intermedia vesiculæ, aliquando deficiente vesiculæ, immediate ab ipsa arteria, venave.

6 Ad secundum autem sane respondere necesse esset, si vel levem aliquam veri speciem haberent quæ fidenter nimis non secus ac si verissima forent, in Animadversione obtruduntur. Verum enimvero, ubi quis illum perlegerit ad quem Animadversio provocat S. V. in quo de cavæ, de convexæ hepatis partis, de cystis felleæ lymphaticis vasis verba fiunt, prima autem omnia (in hac enim una voce, a me notatus, error est) prima, inquam, omnia videbit ex eo unde ego retuli, loco prodire scribi, cum meam non desiderabit fidem, tum vehementer mirabitur, primum hanc temere insimulari, deinde laudatam in Animadversione Tab. III. a meis ipsam partibus stare, ut quæ lymphatica vascula non omnia ex eo loco prodeuntia demonstrat. Sed ubi alteram (f) ex illis de quibus supra dictum est, Reverhorstii Figuris, ejusque Explicationem inspexerit; tum vero majorem in modum mirabitur novum istud genus admirationis, quo se cl. Provocator percussum ostendit, quasi ego Lectoribus, si Diis placet, imposuissem, cum scripsi nimirum, ipsum quidem tradere, lymphaticæ vasa, quæ super convexam hepatis partem serpunt, iter habere per suspensorium ligamentum usque (quam vocem hic suaviter mutilatam omittit, & silet) usque ad glandulas lumbares; Reverhorstium autem in illa Figura aliud ostendere, & docere. Ipse autem hic illud arripens, de quo nulla unquam esse potuit dubitatio, contendit, lymphæ ductus in ea Figura per suspensorium Ligamentum reptantes ostendi, idem-

(a) Vid. supra Epist. I. Artic. 24. 25. & 14.

(d) Vid. Epist. I. 33.

(e) Adv. III. pag. 38.

(b) In Mangeti Theatr. Anat. Tab. LIII.

(f) Manget. Theatr. Anat. Tab. LXII. Fig. 3.

(c) Ibid. Tab. LXII.



idemque Explicatione confirmari ad litt. gg. & ad litt. ii. ac verba his, iisque litteris respondentia producit. Sed interjectas utrisque litteras hh. interea suaviter transilit, & respondentia ipsis hæc verba, quasi nunquam scripta essent, aut huc unum maxime non pertinerent, omittit: Eadem vasa (lymphatica susensorium ligamentum perreptantia) resecta, ubi Diaphragma perforando ejus lymphaticis uniuntur. Et sane Figura ipsa ita in superiore Ligamenti ejus limbo resecta vasa lymphatica commonstrat, ut ne unum quidem supersit quod per idem Ligamentum pergere non modo usque ad, sed ne versus quidem lumbares glandulas ostendatur. Nunc intelligo, cur in superiore Animadversione de ista ipsa Figuræ parte mature Lectoribus obtrusum sit: Quo vero illa pergant lymphatica, tam directe supra ligamenti aciem protensa, id prorsus ignotum est: quasi hoc Reverhorstius filuisset, & hoc ejus silentium inter ejus esset intolerandos illos errores recensendum.

7 Denique Tertium Animadversionis caput neque in eo responsionem requirit, quod verum id esse confitetur, quo ex anatome posito, nostra oriebatur dubitatio, neque in eo quod id tamen ipsum in Historia etiam Hepat. traditum intelligi debuisse, contendit. Quicumque enim memoratum illum §. V. legerint, omnino perspicient primum iter tradi lymphæductum cavæ hepatis partis, deinde vero convexæ, & horum quidem iter per ligamentum susensorium: post hoc autem continuo hæc subdi: lymphæductus cystis felleæ prædictæ HUIC etiam categoriæ adnumerandi veniunt. Quænam autem sit hæc categoriæ, nisi de qua continuo dictum est? Atenim, inquit, cum id dixi, intelligo quidem eorum distributionem, & gressum in genere ad lumbares pariter glandulas, seu chylousa receptacula. Sed neque Lectores intelligere aliter possunt ac verba significant, non commune quidpiam, sed hanc categoriam designantia, & tam ineptum ibi erat id dumtaxat docere, quod nunc edisseritur; ut simplex erroris confessio decere magis posset, quam istiusmodi interpretatio.

8 Idemque judicium, vel me silente, laturos omnes existimo de iis quoque binis interpretationibus, quas Animadversio quinta producit. In duobus capitibus (a) vasa hepatis describere anatomica fide instituerat. In posteriore sine ulla dubitatione, non aliena, sed sua auctoritate id ipsum docuit, quod in priore se videre potuisse, negaverat. Manifestissimæ inconstantia accusavi. Respondet, in posteriore capite id docuisse, non quod sic viderit, sed quod sic conjecerit. Quanto erat melius inconstantia non satis a se animadversæ culpam deprecari, quam homines non obscure monere, ut sibi semper in ejus anatomicis descriptionibus caveant, ne cum historice loqui maxime putent, ibi ex conjectura dumtaxat loquatur. At conjeci, inquit, tuto --- & toto jure auguratus sum. Non vidit tamen; & nihilominus (id quod argui (b)) sine ulla dubitatione, quasi vidisset, historice asseveratione affirmavit. Sed quis, inquit, inficiari posset, nos ad usque ULTIMA hepaticorum lymphaticorum stamina pervenisse, --- cum ultiores horumce productiones non viderimus? Id vero si non inficiari, at certe pro maxime dubio habere potest quicumque novit, eandem subtilitatis naturæ, & visus nostri mensuram non esse. Atenim inquit, an forte nobis --- ad extremas fere visceris oras deventis putare non liceret, postrema lymphaticorum stamina attigisse? quasi vero istud putare esset videre, & extrema fere essent extrema oræ. Et sane tempus jam esset, ut non alii modo, sed ipse tandem didicisset, quam sæpe suæ se conjecturæ deceiverint. Testantur id potissimum duæ illæ postremæ hujusce Historiæ paginae, aliæque de quibus alibi commemorabimus, tum duo hæc loca inter se comparata. Hæc affirmans scribit in primo: Rami omnes pori biliarii, Morgagni Epistola Anat. II.

non minus majores, quam minores, & ultimogra-cilescientes --- portæ surculis inalterabiliter paralleli, communem directionem prosequuntur; pari passu, paribus divisionibus excurrunt; immediate ubicumque accumbentes; communique cum eadem amictu per totum hepar artæ, & inseparabiliter devincti. Hæc vero, negans, scribit in altero: quæ quidem postrema vasa (portæ & arteria hepatica) licet per totam hepatis substantiam cum vasis biliferis interventu capsulæ sociata progrediantur, non easdem tamen cum istis porus bilarius exacte distributiones init, ut horum vasorum divisiones & cursus variis modis, locisque non discrepent. Quis, quæso, hanc tantam, tamque manifestam inconstantiam defendat? Prima, inquiet, scripsi ex conjectura; secunda ex inspectione. Sic igitur tutæ sunt conjecturæ, & sic sunt decentes interpretationes!

9 Neque vero decentior est interpretatio altera quam ad non leviolem alteram inconstantiam defendendam excogitavit. Cum enim lymphæductus qui ad capsulam sunt, primum docuisset extimam solum ejusdem capsulæ superficiem perambulare, deinde autem scripsisset, communi (capsulæ) tegmine tanquam vagina quaquaversum involvi, in manifestissima inconstantia deprehensus, non modo negat, se in utroque loco de iisdem vasculis verba fecisse, sed ne dubitat quidem, me contra affirmantem redarguere quasi verba superaddentem quæ aliam statim intrudant revera significationem. Dixi, inquit, prædicta; tu autem dicis ista ipsa.

Sed quid, si prædicta alia esse non possunt, quam ista ipsa? Non licebat igitur mihi non ipsius quidem, ut omnes recognoscere possunt (c), sed meis verbis id affirmare? Nam si de ullis quæ ad capsulam sunt, lymphaticis vasis supra ipse docuit, alibi quam extra capsulam intra hepar perreptare; nihil est causæ quin me hallucinatum esse confitear. Sed si res ipsa apertissime contra est, si scopus confutandi Courtialem ne posse quidem id docere permisit, si denique Index primæ Editionis universe hæc, diserteque inculcat: Lymphatica in hepate, capsulæ non immerguntur, sed eam desuper repunt; certe qui prædicta scripsit, nulla alia quam ista ipsa significavit. Verum hæc minime necessaria responsio est. Continuo enim in Animadversione, ea subjicit, quæ non oscitanti Lectori ostendant, illiusmodi interpretationem ne Auctori quidem suo satisfacere. Quorsum enim illa tandem aliquando expressa, confessio, sibi properanter scribenti --- contingere interdum humanum aliquid pati? Utinam interdum solum, & solum properanter scribenti, dicerem; nisi illud adderet, in mea quoque elimatissima scripta irrepsisse non raro quidpiam ejusdemmodi. Utinam essent elimatissima; & fuissent fortasse, si post septennium, ut ipse, emissem; nunc talia sunt, qualia angustia temporis, & assidua ægrotationes concessere. Qualiacumque tamen sunt; nihil enim humani a me alienum puto; talia saltem sunt, ut quod alios facere posse, fateor, ipse ad hoc tempus certe non fecerit, ut jure in iis aliquid redargueret.

10 Etli enim scribit, mittere se centena, quæ in iis invenit, assertis memoratis his suis obscuriora satis, sibi que minus constantia; tamen quæ de tam multis, ex nostris omnibus scriptis seligendo, tanquam insigniora specimina hic producit, ne ipse quidem, opinor, existimat esse cum ullo de tot quæ in libello illo Historiæ suæ deprehendimus, comparanda. Quid vero si in istis ipsis speciminibus omnes perspiciunt, non me, sed ipsum esse, nec sane leviter, arguendum? Nam primum profert, & alia quidem litterarum forma, ac si mea ipsa essent verba; quod nullo modo ferendum est; nonnulla, revera iis quæ in I. Adversariis scripseram, omnino contraria. Ibi enim eos, quos Bidlous perinde ac si perpetui essent,

(a) Part. I. cap. 7. §. 3. & cap. 8. §. 6. (b) Adv. III. pag. 38. 39.  
(c) Ibidem pag. 40.



in tuberculis Areolarum pilos depinxit, usque ad id tempus me nunquam vidisse, monui. Verba autem quæ nunc mihi, tanquam ex *Advers. V.* fideliter descripta, supponuntur, hæc sunt: concedit Bidloo, semel atque iterum illos ipsos pilos, ut ut tenuissimos, vidisse, etiam antequam primam illam sententiam evulgasset. Sic autem omnino scripsi: (d) ut cum antequam illa (Prima) *Adversaria* ederem, & postquam edidi, innumeras non muliebrium modo, sed virilium etiam cadaverum Areolas diligentissime inspexerim, semel tamen, atque iterum tenuissimos, & visum ferme eludentes pilos, semel ex aliquot, alias ex perpauca, cum plurima quidem essent, ejusmodi Tuberculis, & quidem e summa eorum mediaque parte erumpentes videre potuerim. Itaque omnes, non modo sine ulla ex istiusmodi superioribus; sed sine ulla prorsus interpretatione, satis superque per se vident, me hoc certe dicere: etiam antequam Prima *Adversaria* ederem, innumeras Areolas me inspexisse; eos autem pilos etiam antequam Prima illa *Adversaria* ederem, vidisse, hoc vero me quidem non dicere. Eadem fide, eademque litterarum formâ, alia atque alia tanquam in *Adversariis* a me scripta subjiciuntur, quæ me nego ad eum modum unquam scripsisse: & quamquam graviter fero, quæ mea non sunt, mihi supponi; tamen aliqua ex parte etiam lætor, cum video, post septuennies in sex meis *Adversariis* assiduas perquisitiones, ne colorem quidem inconstantiae objici mihi potuisse, nisi quæ a meis scriptis, & ex parte etiam sententiis discrepant, pro meis denique venditentur: Et quoniam de quatuor, primi tantum loci sedes indicatur, videlicet *Animadversio VII. Adv. V.* peto a te, Vir Doctissime, ut videas, num in illa tota *Animadversione* hæc ipsa verba legantur: Tuberculorum in areolis intimam partem efformari ex lactiferis ductibus, an vero hoc ita bis indicetur, ut tuberculorum intimam PROFUNDAMQUE partem efformare --- Ductus Lactiferi dicantur, & tuberculorum efformatio eorum ductuum & dilatationi, & ultra areolæ planum prominentiæ MAXIMA EX PARTE deberi affirmetur, & quod gravius est, isti ipsi qui nunc quasi a me non animadversus objicitur, inconstantiae colori diserte ibidem occurratur. Quid? quod hæc mea ipsa, quæ modo protuli, verba quibus ajo, tubercula ductibus maxima ex parte deberi, videtur Provocator cl. in hunc modum deformasse, in quem scribit, alio loco me docere: totum hujusmodi tuberculorum corpus constitui ab inflatione veluti varicosâ contenti vasis lactiferi: quæ verba me nunquam scripsisse, nunquam de toto illo corpore id docuisse, confirmo. Quid? quod superius adduxisse se, dicit, argumentum Verheyenii --- illic a me rejectum, hic approbatum, cum in superioribus *Animadversionibus* neque Verheyenium, neque ejus argumentum ullo modo memoraverit. Denique mittere se illud, ait, in polyporum cordis, & aortæ Disputatione in se projectum: (*Animadv. 41. Advers. II.*), Hic vides ut obliviscatur, polypis per venas e corde productis redeuntis sanguinis motum obstare: veluti si lentissimus sanguinis per cavam ad cor redeuntis motus, qui polypis, cum producebantur, obstare non poterat, posset iisdem jam productis obstare. Interea autem filer, mea quæ hic producit, verba iis continuo fuisse subjecta; expansionis (Aortæ) successiva productio sic explicatur. Polyporum in cordis caveis inchoatorum productiones directo quidem tramite Cavam, VENAMQUE, & arteriam PNEUMONICAS, TOTÂ LIBERTATE, percurrerant; sed quæ Aortam pervadebat, ea cum parvo ab egressu e corde intervallo in flexum canalidis, seu arcum, impingeret; hinc in ELONGATIONE ULTERIORI valde impedita, subsidebat, ibidemque adaugebatur. Ex quibus nimirum cognoscent omnes, me de iisdem, de quibus ibi ipse, poly-

pis verba facientem, neque de jam productis, sive jam absolutis dicere, sed de iis quorum productiones, sive elongationes ulteriores e corde per vasa fieri, aut non fieri tota libertate adhuc possint, & si de jam productis dicerem, hoc ad hominem, ut loquuntur, dicere, ad oblitum videlicet, iis polypis, quos ipse; non ego; tota libertate ponit productos, obstare sanguinis motum, quamlibet lentissimum (etsi in vena, quam ipse hic omittit, pneumonica lentissimus certe non est) quo minus tota libertate producti ponantur. Atque hæc sunt selecta illa specimina, per quæ magno studio collecta, & summa industria adornata cl. Provocator speravit, fore qui crederent, me centena scripsisse loca superioribus suis, obscuriora satis, sibi quæ minus constantia.

11 Sexta *Animadversione* cum Provocator cl. nihil aliud iteret, atque ingeminet, nisi hæc duo verba, non intelligo; minime mihi id inficiari necesse est. Nam etsi ipse non intelligit quid mihi velim, sic in transitu notando quod ille docuit, arteriæ ramum, pergrandem, & satis notabilem, jecur subire; intelligent tamen omnes, ramum qui etiam aliquanto major esset quam ipse pingat, haud recte in tanto viscere, quantum est hepar, pergrandem dici. Certe Galenus (a) parvam quidem plane arteriam hepaticam dixit. Non intelligit præterea, quo pacto nonnullis aliis quæ per præteritionem subjicio, confirmare putem sua: quod quidem neque unquam mihi venit in mentem, & miror admodum ipsi venisse, illud præsertim ponenti, quod nunquam facile concedam, me suum *Adversarium* esse. At cæteri omnes præclare intelligent, me cum Præst. Mangeto disputantem, illa impugnare, nostrum vero cl. Provocatorem nihil respondere, imo alienissima agere cum incredibili quadam facilitate jam totus in eo est ut mihi, quasi ea quærenti, argumenta suggerat, quibus sua possim, ut putat, præclarius confirmare. Demum non intelligit, quid obstent sibi quæ Mangetus ex Malpighio, & Litrio protulit. Verum ubi releget postremas illas duas novæ suæ Editionis paginas, ut tandem vel ipse intelliget, exhibitas ab ipsis glandulas --- ab intortis simul hepaticis concurrentibus vasis debere distingui, nedum posse; sic etiam intelliget, quid magis cautum fuerit, honestumque, num se illas acriter negasse, quas agnoscere nunc cogitur, an me neganti non assensisse; tum quænam trica, & gerræ fuerint, num quæ structuræ sunt a me laudatæ, an illæ quas ipse nugas appellare tandem aliquando coactus est.

12 Septimæ *Animadversionis* hoc est argumentum. Cl. Provocator, enumerans ex ordine & in universum chyli vias, ita scripserat: Lactæas duplicis generis, glandulas lumbares, ductumque thoracicum. Ego omissum videns receptaculum chyli, jure meritoque redargui, quod glandulas lumbares pro chyli receptaculo se habere, non obscure ostendisset. Quid poterat honestius facere, quam confiteri, se plus æquo Bartholini auctoritati tribuisse, qui ut invenit nonnunquam, ita se rem semper habere credens, lumbares glandulas idem esse in hominibus docuit, quod in bestiis cisterna, seu receptaculum chyli, quod tamen postea cavum, ut in bestiis, atque membraneum, sed mole, & sæpe etiam numero discrepans, in ipsis hominibus Cowperus, Henningerus, Cantius, alique Solertissimi Viri invenerunt, quos inter numerandus præsertim est Doctissimus, & erga me Humanissimus Saltzmannus, qui etsi uno in subjecto idem vidit quod Bartholinus, huic tamen id universe statuenti non assentitur. Noster vero quasi hoc etiam tempore, cum receptaculum chyli nominatur, non cavum membraneum, sed solidæ glandulæ per quas vasa lactea traducantur, intelligerentur, sperat id sibi negotii dumtaxat impositum videri posse, ut Lumbares glandulas do-

La-

(d) Adv. V. pag. 4. (a) De Us. Part. I. 4. c. 13.



*Lactearum* genere esse, ostendat. *Lacteas esse*, inquit, cl. Thomas Bartholinus fatetur. Verum si hoc satis est; jam chyli *Receptacula* tot erunt, quot glandulæ Mesaræi. Addit: „ cl. Petrus „ Wium in sua figura relata in Actis Lipsiensibus, chylari receptaculo immediate adjacentes „ adeo delineat ( Glandulas Lumbares ) ut iisdem „ *Lactea vasa*, non minus quam receptaculo, ad- „ hæreant, & competant. „ Quis non crederet, hæc verba, sic aliâ characterum formâ proposita, omnino esse illius Auctoris? Qui tamen cum huius Explicatione conferet, sic inveniet: *Lactea vasa abscissa receptaculis, & glandulis adhaerentia*. Scribit autem receptaculis, quia duo prorsus disjuncta, & dissita proponit in delineatione illa *Ductus thoracici*, qua Noster hic nititur, supra autem, ut est, ita singularem & prorsus extraordinariam vocaverat. Quæ omnia ut animadverteret nemo; certe sperare non debuit, ne hoc saltem animadverterent omnes; ut glandulæ receptaculo immediate adiaceant, non esse tamen id ipsum cui adjacent, & quod nunc passim Anatomici intelligunt, cavum evidenter, & membraneum receptaculum. Me quoque postremo ( quis crederet? ) in suam ipsam descendere sententiam, & me mihi ipsi manifeste opponere, distitit, atque ut inconstantia huius nota major appareat, non longe, inquit, ab illo insimulationis loco. Et tamen totis duodeviginti grandibus paginis ab hoc (b) distat is alter locus (c), in quo me mihi manifeste adversari, contendit. Nam supra antequam ad *Hepat. Historiam* accederem, in homine scripseram, tale esse *Receptaculum quale vel Cowperus vel Henningerus proposuit*; non, ut ipse aliis, ut solet, characteribus refert, „ tale esse *Receptaculum ( Chylare )* „ quale Cowperus proposuit. „ Sed vel ita scripserim; quo unquam modo ipse mihi adversatus sum? Num forte Cowperus chyli *Receptaculum* non cavum membraneum, sed ipsas lumbares glandulas esse, docuit? Non, inquit; sed tamen Cowperus in Explicatione cujusdam Figuræ tradidit, ad lumbares glandulas tendere, & desinere vasa partium inferiorum lymphatica: ergo in primis mesenterii; hæc autem ipsa, secundum *Adversaria* sunt lactea; igitur lumbares glandulæ secundum *Adversaria*, chylaris etiam excipuli necessario munera præstare debent. Quamquam ex iis quæ paulo ante dicta sunt, patet, quam ad rem faciat istiusmodi argumentum; tamen cum professus sit, hanc Animadversionem se habere in *Tyronum gratiam*, facere non possum quin addam, vel ipsos Tirones ex illa eadem Figura Cowperi, quæ in Actis quoque est Lipsiensibus (d) per se esse cognituros, desinere quidem in lumbarem glandulam dexteram lymphatica illa vasa inferiora, ex eadem tamen magnum vas lymphaticum prodire quo lymphæ deinde in receptaculum chyli transvehatur: tum ex ejusdem & antecedentis Figuræ quæ easdem partes suis in sedibus commonstrat, explicationibus perspecturos, Cowperum hic lactea a lymphaticis illis vasis inferiorum partium distinguere, & diserte tradere litteris ss inscriptis in iisdem illorum fasciculis, ea ipsa vasa lymphatica a glandulis inguinalibus pronasci, ac ab aliis glandulis quæ circa vasa iliaca occurrunt, & lympham a partibus inferioribus revehant: & sane is dumtaxat unde fasciculi ss ascendant, inferior locus, satis ostendit, num sint illa lymphatica in primis mesenterii, multoque magis, num illa ab hepatis partibus agminatim ascendunt; ut Tirones docentur in ista singulari Animadversione.

13 Venio ad octavam, in qua hæc de ipso a me scripta cl. Provocator Lectoribus judicanda proponit: *Willisius, & Vieussenius de nervis hepaticis neque ista eadem prorsus, neque ista eadem ambo unanimiter tradidere, quæ hic ab ipso tradidisse narrantur*. A Lectoribus igitur videnda sunt primum omnia, quæ illi ab ipso tradidisse narra-

tur, deinde omnia quæ tradidere: hæc ni videant; inter se conferre, & judicare quæ possint? Verum etsi Animadversio multis, longisque textibus legentes obruit; in ea tamen plures ex iis rebus non videmus, quæ præ cæteris videndæ hic fuerant. Lectores id sentient ubi illa omnia per se conferent. Tunc enim videbunt primum, in *Historia Hepat.* sic narrari: *SEX ab eisdem ( Willisio, & Vieussenio ) graphice describuntur fibra nervæ*: quot quidem apud secundum videbunt, non apud primum, qui etsi in Animadversione dicitur *similem nervearum fibrarum --- numerum ostendere in Tabula XI. Nervorum descript. & cæt. sub notis ♂ & ♀*; tamen neutra sub nota sex, sed plures ostendit, suæ consentiens descriptioni, suæque sub nota o, magis huc quam ♀, pertinente, Explicationi in quarum illa maximum memorat *fibrarum nervearum fasciculum*, in hac magnam *nervorum conjugationem*. Videbunt deinde, narrari quidem de ambobus, sed Vieussenium tantum, non Willisium, docere: earum sex fibrarum *TRES vesiculæ felleæ ramisque ductus biliarii impertiri*.

Videbunt tertio, cum ambo pariter dicantur tradere: ex cæterarum fibrarum ac fibrillarum *octavi paris dextri concursu plexum efformari hepaticum*; ab uno tamen Vieussenio hæc tradita esse, non a Willisio, qui tantum abest ut id doceat; nullum alium hepaticum plexum agnoscit, quam qui a Vieussenio vocatur *Plexus ganglioformis semilunaris nervi intercostalis*, idest ganglium ex quo fibræ effecturæ hepaticum Vieussenii plexum profisciscuntur, non reticulum ex harum, & fibrillarum octavi paris dextri concursu formatum: quod quidem reticulum a Vieussenio pro hepatico Plexu habetur.

14 Cum hæc Lectores tria viderint, sicque perspexerint, num ista eadem ambo Auctores unanimiter tradiderint, quæ tradidisse narrantur; videbunt porro, num ista eadem prorsus quæ ibidem subjiciuntur, tradiderint. Nam quarto narrari invenient, hepaticum plexum ad totum inde jecur esse distributum, quod neuter illorum diserte docet. Quinto denique ( ne longior sim ) narratum legent, hepaticum plexum *fibrarum fasciculis quæversum expansis cum plexu lineari, mesenterico aliisque abdominis communicare*. Sed, missis nunc cæteris, plexus iste linearis, quem utraque *Historia Hepat.* Editio fideliter, & primo quidem loco, quasi evidentius communicantem, inculcat, cum alius esse non possit quam lienaris, ut in ea quoque Parte legitur ejusdem *Historia* quæ in Theatro Anatomico edita est; certe cum hepatico non communicat secundum Willisium, neque vero secundum ipsum Vieussenium. Non secundum hunc, ut ejus descriptio, ac delineatio commonstrant; non secundum Willisium, qui cum id docet, ac pingit, non de plexu hepatico reticulari de quo in *Historia Hepatica* sermo est, sed de longe alio plexu intelligit ganglioformi, quem ipse hepaticum vocat, ut supra diximus. Quæ omnia cum ita sint; quid reliquum est, nisi quod fidenter nimis Animadversio concludit, ut videant nunc ingenui Lectores, ac judicent inter me negantem, a duobus illis scriptoribus illa eadem prorsus, atque unanimiter tradita esse, atque inter Provocatorem dictitantem adhuc, amborum tam consonas sibi invicem respondentem esse sententias, ut locum habeant, quæ non dubitat illo suo attico lepore subjicere, hæcque præsertim: *Videant tandem inquit Lectores, si „ monendus ipse plura fuisset, sem, imprimisque ut loqui ante discerem „: cum neque monendus plura sit neque loqui ediscendus, qui aliorum verbis fidelissime loquitur; quasi ego ipsum esse loqui ediscendum, non loqui edocendum, monuissem*.

15 Cum reliquæ omnes, tum vero potissimum nona Animadversio nullam a me postulat respon- sionem. Cl. quidem Provocator, quod de ipso hæc-



938 hætenus demonstravi; id mihi non dubitat affingere, quod verba plerumque perhumaniter a soleam mutilare. Sed cum eodem in loco fateatur, me ubi maxime conduxisset, id minime fecisse, hoc ipso omnibus satis ostendit, in ejusmodi re ignarum prorsus, & inexpertum me esse. Contendit deinde, se vel ipsos nervos hepatis, vasa hepatis appellare nervosa cum plerisque Medicorum potuisse, non proprie quidem, & in specie, sed ipsum nervosarum partium genus, quod certe liquidum non est, redigendo in genere ad canales, videlicet secundum genericam Partium divisionem in liquida, & canales. Sed et si secundum hanc ipsam rationem Membranas vasa membranosa, Ossa, & Cartilagine, ossea, & cartilaginea vasa appellare liceret; cum videant tamen omnes quam abnorme esset hisce uti appellationibus proprie, & in specie loquendo, quæ contra ubi illa institueretur generica divisio, in ejusmodi sermone suum certe locum haberent; illud profecto hic unice quærendum existimabunt, cum ipse vasa hepatis nervosa dixit, illamne ibi divisionem genericam instituisset, an contra locus requireret, ut proprie, & in specie loqui crederetur. Invenient igitur id dixisse, non obscure, & ex consequenti, in nescio quibus, ut

27 Animadversio obtrudit, suorum Caputum inscriptionibus, quas certe esse in Theatro quod examinabam, Anatomico, innuere non potuissem, sed perspicue atque diserte ubi mea Adversaria satis indicant, videlicet ubi venæ portæ, arteriæ, ductusque hepaticis, & venæ cavæ portione descriptis, vasis hepatis proprie & in specie vocatis, ad capsulæ pleraque eorum involventis descriptionem pergit. Vasa, inquit, hæc omnia, prædictaque lymphatica, & nervosa, exceptis venosis ductibus & cæt. Hæc cum perpenderit, tum intelligent, in quem illud iterum cadat (a).

Dic aliquem sodes, dic, Quintiliane, colorem.

944 16 Animadversionis decimæ propositum duplex est. Alterum, ut evertat omnes in suos Hepaticysticos, & Cyst-hepaticos ductus effectas objectiones. Alterum, ut hi ductus a quolibet dubitandi loco expediantur. Et primum quidem facile obtinet Provocator cl. nam plerumque objectiones a se ipso effectas, non a me productas, evertit. Ego enim de ipsius, non de aliorum plerorumque ductibus dubitavi. Alii in bestiis quibusdam crassiores bilis canales hinc cum hepaticis ductibus, inde cum vesicula communicantes tradiderunt: Num de his dubitavi, qui, ingenti spectato animalium numero, scripserim (b): id in perpaucis tantum brutis locum habere? Ipse vero tradidit, etiam illos quos passim minimas Cystis radículas vocant, tradidit, inquam, minutos etiam hosce ultimos canaliculos, non minus ac priores, ex ipsismet pori bilarii ramis exoriri: qua de re me dubitasse, profiteor. Alii humanæ etiam vesiculæ adhærere radices ejusmodi, imò crassiusculos ductus in eam influentes, neque tamen cum hepaticis canalibus manifeste communicantes, docuerunt. Num hæc omnino negavi, qui sim ad hunc modum locutus (c): quamvis in humanâ etiam vesiculâ certa quædam oscula, aliquam styli portionem admittentia, interdum saltem videamus; gravissimos tamen Anatomicos, & in his Cowperum, dubios hæere, an semper occurrant, multoque magis, an cum hepatico ductu communicent? Quod si Provocator hanc communicationem vel in ipso homine, sicut nunc facit, contendit esse manifestam; de hoc certe dubitavi, quanquam fieri posse tamen addiderim, ut hæc omnia in cæteris etiam animantibus, ipsoque adeo homine retegantur.

945 17 Quæ cuncta cum ita sint; effectam igitur esse omnes vident objectionem primam, in qua plurimis Auctoribus, quorum ego observationes in dubium nunquam revocavi, nominatis, hæc subdit: Post tantorum hominum testimonia; quis cre-

dere potuisset inveniri scriptorem; qui ut adversus mea omnia opera videretur luctari, vel hujusmodi ductus revocare in dubium studeret? & tamen cl. quidam Anatomicus, cum his explorandis numquam forte operam insumpserit, firme asserit, et si fieri potest & cæt. Efficitum est, me his explorandis nunquam forte operam insumpsisse, qui quæ viderim, ea probaverim, atque indicaverim; effectum est, me illa scripsisse, ut adversus sua omnia opera viderer luctari, quæ nisi Præcl. Mangetus, quocum disputabam, probavisset, non facile unquam, in publico scripto, vel minimo attingere digitulo voluissem. Efficitum est, me quæ fere omnes unanimiter doceant, ea de his ductibus revocare adhuc in dubium studuisse; quasi vero falsum omnino esset, quod non ita pridem in Dissertatione de novo Bilis Diverticulo scripsit Professor Eruditissimus Abrahamus Vaterus: plurimos ex recentioribus horum vasorum existentiam in homine negare, & tubulos illos, quos pro hepato-cysticis reputarunt quidam, nil, nisi ramulos sanguineos ex arteria & vena cystica oriundos esse, demonstrare.

18 Quod si Provocator cl. non id ipse fecisset, quod mox præter rationem mihi imputat, ut quæ de his ductibus vel in ipso homine non negavi, perhumaniter mutilaret, continuo vidissent omnes, me tantum de his agnoscere, quantum plures alii agnoscere hac tempestate noluerunt, et si nondum, ut in bestiis quibusdam, sic in homine exploratum esse, dixerim, illos cum hepatico ductu communicare: quod sane neque Bidlous, neque Bohnius, neque, quantum scio, Cheseldenius, neque vero Caldesius aut ipsi explorarunt, aut ab aliis exploratum esse, docuerunt: quos tamen, scribere non dubitat, a me consuli potuisse. Quid, si magis quam ipse consului? Nam illa quam in Theatro laudat Bidloi Figura, nonne illa ipsa est in qua id omissum notavi (d), quod postremo loco ibidem repræsentari ab ea, dicit? nonne illa ipsa est, ad quam respiciens Incomparabilis Professor Ruyschius (e), nullas radices e Vesiculâ fundo emergere docuit, quantumvis ea in figuris ab exercitatissimo Highmore, & post eum a cl. Professore Bidloo repræsententur? nonne illa ipsa est, ob quam præjudicio potius, quam experientiæ obsecutum esse Bidloum, suspicatur Schroerus, a Ruyschio laudatus, qui denique illas radices id esse quod supra ex Vatero indicavimus, sine ulla dubitatione constituit. Bohnium vero an magis quam ipse consuluerim, cum illa ostendunt quæ agnovi alias ex Bohnio fuisse a Provocatore summa cum dissimulatione desumpta, tum hoc præcipue monstrabit, quod cum ipse obtrudat, Bohnium scribere, oscula hujusmodi ductuum ad fellei folliuli cervicem patentia, --- in homine --- styli, lum interea æque ac in bovino subiecto æque recipientia; recorder, multo aliter Bohnium (f) scripsisse, videlicet stylum interdum æque ac in bovino subiecto recipientia. Heisterum autem non solum Accuratissimum, sed etiam Prudentissimum Anatomicum magis quam ipse, de Cheseldenio consului; nam cum Provocator cl. illud dumtaxat attenderit, quod Heisterus enunciarit, Cheseldenium Anglum radices felleas in homine delineasse, ego illud etiam attendo quod nihilominus Heisterus idem, qui Cheseldenium consuluit, ibidem (g) rursus pronunciavit: Radices felleas in bobus non in homine adesse. Denique cl. Caldesium uter nostrum aut diligentius consuluerit, aut fidelius expresserit, tu Vir Doctissime, judicabis. Provocator sine ulla dubitatione affirmat: Caldesium vasa hominis hepato-cystica descripsisse, atque delineavisse. Ego id a Caldesio factum, diserte nego: ac plurimum miror, Provocatorem cl. scribere, Caldesium in ea delineatione secum non omnino convenire; nam ut mitissime loquar, is qui paulo post non veretur scribere, me fortasse non parum esse excusandum quod res suas non satis intellexerim,

(a) Juven. Sat. 6. (b) Adv. III. pag. 57. (c) Ibid. (d) Ibid. p. 64. (e) Ad Epist. Probl. V. (f) Circ. Anat. Prog. 17. (g) Comp. Anat. 2, Edit. n. 217.



rim, minime ipse intellexit, Caldesium (b) Tab. II. Fig. VI. non communicantes cum vesicula, sed ab hac anteposita fortuito opertos in medio excursu aliquot hepatici ductus ramos delineasse: usque adeo (ut ipsum quibus alias, verbis excusem) usque adeo proclive est hominibus ea videre, quæ non sunt, quando ea quærunt, quæ ut sibi animo confinxere, ita cupiunt invenire.

19 Vellem non minus excusare ipsum posse in his quæ ad alteram objectionem respondet, inde petitam quod bruta quidem, in quibus se se exercuit, memorasset, humanum autem jecur ne in tota horum ductuum descriptione memoraret, diligenter cavisset. Et sane quis non miraretur, ne verbum quidem ipsum fecisse unde intelligi liceret, hos ductus, ut nunc contendit, jam tum in hominibus vidisse. Re autem vera ne verbum quidem de hoc fecisse, id satis superque demonstrat, quod unum respondet, videlicet se memoravisse ductum exacte jam --- a Glissonio, aliisque descriptum, a ductu hepatico paululum ante cystici insertionem emergentem & cat. Fateor. Sed num propterea humanum jecur memoravit? Cum, inquit, Glissonius in homine hæc vasa describat, jam ergo --- humanum jecur --- amplissime memoro: imo per illud, aliisque descriptum, Bohnium inprimis indigitare intenderam, qui nempe ductum illum majorem cysticum, prius a Glissonio descriptum, in binis humanis cadaveribus satis conspicuum offendisse memorat. Scilicet hoc erat, unde liqueret, quantæ esset fidei propositio mea, Provocatorem humanum jecur ne memoraret, diligenter cavisse! Ne si illud quidem diserte fecisset, quod intendisse se dicit, ut Bohnii nomen adjungeret; meam posset fidem redarguere: quid enim? num propterea quia nominavit Glissonii ductum; humanum jecur memoravit? num forte is ductus non etiam est in brutis animantibus? imo neque Glissonius, neque Bohnius, neque alii, quos sciamus, illum in homine a ductu hepatico paululum ante cystici insertionem emergentem descriperunt; igitur qui ductum hujusmodi ceu ab aliis jam exacte descriptum memoravit, ille non modo humanum jecur, ne humanum quidem ductum eo tempore memoravit. Quid? si hominem fateri cogerem, se non potuisse tunc, ut dicit, intendere Bohnium inprimis indigitare. Attende, quæso, diligenter, Vir Doctissime. Rem enim magni momenti, incredibilem, inauditam, aggredior; hanc cum ostendero, tum recte judicare poteris, quam Provocatorem nostrum deceat in hoc aliisque innumeris locis meam fidem immerito insimulare. Hic certe ubi sibi commodum esse existimat, se tunc in animo habuisse affirmat, Bohnium ob duas illas in humanis cadaveribus observationes, indicare. Alibi pariter, ubi ipsum cogo fateri, apud Vesalium nequaquam esse quod apud Vesalium esse, tunc scripserat, ad Bohnium confugit. Fateor, inquit, me casum illum ex honoratissimo Bohnio, inconsulto tunc Vesalio (quem quidem præ manibus non habebam) desumpsisse. En illius locum in Circul. Anat. Progymnasmi. x. de Chylificat. fol. edit. Lips. 173. ubi & cat. & loco Bohnii producto, An tanto, inquit, Viro, ut Bohnius est, adhibenda fides non fuerat? Quod si cogo hominem confiteri, neque illum primum, neque hunc alterum Bohnii locum tunc respicere, aut ex Bohnio desumere potuisse? Qui facies? inquis. Ego vero faciam nullo negotio; proferens dumtaxat longe alia ejusdem Provocatoris verba, ex hac eadem, quod incredibile videtur, Animadversione desumpta; Bohnius cæterum ille est, cujus quidem Opera nusquam ante primam meæ hujus Historiæ editionem legeram: sed postquam cl. Adversarius mihi eum, veluti contrariæ nostris sententiæ fautorem, objicere dignatus est, natâ mihi in animum curiositate consului; eoque libentius inde perlegi, quo ipsa mihi rebusque meis, ut si propria inventa, rationes, & experimenta ad mutuas aures nobis invicem communicassent, adeo

adamussum facientia undequaque reperiebam. Me ipsum hominis, utcumque de me meritis sit, miseret; nam; ut ego fileam; quis hæc per se non deprehendat, ipsique videat, hanc infelicem optionem esse reliquam, vel ut Bohnium nusquam ante primam suæ hujus Historiæ editionem legisse, defendat, quo posito jam fateatur necesse est, se in ea prima editioe neque ad Bohnii observationes illas respicere, neque ex eo loca desumere, contra ac semel atque iterum affirmavit, potuisse; vel ut hæc ante editionem illam primam ex Bohnio hausisse, ex Bohnio desumpsisse, contendat, quo utcumque posito, quis amplius credat, non eodem modo tot alia ex eodem, ut ego objeceram, Bohnio, innominato desumpsisse, idque cum fecerit, hic tamen nobis ut permirum aliquid venditavisse, se ita in eadem cum Bohnio incidisse, ut si propria inventa, rationes, & experimenta ad mutuas aures sibi invicem communicassent. Post hæc, quæ ejus in libro recognoscere omnes poterunt, semel bene cognita, atque deprehensa dictitet, quantum velit, magnas ulterius in ambages me ruere, me verba, atque versiculos suos mutilare & hinc inde diruto ordine transponere; ne multis; me ea omnia quæ ipse fecit, facere, dictitet; quis erit qui jure censeat ullam a me ipsi responsionem deberi? præsertim cum omnes vel ex ejus Animadversionum argumentis, vel ex ista ipsa pagina cum meis Adversariis, quæ Historiæ Hepat. ordinem plus etiam quam oportebat, sequuntur, diligenter collata, facile percipiant quam ipse ordinem invertat, ex proxima autem pagina quanto detrimento verba mutilet, sint æque percepturi; quæ si ego aliquando melioris ordinis, aut brevitatæ causa vel transposui, vel ex parte omisi, nihil inde tale consequitur, ut omnibus in locis poterunt æqui Lectores cognoscere. Sed tamen tantæ istæ ambages, in quas ruere in tertia objectione me, dicit, effictæ sunt. Non ego ibi (a) de ejus sententia loquor, aut huic dico Verheyenium esse contrarium; imo ex eo quod huic Verheyenius prævit, infero, non verum igitur de aliorum sententiis cl. Provocatorem narrasse, dictitantem horum omnium canalium usum ad UNICAM bilis in recipiens suum deportationem decantatum fuisse.

20 Quarta objectio etiam manifestius efficta est. Neque enim ego scripsi, ut diversa characterum forma obtrudit, familiare illud Verheyenii argumentum: Ita in brutis; ergo & in homine, fallax esse; sed ita scripsi (b), quam sæpenumero fallax sit, liquet. Hæc autem hæc vera mutilatio est, quæ sententiam sic mutat meam, ut nihil sit opus ad id quod subjicitur, respondere, præsertim cum altero illo in loco (c) satis mihi constiterim qui eo argumento non ad demonstrandum, sed dumtaxat ad revocandum in dubium rem quidem longe alterius ordinis, usus sim, nihil ipse pronuncians, sed pronunciantem dumtaxat monens, non oburgans. Nunc vicissim in quinta objectionem quænam tandem nostra illa fuerit mutilatio videamus, de qua tantopere conqueritur, ac si revera conati essemus sic amplam illam horum vasorum ostensionem, quæ a se, aliisque plurimis Anatomicis (de quibus jam vidimus) in quolibet majori bruto, ipsoque homine creberrime, ut ait, instituitur, obscurare, & invertere. Quis non existimaret, me aliquid de insigni aliqua ejus ostensione, & quidem in homine, prætermisisse? Nihil ejusmodi. Queritur enim, me verba illa præcipuam, ut ait, textus sui significationem aperientia mutilavisse, hæc videlicet: Varium amborum canalium numerum in subjectis variis attingebam. Sed in quibus tandem? Hominem nunquam nominaverat, sed animalia quamplurima, Boves, equos, sues, & etiam Molossos. Cur hic ubi res agitur, non dicit in quibus? ut experiri etiam alii, & credere possint. Deinde quid est varium canalium numerum attingebam? Non de numero quærimus, sed de origine.



ne. De hac diserte loqui oportet, ut credere possimus. Utrumque demum fecit. Hepar suillum unum, & in hoc vasa de quibus a me quærebatur, duo cum eorum origine, ne dicam qualicumque nexu, commemoravit. Itaque ego, non mutilatis, sed præteritis, ut incertissimis, & ad rem diserte non pertinentibus, neque propterea fidem facientibus indefinitis superioribus illis verbis, ab iis dumtaxat incepti, quæ de certo subjecto essent, ad propositum pertinerent, & fidem aliquam facere possent. Ex iis, quibus ipse usus sum verbis, mens satis elucet mea; neque enim univèrse dixi: *At quid affert?* sed sic (d): *At quid affert quo id credere possimus?* In hepate, inquit, suillo & cæt. Itaque non mutilavi qui illud reliqui quo id credere non possemus, illud autem omne protuli quo dumtaxat id credere posse videremur; certe ex iis quæ protuli, nulla verba intermedia subtraxi (ut illa ipse, quam sæpenumero) quibus subtrahitis, sententia continuo mutaretur.

948

21 Antequam ad objectionem sextam transimus, hic duæ pariter non leves sententiæ nostræ mutationes occurrunt. Ait, *Verheyenium*, (cujus de lapsibus, & multo tamen majoribus laudibus dicitur alibi) „peritiâ & diligentia mihi spectabili, lem modo, a me renunciari. Ego vero haud paulo aliter quam ipse animadvertere videatur, de Verheyenio ibi (e) scripseram, sic videlicet, *cujus peritia, ac diligentia nobis aliquanto magis spectata sit, quam istius Provocatoris*. Ait quoque, *magnificas qualdam laudes D. Calvo discipulo suo a me profuse impensas. --- magnis hunc laudibus a me exundatum esse*, dicitur. Num igitur censet, qui sui discipuli fuerint, eos a me laudibus ornandos non esse, præsertim si in re non levi, sed gravissima, multo diligentiores Magistro se præbere videantur? Sed inspiciamus, obsecro, divinum istud, & inusitatum laudum genus, quibus a me profuse illum ait esse exundatum. Quid quæris? error ejus similis est superioris. Ea enim ipsi incomparabilis, quæ mihi mediocris laus videtur, quod ego ex Epistola Chirurghi Peritissimi Calvi, a Præcl. Anellio vulgata, & ex iis quæ, eodem Calvo communicante, edidit Eximius Vir Fontenellius, crediderim (f) eam qua de agebatur, Historiam multo accuratius a Calvo traditam, quam extet in litteris illis Cl. Provocatoris, quas ipse cursim ad cl. Mangetum conscriptas fatetur. Non igitur Calvum credidi, ut Animadversio obtrudit, res Nostro ignotas, sed res ut diserte scripsi, a Nostro parvipensas evulgasse. Neque aliam in Calvum laudem ullam contuli, nisi forte pro nova quadam & inaudita laude habet, quod pervulgatum contritumque hac tempestate Peritissimi Chirurghi titulum addidi, non modo ne humanissimo horum temporum mori in iis qui vivant, non sine aliqua laude nominandis deessem, verum etiam quia Peritissimus Chirurgus fuerit, necesse est, qui jussu cl. Provocatoris fætum a viventis matris umbilico extraxerit. Utcumque id est; si ego propterea magnificis, magnisque profuse laudibus exundasse Calvum dicendus sum; quid de Præstantissimo, ad quem scribebam, Mangeto, qui (g) eundem Calvum, non modo ut ego, ipsum imitatus, Peritissimum, verum insuper magni nominis Chirurgum vocaverat; quid item de Auctore Folii cujusdam dicemus typis editi A. 1720. inscriptique: *Requisiti del Dottore di Medicina Giambattista Bianchi*. Cum enim is Auctor celeberrimus in celebri illo Opere, sive Folio, scribat de Nostro: *Fanno menzione delle di lui già stampate Fatiche --- i più celebri Autori*, tum vero inter hos ponit il Sig. Dottore Calvo, già Scuolaro del Sig. Bianchi, nella sua operetta Italiana: „Del feto fuori dell' utero. „ quæ nimirum illa esse videtur, quam hic cl. Provocator memorat scriptam sub oculis suis, italico sermone, relationem cum publico a Calvo communicatam. Ejusdem

quoque Folii Auctor, a quo incredibilem etiam illam, & cujus infra erit usus, primo loco notitiam habemus, videlicet Provocatorem nostrum, qui sibi adeo senior videtur, esse natum (haud multis denique ante nos mensibus) A. 1681. idem, inquam, Auctor inter edita a nostro Opera Medica Opus etiam commemorat; ut a Mangeto evulgatum est, quinque & triginta, haud amplius, versiculorum, *De fætu a ventre viventis Matris extracto*: quod Opus hic noster sic extenuat, ut epistolam; quod supra diximus; vocet, cursim ad cl. Mangetum conscriptam.

22 Sed ad sextam objectionem veniamus. Redeamus, inquit, ad Verheyenium, cujus propositum locum si demonstrem nostras horum ductuum ostensiones egregie firmare, neque ideo a censore nostro fuisse hunc authorem intellectum, de causæ nostræ bonitate apertum aliquando lectores judicium prolaturus fore confidam. Equum postulat, si promissa demonstret; sed quid, si propositus Verheyenii locus, contraria utrique promisso luculentissime demonstrat? Igitur propositus Verheyenii locus, ut Adversarius. III. (h) perspectis diligenter oris quisque intelligit, est l. 1. tr. 2. c. 17. quod in I. Edit. est c. 15. In eo capite an quæ ego ajo, sic observaverit, atque descripserit Verheyenius, videndum est; ego enim Ibidem indicavi, Verheyenium sic observavisse, atque descripsisse. Figuram quidem, quæ ex ipso in Theatro proponitur, etiam memoravi, sed cum observationibus, atque descriptionibus ita conjunxi, ut siqua forte in ea Figura, haud infrequenti, ut toties ostenderam, sculptorum vitio, non satis aut perspicue, aut fideliter expressa essent, nemini illa, nisi volenti, obesse jam possent. Quis enim, cum de Anatomico aliquo intelligendo agitur, & res a Figura, quæ præsertim, ut hæc, sit apographa, dubia sit; non illum potius consulat, quam sculptores, aut credat hos, homines Anatomicos imperitissimos, melius Auctorem, si Diis placet, quam se, suasque observationes Auctorem ipsum intellexisse? Verheyenii Figura exigua, & confusa est. At Verheyenii verba (hæc autem locus ille Verheyenii sunt) ad eam declarandam Figuram in medio illo Capite de indutria secundum ejus litteras, & numeros, quos inter verba repræsentat, conscripta, plura sane, & perspicua sunt. Attamen Provocator cl. propositum Verheyenii locum consideraturus, hunc deserit, & quasi ego Figuram dumtaxat memorassem, ad illam decurrit, & qui de inverso a me suorum verborum ordine queritur, mea sic invertit, ut ea e limine arripiat, quæ postremo loco erant examinanda. Multus autem ipse est, ut homines solent in mala causa, quem ego in optima non imitabor. Certum quendam ductum scripsi Verheyenium vidisse maximo quidem orificio 3. hiantem, sed minus conspicuo, quia non, ut duo illa orificia priora, tuberculo prominebat. Provocator, qui hæc quam sibi adversa sint, videt, Figuræ apographæ, imo propriis etiam quibusdam cogitationibus inhærens, falsum in ea dicitur, orificium 3. maximum esse; falsum, minus conspicuum esse; falsam denique esse meam ex eadem ut ipse ait, Figura illationem, quod nempe Verheyenius hic intenderit potius orificia 1. & 2. quam orificium 3. tuberculo munita exhibere, quia scilicet prominentia magis vidisset. Quid opus hic est cogitationibus, & illationibus, ut omnes cognoscant, uter nostrum intellexerit Verheyenium, cum verba illa mea ex his ipsis Verheyenii desumpta videant, qui de illorum trium orificiorum situ, & intervallis cum ex ordine docuisset, prout, inquit, in Figurâ per numerum 1. 2. 3. expressum est. Quod magnitudinem spectat, supremum erat minimum, secundum majus, tertium longe maximum; licet hoc, quia tuberculo non prominebat, minus foret conspicuum; de illis autem duobus aliis orificiis supra dixerat: duo alia offendi orificia exiguis

(d) Adv. III. pag. 57.

(e) Ibid. pag. 58.

(f) Adv. III. pag. 83.

(g) Theatr. Anat. Tom. II. pag. 143.

(h) Pag. 58. 57.



*guis tuberculis in vesiculæ cavitatem eminentia* 1. 2. Quæ ego Verheyenium vidisse affirmavi, Verheyenius ipse diserte se vidisse, confirmat: & erit qui alienis scalptoribus magis, quam Verheyenio ipsi credat, huiusque locum a me propositum deferat, quem tamen locum neque a nobis intelligi, & pro se facere, suscepit demonstrandum? Deferat autem? imo, ei loco, qui facta certe & observationes continet, quasdam suas facile, si opus esset, infirmandas, cogitationes longe anteponat.

Nam Verheyenius diserte docet, Ductum e 3. (qui D. Medius est) *desinere* 3. *osculo*: *aliud ductum inferius* (qui est D. inferior) *cum primo* (qui D. medius est) *circa insertionem* concurrere, denique Ductum c. 1. 2. (qui D. superior est sive ille gemino quasi crure instructus) *desinere in dua illa orificia exiguis tuberculis in vesiculæ cavitatem eminentia* 1. 2. Cum hæc omnia sint ita certa, & perspicua, ut quicumque legerint Verheyenium, aliter ac nos retulimus, intelligere non possint; Provocator, quasi Verheyenius in *descriptione confuse* (sic enim ait) *aliqua dumtaxat de his insertionibus proferret*, non modo contendere non dubitat, sed *probavisse* se, credit, Ductui inferiori D. attribuendum esse osculum 2, oscula autem 1. & 3. *cruribus canalibus superioris D. --- referri debere*; periude ac si ipse, non Verheyenius, istas ipsas a Verheyenio diligenter habitas, observationes habuisset. Si hæc quæ minime sunt ferenda, invenire posset qui ferrent, invenire quoque posset quibus probaret, non quod ipse, ut sibi commodum est, comminiscitur, sed quod ego ex ipsis Verheyenii observationibus, & descriptionibus objeci, id effectum esse, & *sat inconsulte contortum*. Eisdem quoque probaret, ex hac Verheyenii Figura ostendi illa de quibus me dubitare, professus sum: quasi vero aut ea ex bove non esset, aut *minutas etiam* illas, *ultimasque* Cystis radículas communstraret *ex ipsismet pori biliarii ramis exoriri*.

23 Neque sui dissimilis est in septimæ objectionis examine. Ego quod objicio id Verheyenium dico *ex parte descriptione, ex parte Figurâ eadem luculenter ostendere*. Ipse sic *festinat ad Figuram*, ut *descriptionem*, non sine causa a me inculcatam, omnino transfiliat. Nam in Ductu illo D. medio, qui a Provocatore non minus quam Ductus D. infimus, *cyst-hepaticus appellatur*, cum tamen ante tres, haud plures, versiculos aliud omnino sentiens, eundem *infimum ductum D. se hepato-cysticum dicere*, docuisset; in Ductu, inquam illo D. medio, id quod Figura haud satis ostendit, Verheyenius præclare descripsit verbis illis: *Hic ductus per totum tractum inter ramum & cat.* Quæ ad verba; si, ut par erat, retulisset; nihil ipsum habiturum fuisse quod responderet, ostendunt ea quæ respondet ad illam Figuræ partem quam sibi manifesto adversari, negare non potest. Nam postquam *spinarum piscium similitudine producta eandem*, hoc est Verheyenium, non obscure derisit (quod quidem longe aliud est, quam ejus *lapsus* modeste adnotare) satis esse credit ad objectionem declinandam quod in altero Ductus superioris D. crure *contrariæ rivulorum insertiones* exhibeantur, nimirum per exigua una aut altera lineola, quæ tamen neque in Lipsienfi Verheyenii Editione A. 1705. neque in Colonienfi A. 1712. invenitur.

Sed quoniam has ejus Auctoris Editiones, in aliis quoque ab exhibita in Theatro Anatomico Figura (a) discrepantes, supra haud memoravi, & hic præteribo, illudque unum inculcabo, de altero tamen crure illius ductus sibi multo certius, atque evidentius opposito nihil ipsum, ut neque de maxime adversa descriptione respondere.

24 Quo minus mihi respondendum censeo de illo, ut semel atque iterum vocat, *Paradoxo*, *contra omnes humorum in animali circuituum leges*, quod ipse ait, excogitato; quasi id ipsum, & quod præterea fieri, sed *interdum*, & *a causa quapiam no-*

*va*, credidimus, venularum innumerarum observatio non indicaret; nisi forte hoc numquam *celeberrimus* Professor animadvertit, quando ne illud quidem videtur animadvertisse, majus esse pelvis cavum ureteris cavo; neque enim *a minoribus in majores cavitates* scripsisset *CUJUSLIBET excrementitii laticis cursum dirigi*. Multoque etiam minus respondendum censeo aut de meis quibusdam verbis, aut de octava *objectione*, quorum neutra quorsum pertinerent, ipse intellexit, cum tamen omnes, nisi ad ea quæ ex Verheyenio objeceramus, respondeat, quantum hac prematur, intelligant. Quid, si alia præterea attulissemus? cum ad ea quæ attulimus, nondum, ut ostendimus responsum sit: ex quo patet, num *inutiliter*, ut ipse dicitur, *atramentum profuderimus*, & an *efficitas* ipse, sed non a nobis, *objectiones everterit*, quod primo loco in ista longissima Animadversione faciendum suscepit.

25 Nunc alterum sequitur, ut illos suos, de quibus nos dubitavimus, Ductus insignibus ulterrimis observationibus, atque experimentis firmet, & a quolibet dubitandi loco expediat. Quid quæris? A Galeno incipit de HIS non quidem in Brutis, at in ipso, ut ait, *homine asseverante*, quasi inter Doctos constaret, Galenum homines disseccuisse, non quæ in bestiis viderat, ad homines transfuisse. Sed tamen num de his de quibus ego dubitavi, ductibus, Galenus *asseveraverit*, alia ejusdem verba clarius ostendunt non in libris de loc. affect. sed in libris huc aliquanto magis pertinentibus de usu part. (b): ea inquit, *quæ ad jecur est cystis, invisibilibus atque angustis prorsus finibus vasorum a se ipsa in viscus immisorum bilem attrahit*. Ego vero non de radiculis cystis an essent, sed de earum finibus quærebam an ipsi quoque cum pori biliarii ramis manifesto communicarent. Galenus *invisibiles* pronunciat. Continuo autem a *priscis illis ætatibus* ad hanc nostram transcurritur, & a Galeno ad Collegam illum, qui suum erga cl. Provocatorem *studium officiumque* commemorat. Hic etsi mihi propter ætatem ignotus est, neque observationis suæ testes nominatim ullos appellat, aut ex Præceptoribus suis, aut ex Collegis; quos ego quidem præclare nossem; malo tamen cum officioso homine officiis certare, eique, ut par est, majorem fidem, quam Tabulæ sub ejus nomine propositæ habere. Nam ipse quidem *biliferos ductus, Hepaticum, inquit, cysticum, & choledochum, sed præsertim istum & primum --- usque adeo dilatatos invenisse* se, scribit, *ut ipsismet venæ portæ truncum amplitudine, seu diametro superarent*. Tabula autem primum ex parte, ultimum multo maxima ex parte, Cysticum vero totum angustiores illo trunco, & præsertim Cysticum repræsentat. Contra, affirmat ipse, *eam fuisse cavitatem vesiculæ fellis, ut vel ab unico parvæ olivæ nucleo tota facile occupari posset*. At multo ampliorem Tabula istam ipsam *cavitatem* ostendit. Porro describit ipse *ad ejus fundum tuberculum quoddam*. Sed nullum Tabula verum ostendit prominensque tuberculum. Quæ etsi ita sunt, non ego tamen sic ejus Amicum imitabor, ut plus scalptorum negligentiam credam, quam Auctoris verbis, quem vel mihi ignotum cum ob ejus Patriam, mihi grato in primis homini longe charissimam, tum ob meam erga omnes, quicumque præsertim anatomicam rem amant, voluntatem, & observantiam facile diligo. Unum est in quo ipsum rogo, ut pro sua humanitate, & communi veri studio excusatum me habeat, assensumque sustinere me, sinat; nam si vel ipsi mihi idem quod illi, contigisset, assensum tamen sustinerem; neque enim specilli, quantumvis *facilis*, *trajectio*, cum per *spongiosam*, & *raram*, ut illam fuisse fatetur, *substantiam* accidit, naturales potius, quam manufactas indicat vias. Quod si nihilominus se illas demonstrasse sine ulla dubitatione contendat, ejus



eius voluntati non repugnabo; neque enim ego inveniri has unquam posse, præsertim vi morbi dilatatis vasis, negavi; imo vero ultro scripsi, fieri posse, ut hæc omnia in ipso homine retegantur. Longe autem aliam agendi rationem cum longe aliter agente cl. Provocatore sequar, necesse est.

Descriptionem hic non memorat, sed nitidam dumtaxat figuram. — egregie ulterius hæc vasa ostendentem. Lectores igitur, vel me tacente, istam inspicient Figuram, & cum hæc vasa neque ad vesiculam pervenire, neque, quod caput est, cum pictis in ea foraminibus communicare, perspicient, cum illud primum intelligent, quam facile quæ sibi conducunt, cl. Provocator affirmet, deinde vero si hanc magnam Tabulam sollicite adjunxit tanquam egregie ulterius hæc vasa ostendentem, hæc autem, vel dilatatis impense vasis, ne illa quidem ostendit, quæ ejus superior Tabula, vasis secundum naturam se habentibus, aliquanto clarius proposuit; quid cautius de toto hoc negotio interea habendum sit, per se facile existimabunt.

26 Neque id minus existimabunt, cum ea quæ subjiciuntur, diligenter contulerint. Nam missis Amstelodamensium amplis, ut vocat, harum viarum iconismis, qui tamen uno, quod sciam, eo, que perexiguo, plures non sunt, missis etiam plerisque eorum quæ in bestiis pariter, de quibus nunquam dubitavi, Verheyenius, & Bohnius tradidere, mox quædam deprehendunt quæ eidem Bohnio nimis fidenter adscribuntur. Velut illud: per styli, & liquefactæ ceræ introductionem enunciat attigisse anastomosos canalium cystidis, non tantum cum majoribus hepaticis ramis, sed insuper cum minimis; nam minimos non memorat Bohnius. Velut illud: compresso folliculo fellis & cat. quæ verba quidem Bohnii sunt, sed ad notissimos omnibus hepatici ductus ramos, non ad eos de quibus Provocator agit, pertinentia. Velut illud in primis: In his omnibus (idest in HUMANIS etiam cadaveribus) Bohnius non tantum cystica hæc peculiaris vasa, cystidi, ac hepatico ductui intermedia, manifeste patefacit, sed DUPLICATUM vasorum genus, seu cyst-hepatica, atque hepato-cystica non obscure designat, discriminatque. Nam quomodo ea Bohnius in homine manifeste patefacit, qui dumtaxat, ut infra asseritur, auguratur, quod & nos fecimus, quosdam intrinsecus latitare canales intermedios, qui ipsi hepatis substantiæ immersi, inter hepaticum porum, & vesiculæ cervicem mutuum afferrent commercium; vel quomodo duplicatum vasorum genus non obscure discriminat, qui insertionem in minimos ductus hepatici ramos, ut hic asseritur, non memorat, neque multififormem illam anastomosim, ut in uno eodemque subjecto, sed ut in variis proponit, neque demum (ne persequar cætera perperam a Provocatore supposita) orificia esse, tradit, quod sciam, aut recte, aut oblique in folliculum producta, sed de omnibus univérse scribit obliquo satis tractu tunicas penetrantia, diserteque negat, suspicari convenire, alium bilis esse motum, quam ab hepate; non igitur contrarium ad hepar motum agnoscit, aut probat; recte, an secus, nihil ad me qui in nullius unquam verba juravi; certe contra cl. Provocatorem, qui hic illum quasi sibi adstipulantem obtrudit; mihi illud satis, ut quibus in locis tamquam ipsi adversantem objeci, in iis ne adstipuletur.

27 Ventum est ad insignia illa, quæ titulus hujus Animadversionis pollicetur, experimenta. Sed cum pleraque jam vel apud unum Bohnium legabantur; tum omnia ejusmodi sunt, ut quicumque novit, vel ut ex cunctis hepatis particulis, & quod consequitur, ex iis etiam quæ vesiculam fellis contingunt, radiculæ hepatici ductus proveniant, vel quam facile, imo, ut noster alibi scripsit, ordinarium sit, bilem vel per se e tunicis vesiculæ exsudare, & vicina inficere, is eorum omnium

quæ in homine, plerorumque etiam quæ in bestiis habita sunt, experimentorum vim non solum eludere, verum etiam, idque jure, in dubium revocare possit. Verum quid in his omnibus tempus trivit quæ hætenus ostensum est quam vel dubia, vel non ad controversiam nostram sint pertinentia; aut quid ex supposita nobis, ut in loco ostendimus, alienissima sententia, conatur obtrudere, nos ista ipsa quæ negamus, aperte, ac necessario fateri? quid, inquam, sic tempus trivit, cum perpauca verbis, si vera sunt quæ demum subdit, obtinere omnium assensum valeat. Hos canales, inquit, sæpius in homine se exploravisse, & ostendisse. Viros igitur nominet peritia, diligentia, auctoritate dignos quibus fidem habeamus; & quibus ipse (ut mea cum Præcl. Mangeto disputatio requirebat) ante primam Hepaticæ Historiæ editionem ostenderit. Nam quod se unum, & annum memorat 1720; nihil agit. Ipse quidem, ut sæpe, ut graviter aliis in Figuris aut alios, aut se ipsum fefellerit, a me alibi demonstratum est; neque hæc ego vasa unquam negavi, imo aperte scripsi (c), inveniri in posterum posse; quamquam in hac ipsa Figura quæ me dubium faciant, alio in loco (\*) clarius ostendam. Attamen si vere sæpius hæc exploravit; cur me, aliosque dubitare, adhuc finit? Satis erat, ut administrationem anatomicam proponeret, quam sequentes, nos quoque illa explorare possemus; præsertim cum ejus tradendæ munus indeclinabile esse, alias (d) pronunciaverit, Anatomici, qui primus partem aliquam demonstraret? Nam quod iisdem ac in brutis adhibuerat, tentamentis usum se, dicit; vel ista tentamenta eadem sunt, quæ aliis sunt nota; his autem cæteri, & in his summi, ac diligentissimi Anatomici nihil se in homine profecisse facti sunt; vel nova quædam sunt atque aliis incognita; hæc autem secundum ea quæ ipse pronunciaverat, effugere non potest quin recte atque ordine proponat. Cum proposuerit, tam ut alias ejus administrationes, atque utinam meliore eventu, experiemur. Neque enim speret, ut illi Cheseldenii observationi de qua supra vidimus, acquiescamus, aut aliis duabus, quæ ut multo minus huc attineant, ne ipse quidem ignoravit.

28 Undecima sequitur Animadversio, cui similes si plures scripsisset, majorem certe laudem sibi erat pariturus. Non modo enim, quod ait, verum est, ingenuum, honestumque pudere Hominem non posse pro veritatis ditione mutare consilium; verum insuper hæc peculiaris laus est quam sibi vindicare potest qui erravit. Scilicet in hac Animadversione, ea ipsa moderatur, imo retrahit, quæ cum in prima, tum vero etiam in hac Editione docuerat sive musculosum vesiculæ fellis sphincterem affirmando, quem hic negat, sive ejusdem valvulas negando, quas hic affirmat. Rem præterea ex parte fatetur quam ego in Advers. V. (e) neque tunc primum, animadvertebam, paucas ipsum, nec satis diu pertentatas observationes consuevisse in medium adducere. Hic enim diserte scribit, uni aut alteri observationi, a se in felleis folliculis, cysticisque ductibus, valvulosæ forte fortunæ habitudine destitutis institutæ impensius fuisse. Laudo, quod vera hæc fateatur, non minus laudaturus, si alia pariter vera fatebitur, nonnullaque in primis his consimillima, de sphinctere scilicet quem in fine Ileii esse, affirmavit, & de valvula, quam ibidem negavit.

Quod si mihi forte hanc, nunquam tamen a me quæsitam, laureolam non vult concedere; at Gravissimo Professori Heistero concedat, a quo non duobus verbis, ut de his valvulis cysticis, quas Provocator imaginarias vocaverat, sed tota de Valvula Coli Dissertatione monitus est. Hunc enim, tametsi supra in hac ipsa Editione (quod in me dictum gloriæ ducerem; in ejusmodi Professore, ac utriusque nostrum Amicum, ferre



ferre non possum) quam maxima expectationis Virum non veritus est appellare, quasi Anatomicum adhuc præ se adolescentem; tamen; ut alia nunc omittamus; quicumque ex iis quæ supra a nobis scripta sunt, colligent, nostrum istum, seniore adeo, ut sibi videtur, Anatomicum vix uno ante Præstantissimum Heisterum anno esse natum, neque præterea ignorabunt, anno adhuc 1722. ut inter Ordinarios Professores tandem aliquando recenseretur, laborare debuisse, cum tot ante annis inter Ordinarios Professores jure meritoque Heisterus esset evocatus; nihil Nostrum facere indignum se judicabunt, si utin hoc, ita aliis in locis hujus Auctoris diligentia lubenter se referet.

29 Verum in proxima duodecima Animadversione id tantum abest ut faciat; quædam ab Heistero, imo ab aliis etiam Anatomicis non probata, inculcare adhuc, & tueri connititur. Primum namque cum adversus omnes, quantum quidem in præsentia memini, omnium ætatum Anatomicos ipse tradere non dubitasset, musculosam vesicæ urinariæ tunicam, non mediam esse, sed extimam, atque ita extimam, ut peritonæum hanc compingens, plano ulterius obtegatur musculari; cumque ego id a vero alienissimum esse, ostendissem; Solertissimus Heisterus, utroque nostrum perlecto, ne transversum quidem unguem in altera Compendii sui editione a communi recessit sententia; Egregius autem alter Anatomicus Santorinus, cum errores alios cl. Provocatoris redarguat, huic errato habere tantum honorem noluit, ut iterum confutaret, sed *ceu nulla animadversione dignum, missum facere se dixit (a)*, isto vesicam plano ulterius obtegi musculari. Hæc cum ita sint; Noster primo errore non contentus, alios non leviores quasi in ejusdem defensionem addit, cumque in primis, quod *humani quoque uteri (quem inter vesicas cum singulis intestinis recenset!)* extimam faciem præcipue occupent musculares fasciculi: neque satis intellectum, ut solet, Malpighium, in suas trahere partes conatur: & quasi peritonæi, uterum investientis, lævem illam extimam faciem numquam vidisset; *muscularibus lacertis*, hoc est, ut definiisse muscularem substantiam videtur, *fibris superficie asperis, scabris ac veluti nodosis*, uterum, aliaque ejusmodi promptuaria affirmat ditari inprimis extrinsecus positis, seu liberioribus, veluti qui per unam saltem faciem ab alio nectenti involucri non implicantur. His; atque aliis ejusdemmodi de urinaria etiam vesica positis, tanquam certissimis planissimisque, non dubitat scribere, *quam inanes nostræ objectiones sint, quemque cordatum posse vel solum legendo dignoscere*. Ego vero non dubito, ne ipsum quidem dubitare, fore ullum tam exordem quin sentiat, me in illis cunctis objectionibus nihil aliud egisse, nisi ut homines intelligerent, maluisse me alia omnia credere quibus ipse forte deceptus esset, quam id ipsum tam abnorme quod nunc confirmat sublata omni fortuiti erroris excusatione, ab eo revera Anatomicis obtrusum fuisse. Itaque si meas illas objectiones inanes esse vult; sunt, sic tamen ut omnes intelligant, meas non tam objectiones, quam gravissimi ejus errati excusationes inanes esse. Quæ cum ita sint; non ero amplius tam ineptus, ut pro meis illis objectionibus propugnando, invitum, ut ait Flaccus, *servare laborem*. Hæc tantum addam: me non finxisse illud non intelligere; quod sic quidem, ut ipse scripserat, non posse intelligi, demonstravi: me non in rei veritatem remis velisque quod obtrudit ipse, niti, cum illa ostendere quæ tunc candide scripsi, tum vero alia quotiescumque tu, Vir Doctissime, jubeas, a me de vesicæ anatome producenda (b): me pro rubicundo subalbidum colorem in musculis non videri posse instituire, neque ut ad subalbidum colorem mediam vesicæ tunicam quoquomodo conducam, invisum omnibus colorem eidem tunicæ accommodare, qui de fibris car-

neis, quantum ad vesicam sapius, & in parte attinget loquar, & Falloppii (c) Incomparabilis Anatomici verba proferam in illa vesicæ tunica non ita rubicundam carnem, qualem in musculis; sed SUBALBIDAM (quomodo Bauhinus (d) quoque loquitur) diserte ponentis: ad me necessario non attinuisse verba facere de tunica univærse atque uniusmodi & æqualiter, unde quaque subrubente, qui cutaneum musculus refutarem, qui tanquam rete esset, non tamen ex æqualibus fibrarum fasciculis compositum, sed summā quaquaversum irregularitate distributis, coeuntibus, aut intersectis; quibus membranosa peritonæi expansio in fulcimentum inseruit; sic enim tunc scripserat, qui nunc ea, qua solet, constantia, æqualiter, & unde quaque scribit rubere extimam urinariæ vesicæ tunicam, & quidem a fibris in quosdam determinatos ordines, atque fasciculos dispositis: contra, meorum verborum nullam esse discordiam, nisi apud illum, qui vel ex eo quod extimæ vesicæ tunica nondum culter admotus sit, arbitratur, consequens esse, sanguinolentas alias partes ad ipsius contactum apponi non potuisse, vel de duobus ruboribus, diversas inter se causas habentibus, non intelligit me verba fecisse.

30 Nam de cæteris quæ sequuntur quid dicam?

„Judicabunt, inquit, Lectores, si in fibris carneis, neis statuendis rubori tribuendum non sit. „Imo vero judicabunt quam deceat aliorum verba, alia præsertim litterarum forma producendo, sic mutilare, ut absurda esse videantur; neque enim ego ita scripseram; sed ad hunc modum (\*): omnino enim in fibris carneis statuendis NIMIUM tribuere rubori videtur. Sed nisi istud nimium abstulisset; ea quæ subjicit, contra nos addere non potuisset. Cætera quæ de vesica, & ligamenti Coli intestini subjiciuntur, alio in loco (e) examinabimus; quæ vero de Auctorum tories inculcatis Lapsibus, infra expendemus. Postremo de meis quibusdam, quæ cum haud satis unus ipse intelligat verbis, valde obscura, & intricatissima esse existimans, lepidum nobis lusum instituit, quasi herculeas nescio quas rationes, iisque anatomicas inauditas res docere contenderem; de iis, inquam, verbis, humanissimo illo suo, supra dato, responsu utar, nimirum meos ego deprecabor Lectores ut eidem locum illum meum explicare faveant. Ubi id fecerint, tandem aliquando cognoscet, neque in nos cadere, quæ duobus subjectis exemplis, putat, & ut melius est latine nihil scribere, quam ea scribere, quæ intelligere nemo possit, sic melius esse nihil ad latine objecta respondere, quam ab aliis omnibus intellecta, in respondendo non intelligere. Idem Lectores docere poterunt, quanto gravius, & graviore quidem in genere, mox labatur, qua de re ego quoque aliquid in extrema hac Epistola coactus attingam.

31 Illud unum hoc in loco non prætermittam, quod; ut ad hujus Animadversionis initium redeam; non mihi modo, verum etiam Professori Experientissimo, cui melius fuerat hic quoque cedere, Laurentio Heistero, aliisque Anatomicis adversatur. Heisterus namque utriusque nostrum perlectis scriptis, judicium hoc tulit (f): Bianchus in Mangeti Theatro anatomico novos vesicæ musculos, elevatores & depressores, describit, pag. 414. & seq. eosque duabus Tabulis delineat. Verum a Morgagnio in Advers. Anat. III. pag. 75. usque ad finem, refutatur, vel, ut alibi (g) apertius loquitur, nervose refutatur. Atque Anatomicus alter exercitatissimus, Doctissimusque Jo. Dominicus Santorinus (h) de iisdem Provocatoris Musculis diserte hæc scripsit, se in nulla unquam incidisse cadavera (et si plurima præ cæteris selectiora, atque ad Anatomem aptissima, ob hanc potissimum rem disseccuerit) quæ istiusmodi musculos obtulerint.

Contra autem cl. Provocator affirmat, se eosdem musculos & Bononiæ semel, iterumque in No-

(a) Obs. Anat. c. x. (b) Vid. Epist. I. Artic. 57. & seq. (c) Obs. Anat. (d) Theatr. Anat. l. i. c. 31.  
(\*) Adv. III. pag. 76. (e) Vid. Epist. I. loc. cit. (f) Comp. Anat. ad n. 347.  
(g) Progr. de Inv. Anat. Edit. in 4. (h) Obs. Anat. c. x.



Jocomio Mortis Publicis illius almi Archigymnasii Præclarissimis Professoribus plurimis, atque studiorum coronæ amplissimos ostendisse, & in suæ R. T. Universitatis Theatro publice quotannis ostendere. Melius in rebus quas nemo adhuc nisi ipse, potuit invenire, fecisset, si ex alterutra Universitate eos qui non ostensioni tantum, sed fideli, luculentæque Anatomicæ administrationi interfuisent, Præclarissimos Professores nominasset. Nam ut Professoribus ostendisse, credamus; æquum tamen est, ut sciamus, & quomodo, & quibus ostenderit, ut puta, si de Bononiensibus sermo sit, Honorariis ne an Ordinariis. Etsi enim in utrisque Viri Peritissimi esse possunt; longe tamen magis alii ab aliis in ea Nobilissima, ingentique Professorum numero abundantissima Academia differunt, quam Provocatoris Typographus videtur credere, qui ipsum ex Honorario dumtaxat, creavit repente (i), si Diis placet, ORDINARIUM in Bononiensi Archigymnasio Theoricæ Medicinæ Professore.

44 Igitur cum aliquos nominaverit, tunc ea quæ Præstantissimus, Gravissimusque ex Bononiensibus Professor negat, ipsique adeo per litteras vidisse negavit, tunc inquam, ex aliis etiam universa, & singula, quæ ad totam illam administrationem pertinent, sciscitari poterimus; in his illud quoque, num Depressores vesicæ musculos ostenderit, ut in impugnata a nobis descriptione, an ut postea in VI. Anatomica Oratione indicavit. In hac enim scribit: Urethræ transversales, seu potius urinariæ vesicæ depressores musculos Bidlous illustravit. Descriptionem autem illam quicumque cum Bidloi Tab. XLVII. Figura 5. hujusque explicatione comparaverint, cum quantum hi ab illis differant musculis, intelligent, tum vero magis magisque de refutatis a nobis universis cl. Provocatoris musculis dubitabunt.

32 Hæ tamen, atque aliæ a nobis merito confutatæ res illæ sunt quas in proxima jactat XIII. Animadversione. Ego vero inquit, qui rebus non verbis studens, non ad hunc locum solummodo, sed universe alibi, quodlibet, quod velit, oratoriæ declamationis privilegium Censori nostro cl. ample dimitto, & concedo & cat.; quasi vero non ipse esset, qui in notatis ibidem (k) a me locis bili haud obscure mentem affingeret, ac Antiquorum Codicum infelicitatem deplorans, ipsos induceret contra Recentiores nostros, turpissima, ut ait, ignorantia obcæcatus, opportunissime in Anatomico ac Medico libro Stylo historico, ut pollicitus erat, conscripto, declamantes, vel quasi ego, non ipse, usque adeo aut vires exiguas, aut alias occupationes ignorarem meas, ut Oratoris titulum aucuparer. Egone tantum mihi sumerem, ut Orationes scribere, & Orationum magnifico titulo mea qualiacumque scripta ornare auderem? Utinam muneri par essem meo, & in anatomicis descriptionibus, quæ omni ornatu orationis quasi veste detracta nudæ esse debent, puram illam assequer, & illustrem brevitatem, qua Tullio (l) opinor, auctore, nihil est in historia dulcius. Nam quod eos Anatomicos qui volunt hanc calamistris inure, ego quoque ineptos putaverim, illa ipsa verba satis ostendunt, quibus ego non in describendo, sed in aliena descendente bilis descriptione notanda, aliisque ejusmodi usus sum. Itaque nec se mecum facere, nec in quem diceret, animadvertit cl. Provocator, ubi (m) tot descriptionum oblitus suarum, in eos declamavit Anatomicos, qui idem facerent quod ipse fecit, in eo, inquam, loco quem verba hæc excipiunt (n) Redeo ad te, humane Cadaver, neque post multo ea subsequuntur: vobisque cordi sit illud Celsi: „ Ne fluctues „ semper in medicis conjecturis, firma te Anato- „ me: „ quæ verba ita Celsi dici possunt, ut humane Cadaver. Quorsum hæc? eo nimirum ut intelligatur, assentiri nos quidem cl. Provocatori,

in nova Præfatione eos medicos scriptores jure meritoque improbanti, qui seligendis vocibus tam avide incumberent, ut neque literulam scribere latine auderent, quam in Calepinis & Nizoliis (quos semper in manibus versarent) non consulissent, & qui alia quæ ibidem, atque alibi recenser, tandiu, ac tam assidue facerent, ut quod studium Medicis disquisitionibus vertendum est, idem totum aut plurimum eliminandæ, volutandæque diutius elocutioni, ac seligendis oculis impenderent: Neque tamen a nobis iisdem qui ejusmodi homines improbaremus, probari vicissim posse Anatomicum; aut Medicum qui latine scribere auderet priusquam saltem subjectum suum ut puta Anatomicus humanum Cadaver recte dicere latine didicisset (o), ac non modo in locutionem Ciceronis, Caesaris, Terentii, Livii, ne iis quidem annis qui hisce, ut fieri solet, studiis ab aliis tributis sunt, inquisivisset, sed nunquam Celsum, latinum Hippocratem, cujus sententiis in scribendo uti vellet, tandiu saltem inspexisset, ne pro ejus elegantissimis verbis verba nescio cujus afferre posset. Neque enim horum alterutrum est leve quidpiam & fere inane, qualia ego quoque prudentiæ esse fateor detractioni, & invidiæ, non timendis tamen a quocumque scriptore malis, concedere; Sed tam grave est, quam justæ erga Lectores reverentiæ, quam prudentiæ ipsi deesse, præsertim si ita scripta Orationes inscribantur, & de his illud diserte jactetur (p): Hæ nempe mutæ litteræ diutissime loquentur. Rebus, inquit, non verbis studeo. Quid? Hippocrates, Celsus, Galenus, summique alii Medicinæ scriptores in sua quisque lingua probatissimi num rebus forte non studebant, aut cum rebus studerent, idcirco in verbis arbitrati sunt licere sibi esse, non dicam ita negligentibus, ne tantam elegantissimis Scripto-ribus injuriam faciam, sed parum dumtaxat diligentibus? Verum enimvero, sic ut plurimum rem se habere animadverti, ut qui nihil omnino quemadmodum scribant, laborent, iidem non multum laborent quid scribant. Itaque si ex Provocatore cl. Res, Res, inquam, illas, quibus unice studuisse se affirmat, quæramus; respondet quidem (q), certe non exigua, & non pauca --- in Humani corporis provinciis --- assequutum se fuisse, & lineam aliquam, eamque non minimam ad Humanæ hujus Mappæ expoliendam formam adjecisse. At si per nos ipsos tot istas, & tantas Res in cadaveribus inquiramus; tum vero facile apparet, non multo plus ipsum rebus, quam verbis studuisse. Verum id & alias satis ostendimus, & quodcumque nobis placeat, ostendere magis magisque poterimus. Sed fortasse Res istæ suæ neque minimæ neque exiguæ, neque paucae illæ sunt quas est editurus, secundum ea quæ in Præfatione editionis I. magnifice quidem sponponderat: cursus, inquit, mei Anatomico-pathologici --- triginta sectiones --- dabunt præcipue Cerebri, --- Lienis, & Thymi structuras, usque germanos, --- ministeria glandulæ Thyroidæ, & aliarum bronchialium, earumque varia excretoria. --- Venient postmodum a tergo opuscula varia --- de morbis vernis, æstivis, autumnalibus, & hyemalibus & cat. Verum post annos duodecim Anatomicam habens Orationem (r), priora illa quæ se deprehendisse, tunc jactaverat, suam hætenus qualemcumque operam, & diligentiam effugisse, confessus est. Quid enim, inquit, vero, proximum, quid densa illa circumjecta caligine satis detersum proferrem de structura Cerebri, de Thymi, lienis, --- Thyroidæ glandulæ, ac plurimarum conglobatarum, aliorumque membrorum potestibus, --- quid tandem de tot aliis, ignotis hætenus, diuque fortasse ignorandis, Humani corporis partibus? Quod vero ad morbos illos attinet; quæ res longe facilius est; sibi nunc quidem videtur suam satis fidem liberasse --- de Morbis, vernis, æstivis, autumnalibus, & hyemalibus; & tamen

(i) Vid. Orationum Titul. (k) Adv. III. pag. 52. (l) De Cl. Orat. (m) Orat. III. pag. 23.  
(n) Ibid. pag. 24. & 25. (o) Huc, adde ex pag. 970. Hist. Hepat: Porro ex cadaveribus, QUOS, Bononiæ dum  
egerem, in Mortis Xenodochio dissecabamus & cat. (p) in Epist. ante Orat. I. (q) Orat. VI. pag. 40.  
(r) Ibid. pag. 47.



men quos duntaxat morbos spectaverit, quosve omiserit, hæc verba indicant ei tractationi præposita: *Sed quoniam biliosas duntaxat epidemias exarare statuimus, ideo prætermisiss hyemalibus morbis & cat.* Quo igitur modo in universum de morbis, speciatim autem de hyemalibus, suam satis fidem liberasse se, existimat, vel quomodo tot illa alia, & tanta, quæ postea se juxta cum omnibus ignorare confessus est, in ea Præfatione promisit, nisi utrobique studuit, non rebus, sed verbis: quibus quidem alibi quoque ipsum vehementer studuisse, nobis quam facillimum esset ostendere, nisi planum facere præstaret, idem prorsus egisse in hac etiam XIII. Animadversione, ubi incassum pro eo propugnat quod scripserat: *indubitabilem esse digressionem in cystim totius pene liquidi, ab hepate versus intestina per porum biliarium excurrentis?*

33 Nam certe quæ nunc argumenta addit, ne ipsum quidem puto existimare ad rem pertinere. Quid enim mihi *Salamandra*, quid *Rana piscatrix*, quid *Xiphia*, quid *Vipera*, quid aliæ narrantur vexatæ inprimis & dilaceratæ viventes bestię, qui de homine potissimum, & secundum naturam disputaverim? præsertim vero quid *Columbi*, quasi hæc quæ producuntur, sed minime intelliguntur, Galeni verba: *Columbi vesicam jecinori adjunctam perinde ac aliæ quædam animantes non habent*; vesicam fellis Columbis tribuerent, non; ut anatome ostendit, & quod mirandum est, Provocator cl. alibi confirmat; adimerent. Deinde quid hæc omnia, atque tot alia cunctis notissima, & in his rariores quoque illæ cystis fundi in nonnullis interdum hominibus a jecinore disjuncti Ruyschianæ observationes? quid hæc, inquam, omnia sibi volunt, nisi id quod Cel. Ruyschii verbis dicitur: *vesiculæ contentum maxima ex parte per ductum cysticum advenire?* Hoc vero neque mihi unquam in mentem venit ut negarem, neque illud est quod Provocator cl. probare debet. Longe enim aliud est, vesiculæ bilem pene totam ex hepatico meatu per cysticum advenire; ac bilem per hepaticum meatum ad intestinum descendentem, *pene totam divertere in cystim*. Hoc ipse *indubitabile* esse, affirmavit; negavi ego; illud alterum docui semper, & adhuc doceo; ut vehementer mirer, cur mihi oppositam sententiam affingat, nec vero hic solum, sed ubicumque venit ipsi in mentem de efficto, ut sibi commodum est, quem ipse appellat, Adversario suos illos imaginarios triumphos agere. Nam ut omittam quandam ejus latinam ad Amicum Dissertationem A. 1720. a me visam, in qua etiam aliis quibusdam Amicis suis ita se venditabat, ut eorum quæ Amplissimo Lancisio promiserat, satis memor non videretur; nonne supra (ubi de hepaticysticis ductibus) nonne infra (ubi de cystis ipsius glandulis) me convicisse prorsus, somniat, propterea quod *bilis ingressum in cystidem per cysticum ductum omnino denegem*; idque in *Advers. III. Animad. 25.*; in qua tamen, ut omnes, vel silente me, vident, semel, iterum, sæpius inculco, *indubitabile non videri mihi, non jam bilem ex hepatico per cysticum ductum vesiculam ingredi, sed bilem ab hepate ad intestinum descendentem PENE TOTAM divertere in cystim*. Neque ego, quod sciam, *valvulosam cystici ductus constitutionem*, neque contra eum quem agnosco, bilis moderatum motum, illa alia de quibus tamen in loco videbimus, commemoravi. Illud quidem nunc miror, eum qui tandem aliquando istam *valvulosam cystici ductus constitutionem* non esse, ut scripserat, *imaginariam*, agnoscat, eum qui per istam fateatur in non paucis vesiculis *multo majus plerumque accidisse impedimentum* sive styli, sive aquæ transmissioni a bilario poro in folliculum, quam a folliculo in porum, eum tandem qui per istam fieri contendat, ut *bilis neque tam libere, rapideque a bilario poro in cystim descendat*; neque tam facile subitoque a cysti in hepaticum, atque choledochum erumpat; ne-

Morgagni Epistola Anat. II.

que enim expedire, folliculum felleum tam cito repleri; neque tam cito vacuari; eum, inquam, qui hæc omnia jam agnoscat, & scribat, miror, illud adhuc sine omni dubio defendere, quod cum ea omnia ignoraret, aut negaret, posuerat, *bilem videlicet per hepaticum ductum versus intestina continenter derivatam, digredi pene totam per cysticum ductum in folliculum felleum*. Esto enim, hoc *indubitabile* tunc crediderit, cum bilem in folliculo libere congregari, arbitratur. At quomodo *indubitabile* nunc credit, quando hujus rei istud *multo majus in non paucis vesiculis plerumque impedimentum* agnoscit? Eodem opinor modo, quo cætera ista quæ nunc contendit, cum iis coherere quæ alibi affirmavit: per ductus cystici amplitudinem non pedetentim, & successive vesiculæ exonerationem fieri, sed subito & impetu quodam, per leges mechanicas patere. Sed hæc ipse viderit. Ego sane ut quæ non scripsi, tueri non debeo, sic quæ scripsi, & agnoscere, & tueri non dubito.

34 Nam pene totius bilis in vesiculam descensum esse *indubitabilem*, ad idque *convincendum* esse *nervosissimas*, quas memoraverat, observationes, hæc vero me negavisse, & adhuc negare, confiteor. Nam in prima observatione, quantæ sint vires obliquæ insertionis, & carunculæ ductus Communis, neque pro certo definiri satis potest, & ipse satis esse exiguas, indicat, qui res aut easdem, aut, quod omnino effugere non potest, similes, sed certe, ut ipse posuit, minimorum ductuum orificiis præpositas, idem, aut simile quid præstare, non concedit. Secundam observationem non esse perpetuam, nunc aperte fatetur, mutatis, neque hic solum, contra atque in Præfatione pollicetur, verbis: præterea ad primum quod animadvertimus, sua illa interrogatione respondet nihil; ad alterum etsi ita respondet, ut de alio ac loquebamur, intestino jam loqui videatur; tamen utcunque ipse intelligat, numquam ego negavi, quo minus, vi fortasse etiam morbi, per communem ductum, bilis in intestinum possit effundi, eo plus in vesiculam divertere cogi, sed num hinc sequitur *indubitabile* esse bilem pene totam secundum naturam eo divertere? De tertia observatione quod nondum in homine sit luculenter confirmata, satis supra dictum est; & quando erit, ad bilem pertinebit sane per alios ac cysticum, de quo disputabatur, ductum in vesiculam comportatam. Ad Quartam denique, & quintam observationem, cum ipse contendat, his illud ostendi quod nunquam a nobis est negatum, nihil profecto est cur quidquam iterum notemus, præsertim cum ea quæ Cl. Provocator respondet, hic quoque, ut ubique, talia sint, ut eorum infirmitatem Lector quisque per se possit animadvertere.

Nam quartam certe observationem ego dixeram *judicio gravissimi ejus Auctoris Bohnii, nihil aliud probare, nisi a ductu hepatico aliquid bilis folliculo infundi*. Provocator autem fidenter Lectorem rogat, ut Bohnium consulat; quasi vero Bohnius (a) in laudato ab utroque nostrum Progymnasmate XVII. diserte scriberet: per eam observationem *omne dubium tolli*, quod per canalem hepaticum descendens bilis pene tota in folliculum divertat, non, ut ego fideliter retuli quod a ductu hepatico *ALIQUID fellis folliculo infundatur*: quam sententiam Bohnius, tanquam summam omnium illarum observationum, ad oram quoque sic iteravit: *A ductu hepatico ALIQUID bilis vesicula recipit*. Quintæ autem observationi quorundam videlicet animalium, vesiculam ab hepate prorsus disjunctam habentium, cum ego aliorum vicissim observationem opposuerim, quorum ductus cysticus, & hepaticus seorsum pergunt, & seorsum intestinum pertundunt; ipse quidem ignorare se, ostendit, tum quænam hæc sint animalia, tum quantam hæc vim habeat objectio. Sed eruditi Lectores ea quænam sint, ex Blasio, Malpighio, Redio, aliisque, & in his ex eodem Bohnio in eodem laudato



dato Progymnasmate non ignorant neque nesciunt in quibus cysticus ductus omnino sejunctus sit ab hepatico, in iis certum esse, bilem ex hepatico per cysticum in vesiculam non ire; in iis autem quorum vesicula ab hepate prorsus sejuncta est, in iis tamen non esse *indubitabile*, *potissimam hepatici ductus biliarem sarcinam ad eandem vesiculam deferri necesse esse*, praesertim si *difficilis*, *longa*, *acclivis*, vel *retroversa*, & una denique ad hanc via sit; contra facilis, neque raro multiplex ad intestinum; quæ res nimirum non illud indicant, de quo nunquam disputavi, esse præterea aliam ad folliculum viam, sed hoc quo de agebatur, atque agitur, satis indicant facilius esse majorem bilis partem in intestinum eorum animalium, quam in folliculum ire. Hoc enim est quod ipsum urget, hoc quod ejus *rebus refragatur*, utcumque tergiversetur, & *se fatiget*, ac *clamitet*. Nam contrarium ipse *indubitabile* esse, asseruerat, & per istiusmodi *nervosissimas* observationes magnifica Geometrarum formula, probatum esse, pronunciaverat, ut adhuc, vel in *homine ipso*, pronunciat. Quod si id forte in iis animantibus probare potuisset; num continuo in *homine* in quo longe alia biliofarum viarum est dispositio, probasset? Certe ego ab ea viarum dispositione quæ in objectis a me animantibus observatur, non deduco, ut ipse interpretatur perperam, similem esse oportere structuram, similemque bilis cursum in iis quæ ipse memoraverat, animalibus, imo illud in quo objectionis vis potissima est, deduco: tantum abesse, ut ex animalium, quæ ab humana structura discrepent, observatione propositus iste in homine bilis cursus *indubitabiliter*, & *nervosissime* sit arguendus, ut vel in ipsis animantibus alia sint in quibus oppositum prorsus bilis cursum agnoscere necesse sit. Cur igitur qui merito tunc me increparet, si ex variae structuræ animantibus eundem esse bilis cursum in aliis animantibus, intulisset; non meritisimo se ipsum increpat, qui ex viperis aliisque ab homine tam discrepantis structuræ serpentibus, eundem revera in homine bilis cursum esse, intulit. Sed quid se increpet, qui me illa quæ de cystis & de bilis ductuum structura omiserat, notantem, non dubitat ad *Lectoris qui suam hanc videt, perpenditque Historiam*, *judicium* trahere, perinde ac si Lector de his, aliisque ejusmodi rebus etiam alibi tam fidenter appellatus, utramque illius Editionem *Historiæ* conferre non posset, ac quæ in prima vere omissa, in hac me admonente, tandem addita fuisse, agnoscere.

35 In XIV. Animadversione sunt alia quæ, etiam tacentibus nobis, per se facile perspicere Lectores queant. Illud præ cæteris grave mihi, atque intolerandum, de quo ne pluribus aliis in locis querar, in hoc uno queri liceat. Quæ enim ratio alia facilior, eademque acerbior male mihi faciendi excogitari poterat, quam ipsa mihi Cl. Provocatoris verba tribuere? Id ejus sæpe facit Typographus, sublatis ex meorum *Adversariorum* locis a Provocatore adductis, omnibus indiciis & notulis, quibus ego caveram, ne hujus verba quæ ut impugno, sic inter mea fideliter afferro, pro meis unquam ab incauto aliquo Lectore acciperentur. Quæ si restituantur verborum discrimina, hoc est, si (quod cauti omnes Lectores facient) objectiones meæ in meo, non in Provocatoris libro legantur; id unum videlicet satis erit, ut omnes intelligant, multa multis in locis, & in hoc præsertim ipsum scripsisse, quæ nullam a me postulent responsum. Quod enim primum *obtrudit*, me *huic suæ, communique sententiæ* (de cystis bile ab adjacentis ventriculi turgentia ad exitum compulsa) *de more irasci*; ego neque irascor, qui ab iracundia natura, & institutione alienissimus sum, neque istam sententiam omnino improbo; quæ causa fuit ut quibus illa *firmatur*, *rationes* a me excuti, non oportuerit. Sed in his tribus dumtaxat hæreo, I. quod *pervulgatam*, ut ego scripsi, sive, ut nunc ipse confitetur, *communem* sententiam se dixerit *invenisse*. II. quod turgentiam illam ven-

triculi *sine ulla dubitatione etiam*, a fermentativa, *rarefcentia quadam*, deduxerit, de qua sane plures Viri Gravissimi dubitant. III. quod tres quas ut ei faventes sententiæ produxit, observationes tam *conspiciæ* in eo sint, quam ipse existimare se, ostenderit. Et continuo causas cur illæ observationes non *ita conspicuæ* videri possint plures subjicio, alias quidem ab aliis, ut in transitu ipse indico, leviores, gravioresve censendas, sed universas tamen, & singulas sane ejusmodi, ut rebus quæ *conspiciæ* essent, tot, & talia ne videri quidem adversari debuissent. De his tribus primum ipse, ut diximus, hic diserte confitetur: alterum alibi discussurum se, dictitat; quamquam nisi alia atque ostendit, incedat via, non magnopere profecturus videtur: in tertio conatur insistere; sed quasi nihil hic aliud ageretur nisi ut objecta a nobis, utcumque discuteret, ita in vi trium suarum observationum tuenda prolixus est, ut hoc ipso satis superque comprobet, me non sine causa dubitasse, an *ita conspicuæ* essent, quæ vix tot verbis tantoque labore videri fortasse possit, utcumque defendisse. Quamobrem cum ita quod mihi satis est, habeam; idque præcipuum mihi propositum fuisse, illis qui mea quidem *Adversaria* legerint ex eo verbo, non *ita conspicuum*, alia characterum forma sæpe inculcato; luculentissime appareat; nihil est causæ cur omnem istam defensionem refellere aggrediar.

36 Quædam tamen quæ nullo modo prætermitti possunt, attingam. Nam quod in prima observatione *plurima omittit*, & *mutilare* me, queritur, *potissimam in observatione nervi partem facientia*; minus inepta hæc esset querela, nisi post ejus verba in *aliis autem*, de meo continuo (a) adderem *contra*, qua una vocula & quod pluribus ipse verbis, satis significo, & tamen ut meam, extra commata ipsam scribendo, indicium Lectoribus ultro facio, ut si ejus prolixitatem desiderant, ipsum consulant. Quod vero in iis quæ obijcio *obscuritates*, atque *confusas interjectiones* (an arte, inquit, positas?) esse, dictitat; sane qui eadem apud me, suis discriminibus inter mea, ipsiusque verba appositis distincta, non ut hic apud ipsum, discriminibus (an arte?) sublatis, confusa, non omnino oscitanter; presse enim sunt scripta; perleget, judicare is poterit, num egeant, cl. præsertim Provocatoris, benigna opera, ut, a *tenebris patienter expediantur*, & *evolvantur*, *bonamque in lucem quantum liceat*, revocentur.

Quantis autem a tenebris revera expedire, me admonente, conetur, & in lucem, quantum tamen licet, revocare quæ ipse ambiguis verbis, & parum inter se consentientibus scripserat, & nihilominus *conspiciæ* esse, affirmaverat, Lectores videbunt, præsertim cum adhuc memoret *analogiam hepaticorum ductuum cum seminalibus ductibus* a se institutam, quo loco certe hæc scripserat, quæ adhuc scribit: *Hinc quia semen non semper in urethram derivari debet, sed solo coitus momento; sic non solum vas deferens oblique immergitur in urethræ tunicas, sed insuper ad vasis ejusdem osculum in urethræ sinum annulus jacet muscularis quidam, seu caruncula, continuam illius percolationem impediens: Quæ jam bene quadrant cum caruncula, & obliquitatis machina ad excursum & insertionem canalis hepatici in intestinum positis, ac nullo alio naturaliter, præterquam chiloideos tempore, biliosæ ibidem quantitatis influxum permittentibus*. Hæc enim qui scribat, quis eum unquam putare possit assiduum bilis influxum in intestina non negare? aliter namque illa superiora de semine quomodo bene quadrare cum his possent? Non negat tamen; imo istis ipsis verbis illum assiduum bilis influxum docuisse se, dicit, & *solum* assiduum *nimiæ quantitatis fluxum* negasse; quasi aut *nimiæ* ibidem scripsisset, aut per institutam cum iis quæ de semine protulerat, comparisonem ibidem scribere potuisset. Quid? quod paulo ante, Deum fidem implorare non dubitavit, quod ego *tam indebite* (sic enim ait) *siluissim atque dissimulassim* rem

1000

1001

1002

106



rem toti pene humano generi vulgatissimam, quæ denique hæc est: quidpiam hepaticæ genuinæ bilis per choledochum ductum in intestinum semper illabi, perinde ac si Docti omnes Viri tanquam certissimum, ac necessarium agnoscerent assiduum istum in intestina bilis defluxum, neque; ut Veteres omittam; Glissonius (b) testaretur, sæpe se intestinum e regione hujus insertionis aperuisse, semperque ductum hunc occlusum deprehendisse, & propterea manifestum esse, humorem biliosum haud perenni cursu emigrare; neque; ut alios Recentiores sileam; Gulielmus Cole (c), ex quo noster, quantumvis dissimulans, plura videtur sumpsisse, diserte traderet, prius impleri ---- necesse habere vesiculam, quam bilis hepatica in intestinum erumpere possit: & infra: per sat longum tempus occludendam esse, ut illud præstetur, ductus communis in intestinum aperturam, quo intervallo nil biliosi laticis chylo affundi potest. Verum si istum bilis defluxum cl. Provocator assiduum esse, contendit; quomodo conspicuam esse vim, tuetur secundæ observationis in qua tanquam peculiare Cervi. Equi, aliorumque dumtaxat quæ pene continuo devorant brutorum, ponit quod profluat indefinenter per ductum hepaticum ---- bilis ad intestinum, ibidem ad continuam pene functionem necessaria? Cum enim ipse nunc fateatur, usum insertionis & caruncula esse pariter in iisdem illum, quem supra ( hoc est in homine & aliis plerisque animantibus ) descripsit; nempe „ liberum „ bilis, ejusque quantitatis „ seu copiam, cursum quidem inhibere, leniorem vero continuum minime inhibere; certe, in defluxu hoc bilis quem in omnibus & continuum, & leniorem agnoscit, non magis conspicuum est, quid peculiare tandem habeant Cervi, Equi aliæque animalia cysti destituta, quam conspicuum sit cur inter hæc nunc annumeret; ne de aliis quæram; glires sine ulla exceptione aut dubitatione, & chameleontem, cum hujus certe felleam cystim & descriptam, & pictam videamus tum a Præstantissimis Viris Parisiensibus, tum a Celeberrimo, eodemque Diligentissimo Rerum Naturæ Contemplatore Antonio Vallisnerio (d), in gliribus autem ( quantum quidem nostris in regionibus observatur ) eandem cystim haud deesse, non ego modo animadverterim, qui parvam potius, sed ante me experientissimus Redius (e) qui magnam, longeque crassissimam invenit. Hos novos igitur cum addat errores, quis putet veteres delevisse?

37 Itaque postquam illa protulit quæ adversus tertiam observationem a nobis scripta fuerant non tantum hæc, & quæcumque prioribus objeceramus, ita se credit, ut opus erat, discutere, sed contendit, objecta nostra illa ipsa esse, quæ suum summopere institutum adjuvant, atque tueantur, & a quolibet impostero dubitandi loco firmissime vindicent. Hic autem est ubi antiquos errores confirmat, & manifestiores omnibus facit. Nam longissimo quem hinc orditur, sermoni quasi fundamenti loco præstruit quandam, secundum variam capiendi digerendique cibi rationem, institutam divisionem animalium. Ex herbivoris autem, dirimit non ruminantia, ut equos, mulos, cervos & cat. a ruminantibus, seu bobus, ovibus & cat. Hancque rationem secutus, denique suum illum sermonem his verbis concludit: Interea herbivoris ruminantibus brutis fellea cystis conceditur, ut bobus, ovibus & cat. non ruminantibus vero plerumque denegatur, ut cervo, equo & cat. idque ob superius adductas rationes in §. III. Cap. XIX. Partis 1. hujusce Historiæ. Præclaras vero, atque conspicuas rationes quæ id quod neque est, neque unquam fuit, confirmant: cervum videlicet inter non ruminantia cum equis poni, qui omnino inter legitima ruminantia cum bobus, ovibus, capris ponendus fuerat. Quis enim inficietur, Ruminantium bisulcorum esse ge-

Morgagni Epistola Anat. II.

nera quatuor summa, ut ( f ) Peyerii verbis utar; tritissima, bubulum, cervarium, ovillum, caprinum? Neque magis conspicua sint oportet rationes illæ ob quas brutis non masticantibus, seu avibus cl. Provocator statuit inditum esse membraceum ventriculum ad finem colli seu super cor, 1005. atque pulmones locatum, quem avium ingluviem dicimus; nam neque cunctis avibus inditus est, & est quidem ad finem colli, sed non ita super cor, atque pulmones locatus, ut id præterea addi oporteat, nisi velimus, Tirones credere intra thoracem esse conditum. Quid? ubi illum quem alii secundum ventriculum, alii corpus tubulosum, alii aliter vocitant, verum ipse horumce animalium pancreas esse putat; num ibi conspicuum est, 1008 an meminerit, suum iisdem animalibus esse pancreas, idque, ut alii jure meritoque censent, legitimum, verillimumque; vel si hoc meminit, quodnam denique eidem munus atque usum assignet? Mitto œsophageas illas glandulas quas pulli Gallinacei videtur credere esse proprias, mitto istiusmodi descriptiones harum omnium, omnibus, & mihi certe qui illas, non ut ipse superioribus 1009 diebus, sed jamdiu observatas, descriptasque habeo, notissimarum partium. Illa tantum mihi satis est a Lectoribus clarissime perspicui, in quibus me hæere professus sum: Num esset ita conspicua producta causa, cur quædam animantes fellea vesicula careant, videlicet perpetua stomachi turgentia, quando is qui tot tantisque conatibus meam 1010 explodere se credit instantiam, hanc confirmat, mecum fatendo, sane nullam in avibus hujusmodi turgentiam esse posse, cum tamen quædam aves non desint ea vesicula carentes: Num in universum ejusdem stomachi turgentia in tribus illis propositis observationibus, totoque illo capite unice spectata, vis ita conspicua esset, quando nunc non ad meas modo, sed ad aliorum objectiones, ut dicitur, delendas, revera prima illa sententia 1015 deletur, vel certe plurimum mutatur, addita intestini duodeni turgentia, imo hujus, & ventriculi concussionibus: Num denique illam invenisset sententiam, qui nunc tres saltem laudat Auctores 1011 qui in eadem ante se fuerint; quanquam Bohnius ( g ), ille Bohnius quem nunquam nominatum ab ipso esse, præstitisset, non pro illa ut ait, propugnat, nec ea quæ ex eodem profert, asserit, sed tantum, non adeo præfracte negare se, scribit, neque postremo illud adjicit, aut his verbis, quamvis, seu fideliter descripta, aliis litteris edantur, adjicit experimentum, aut ex hoc ipso id quod Provocator ait, probare intelligit; sed ante duodecim bene longas paginas jam propositum, & paucioribus quidem verbis propositum, contra Backii & Sylvii hypothesim diserte torquet. Hæc omnia ubi Lectores animadverterint, tum censerebunt an jure possem hic mihi jam de victoria plaudere, si ego tam faciles unquam victorias adamavissem. 1016

38 Porro in his etiam quæ sequuntur, quam facilis victoria esset quis animadvertere non possit? Agitur enim de Animadversione jam supra a nobis confutata. Agitur de glandulis lumbaribus, quibus olim alio in loco a Provocatore cl. chyli cisterna vicina esse dicta est, nunc in unum idemque corpus composita cum ipsis dicitur. Agitur de Th. Bartholini super hisce ipsis rebus ab Anatomicis nunc passim rejecta, ne dicam pene deserta, sententia; & Lectores ad eundem, de cujus sententiæ veritate quæritur, Th. Bartholinum amandantur. Agitur, inquam, de hisce rebus; atque ut de his verum protinus dignoscatur, consulendus proponitur tum „ Tit. de Chyli in venas propulsione num. 78. „ in Medicis Cel. Boerhaavii Institutionibus, qui tamen Titulus sive sub eo, sive sub aliis numeris in earum saltem ( nam primam nondum vidi ) secunda, tertiave Editione, nunc unice attendenda, non occurrit, tum Bohnii Circul. Anat. Progymnasm. VII. & XIV. quorum tamen 1017 illud



illud de Nutritione est, hoc vero de Urinæ secretionem, atque Excretionem; ut vel ex hisce penes quem sit verborum artificium, non difficile intelligatur. Quid? quod nullum quemlibet, vel in anatome versatissimum, similia alia in humano corpore ejusdem mechanicæ functionis exempla invenire posse, confidit cl. Provocator, non videns nimirum, quam sua illa prior tum sensim aucta, tum perstans singulis vicibus, turgentia ventriculi, & repentina, atque alterna Arteriæ magnæ turgentia dissimiles sint, præsertim cum in hac sit magis percussione vis, quam turgentia, spectanda: neque contra videns, quam sint inter se similes pulsatio trunci ejusdem Arteriæ in chylo per vicinum thoracicum ductum evehendo, & pulsatio inferiorum arteriarum in sanguine per venas proximas attollendo. Nam quod nihilominus quærere non dubitat: Quorsum igitur insulsa exhibitatione? ut de certis quibusdam fane non insulsis exhibitionibus in præsentia quidem fileamus; certe quænam revera sit insulsa interrogatio, ex iis quæ mox quærit, omnes intelligent, qui quidem inter docentem, & in loco ridentem quid intersit, non ignorent. Illa vero altera interrogatio: „ Quid „ autem de inconstanti nostra super fibrosum cystis „ annulum assertionem Clarissimus noster effingit? „ in quemnam Clarissimum recidat, manifesto cognoscent, ubi uter nostrum effingat, animadverberint. Nam ego ut illam inconstantiam ostenderem, cum loco in quo Provocator affirmat, eum annulum, potens ex se satis retinaculum esse, alterum comparaveram locum in quo ab eodem annulo scripserat nullimode vetari descensum bilis in cystim ideo delabentis non quod a magna aliqua potentia urgeatur, sed quod tota libere in intestinum illabi nequeat: quem quidem locum fuisse a me ad comparationem assumptum, luculentissime demonstrat Theatri pagina 379., quam, ad illam comparationem, in libri ora (a) indicavi. Clarissimus autem noster, quasi non illam ibi, sed paginam 380. indicasset, effingit, longe alium ex hac locum a me ad comparandum assumptum esse. Itaque cum in ipsum recidit illa sua interrogatio, tum hæc quoque altera: Quo igitur Conscientiæ consilio scribere hæc potuit cl. Censor? atque huic subiecta conclusio: Fictæ igitur, ac prorsus inanes sunt mihi istæ res imputatæ. Postremo num biles ego, an ipsum potius confundam, omnes poterunt existimare, qui ad meam quandam objectionem hæc respondere coactum videant: quasi quod in cervo, equo, aliisque herbivoris brutis, tenerrimas, facillimeque solubiles substantias pascentibus; eadem opus foret ad acuendam bilem præparatione, quæ quidem in homine, aliisque carnivoris animalibus requiritur. Qua nimirum responsione hæc duo affirmat, alterum diserte: equos qui, ut omnes norunt, totam certe hyemem ficcis, asperis, duris aluntur cibus; si cum homine comparentur tenerrimis, facillimeque solubilibus substantiis vesci; alterum non diserte quidem, sed sic tamen ut ex iis quæ dicit, consequatur: præparatione ista bilis, hoc est ea quam in vesicula quiescendo nanciscitur, non opus esse aliis bestiis, quæ iisdem quibus equi alimentis vescantur; in quibus tamen bestiis ut ea quæ in equo deest, vesicula, non deest; sic neque ea deest quæ in equo, bilis quiescentis præparatio.

39 Sed hæc levia sunt præ iis ad quæ in XV. Animadversione affirmanda compellitur. Scripserat in Historia sua, vesiculam fellis dividi communiter in collum cervicem, & fundum, colli nomine cystico ductui assignato. Ego vero notavi hunc locum, scribendo: imo Recentiores vesiculæ cervicem, & collum idem esse, communiter docere. Qui suam manifestissimam deprecari hallucinationem honestius poterat, eandem, ut infra patebit, videri volet hic defendisse. Sed quomodo sperare id potest, qui continuo id verum fateri quod ego scripsi, cogatur, videlicet inter Recentiores

Anatomicos in vesicarum omnium descriptionibus colli, & cervicis vocabulis veluti synonymis uti 1019 communem esse morem. Attamen quid agitet, attendamus. Initium ab longe alia controversia ducit: deceatne atque oporteat, hunc morem ab Anatomicis retineri, id quod constat me affirmavisse, an vero contra desistere necessario debeant; collum vesicarum ipsum ab ipsa distinguendo cervice, id quod Provocator hoc in loco vehementissime contendit. Lis est, quod Vir Doctissime intelligis, de nominibus; ejusmodi autem lites & ipse averfari soleo, & sapientes video non probare, nisi forte aliquis (id quod ego facio) mutationi valde obfuturæ, neque aptæ, neque necessariæ vocabulorum se opponat. Verum noster ab gravissima quadam causa ad hanc ipsam mutationem se fuisse permotum, asserit, ut qui hoc ævo in tanto Anatomia lumine collocato vitam ducat, atque in anatomicis dissectionibus, atque anatomicorum librorum lectionibus jam prope consenuerit; quasi unus ipse hoc ævo Anatomicus viveret, unusque in Anatomicis exercitationibus, atque lectionibus consenuisse videri posset, qui neque adhuc senex est, & cum hanc primum mutationem invehere conatus est, ea adhuc ætate erat, quam ceu juvenilem, ut infra videbimus, excusat. Sed utcumque est, fructum istarum tam assiduarum, ac diuturnarum lectionum inspiciamus. Primum controversia nostra erat in bilis, & urinæ vesica; ipse vero ad Uterum transiit, quem insigniorem animalium vesicam esse, ac quolibet vesicarum privilegio exquisite gaudere; nulla tamen eorum quos se adeo legisse dicitur, Anatomicorum auctoritate producta, sine ulla ponit dubitatione. Deinde duo Principis Anatomicorum Galeni profert loca, quorum alterum esse ait in extraordin. Comment. V. Aphor. 46., alterum in libro Anat. vivor. quasi ipse assiduis suis lectionibus invenisset, revera a Galeno scriptum esse hunc librum, quem inter spurios Viri Eruditissimi rejecere, aut alium esse Galeni in Aphorismos Commentarium, quem ordinarium vocaremus. Hæc autem loca; ut quæ mox commemorabimus, omnia, ad Uterum non ad eas quibus de agitur, velicas pertinent, neque ex iis tamen constat, cervicis, & colli vocabulis diversas uteri partes Galenum, aut alterum illum, quicumque is fuit, scriptorem indicavisse, sed os uteri quam nos cervicem, collum uteri quam nos vaginam, iis quidem in locis appellavisse, aut appellandas censuisse. Post hos Falloppius dicitur scribere, quam nunc uteri cervicem vocamus, cervicem jam fuisse a Veteribus vocatam, ut a Galeno, Sorano & cat. Si Falloppium, quem id scribere dicit, at ubi scribat, non dicit, in Observationibus Anatomicis forte legit, quam parum accurate legerit, hæc vera ejus verba indicant: ab antiquis anatomicis Galeno scilicet, atque præcipue a Sorano in tract. de utero vocatur (vagina) αἰδοῖον γυναικείον, nec non etiam κόλπος γυναικείος, nunquam autem cervix. Producitur deinde Laurentius: qui tantum abest, ut colli, & cervicis nominibus varias uteri partes distinguat, vaginam collum uteri aut cervicem dici, & scribit, & ipse dicit. Quamobrem is ipse qui pro se produxerat, cl. Provocator celeberrimum Doctorem reprehendit, & qui tam sæpe exprobrare nobis haud dubitat quod Auctorum lapsus non sine causa adnotaverimus, Laurentium ipse in gravem quandam confusionem cecidisse, immerito affirmat, nimirum quod cervicis nomen (id quod est in nostra quæstione) cum collo seu vagina confuderit, & „ hanc quam superius tertiam esse uteri partem constituerat, nunc „ secundam pronuntiet „ cum tamen neque tertiam esse dixerit, sed quam tertio loco, ab summo ad imum descendendo, nominaverat, ab imo ad summum secundum secantium quem diserte profertur ordinem, redeundo, secundam a pudendo invenerit, atque, ut par erat, descripserit. Novissime Diemerbroeckium laudat, & Bartholinum, quo nomine cum tres



tres intelligi possint Scriptores Anatomici, non est mihi tamen necesse quem intelligat, quærere, neque eorum aut Diemerbroeckii libros adire, quando ex ipsis utriusque productis verbis constat, hunc vaginam *collum uteri majus*, illum cervicem *collum breve*, seu *minus* appellavisse; neque enim quidquam adjunxissent, si *colli* vocabulo unam tantum uteri partem licere intelligi, credidissent. Atque huc tandem redeunt tot illæ, & tam diuturnæ, in quibus noster *consenuit*, Anatomicorum lectiones, ut ne unum quidem cum maxime cupiat, proferre Auctorem valeat, qui *colli*, & *cervicis* appellationibus diversas uteri partes designaverit.

40 Et tamen tres saltem erant qui id fecerunt, & ad eum sane prorsus modum qui ab ipso laudatur, unus qui ante hos sexaginta annos vivebat, & cujus liber in omnium adhuc est manibus, reliqui autem duo Veteres illi quidem, & Græci, sed quorum quod superest non semel editum, & latine redditum, ab iis ignorari non potest qui anatomica Oribasii volumina, aut Vesalii de humani corporis fabrica editionem Venetam, aut, ne longus sim, saltem Riolani Anthropographiam, saltem Bauhini Theatrum Anatomicum mediocri studio versaverint. Quinam sunt igitur? Libenter dicam, ut qui sæpe adeo meam accusare fidem non dubitavit, quasi ejus verba, contradicendi causa, mutilare, si Diis placet, solitus essem, tandem aliquando intelligat, eo me veri studio agi, ut quæ maxime pro ipso faciunt, cum dissimulare possem, ultro proposuerim. Nimirum ille est Jo. Hornius, hi vero Moschio, & Soranus. At quamvis hi duo sic fecisse neque obscure videantur, & certissime dicantur; tamen multis de causis quas nunc singillatim recensere necesse non est, nunquam propterea existimavi, decere atque oportere eos sequi potius, quam cæteros aut ætate, aut instituto, aut auctoritate longe ipsis anteferendos.

Nam ut de ipso Hippocrate nihil dicam, quem *uterorum cervicis* nomine interdum saltem ipsam vaginam appellavisse, non videtur dubitandum; Ruffus Ephesius Vir Doctissimus, cujus institutum fuit libris tribus corporis humani partium appellationes proponere, quam nunc uteri cervicem dicimus, promiscue *Cervicem*, atque *Collum* vocari, docuit (a). Hunc alii apud Veteres Viri Eru- ditissimi secuti sunt. A Galeno autem, quem unum cum dico, quidquid fere apud Veteres fuit hac in re auctoritatis mihi sane complecti videor, vaginam *communiter αὐχίνα τῆς μήτρας* (hoc est cervicem uteri) *nonnunquam πρῶτον, collum vocari*, pluribus ejus productis locis ostendere occupavit Casp. Bauhinus (b). Quæ cum ita sint etsi hic de quo dixi Moschio, & hic Soranus ita *cervicis*, & *colli* vocibus sint uti, ut apud Anatomicos varias indicare partes crediderint; haud licere tamen nobis eorum judicium sequi, non dubito, nisi velimus ostendere, alterutrum nos ignorare, vel si ante Ruffum, & Galenum scripserunt, ab his tanto ipsis majoribus Viris eorum sententiam fuisse improbatam, vel si post ipsos, non posse igitur vetustioribus illis omnibus, verisque Anatomicæ Facultatis Principibus sic anteponi, ut quorum nominum promiscuum illi usum esse, voluerunt, nos horum auctoritate permoti, longe alium facere contendamus, præsertim cum Hornius qui id, ut opinor, tentavit, si forte istorum morem atque institutum longo intervallo referre posset, neminem, quod nunc succurrat, de tot Præstantissimis Anatomicis invenerit, qui sibi licere non ignobilis scriptoris, & aliquot ipsorum Magistri exemplum sequi arbitraretur: quinimo Hornius ipse (c) qui in *Microcosmo* suo uterum, ut indicatum est, in *fundum*, *cervicem*, *collum* & *sinum pudoris* diviserat, in *Microtechnè* (d) postea illuc rediit, ut quod *collum* dixerat, *vaginam* appellaret.

41 Itaque ego, qui ejus divisionis, ut Hornium mittam; Moschionem, & Soranum Auctores haberem, non tamen censeo quod ipsi fecerunt, Morgagni Epistola Anat. II.

idem facere nos posse. Cl. autem Provocator, qui nulla, nisi ea quæ supra vidimus, Anatomicorum loca produxit, nequaquam dubitat, qualiter rem confecisset, pronunciare: *jam luce clarius esse, uterum cum memoratis Anatomie Antistibus* (ita enim scribit) *dividendum esse in fundum, cervicem, & collum*: & cum ita scribat, de vi tamen vocum judicium ferre non veretur, & Chymicorum *matracia*, ac *retortas*, quasi instrumenta Latinis notissima, eorumque partium appellationes in medium adducere. Atque utinam de his tantum modo verba fecisset; neque, de animalibus loquendo, scripsisset. *collum anterius nemo unquam cervicem denominat*. Nam primum Latinorum omnium Medicorum Magister, Cornelius Celsus cum aliis in locis, tum maxime lib. 7. cap. 13. *collum anterius cervicis* vocabulo aperte significat, hoc illi capiti initium faciens: *At in cervice, inter cutem & asperam arteriam, tumor increscit*.

Deinde si quod Provocator contendit, anterior colli pars *proprie collum nuncupatur*; cur ipse scribit *collum anterius*? Nimirum sentit, *colli* vocabulo, nisi aliud addas, cervicem quoque comprehendere; in uteri igitur appellationibus quomodo *colli* audito vocabulo, cervicem excludi intelligemus? At *cervix*, inquit, *proprie dicta, capiti immediate connexa est*. Quid? reliquum collum num capiti *immediate* connexum non est?

Quomodo ergo in utero *collum* id esse intelligemus, quod inter, & fundum media sit *cervix* interposita? At animalis, inquit, colli *cervix superior regio* est, reliquum collum *inferior, longiorque productio*: sicque in utero pars *superius posita cervix*, pars *inferius sita, & longius producta*, hoc est vagina, collum dicenda est. Quid vero si in animalis collo *cervix* illa ita collo reliquo superior est, ut cum *ad posteriora locum tenet*, huic collo superimposita non sit, sed postposita. Quomodo igitur in utero *collum* esse intelligemus non quod antepositum sit cervici, sed quod suppositum? Quid tandem, si in animalis collo ita magis producit ad inferiora collum anterius, ut tamen hoc totum longitudine cervicem non æquet, imo, secundum Elsholtii (e) mensuram, ultra dimidium ipsa cervice brevius sit; quomodo in utero *collum* esse, intelligemus, quod cervice ultra dimidium longius sit?

42 Sed quis hæc non videt, & cum hæc videat, non intelligit, quot, & quibus de causis propositæ a cl. Provocatore uteri partium appellationes ad obscuritatem, & *confusionem* inducendam aptissimæ sint? Ipse tamen clamat, his esse utendum, nisi velimus in novas confusiones elabi, easque Tironibus nostris oggerere: increpat incautum hætenus Anatomicorum morem confundendi in *vesicis cervicem cum collo*: prædicat, *se anatomicas res clarius, & facilius edocere*. Sed quando ejus claritas, atque facilitas quanta sit, vidimus; æquum est, ut quænam cæterorum sint confusiones, & quinam incautus hætenus mos, videamus. Nonne ipse fatetur, apud plerosque recentiores *cervicis nomen* ei parti uteri quæ inter fundum, & vaginam est, esse *unice, & constanter servatum*: subjectum autem cervici tubum *vaginam dici plerumque consuescere*? Est ergo hoc tempore communis, hoc est, plerorumque Anatomicorum mos Uterum in *fundum, cervicem, & vaginam* dividere. Plerorumque pariter est mos Vesicam urinariam cum toto suo excretorio ductu spectatam in *fundum, cervicem, & urethram* partiri; omnium vero, quantum quidem in præsentia memini, Vesiculam fellis similiter acceptam in *fundum, cervicem, & cysticum ductum* tribuere, semper autem in Vesicarum divisionibus *cervicis & colli* nomine promiscue uti. Atque adeo Hornius ipse, qui uterum in *fundum, cervicem, collum & cat.* diviserat hoc postea ut supra dictum est, *vaginam* maluit vocitare, neque unquam in urinariæ, aut felleæ vesicæ



ficæ divisionibus a plerorumque more, modo proposito, recessit, & quam in *Microcosmo* ( f ) Veficæ urinariæ *cervicem* dixerat, in *Michrotechne* ejusdem *collum* appellavit ( g ). Quid tandem Provocator invenit in communi hoc more dignum ut vocetur *incautus*? Quas *confusiones* ex hoc existere, ut sit omnino deferendus? Num quia Veteres quod nos vaginam, & quod nos initium urethræ, vocarunt *collum*; nos aliter vocantes, *incauti confusiones* inducimus? Hoc si est; ipsi quoque commune est; nam utrumque Veteres *cervicem* etiam appellavere, quod contra, ipse faciendum pernegat. *Confusiones* autem hoc ipso quot, & quantas *incautus* inferat, paulo ante ostensum est; sed illam præterea *confusionem* quæ ex ipsa præsentis consuetudinis mutatione oriretur, certe invehit is, qui pro mutatione pugnat, avertunt ii qui mutationi adversantur, hac præsertim ratione permoti quod si in eo nominum utilitas est, ut loquentes intelligamur, sane illa quæ magis nostra ætate communia sunt, tanquam utiliora servanda sunt. Si qua autem maxime sunt communia, ea sunt profecto quæ paulo ante in cystis felleæ divisione commemoravimus, ut non modo hac, sed ne superioribus quidem ætatibus plures existimem fuisse qui, iisdem auditis nominibus, easdem partes non intelligerent. At tamen cl. Provocator perinde quasi tot, ac tam variis, & tam controversis fuissent vocabulis hæc designatæ, quot, & qualibus uteri partes vocatæ sunt, non dubitat quas in utero appellationes eo quo vidimus jure, constituit, easdem ad hanc aliasque veficas traducere; propterea quia eandem, inquit, *omnimode uteri partium habitudinem servant, nempe ex fundo sensim gracilescentes in cervicem, ex cervice in longum collum, si-ve excretorium ductum elongatæ*. Quod ipsum quam a vero alienum sit, cum ipsa Anatome ostendit, tum nostra illa, quam Provocator a suis partibus stare credit, Virginei uteri Figura commonstrat. Namque uterus ita creatus est, ut fundi ejus cavum jam prope cervicem angustius sit, quam ipsius cervicis; cervicis autem cavum postquam in osculo se se iterum contraxit, in latissimum canalem definat: quarum *habitudinum* in veficis neutra est.

43 Hæc autem omnia quæ sunt hæcenus a me discussa, si in unum colligamus; patebit, quod ad litem attinet de appellationibus partium Veficarum adhibendis, nihil a Provocatore actum esse, tum quia a Veficis ad Uterum transilivit, qui neque vefica est, neque eandem quam veficæ, partium habitudinem servat, tum quia ne in ipso quidem Utero licet commendatas ab ipso appellationes accipere; nisi multas, magnasque velimus in anatomen confusionis causas invehere, nulla cogente necessitate, nullo suadente, quod quidem ipse protulerit, non modo Anatomie Principum, sed ne unius quidem Anatomici exemplo. Quæ cum ita sint; ut non video, quomodo hæc ejus Animadversio *e vestigio deleat* quod ego in ea controversia senseram, quæ est de appellationibus partium Veficarum adhibendis, sic minime intelligo, quomodo id *deleat*, aut *delere* ullo modo possit quod in illa altera controversia scripseram, quæ est de appellationibus partium dumtaxat Cystis felleæ a Recentioribus nostris reapse communiter adhibitis. Nam quod ipse tanquam notissimum affirmaverat: hanc cystim *dividi communiter in collum, cervicem, & fundum*, negavi ego, propterea quia contra, notissimum est, *ejus cervicem, & collum idem esse, communiter docere* Recentiores. Quid responderi ad hoc posset, nisi erravi: *hallucinatus sum*. Vide quid respondeat, & ex uno hoc loco quid de homine sit existimandum, cognosces: „Cum ego, inquit, „dico de fellei folliculi corpore, *dividitur com-* „muniter in collum, cervicem, & fundum, illud

„communiter de his intelligo, qui Anatomie „Principum sensa percipiunt, ut supra, & di- „gnoscent; non vero de *ignorantia obsecatis*, „cystim ideo in collum, cervicem, & fundum „revera non dividuntibus; qui tamen, ni *caci-* „tatem cum pervicacia consociant, per superius „expolita, magisque in vindiciis eorum, quæ „ad urinariam veficam invenimus, atque alias „evulgavimus, suo loco exponenda illuminari „facile poterunt. „Pene exclamavi, cum hæc legerem: ( h )

*Nihil est audacius illis*

*Deprensus, iram atque animos a crimine sumunt.*

Jam supra vidimus, quænam Anatomie Principum, & nominatim Galeni quem merito *Principem Anatomicorum* universe dixit, *sensa* fuerint, utque ipsi omnino contraria. Faciamus tamen, non modo me, sed ipsum Bauhinum Galeni *sensa* non percepisse, neque dignovisse; & eos qui ipsa *perceperint, & dignoverint*, attendamus. Quosnam ut me convinceret, tandem produxit? Quosnam, non dico, ex vetustioribus tantum, sed ex paulo etiam minus recentibus, imo ex recentissimis Anatomicis nominavit, qui ita ut ipse, intellexerint, & aliud *cervicem* in cysti felleæ, aliud *collum* esse, scripserint? Profecto, cum maxime cuperet, ne unum quidem. Reliquum est igitur, ut illud *communiter* de se uno intelligat, qui *Anatomie Principum sensa* percepit, ut supra, & dignoverit, cæteros autem quicunque post eos fuerunt, aut sunt, Anatomicos, omnes dicat ( quod alias de Medicis Recentioribus tantum dixerat ) *turpissima potius ignorantia obsecari maluisse, & malle*, quam a Veterum Codicibus, aut ab ipso, unico, si Superis placet, eorum Interprete illuminari, ac verum discere. Et erit quisquam ( nisi forte vera *ignorantia obsecatus* ) qui oportere credat, me quidquam huic homini respondere, aut has, aut illas quarum tam nervosum hic præbuit specimen, aut alias ejus seu *vindicias*, seu provocaciones attendere! Velut hanc, quæ sequitur, proximam.

44 „Quod, inquit, spectat ad concursum canalium cystici cum felleo ductu, Quis dixit *canalem cysticum a cervicis apice ad ductus fellei insertionem verticaliter produci*? en textum meum „utriusque editionis. „Ita meam fidem, qui id ipsum, ut ab eo dictum, notaveram, tam secura interrogatione in dubium trahit, eoque me non leviter provocat. Nonne omnes, nisi jam omnes ipsum nossent, fieri non posse, faterentur, ut verba illa eadem de quibus ad hunc modum interrogat, ipse scripsisset. Attamen scripsit; non in textu quidem quem produxit, sed in eo quem debebat producere. Textum enim producit, ad quem, nisi id revera facerem quod sæpius objicit, ut videlicet ordinem inverterem, respicere certe non potui, ut qui, discussam modo illam cystis *communem* divisionem præcedit. Textum autem omittit ad quem ut post eam divisionem positum, procul dubio respexi, hunc scilicet: *Producto hinc verticaliter a cervicis apice canali cystico; seu potius eodem vesiculæ collo ad ductus fellei insertionem ascenso*, hoc est, ut declarare ipse debui, *ascendente*: quod certe verbum, *ascenso*, pro *ascendente* usurpatum, a me fideliter in *Adversariis* ( i ) adductum & miserationis causa declaratum, cum omnes debet, tum Provocatorem ipsum cl. debuit admovere, me verba ipsius produxisse, non de meo effinxisse. Quid? si reipsa admonuit, nec permovit tamen, ut istam dissimulationem prorsus tolleretur, ut istam, facile adeo confutandam, interrogacionem deleteret. Certe enim vidit hunc locum, qui mox verba profert, uno tantum interjecto versiculo ab isto *ascenso* distantia, in quibus inconstanter, ut solet, nescio quid videri potest ab eo quod modo affirmaverat, ipse dissidere. Sed non propterea, quod affirmaverat, obliteravit; imo postea confir-



confirmavit, certe sæpius contra atque ibi diffidere videbatur, sensit, scribendo, canalem cysticum esse *ductum verticaliter ascendentem: altitudinem colli vesicæ esse perpendicularem*: bilem ex folliculo *verticaliter ascendere*: & canales thoracicum, ac cysticum, *ductus esse verticales*. Et si enim aliud est ductum cysticum ad perpendiculum ascendere, aliud, ad perpendiculum in hepaticum meatum influere; tamen ubi videri vult a prima illa sententia dissensisse, nihil aliud scripsit, nisi *ductum cysticum longitudini perpendiculari esse proximum*; ut aut ibi non dissenserit, aut si ibi, ut vult, dissensit, tot aliis in locis eandem illam sententiam confirmarit.

45 Sed hæc levia sunt; ad graviora veniamus. 1024 *Demus*, inquit, *quod absolute verticalem seu ad normalem lineam, esse dixerim concursum cystici tubi in hepaticum ductum: An verticaliter non producitur ductus cysticus D. in hepaticum ductum E. Fig. II. nostræ hujus Tabulæ VII.?* Nos quoque *demus*, id quod continuo subjicit, hanc ipsum Figuram *diligentissime effingi ex Archetypo curavisse*, quanquam res ostendit e sua naturali sede depositas, easque res, ut una ipsarum paulo mota loco id omne quod in controversia est, continuo mutet. Id, inquam, *demus*. Num illud cadaver regula Polycleti erat, ut ex illo (quemadmodum *Canones Medicis* scribere non dubitavit) Canonem Anatomicis faciat? Neque enim de uno, sed de plerisque cadaveribus controversia nostra erat; neque tametsi (quod alibi dixerat) *hunc iconismum cum Archetypis plurimis concordare curavisset*; ipsi tamen uni, in causa præsertim propria, plus quam cæteris credere æquum esset. Quid? si cæteræ omnes ejus Figuræ illi Canoni apertissime repugnant? Oñies enim cum horum ductuum concursum proponat; semel *verticalem, seu ad normalem lineam*, ut ipse loquitur, sive potius ad æquales angulos, ut multo cautiores loquuntur; septies ad angulos inæquales repræsentat; ut si velit, illam unam Figuram id quod plerumque est, exhibere, fateatur oporteat, reliquas omnes id quod raro est, demonstrare; ex quo sequeretur, plerasque ejus Figuras minus esse attendendas propterea quia cum paucissimis archetypis contulisset: quanquam quis credat, in una Figura conficienda in cadaver, ut pleræque sunt, constitutum incidisse; in reliquis, semper in cadavera, raro quodam modo disposita, incurrisse? Quid? quod, cum maxime cupe- ret, ne unum quidem invenire Anatomicum valuit, qui cum suo illo Canone conveniret. Sentio, me rem incredibilem dicere, cum ipse diserte provocet ad plures plurium Iconismos, tanquam maxime cum suo consentientes. Sed quo res minus credibilis est, eo magis omnibus facile est, vera sit, an falsa cognoscere, inde vero qua fide uterque nostrum sit, constituere. Provocat primum ad duas Figuras Bidloi, quarum una est 4. *Tabulæ LXII. Theatri Anat.*; altera in *sequenti Tabula*, est 3.; ambæ autem sunt in Bidloi ipsius Tab. XXXVIII. illa 5.; hæc pariter 3. In illa Provocator testatur, *nullum certe manifestum observari discrimen inter angulum, qui ab his concurrentibus ductibus O, & P, illumque, qui ab O, & Q. seu meatu cystico, ductuque communi procreatur*. Ego contra testor, *certe manifestum observari discrimen inter duos illos angulos*, ut primus sit acutus, alter obtusus, quemadmodum Bellinus docet. Idemque vel magis affirmo in altera Figura, in qua Provocator negat, eos angulos *acutam ad partes jecoris, obtusam ad partes intestinorum notabilem habitudinem exhibere*. Num possumus magis contraria testari, quam testamur? Num possunt ii quibus vel Theatri, vel Bidloi copia sit, quidquam facilius internoscere, quam uter nostrum verum, falsumve testetur? Inspiciant igitur, & judicent, uter nostrum *omnium admirationi magis obnoxius sit*, an ille qui quasi nemo has esset Figuras inspecturus, non tantum ad easdem provocat, sed secum ipse *apprime concordare esse*, jactitans, in me quædam, in eum merito recasura, Morgagni *Epistola Anat.* II.

etiam hic jacere non dubitat, an ego, si modo quidquam ad tam facile confutandum Provocatorum respondeam.

46 Post duos Iconismos Bidloi, ad totidem Glissonii provocat, *principis hepaticarum rerum scriptoris*. Hic vero artificium est nimis facile re- tegendum. Hos enim *principales ejus operis iconismos* esse, affirmat, si forte incautus aliquis propterea crederet, ad eam qua de agimus, rem demonstrandam fuisse potissimum elaboratos, qui vere ad ipsam vix, ac ne vix quidem pertineant. Nam si magnitudinem, si laborem, si rem propter quam præcipue parati sunt, attendamus; certe *principales ejus operis* sunt. Quid autem ad controversiam nostram hæc omnia? cum illi Iconismi, ut res per se loquitur, & Auctor confirmat, ostendendo *excarnato hepate adscripti* sint, eaque præparatio *hepar percussum, & bacillis deruncinatum, & subinde aquæ immersum* requirat: quæ dum fiunt, certe vesicula a sua naturali sede dissolvitur, ductusque de quibus loquimur, sæpe, & vehementer contrahantur, distrahantur, vexenturque necesse est. Tamen, præsertim si in libro ab ipso Glissonio edito illæ Figuræ inspiciantur, non prorsus utrinque æquales illi anguli inveniuntur, de quibus alioquin ibi ostendendis non valde Glissonius laborabat, ut qui superioribus Figuris omnibus, in quibus eos canales pingit, satis demonstraverat, iisque præsertim quæ vere huc pertinebant, & *principales*, quod ad hanc rem attinet, *eius operis* Figuræ sunt. Earum prima Capite exhibetur 16. ubi Experientissimus Auctor hæc sine ulla exceptione docet, & diserte scribit: *meatus vero cysticus B C. oblique inter utrumque incidens, angulum cum poro bilario acutum, cum ductu autem communi obtusum constituit: quemadmodum in schemate videre est*. Figura altera in proximo capite 17. prima occurrit, ubi de iisdem canalibus scribit; *quippe vasa illa HAUD ALITER constructa sunt, quam in opposita figura videre est*; in ipsa autem illos angulos, & quidem singulos in suo genere eximios, ostendi, omnes, ut verbis ejusdem Glissonii utar, *fateantur necesse est, nisi oculis suis fidem abrogare velint*. Atque has oportebat Glissonii icones consulere, si, quid in re hac solitus esset Glissonius observare, ostendi volebat, non eas *principales* dicere quæ hujus rei causa institui non potuere; neque alio simili artificio conari eas quæ vere *principales* sunt, eludere. Cum enim has, quas nos memoravimus, per se incursum in Lectorum oculos, dubium non esset; nonnullis interjectis de quibus mox dicemus, hæc obtenduntur: *Non interea diffiteor, interdum & impense obliquam ejusmodi cystici ductus productionem, cum illis disparibus angulis, in aliquibus humanis folliculis animadverti; ut ideo & ipse Glissonius, & ipse Bidlous, alique non pauci figuras varias cysticas cum ductu nunc directe, nunc oblique producto proponant*. Quamvis & Bidlous, & Glissonius, & alii, qui tamen non memorantur, Figuram aliquam sine illiusmodi angulis edidissent, qualem neque Bidlous, neque, si diligentius quæramus, Glissonius ullam edidere; tamen si in hac re præcipuas, si plerasque cum illiusmodi angulis proposuissent; color iste quo Provocator utitur, locum profecto habere non posset. Quid enim? Glissonius in hepatis anatomicæ diu, multumque versatus (nam de Bidloo supra vidimus) peculiare in hanc rem proponit Figuras, & diserte docet, eos ductus *haud aliter* se habere: idem cum sexies omnino eosdem delineet, quater illis cum angulis, singulis in suo genere eximiis, bis dumtaxat, idque iis de causis quæ fugere neminem possint, cum illis angulis, minime, ut noster contendit, *distinctis* exhibet: & erit aliquis tamen qui quod idem Glissonius vix interdum, & aliud agens, videri potest subindicare, id plerumque: quod autem plerumque, & *ex professo*, ut loquuntur, manifestissime commonstrat, & docet, id vero *interdum, & in aliquibus* dumtaxat animadverti, nobis obtrudat?

47 Duos quos cl. Provocator, tanquam a suis partibus



tibus stantes, nominatim laudaverat Anatomicos, palam adversari ipsi, vidimus; quid de cæteris quos haud nominat, sed omnes a se esse jactat, existimabimus? num hos saltem sine illis angulis cystici ductus insertionem pinxisse, credemus? *Missos*, inquit, *facimus alios omnes primi subselli Anatomicos, ejusmodi cystici canalis directum in felleos poros concursum in homine aperientes*. Ego vero Vesalium, Eustachium, Vidium, Caserium, Veslingium, aliosque ejusdem notæ Anatomicos dico, atque affirmo, ad eum concursum a parte jecinoris tam acutum angulum pinxisse, ut nihil evidentius, nihil Provocatoris Canonis, illique concursui *verticali* esse magis adversum posset, a parte autem intestini tam obtusum, ut in plerorumque ipforum Figuris, quod & in Glissonii nonnullis animadverti, ne angulus quidem esse videatur, id quod ubi ad omnium maxime obtusum angulum ventum est, fieri oportere, nemo ignorat. Quæ ut est omnibus videre facillimum, sic quoque est inter me, & Provocatorem judicare: qui hæc, opinor, perspicuens omnia, eo denique redit quo supra ipsum vidimus evalisse, cum illud suum communiter, apertissime falsum, nihilominus tueri vellet: *ut super hac re non meditantes scriptores, sed cultro utentes in veritatis testimonium advocet*. Perinde enim est ac si diceret: quid mihi Bellinum objecisti? quid mihi alios objicis? *meditabantur* tui isti scriptores, non ut ego, *cultro utebantur*. Sic vicerit; neque enim mihi opus est cum ejusmodi homine, qui se unicum Anatomicum putat, disputare. Afferrem enim observationes meas cum egregio Professore Bellino consentientes. Tu quoque, responderet, *meditaris*, non *cultro uteris*. Ad summam; possetne mecum humanius agere quam cum Incomparabili Anatomico Friderico Ruyschio ea ætate, ea assidua in pene innumeris cadaveribus, diligentique exercitatione Viro? *Quod ipse assert, ego inquit, prorsus denego: Namque in tercentis fortasse, quos vidi, & examinavi, felliculis felleis nunquam felicem adeo me reddidi, ut id deprehenderim*. At deprehendi ego; dicerem, & vere deprehendi. Tu tercentos, responderet, non secuisti. Quod etsi neque nego; neque, ne disputationis vim intelligere non videar, hic affirmo; tamen ejusmodi hominibus melius est obsequi, quam adversari, præsertim quando ea mihi disputatio non cum illo fuit, sed cum Cl. Mangeto, qui objecta a me Cel. Ruyschii verba ipse proposuerat. Affirmet igitur cl. Provocator, se plane ostendisse, non errasse qui etiam dixerit, *canalem cysticum a folliculi cervicis apice ad ductus fellei insertionem verticaliter produci, & ascendere*. Ego etsi scio, controversiæ genus fuisse, non utrum etiam hoc aliquando sit, sed an plerumque, hoc autem plerumque ut continuo subjicit, scio non esse; non repugnabo. Scribat, eundem canalem *solum non rectilincum, sed aliquantuliter ad similitudinem colli cigni, inflexum esse, & incurvatum*, quod contra suam primam sententiam est: deinde, ut sibi videtur commodum, ajat, *sæpe fuisse a se scriptum, a Typographis autem deformatum in sed, quod ob sæpe, & sed dissimilitudinem non ita videtur verisimile; non adversabor*. Addat novissime: ea deformatione significationem immutari, idque perpetuo videri consilui, quod solum aliquando contingit: quod cum sæpe illo quod a se contendit esse scriptum, valde profecto non convenit; silebo: neque enim expedit cum iis disputare, qui ut quidlibet tueri volunt, ita quidlibet non dubitant respondere.

48 Quod quidem in XVI. Animadversione etiam fieri, manifestum est. Pollicitus eximium quendam, & singularem usum bilis, continuo de saliva, quasi hujus promississet usum, tam prolixè differuerat, ut nihil magis. Negavi id quod adhuc nego, tam longum de saliva sermonem in eo loco, convenisse. Respondet Disputator eximius, ibi se de saliva *mediocrem instituisse mentionem*. Me-

diocrem vero mentionem, quæ plures impleat paginas, quam promissus bilis usus; *mediocrem*, inquam, de qua ipse per se tunc scripserit: *sed indignantem nimis salivam movet EXUBERANS hic rerum salivalium sermo*! Non est satis. Quasi non ipsum, sed me læderent ejus errata, eoque magis, quo majora, non modo hic, quod plerisque in locis, fecit, ut reprehensa a me retineret; sed quem ipse exuberantem cognoverat, longum hunc in illo capite de saliva ---- sermonem longius adhuc in nova Editione protraxisse se, jactat. Quid? quod me accusare non dubitat, quod longas vel disparati argumenti in meis operibus digressiones intertextuerim. Vide, inquit, totam Animadv. 28. Adversar. Anat. III. In qua videlicet de Cystis felleæ calculis verba faciens, digressus quidem ab ipso sum, quocum contendere nunquam volui, sed non a cl. Mangeto, quocum unice disputavi.

Hujus ego, non ipsius, ordinem scribendi me conservaturum; in Præfatione pollicitus eram. Non igitur a primo diverti proposito, qui quo in loco Præst. Mangetus laudavit Bidloum observantem, ejusmodi calculos aquis innatare, eodem in loco de cysticis calculis loquutus sum, meisque observationibus illud quoque confirmavi, hos aquæ immersos, non ut ii qui de urinaria vesica extrahuntur, in imo subsidere, sed innatare. Quæ de re, aliisque ad eosdem calculos pertinentibus sic iterum alibi (a) verba faciam, ut quæ ex eo tempore de ipsis præterea observata habeo, proponam. Hic illud dumtaxat adscribam, cum alibi, tum ibi potissimum a Provocatore cl. auras esse diverberatas, ubi nimis fidenter pronunciavit non vera, bonaque observationis expertia verba illa nostra, propterea quia plurimos calculos vidit aquæ immisos eidem primum supernatare; hinc post aliquam in aqua macerationem, cum eandem imbibissent, sponte ---- submergi? neque enim præter ipsum qui sibi, ut solet, adversarios effingit, de quibus suos illos triumphos utcumque agere videri possit, aliquis facile invenietur, qui mea illa verba ad maceratos quoque, & imbutos aqua calculos extendenda esse, comminiscatur. Verum; ne a propolita Animadversione nimium digredi videamur; quomodo in hac tota, quæ de bilis usu magnifice scripserat, tueatur, ex ordine spectemus.

49 Initium duxit ab Hippocrate (b) bonam valetudinem repetente a sanguine, & pituita, & bile duplici, flava nempe, & nigra tunc videlicet, cum hac moderata inter se, tum facultate, tum copia temperationem habuerint; idque præsertim si permixta fuerint. Neque vero dubitat, Hippocraticam bilem ipsum esse (cujus de usu agitur) jam in hepate elaboratum, atque secretum humorem, quando Hippocrates loquitur de bile cum sanguine permixta, ipse autem negat, bilem in hepate secretam secundum naturam in sanguinem redire. Addit, Galenum proposuisse bilis in tenui intestino, & VENTRICULO pituita viscosa crudioris, aliorumque mucorum absterisivam facultatem.

Nec veretur libri 5. de usu part. caput 4. indicare in quo (tantum abest ut in ventriculo id Galenus statuerit) disertè docuit, cur in ventriculum Natura meatus biliosi portionem aliquam non infunderet, quia videlicet constat, bilem omne ventriculi officium, si ad eum confluerit, esse everfuram. Sed quorsum hæc atque aliæ Hippocratis, Galeni, Avicennæ de pluribus, iisque non contemnendis utilitatibus bilis congeruntur sententiæ ab eo, qui in Historia Hepatica universe jam scripserat: Bili igitur jure gratulamur ab injuria illa nostris temporibus vindicata, qua ab ANTIQUIS Medicina Proceribus inter secundæ coctionis quisquilias conscripta, statim, ab ejus in intestinum depluvio exulabat per alvum a corpore tarpis, omnique usu, præter desidendi pruritatem, exauclorata. Quæ quidem verba quam parum convenient cum istis quas nunc producit, Antiquorum sententiis, vel ipse tacitus sensit, qui in Nova Editione illud

anti-



85, 86 antiquis delevit, ex qua aliisque dissimulatis mutationibus intelligi potest, quam verax nupera Præfatio sit, ubi jactat; *vix quadam antea editæ Historiæ ampliata esse solemniora loca*; --- reliqua *vel in ipsis orthographiæ mendis fuisse sibi religiose relicta*. Quanquam ne ea quidem mutatione satis sibi cavit, ut qui iis quæ diximus, & Fernellii, aliorumque ad hæc usque tempora Medicinæ scriptorum locis, nemini ignotis, & hic dumtaxat, augendæ, ut solet, voluminis moli utilibus, 1038 se ex OMNIUM cum veteris, tum recentis medicæ scholæ Antistitum, & scriptorum sententia in abstersivam, ac saponariam bilis virtutem manu ductum: se catholicam ejuscemodi, atque, ut 1041 infra etiam inculcat, sæculis omnibus, omnibusque Medicinæ Patribus tam egregie probatam, --- sententiam amplexum, nec potuisse cum tam eximiis Ductoribus a recto tramite aberrare, nec, quod consequitur, a me sine omnium reprehensione non probari. Verum enimvero si ea igitur omnes tradidere; quinam sunt illi, aut antiqui, aut non antiqui Medicinæ Proceres, qui nihil bili præter desidendi proritationem relinquebant? Certe oblitus est, se antequam Fernellium, aliosque paucos supra exciperet, diserte scripsisse, fere 1029 omnibus Medicinæ Antistitum asseclis per plura sæcula ad usque nuperos dies increbuisse sententiam, bilem ab hepate in intestinum defluam, inutile excrementum esse --- vix ad instar naturalis clysteris propriâ acrimoniâ, & mordacitate irritans intestina. Huc adde non modo Moebium (c) qui, an puita semper & in omni corporis constitutione (in prima coctione) generetur, illâque bilis incisione, & abstersione opus habeat, merito dubitandum esse, inonebat, sed & Verheyenium (d) docentem: quantum ad mucum intestinale, illum non egere ea incisione, nisi debito crassior sit. Non igitur omnes reprehendi, cum ipsum non probavi. Quid? si ipsum non probando, laudavi, & defendi cæteros. Neque enim quos hic Duces secutum esse se, dicitur, eos revera secutus est, imo apertissime deseruit, ut quæ hîc producit, eorum loca cum Hist. Hepat. Part. I. capitis XI. (quod nunc est XVI.) §. quarto (nunc tertio) conferentibus patebit. Nam ut cætera prætermittam; certe ibi in prima Editione scripserat: si bilis obviantem in duodeno chylum fluidiorem, subtilioremque reddat, soluta ejusdem partium cohesionem; --- per salinam partem intestinorum mucositates abstergat, crassiores ejusdem chyloli laticis substantias scindat, tamquam totidem cuneis penetrantibus armata, hæc, aliaque ejusmodi se quidem Physiologis ruspatoribus decantanda relinquere. Se vero simpliciora amplecti; usumque bilis ire expositurum tam clarum, tam patulum, tam simplicem; ut idem futurum sit ingenuo, & sapienti legere, & probare. Sic ibi: Quid igitur hic obtrudit, se usum bilis proponentem, tradidisse, biliosi humoris particulas lixiviosas ac saponarias in intestino, instar totidem vividorum cuneolorum, viscidiores chymi partes scindere, subtiliare, atque in fluenti naturam inducere? Vel enim hæc ad eundem modum ab aliis tradita esse, fatetur; vel negat. Si negat; cur hîc aliorum auctoritates obtendit? Si fatetur; cur ibi, aliis omnibus relictis, & non obscure improbat, simpliciora se prolaturum, tam magnifice professus est? Video quam nollet illa scripsisse. In secunda enim Editione tacite, ut solet, non modo intestinorum mucositates in mucilagines mutavit, sed magnificum illud promissum in hæc extenuavit verba: Ususque bilis 87 ibimus exposituri qui rerum animalium concentui magis forsan accedat; pro verbis autem quæ hinc detraxit, alia posuit quibus opportune efficiatur, ut Lectores ad prolixiorum illum de saliva sermonem quadantenus præparentur, neque, ut in prima Editione, qui de bile se acturum sponderat, is, loco bilis, continuo ad salivam transfiliisse

videatur. Non mihi sane displicet, hæc illum ex me didicisse; illud displicet quod indicaras a me hæc emendationes sic in Præfatione dissimulaverit, ut scribere non sit veritus: loca ab Adversariis impugnata, neque immutata litterula, recognosci undeque posse; atque obtrudendi locum non esse, se voculas Historiæ mutando, sensa etiam quomodo immutasse. Contra ego omnes moneo, ne mea Adversaria ad novam hanc Hep. Historiæ editionem exigant, imo hanc ad id inutilem habeant, ne meam fidem ibi aliquando desiderent, ubi alterius est desideranda, velut hîc. Nunquam enim mihi venit in mentem, ut omnes omnium de bilis usibus sententias non probarem, imo illud venit, ne credere ipsum sinerem, se recte fecisse quod, non probatis aliorum omnium usibus, professus esset, se vero usum bilis ire expositurum tam clarum, tam patulum, tam simplicem, ut idem futurum esset ingenuo, & sapienti legere, & probare, præsertim cum ipse hunc tandem usum in hæc verba contraheret: Ecce uno verbo totus bilis usus; prout per ductum suum super intestini parietem depluens, eumque madidans, acedine inde sua ulteriorem super eum susque deque semitam facile fodiat sibi; adglutinatam hoc ritu divellens cibariam substantiam. Nunc vero si ex me didicit demissius sentire de hoc usu, si eundem non totum amplius, sed primarium dumtaxat; de quo mox videbimus; bilis usum vocare, si alios, ut vidimus, aliorum usus ad suum adjungere; cur hæc omnia sic dissimulat, ut me pro aliis stantem, atque ipsum dumtaxat, & recte quidem, monentem contendere, dicat, tam solemnem, acceptamque cordatis omnibus, atque probatam bilis functionem evertere. Quis enim, præter ipsum, 1041 docuerat, hunc esse totum bilis usum intestina pectentis, ut agglutinatum horum parietibus chymum divellat?

50 Quid? si ne primarius quidem ad quem nunc redit, is bilis usus censeri facile potest. Quid? si quæ adversus eum usum objecimus, satis dissolvere nondum valuit. Quæsimus enim, cur idem chymus qui ventriculi, aut superioribus duodeni parietibus, etsi nulla intercedat bilis, non agglutinatur, reliquis intestinorum parietibus agglutinari deberet? Addidimus: sane harum partium omnium parietes assidue de se destillante humore sic madere, ut naturaliter constitutus chymus, accedente præsertim peristaltico earundem motu, non facile ipsis agglutinari posse videatur. Ad primum nihil ipse, quod satis saltem perspicuum sit, respondet. Ad alterum vero quid respondeat; video; sed quid proficiat, non video. Sermo enim est de chymo naturaliter constituto. Ipse vero hunc mihi cum sebo, & adipe, cum sulphureis tenacibus hærentibus substantiis, & cum resiniformibus corporibus comparat, atque in hypochondriacis, in oppilatis, in cachecticis, in diuturnis ictericis, in chlorosis detentis, aliisque ejusmodi ægris, in quibus certe chymum naturaliter constitutum non esse, omnes bonæ praxeos veritates evincunt, impactos iis partibus chymosos mucos mihi narrat, quamvis, inquit, iis in ægris adhuc intestinorum parietes assidue de se destillante humore, fortasse & uberiori, madeant, tum peristalticus vigeat motus: quibus duabus de rebus cum dubitare sæpe liceat sanctiorem praxim consulentibus, tum de illo præsertim licet, num in memoratis ægrotantibus is aqueus, & leviter subsalsus intestinorum humor secundum naturam se habeat, an potius mucosus apprimè sit, & viscidus, qualem nimirum quia Provocator cl. aut ob morbum vidit, aut ob mortem, ideo fortasse talem quoque naturaliter esse, videtur non dubitare. Nam quod denique peristalticum intestinorum motum ait, non in impactis, & canalis superficiei hærentibus --- vim suam exercere, 1041 tunc examinare oporteret, cum naturalem chymum sic impingi, & hære, demonstrasset.

51 Videamus nunc quomodo cætera quæ addidimus,



mus, dissolvat. Negavimus (a) quæ ad saum peculiarem usum bilis comprobandum protulit, ejusmodi esse, ut ab aliis ad alios longe usus potius comprobandos adhiberi non possint. Subjecimus: imo quadam ejusmodi esse, ut jure meritoque possint redargui. Ipse vero illud primum ita dissimulat, ut si nos omnia præter illa, quæ nominatim redarguimus, probassemus. Hæc autem nunc quasi contemptim ad complementum dumtaxat quoddam commemorare sibi placuisse, dicitur, perinde ac si, diserte non eo proferre se, scripsisset, ut inde propositum multo evidentius pateret. Veruntamen quæ nos redargui posse, affirmavimus, ipse autem redargui posse, hæc negat, quæ sunt? Scripserat: in Struthio-camelo bilem exonerari IMMEDIATE in ventriculo. Animadverti ego, vel Præcl. ipsum Mangetum in adscripta notula dissensisse, & Cel. Vallisnerii nostri anatomen accuratissime iteratam objecisse. Verane hæc sunt, an falsa? Certe Mangetus hæc adnotavit (b): *Pernegat Præclarissimus Vallisnerius hunc IMMEDIATUM bilis in Struthiocameli ventriculum ingressum--- inque ea pernegatione ---- inuitur ---- dissectione --- accuratissime iteratâ.* Vallisnerius autem nonne tradidit, ductum biliferum, non in ventriculum, sed in duodenum sex lineis tantum infra pylorum inferi? Quem mihi igitur Provocator intellectus errorem imputat? Quid plurimis Vallisnerii verbis sui libri molem auget? Profecto facere nunquam poterit, ut Mangetus, ut Vallisnerius id quod ego dixi, ne scripserint. At enim Vallisnerius scripsit, magnam tamen bilis partem directe intra pylorum excurrere. Non tamen scripsit; id quod ego redargui; immediate, neque secundum ea quæ semel, iterumque observavit, id probare, ac firmare unquam potuit. At Vallisnerius quoque bilem censuit deferri in ventriculum Struthiocameli, ut ejus digestiva facultas validissima fieret; quasi vero hoc a vi bilis abstergiva, atque ad eundem ac Provocator contendit, modum agente repetendum, censuisset, aut ego Vallisnerii opinionem, non observationes objecissem. Nam quod (omittam enim clementer, alia Provocatoris errata inculcare quæ omnes intelligunt, et si ipse fatetur ingenue se hactenus non intellexisse) Nam quod, inquam, hic denuo demirari se dicit, me in hanc spartam, veluti singularem fautorem meum, illustrissimum Vallisnerium advocasse, eundemque sine ullo temporis, locive intervallo, seu in eadem arena tam dure aggredi, ut ejusdem sententiae statim & aperte inimicum me proferam; quis hæc legens, non putaret, a me Collegæ & Amici Doctissimi opinionem productam esse, eandemque dure, acerbè, infenso animo atque inimico esse impugnata? Ego vero hæc dumtaxat scripsi (c): Mangetum Cl. Vallisnerii nostri anatomen accuratissime iteratam Provocatori objecisse; quæ autem de bilis in Struthiocameli ventriculo usu Vallisnerii opinio esset, neque ibi Mangetus, neque ego memoravi; atque ut verum fatear, ne memineram quidem; neque tamen aliud scripsi (d) nisi illud querendum restare, num tanta illa vis digestiva bili in ventriculum admixta accepta sit referenda. Nam & in Comite, a Cabrolio dissecto, porum choledochum ita prope pylorum egressum habuisse, ut non minus ventriculo quam intestinis, bilem transmitteret; sed hanc causam illi fuisse, non cur melius, citiusque digereret, verum, ut inquit Cabrolus, cur sapius nausearet, vomeretque. Hæc nimirum tota est illa dura, aperta, & inimica a me instituta, ut cl. Provocator dicitur, in Cel. Vallisnerium aggressio, quod secundum observationem & judicium Cabrolii, non de Vallisnerii, de cujus sententia ne verbum quidem, sed de Provocatoris opinione dubitaverim. Neque hæc eo dico quod inter Amicos licere, non censeam, alterum de alterius opinione modeste dubitare, sed ut istæ penitus artes pateant cl. Provocatoris, id

quod ipse solet, ego vero nunquam licere, credidi, aliis affingentis, ut dure, inclementerque Amicorum præsertim opiniones impetantur. Quid in me præterea dicere, aut acrius exprobrare potuisset, si ego id facere ausus essem quod ipse adversus illustrissimum virum fecit, eundemque vere singularem fautorem suum, cujus summam spectatamque Prudentiam ipse quoque celebrat; ut nempe scriberet: *abunde liquet, ligamenti hepatici privilegium venæ umbilicali non esse denegandum, ut quidam Vir inconsiderate denegat.* Verum ipse qui nihil nisi considerate negat, cur adversus Cabrolii, atque adeo Galeni judicium, scribit: *in comite a Cabrolio dissecto non fuisse incommodam, atque vitiorum digestionis altricem apertionem illam choledochi pori prope pylorum, evidens est.* Cur inquam hoc scribit? Quia ille Comes, si ita fuisset, ad illam, inquit, ætatem pervenire haudquaquam valuisset. Ad quam, quæso, ætatem? de qua ipse Cabrolus (e) ita filet, ut adolescens, an vir, an senex ille Comes obierit mortem, prorsus ignoremus. Quid, quæso, est inconsiderate scribere, si hoc non est? Nam quod addit: *si nausea & vomitus ab illa choledochi ductus introductione principium duxissent suum, ille certe non sapius, sed semper nauseasset atque vomuisset;* nimirum hoc tanti non est, ut propterea res, quod ait, evidens sit. Quid enim, si illud sapius Cabrolii significaret quotidie, ut frequenter apud Riolanum in ejusmodi casibus quotidie significat? Probabile est, inquit Riolanus (f) Galenum in brutis canalem, qui bilem in ventriculum eructat, observasse: inde conjectura quadam similem structuram in hominibus quibusdam adesse sibi persuasit, cum videret homines pituitosos meram bilem FREQUENTER vomere, ut demonstrat in Arte parva exemplo cujusdam, qui cum habitu corporis esset pituitosus, QUOTIDIE tamen bilem pallidam evomebat. Imo istud idem sapius Cabrolii significabat perpetuo eidem Riolo, scribenti (g): *Affirmat quoque Cabrolus, se vidisse porum choledochum in stomachum protensum, qui PERPETUO vomitus biliosos in hominem dū viveret, excitavit.* Verum ut mittam Riolanum; certe bilis cystica, quæ nimirum irritare ventriculum maxime poterat, cum non semper, sed tumente a cibis ventriculo, fere exprimitur, neque semper in ventriculo adesse, & cum adesset, interdum a cibis ipsis ventriculum opplentibus vel temperari, vel repelli etiam poterat, præsertim cum ductus non intra pylorum, sed prope pylorum hiaret. Potuit quoque illa bilis non parem semper ad irritandum acrimoniam habere: potuit ventriculus diuturno usu, & vexatione quadanteenus hebecere, atque occalescere sic ut nonnisi acriore, vel multa bile percelleretur: potuit nonnunquam ea copia viscidæ lentæque materiæ ventriculo inesse, ut bilem tunc influentem dilueret. Sexcenta sunt quæ satis est interdum esse potuisse; ut intelligatur, non esse igitur evidens, ut Provocator contendit, in eo judicio erravisse Cabrolium. Quæ illum non vidisse, mirandum non est, qui quale negotium suis rebus facebat nova, quam continuo ibidem subdidi, objectio, plane non videat.

52 Scripserat ille id quod mirum est, in hac ipsa postrema Editione retinere non dubitasse: Et multo evidentius patet propositum, si naturaliter per ductum suum in ventriculi cavitatem eructetur bilis. --- Sic ex choledochi insertionem in Remigis ventriculi fundo apud celebrem Anatomicum (Vesalium) summa in hoc viro aderat voracitas, & chiloideos promptitudo. Quid sive ad ejus negligentiam demonstrandam, sive ad probationem istam confutandam proferri aptius poterat, quam apud Vesalium de illius Remigis voracitate, & chylofi ne verbum quidem esse? Protuli. Et hic, quale id sibi negotium facebat, plane non videt! Quid igitur videbit, si hoc non videt? Neque sane id modo non

(a) Adv. III. pag. 51.

(b) Theatr. Anat. Tom. I. pag. 377.

(c) Adv. III. pag. 51.

(d) Ibid.

(e) Obs. 6.

(f) Anthropol. l. 2. c. 22.

(g) Ibid.



non vidit, verum neque in quem laqueum se indueret (id quod supra demonstravimus) cum se illa ex Bohnio, Vesalio minime consulto, desumpsisse confessus est, neque etsi Vesalius dixisset, eum Remigem calidi, sicciq; temperamenti fuisse; ut fuisse videri, dixit, & valida præterea vocis, longissimi spiritus, robustissimumque; ex nullo tamen horum effici, ut summam in hoc viro adfuisse voracitatem, & chyloseos promptitudinem, dixerit, vel ut hæc adfuisse, jure asseramus, cum in multis illa omnia, neque tamen summam voracitatem spectemus. At tamen scriptitare non veretur, a me ipso Vesalium in hac re minus adhuc consultum esse. Cur? quæso. „ Nam si Vesalius, inquit, „ consulisset, eumque advertisset dicentem, nunquam Remigem illum vomuisse, neque a qualibet „ validissima causa potuisse ad nauseas concitari, profecto non sensisset superius cum Cabrollo & cæt. „ Quid si Vesalius non tunc modo, quod coactus fatetur; sed ne nunc quidem satis ipse consuluit? Mitto enim, Vesalium ista quæ alia forma litterarum, ut ipsius ipsissima Vesalii verba, profertur, non scripsisse, sed tantum (h), illius familiares asseruisse, se nunquam illum vomentem, ac ne in maximis etiam procellis nauseabundum vidisse; Hoc, inquam, mitto, & duo tantummodo adnoto. Alterum: Vesalium quævisse, num vomitu bilioso, quem hujusmodi hominibus FREQUENTEM Galenus esse testatur, vexari consuevisset. Alterum: etsi id non invenerit; non ausum tamen esse (id quod in aliis passim fecit) a Galeno in ejusmodi re discrepare: imo paulo infra, hæc subjecisse: bilem haudquaquam ventriculi fundo innoxie immitti potuisse. Nam; ut alia quæ hujus rei probandæ causa affert, omittam; si ventriculo, inquit, bilis influeret, tum ille (uti Galenus recte affirmat) hujus mordacitate perpetuo ad excernendum irritaretur: neque tantisper, dum cibus probe confectus esset, retentrice suæ facultate fungeretur: & bilem illam respuens, ejusque occasione nauseabundus, quod sibi offerretur, minus quam decet, ambiret, amplectereturque. Quæ si Provocator diligenter animadvertisset; hæc intelligere potuisset: primum, Vesalii, atque adeo Galeni, non meo dumtaxat, aut Cabrolii judicio, a bile in ventriculum influente, etsi hic perpetuo ad excernendum irritaretur, non tamen perpetuum, sed frequentem vomitum induci, satis esse: deinde a perpetua illa ad excernendum irritatione, non summam voracitatem, & chyloseos promptitudinem, sed, Magnis illis Viris auctoribus, nauseam & impedimentum afferri probæ confectiōni ciborum, ut qui ante justum tempus a ventriculo in intestina excernantur: novissime id quod rei caput est; tantum abesse ut unum hocce Vesalii exemplum plane convincat, immediatam bilis e propriis ductibus in ventriculum transmissionem haudquaquam nauseas, & vomitus, sed promptiorem potius chylosin inducere; ut ipse Vesalius a contrariis stet partibus, neque immerito, quippe qui unum quidem exemplum sciret ad dubitandum secundum rationem satis esse, ad id vero quod adversus rationem sit, quantum quidem summis iisdem Magistris videbatur, adstruendum satis non esse. Fieri etiam fortasse potuit, ut Vesalius, aut Remigum, vilissimorum hominum, verba non satis digna censeret quibus haberetur fides, aut si id censeret, peculiare tamen aliquid subfuisse, suspicaretur, cur vomitus, ac nausæ in illo homine non contingerent, quem etiam aliis quibusdam organis, & præcipue circa thoracis costas, & musculos ab aliorum hominum fabrica variantem deprehendisset. Et certe is Remex aut non ut alii homines, constructus, aut non sanissimus fuerit, necesse est; nam si nostra structura ferret, ut bilis in ventriculum immissa, non modo non vomitum & nauseam, sed sine ullo detrimento, promptiorem potius chylosin induceret, sapientissimus hominum Conditor non in

ejus tantum, sed in omnium hominum ventriculum bilis meatum perduxisset.

53 Verum sunt alia quæ Provocator cl. videre se, negat. „ Certe inquit, non video, quibus contrariis Bohnii rationibus satisfecisse expectaret, antequam bilem sensiles intestinorum tunicas, ad defectionem proritare enunciassem. „ At probi Lectores, ad quos subinde, quasi aut ego, aut ipsi nihil viderent, fidenter satis provocare non dubitat, non modo quænam sint istæ Bohnii rationes, viderint, sed etiam eo in loco esse viderint, ut vel ipsius Provocatoris oculos effugere nullo modo potuerint. Ut enim Bohnii (i) verba quæ ex 17. Progymn. excipit, prætermittamus, quamquam illa non ad eundem vellicandi modum pertinent qui videlicet ab acrimonia bilis fit, sed ad eum qui fit a copia; atque illa tantum verba, quæ ex XI. Progymn. affert, in hujus calce quæramus: Neque bili ejusmodi acrimonia subest, per quam magis tunicam intestinorum nerveam quam cystis suæ propriam irritare queat; profecto quæ inter alia verba, scripta ea sint, non videre non poterimus. Sunt autem hæc; quæ tametsi iis etiam quæ supra a nobis pro Cabrollo, Galeno, Vesalio scripta sunt, adversari videantur, tamen in præsentia examinari non oportet, quando Provocator ipse irritantem illam in bile acrimoniam agnoscit, quam Bohnius sic negat: Ita ut non opus sit stimulum a bile hujusque acrimonia petere, eandemque ideo clysterem naturalem appellare: quatenus quicquid hæc scybalis commodius eliminandis forsan confert, illorum visciditatem corrigendo ac solvendo præstat. Neque bili ejusmodi acrimonia subest, per quam magis tunicam intestinorum nerveam, quam cystis suæ propriam, irritare queat: cum quamvis linguae degustantis, ratione amaroris, notabilem sui perceptionem imprimat, minime tamen ideo tali acrimonia vel ejusmodi particulis gaudeat, quæ tactus sensoria afficiant, atque stimulent; præprimis cum feculentias intestinorum secundum naturam se habentes, nunquam acres & vellicantes, sed vel insipidas, vel subdulces deprehendere liceat. Et post hæc Provocator audebit aliis, ut videbimus, imputare, quod Scriptorum auctoritates mancas offerant, ipsisque a vero alienum sensum imponant! Negat Bohnius hoc toto loco, eam bile acrimoniam inesse qua vel intestina, vel suam irritare vesiculam possit, & rationes cur id neget, producit. Provocator autem ex hoc ipso loco pauca dumtaxat verba ab aliis divellit, quæ sic divulgata sibi utcumque favere videantur; reliqua sibi prorsus contraria non modo omittit, verum etiam reperire se posse, negat. „ Vir gravissimus, inquit, hoc est Bohnius, mecum est, qui sane non „ majorem bilis in intestino, quam in cysti, irritantem acrimoniam inquiri. Neque alias contrarias rationes per Bohnii Opera reperire contigit. „

54 Hoc igitur æque verum est, ac quod subjicitur: „ Sed illud verbum acore suo non est neque latinum, neque medicum, instat Censor cl. „ Scripserat cl. Provocator, bilem sensiles intestinorum tunicas proritare ad defectionem acore suo. Quæ verba cum neque me fides mea mutare linearet, neque ipsa, & quod consequitur, quid mihi vellem, plane intelligere Lectores possent, ad illa, fideliter exscripta, hæc continuo adscribere coactus sum (k): sic enim, quasi bilis acida esset, contra non Latinorum modo, sed & Medicorum consuetudinem ejus acrimoniam vocare solet. Liqueat igitur, me neque usque adeo ineptum fuisse, ut in eo instarem, quod in transitu admonere satis esset, neque acorem sive latinum, sive medicum esse verbum, negavisse, imo secundum & Latinorum & Medicorum consuetudinem eo acidum, non acrem saporem significari indicavisse. At hoc ipsum negat cl. Provocator. Et ego inquit, non esse medicum denego; cum plurimis medicis Auctoribus non



non raro usui sit, acorem pro acrimonia desumere. Ægre omnino ferendum est, quod istos plurimos medicos Auctores non indicaverit, incognitos certe eruditissimis illis Viris qui *Lexicon Medicum* collegerunt, & non unis curis adauxerunt; quamquam hi fortasse aliquos eorum viderunt, sed pro Auctoribus in eo habendos esse, non putaverunt, in quo manifestissime errarent; improbandus enim imperitorum abusus est, doctorum consuetudo servanda. At enim Doctos etiam atque eruditos Medicos sic loqui potuisse, Provocator contendit. „Acorem, inquit, non esse latinum, seu grammaticum etiam plane nego. acor enim apud Latinos, atque Grammaticos non solam significat aciditatem, sed etiam & acrimoniam. Conf. Calepinus in verbo acor quod redditur italice, acuità, asprezza. „Itaque non dubitat, se vicisse, ut qui sibi persuasit (\*), Medicos qui latine scribere velint, totos a Calepinis, & Nizoliis quos semper in manibus versent, pendere. Illi vero, si quando opus est ut Lexicographos hosce consulant, tantum ipsis credunt, quantum probant, velut hac in voce, acor: quam etiamsi traderent, id quod non faciunt, acrimoniam significare; nisi tamen id certo idonei Auctoris producto loco demonstrarent, neminem qui quidem mediocriter peritus esset, impellerent ad credendum. At producunt, inquit; „exemplum videlicet ex Col. lib. V. ea res emendabit acorem malorum, quo „certe casu ridiculum, inquit, esset intelligere „non quidem malorum (ut decet) asperitatem, „sed potius stricto modo aciditatem. „Sed utrum horum ridiculum sit intelligere, non ego, sed ipse doceat Columella. Qui cum de Malo punico eo in loco (l) verba faciat, si, inquit, ACIDUM, aut minus dulcem fructum feret, hoc modo emendabitur; traditaque una, itemque altera emendandi ratione, ea res inquit, emendabit ACOREM malorum. Igitur, ridiculum esse credere, acorem malorum aliud quam acidum eorum saporem significare, non ego, sed Columella ipse docet, ne forte ajat perhumaniter ille Provocator præclarissimus: sed bone Deus, quam demisse hæc Pedagogium olent! minime videlicet attendens, in quem hoc cadat, ignarusque sententiæ, hac quoque ætate verissimæ, M. Tullii (m): non tam præclarum esse scire latine, quam turpe nescire, eum nimirum qui latina lingua vel grandia, si Diis placet, volumina scribere audeat. Non enim hic agitur de invalescente (n) nostræ hujus ætatis pro latina elegantia prurigine, de qua tertius hic e calo delapsus Cato cum sæculo rixatur: de hac ipsum scimus undequaque sapientissimum Virum tam dulci litteratorum Hominum mentis ægritudine non laborare. Non de pompa (o) verborum inutili, non de eloquentiæ fuco, non de artificioso illo orationis genere, non de elocutionis lenociniis, non de verborum volubilitate illa, quæ neque scienti, neque ignoranti unquam profuit, non inquam, de ullo istiusmodi declamatorio, non medico ornamento agitur. Sed de re agitur sine qua improvidis juvenum sensibus imponitur, sine qua frustra utiliora illa, siqua sint, Posterorum memoriæ committuntur, sine qua genuina illa simplexque ratio Medici scriptoris non attingitur, ut saltem de lingua latina scriptor tantum sciat, quantum satis sit ne cum negare credat, affirmet; cum affirmare, neget; ne unum cum velit, alterum omnino scribat; ne cum bilis naturalem constitutionem designare se, putet, morbosam exprimat; ne cum acrem fellis saporem indicare cupiat, acidum significet. Id si nescit, cur latine scribit? imo cur latine provocat? cur provocatos, si ipsum necessario doceant, invidioso Censorum nomine appellat? cur recte monentibus refragatur? Silere potius decet, vel alia, siquam forte melius calleat, lingua scribere, vel iis, quorum manus per sæpe in ejus ultimis scriptis omnes agnoscunt, omnia, non

ita inæqualiter emendanda, augenda, interpolanda; sed a capite ad calcem rescribenda permittere; siquos tamen in posterum invenire possit, quibus pro molestissimæ operæ pretiæ illa grati animi sentia ad extremum persolvat: ipsos nostræ hujus ætatis pro latina elegantia prurigine, & hac tam dulci litteratorum Hominum mentis ægritudine laborare.

55 Qui loquendi modi longe humanissimi in hujus novæ Editionis nova Præfatione in nostræ ætatis scriptores Medicos jacti, illam ipsi excusationem adimunt quam mox ei loco præterdit in quo Borelli, Nuckii, Reverhorstii, aliorumque Hominum Celeberrimorum sententiam Modernorum aliquantium insomnia nuncupaverat. Faretur namque, juvenilem in hac dicendi formula ante hos 14. annos displosisse igniculum. Nunc autem post annos 14. cum multo graviora jaciat; cum in eadem Præfatione dicitur, recentiores prope omnes Medicinæ scriptores --- ad propria auctoranda commenta, pro innata libidine, Naturam distraxisse, ac veluti in alios mores coegisse; cum fatalem quandam propriæ æstimationis cupiditatem scriptorum animos plerumque adortam affirmet ad famosiora venditanda commenta etiam atque etiam accendisse; cum in tam portentosa medicarum Hæresium multitudinem pudere se scribat, innumera alia vigilantium insomnia recensere; cum Medicinæ præsentium in primis temporum tenebras & infortunia --- jure --- dolere se, confirmet; cum ad Hepatis & Bilis morbos --- a Nuperorum commentis vindicandos, improbo satis, diuturnoque labore se convertisse, asseveret; cum hæc, inquam, aliaque ejusdemmodi nunc addat; credemusne, priora illa juvenili imprudentiæ, an utraque peculiari cuidam confidentiæ, & dicacitati esse adscribenda? Cui certe adscribo quod meos de eximiis scriptoribus loquendi modos cum suis conferri possulet, indeque judicari, uter nostram impensius humanum aliquid passus sit. Quid enim simile? Lapsus, illos, inquam, quos tertia quaque pagina exprobrat, lapsus in primæ Classis Medicis, & Anatomicis scriptoribus adnotavi. Num usquam insomnia dixi? num, ut ipse de Bachio, & Sylvio, deliramenta? num ridiculas confabulationes? num vaniloquia? num fabellas? Ego vero, nisi mite, nisi moderatum, nisi inter homines communis imbecillitatis conscios facile ferendum istud lapsuum vocabulum existimarem; ita me Deus amet, ut quodcumque aliud multo libentius usurpavissem: quamquam hunc eundem loquendi modum is ipse, qui usque adeo in me damnat, non ita horruit, quin de Laurentio, ut supra vidimus, hæc pronunciaverit: *celeber iste Anatomicus in gravem quandam confusionem CECIDIT*; & de Verheyenio: *in ejus ligamenti describenda origine LABITUR*. Atenim ego in triginta quinque, mortuis vero omnibus, adnotavi. Fortasse & in pluribus, qui multa, & de universa ferme Re Anatomica scripserim, adnotavi; nil tamen nisi lapsus. Quod si quinque dumtaxat ac triginta sunt; falsum est igitur, quod alibi obtrusum est, me Lapsus Auctoribus aliis OMNIBUS, uno excepto Bohnio, communes reddidisse. Quod si mortuorum tantum lapsus notavi; consulto feci, cum Eruditi cujusdam inter Gallos scriptoris documentum non ignorarem, quod utinam alii animadvertissent: sic tolli suspicionem quandam invidiæ, nec locum esse secretæ cuidam audaciæ, quæ sæpius alterum alteri ex numero viventium opponit. Atenim lapsus adnotavi ducentos sexaginta sex (ut sedulitati cl. Provocatoris credamus, qui summam omnium anxie subduxit) in primæ Classis Medicis, & Anatomicis scriptoribus, ex iis vero signate centum & unum in solo famigeratissimo, accuratissimoque Verheyenio. Mirum videlicet quod non in scriptore quoque infimi subsellii adnotaverim, qui non alia nisi illa multo honestissima, utilissimaque causa id fecerim, quam de Verheyenio.

(\*) Præfat. nova Hist. Hep.  
(n) Præfat. cit. Hist. Hep.

(l) De Re Rust. l. 5. c. 10.  
(o) Orat. Anat. III. pag. 23.

(m) De Cl. Orat.



heyenio præsertim loquens proposui (a), ne propter Viri alioqui de Re Anatomica præclare meriti auctoritatem Juniores deciperentur: quod ferme spectavit etiam laudatissimus Heisterus qui ejusdem Auctoris lapsus, neque in transitu, sed ex instituto, in longa, ac perutili Præfatione bene multos collegit. Neque enim mirum est, quod Viro qui de tota Anatomica Facultate duo iusta Volumina scripserit, non pauci quidem errores exciderint, sed non tot denique, aut tanti, quot, quantosve parvo in libello *Hepaticæ* dumtaxat *Historiæ* cl. Provocator admisit. Quod si hunc clarissimum nihilominus voco; quanto magis potero Verheyenium vocare, & singulari hominem diligentia, si non in cunctis, quod mortalium nemini datum est, at in plerisque, & quidem libenter, dicere, præsertim cum eo me honore senex ipse, & in primis clarus, adolescentem adhuc, neque ita multis notum, affecerit, quo tot alios fama, atque ætate majores non est dignatus, ut plura ex meis I. *Adversariis* sumpta, & aliquando satis prolixa loca descripta in suis adeo celebratis Operibus proponeret, eaque, & me non minus quam alios, me longe majores, solebat, probaret. Quæ cum ita sint, meisque in *Adversariis* potissimum IV. Animadv. 19. & hæc Verheyenii erga me agendi ratio, & mea vicissim *Illustris* ejus *Anatomici* honorifica commemoratio omnibus occurrant, constet autem, me neque in I. neque in cæteris *Adversariis* ullius qui viveret, lapsus nominatim, nisi provocasset, adnotavisse; profecto ita abnorme, imo ridiculum est quod a Provocatore nonnulli dicuntur dixisse, ut quamvis hos, siqui sunt, qui id se dixisse faterentur, diserte nominasset, vix tamen sperare potuisset, ut sanus aliquis crederet, id a sanis hominibus dictum esse. Itaque neque eos nominavit, & credere se, negavit; id tamen pessimo exemplo scripsit. Nam væ ipsi si nos eodem animo essemus, neque id imitari turpe nobis duceremus. Quid enim proclivius est, quam, nullo producto auctore, illud in aliquem dictum esse, dicere, quod te credere quidem neges, sed interim dicas? præsertim si de abditis ipsis hominum cogitationibus loqui audeas. Cur ipse in Amicum, atque adeo paulo ante laudatum Anellium scripsit? Cur in nos, non minus Amicos, neque minus laudatos, repente stilum distinxit? Quam in partem accipi voluit ambiguum illud Malpighii, atque adeo Bononiensium omnium Doctorum laudationis genus: *Famigeratissimus apud Nationes omnes DOCTOR BONONIENSIS*? Sexcenta sunt in quibus ipsum larga manu pari exemplo ulcisci possemus. Sed in hoc uno malumus vinci, & cogitationibus omissis, ad facta redire. Meum igitur unum, maximum, novum, & ante hoc tempus inauditum crimen est, quod tot ante me Viri etiam modestissimi, non sine bonorum assensione, veteri consuetudine, institutoque admiserunt, ut Majorum, quos nemo facile me unquam magis observavit, & coluit, siqua forte essent errata in quæ inter scribendum necessario incurrerem, hæc, officio erga Tirones adductus, & veri, ac publicæ utilitatis studio permotus, sic adnotarem, ut lapsus, hoc est communis humanitatis inevitabilia quædam indicia, esse dicerem, atque hos tamen in viventium nemine, nisi si quis forte me provocasset, nominatim retererem. Ille vero qui hoc mihi crimini dat, & sæpe adeo, hac inculcata accusatione, prope capitalis facinoris loco ponit, ut ipse adversus Majores sese gesserit, supra diximus.

*Nil pepercit. non puduisse verberare homines senes! (b)*

Non lapsus ille, siqua graviora ipsorum errata credidit, nisi forte semel, aut iterum, vocare ausus est. Nimis hanc inhumanam, atque immodestam esse vocem, duxit. Mitioribus usus est. *Fabellas, ridiculas confabulationes, vaniloquia, deliramenta*

appellavit. Et quoniam nobis multorum adnotatos lapsus objecit; perpauco ipse dumtaxat redarguere ausus est. Itaque, nemine excepto, inania veterum commenta dixit, & ne Viventibus fortasse parcere crederemus, Recentiores, inquit, nostri turpissima potius ignorantia obcæcari malunt.

Igitur tantum interest inter hoc ejus crimen, & meum, ut ego id quod feci, iterum quotiescumque publica requireret utilitas, me profitear esse facturum; hanc enim, omni remota injuria, & contumelia, secutus sum: ipse vero quod fecit, damnet, ac merito quidem; nihil enim Lectoribus profunt quæ ipsi vehementer obsunt, jactæ in immeritis contumeliæ: quas tamen si penitus damnasset, in nova Editione omnes, una excepta, non reliquisset, neque alias insuper illas addidisset de quibus supra dictum est, aut alias diceretur. Atque ut intelligi melius possit, quantum inter ejus, meumque factum, non ego, aut ipse, sed Gravissimi, Doctissimi Viri discrimen agnoscant; cum contumeliosas quibus ipse usus est, reprehensiones qui probet, inveniri possit nemo; contra meum, quod ipse unus improbat, lapsus nobilium scriptorum modeste adnotandi institutum, sapientissimi, etiam apud externos, Homines diserte laudarunt. Sic qui Lipsiæ Celeberrimi Viri *Acta Eruditorum* conscribunt, me optime de publico mereri pergere, pronuntiarunt (c), quod-quamplurimos M. lapsus in quinque *Adversariis Anatomicis* palam facere tali constituerim ratione, ut data occasione, laudanda non minus una probarem, ac aliorum etiam Errores notarem. Sic Eximius Anatomicus Heisterus (d) mea *Adversaria* quibus errores indicantur, atque emendantur, censet, in incrementum anatomes, utilitatemque publicam esse instituta, quia videlicet ita anatomen a multis erroribus, qui tam in M. quam Verheyeno, aliisque adhuc occurrunt, liberatum iri, certus confidit.

56 Quod reliquum est; ut recte Provocator facit, quod Ingeniosissimi illius Viri publicæ æstimationi se pariter subscribit, qui vel post editam *Historiam Hepaticam*, quæ sententiæ insomnia in hac dicta fuerant, eas nihilominus secutus est; ita extra chorum, ut solet, saltat, cum a mentide ostendi, atque demonstrari postulat, quæ a me nunquam sunt affirmata. Utrum in intestinorum cavitatem, quod ipse verbo negaverat, bient venæ meseraicæ; a Præcl. Mangeto in medio relictum esse, scripsi (e). Num ergo relictum non est, cum denique hic fassus sit: ex hisce tamen omnibus se non concludere, omnem prorsus chylo in eas venas denegari transitum? Cl. vero Brunnerum experimento plane demonstratum id censuisse, addidi (f). Num forte non censuit, qui Rem hanc plane demonstrare experimentum, scripsit? Hæc sane ita se habere; & vana esse effugia a Provocatore quæ sita, illi omnes intelligent, qui utriusque Auctoris indicata alias (g) a nobis loca tota perspexerint.

57 Absoluta hinc esset istius nimis longæ Animadversionis confutatio, nisi qui suum a nobis scribendi ordinem toties inversum esse, queritur, a calce nostræ Animadversionis 24. ad ejusdem caput repente transfret. In quo postquam fassus est, plura esse quibus nunc satisfacere ne conatur quidem, & hæc tamen singula, & similia alia (neque enim ad omnia respondet quæ objecimus) ad suam se jactavit *Anatomicam Universalem Historiam* discutienda servare, nobis specimen non invidet binum suæ illius futuræ discussionis, atque adeo suæ illius *Universalis Historiæ*. Videamus, quæso, specimen primum. Vias omnes lacteas, absente chylo, solum a salivis pancreaticis, & proprie dictis percurri, & pervias servari, affirmaverat. Ego vero admonui, sic ipsum, non modo succi qui a ventriculi, & intestinorum tubulis, & glandulis destillans, tenuiorem sui partem immittere in lactea vasa potest, oblivisci; sed tot lymphatica vasa quæ in chyli receptaculum, ductumque thoracicum lympham in-

(a) Adv. V. pag. 5.

(b) Terent. Adelph.

(c) Suppl. Tom. 7. Sect. 5.

(d) Compend. Anat. Præf.

(e) Adv. III. pag. 52.

(f) Ibid.

(g) Ibid. in marg.



invehunt, ignorare prorsus videri. Attendamus in-  
 ligne discussionis specimen. Succus ventriculi, &  
 intestinorum si illi vere sunt; & si hi aliqua ex  
 parte subtiliores sunt, salivales, inquit, sunt. Nimi-  
 rum ut objectæ culpam declinet oblivionis, in a-  
 liam incurrit; obliviscitur namque, se ibi non ni-  
 si de salivis pancreaticis, & proprie dictis sermo-  
 nem habuisse. De vasis autem lymphaticis hæc re-  
 spondet: quasi quod succi, qui a lymphaticis vasis  
 in chyli excipulum, atque thoracicum ductum im-  
 portantur, valerent retrogredi, atque ex his parti-  
 bus in implenda lactea primi, & secundi generis ---  
 descendere. Novum hunc nihil obstantibus valvulis  
 mechanismum obiter Lectores expendant. Imo no-  
 vum hoc potius responsionis expendent genus;  
 quasi vero hic illud ageretur, quod ne in men-  
 tem quidem venire cuiquam poterat hoc tempore,  
 an lymphæ a chyli receptaculo, ductuque thora-  
 cico relabi retrorsum queat, cum illud agatur,  
 an quando inter omnes constat, lympham in id  
 receptaculum, eumque ductum comportari, hæ-  
 duæ inter lacteas præcipuæ viæ a salivis dumtaxat,  
 absente chylo, percurrantur, perviæque serven-  
 tur; ut scribi sine ulla dubitatione potuerit: in  
 chyli absentia vias has omnes lacteas; scilicet non  
 modo lactea duplicis generis prædicta, verum et-  
 iam prædictas pariter glandulas lumbares, ductum-  
 que thoracicum; limpidum solum liquore, huiusmo-  
 di videlicet salivari subtiliori turgidulas se se offer-  
 re visui. Ita se habet specimen primum. Attenda-  
 mus alterum. Primum & ultimum chylicificationis in-  
 strumentum in ore, ventriculo, & intestinis salivam  
 pronunciaverat. Hæc adscripsi: oblitus videlicet,  
 ut nunc alia prætermittam, virium aeris quem de-  
 glutimus una cum cibis, atque adeo cum saliva i-  
 psa, fortasse ad ejus particulas implicandas, & ad  
 ventriculum secum rapiendas visciditate quadam do-  
 nata. Quæ quidem sicut eo pertinent, ut intel-  
 ligatur, non esse igitur unicum chylicificationis in-  
 strumentum salivam sine ulla hæsitatione statuen-  
 dam; ita illuc vicissim nullo modo trahi possunt,  
 quo Provocator obtrudit asserens a me, „maximum  
 „condi chylicificationis instrumentum, „in viribus  
 aeris, quem deglutimus una cum cibis & cat.  
 Tantum enim aeri quem deglutimus, hoc est, in  
 nobis, tribui postulo quantum decet, non quan-  
 tum ipsi obtrudere commodum est, perinde ac si  
 aerem aut salivæ ipsi præferrem, aut in omni a-  
 nimantium genere idem prorsus præstare, contem-  
 derem; quanquam in piscibus ad quos connititur  
 id quod de nobis dixi, transferre, haud omnino  
 aerem desiderari qui cum saliva in eorum pluri-  
 bus misceatur, ii non ignorant, qui sciunt, quo  
 in loco hiare natatoria ipsorum velica soleat.  
 Itaque ex binis hisce exemplis quæ specimenis lo-  
 co selecta proposuit, quid de cæteris responsionibus  
 habendum sit quas in sua illa *Universali Historia*  
 proponet, jam nunc omnes poterunt existimare.

58 Neque XVII. Animadversio ab iis quas hæ-  
 stenus explosimus, discrepat; ut ex hac quoque,  
 etiam silentibus nobis, proclive omnibus sit judi-  
 care, quinam rebus omnibus contradicendi partes  
 1056 complexus, --- contra ipsam veritatem remis velis-  
 que contendere insudet. Nam queritur primum cl.  
 Provocator, plerumque me suæ *Historiæ membra in*  
 1057 *centones divellere*. De qua quidem injusta queri-  
 monia cum supra vidimus, tum mox videbimus.

Ipsæ vero interea; ut solet sui præsentis, non  
 primi, atque ideo neque nostri ordinis rationem  
 habere; ab locis quæ sunt in Animadversione no-  
 stra XXIV. retrorsum labitur ad locum qui est in  
 XXIII. De me autem queritur quod ad exami-  
 nandum locum qui ex ordine sequebatur de Glis-  
 soniana Venæ Portæ Capsula, producā, & con-  
 feram alterum locum qui de eadem præcesserat;  
 quasi vero scriptoris inconstantia, nisi pluribus  
 collatis locis, posset convinci, aut quicumque ejus  
 rei causa idem necessario facere coguntur, ordinem  
 invertere, & scripta in centones divellere diceren-  
 tur. In illo igitur altero loco, in quo ejus par-

tes fuerant exacte nobis, quantum ipse nosset,  
 eam Capsulam describendi, hæc, haud plura verba  
 conscripserat: *Indumentum hoc commune, ex tuni-  
 ca hepatis a peritonæo oriunda prognatum, primus  
 detexit laudatus Vir Glissonius; Capsulamque ideo  
 communem hepatis vocavit; quam rete musculari  
 compositam volunt Moderniores aliqui*. Ipse autem,  
 qui certe ex tunica hepatis a peritonæo oriunda  
 prognatam affirmavit, de hoc rete musculari quid  
 docuit? Affirmavit? an negavit? Ne unum qui-  
 dem addidit verbum. Qua tandem igitur ego in-  
 dustria usus sum, cum ejus loci sententiam profe-  
 1058 rens, scripsi (a): „Capsulam Glissonianam supra  
 „in descriptione ex tunica hepatis a peritonæo  
 „oriunda prognatam statuerat, vix addens: rete mus-  
 „culari compositam volunt Moderniores aliqui? „  
 Et tamen contendere non veretur: „repellendo  
 „jam igitur illud vix, quod multa quidem indu-  
 „stria fuit a cl. Censore in hunc textum intrusum,  
 „jam plane (in eo loco) se dicere, capsulam hu-  
 „jusmodi esse musculari rete compositam, ut vo-  
 „lunt moderniores aliqui, quo pacto alios candide  
 „excludat, qui revera istud non volunt. „Verum  
 enimvero num illud vix ego in textum intrusi,  
 qui imo de industria ab ejus verbis certò discrimi-  
 ne separavi? Num plus ipse dixerat, quam ego re-  
 tuli? Num saltem signum ullum ibi dederat, a se  
 Moderniores illos aliquos probari, qui alibi, ut vi-  
 dimus, scripsit: *quantum ferunt modernorum ali-  
 qualium insomnia*? Utrius igitur nostrum in hæc  
 Lectoribus obtrudendo multa est industria? Mea  
 certe non est, qui rem ut erat ita reliqui. Il-  
 lius potius est, qui contra id quod in Præfatione  
 affirmavit, in hac nova Editione minime veritus  
 est, suis illis verbis hæc continuo attexere: *Imo*  
 27 *legitimum musculus, & quæ, prioribus plura, se-  
 quuntur*. Nam cum priora, id quod ego argui,  
 non ita bene cum altero loco convenirent, in quo  
 cum ad usus ventum esset, bilem in hepate ex-  
 primi, jam sine ulla hæsitatione affirmabat non  
 solum per naturalem membranarum glandulas cin-  
 gentium contractionem, sed & per superadditam  
 insuper capsulæ Glissonianæ immediate adjacentis &  
 advolutæ, quæ secundum accuratiorum indagines  
 verus est musculus; nunc isto novo facto; secun-  
 dum mea, quantumvis dissimulet, monita; per-  
 opportuno additamento, minus jam ista ambo lo-  
 ca, si iterum conferantur, videbuntur inter se  
 dissidere. Longe enim aliud est, Capsulam ex  
 tunica hepatis a peritonæo oriunda prognatam RE-  
 TE MUSCULARI COMPOSITAM velle Modernio-  
 res aliquos: & Capsulam ipsam, secundum accu-  
 ratorum indagines, VERUM, sive LEGITIMUM  
 MUSCULUM pronunciari, imo quasi id supra  
 satis constitutum jam esset, poni, atque assumi.

Nam si hæc duo apud Anatomicos idem es-  
 sent, legitimum esse musculus, & rete musculari  
 componi, ut modo incautis vellet obtrudere; quid  
 igitur opus erat, ut prioribus illis verbis rete mus-  
 culari compositum, hæc in nova Editione adde-  
 ret, imo legitimum musculus? Non est igitur am-  
 plius ut speret, se cuiquam posse obtrudere que-  
 rimoniā illam alteram de me suam, quasi arte  
 factas contradictiones in ipso redarguerem, qui quam  
 parum sibi ipse constaret, isto additamento pate-  
 fecit. Post hæc, opinor, jam bene intelliget,  
 quid mihi voluerim, cum ipsi qui in descriptione  
 Capsulæ hanc ex tunica quidem a peritonæo oriun-  
 da prognatam statuerat, rete autem musculari  
 componi, nedum legitimum esse musculus, non  
 statuerat, non convenisse indicavi, ut cum ad  
 usus ventum esset, repente pro vero musculo eandem  
 acciperet. Neque enim illud unquam mihi venit  
 in mentem ut contenderem, peritonæi produ-  
 ctionem fieri in progressu musculosam non posse:  
 quanquam si tam ineptus fuisset ut id contende-  
 rem, haud satis scio, an ipse eo quod producit,  
 exemplo me convincere valeret. Nam „cre-  
 „dentes ipsos musculos ab ipso peritonæo esse  
 „oriundos, prognatos, productos, nemo, inquit,  
 „est



1019 „ est qui in dubium revocet. „ Quid ergo? Ipsi qui in anatomicis dissectionibus, atque anatomicorum librorum lectionibus jam prope consenuit, nondum accidit, ut quod ego sæpius vidi, observaret, Cremasteres ab inferiore ipsorum Abdominis Musculorum parte pronasci? neque ut videret, Falloppium (b) Vesalii descriptionem, ut canibus, non hominibus convenientem, propterea arguere, quod Cremasteres enasci a peritonæo, docuisset; neque vero ut animadverteret, hos a Peritonæo non deduxisse Vidium (c), non Spigelium (d); non Riolanum (e), non Veslingium (f), non Highmorum (g), non Marchettum (h), non Th. Bartholinum (i), non Diemerbroeckium (k), non Blasium (l), non Graafium (m), non Dionisium (n), non Munnickium (o), non Verheyenium (p), non Fantonum (q), non Boerhaavium (r), non Cowperum (s), non Heisterum (t), non Teichmeyerum (u), non Santorinum (x), non alios tum veteres, tum recentiores, quorum omnium avide congestis auctoritatibus bene multas, ut solet, Provocator paginas impleret; Ego autem cui valde dispar mos in scribendo, & propositum est, satis superque esse, credo, hos qui longe aliud docent nominavisse, ut ab omnibus, num nemo sit qui in dubium id revocet, intelligatur. Quoniam autem Provocator cl. Capsulam secundum accuratiorum indagines verum esse musculum, in proposito altero loco pronunciaverat, negavi ego secundum accuratiorum indagines id pronunciare potuisse, nisi Cowperum eximium illum, & diligentissimum Anatomicum, qui aperte dissensit, ab accuratiorum numero expungere auderet. Ille vero hoc loco facillimam sibi esse responsionem, putat, propterea quia cum ego Cowperum in plurimos, quod ipse ait, gravissimosque errores lapsus esse, judicaverim, sibi quoque ipsi licere credit me imitari, & hac in re Cowperum lapsus dicere. Verum non sentit, aliud hic agi, videlicet non an Cowperus hic lapsus sit, de quo post videbimus, sed num ab Accuratiorum numero Anatomicorum sit expungendus; neque enim ob perpaucissimos (si cum pluribus variisque illius scriptis, ac cum multorum longe plurimis erroribus conferantur) & facile in tanto Viro excusandos lapsus, Accuratioris, imo neque Accuratissimi Professoris nomen debet amittere. Sic Hippocrates (y) ego, inquit, etiam eum medicum vehementer laudavi, qui parum delinquat. Sic Horatius (z)

Vitiis nemo sine nascitur; Optimus ille est  
Qui minimis urgetur.

Itaque non modo alibi, ac multo sæpius, magnis Cowperum laudibus sum prosecutus, sed iis ipsis in locis in quibus ob eas quas supra exposui, causas, nonnulla notare coactus sum in quibus Cowperus aliquid humani passus videtur; semel, atque iterum (a) (id quod cl. Provocator omittit) illum accuratissimum alioqui, eaque ipsa in parte in multis laudem promeritum diserte censui; tantum a vero abest id quod obtrudere his, multa quidem industria, conscriptis verbis conatur, ut ad propriam firmandam sententiam ibi loci (ut mihi commodum erat) istum scriptorem inter accuratiores Anatomicos habendum esse videar jubere, & alibi spississimorum lapsuum notam eidem inuram.

59 Eadem, ne quid gravius dicam, industria obtruditur, me scripsisse, Bellinum non demonstrasse Glissonianam capsulam esse muscularem. Mea verba hæc sunt, multum hic, infraque attendenda (b): „ quasi illud revera, ut tu, Mangete, adnotas, „ Bellinus demonstrasset; quod, ut de me fileam, „ certe Doctissimo Fantono non videtur. „ Quid aliis non videatur, ajo; quid mihi, fileo; & erit qui obtrudat, me illud dixisse quod filui! & is qui a vero alienum hujusmodi sensum mihi imponit, hic clamabit tamen, me a vero alienum sen-

sum prudentissimo Fantono imponere! Num igitur Gravissimus, & Perspicacissimus Vir Fantonus (c) ex propriis super Capsula cum meditationibus, tum observationibus hoc diserte non collegit: Quamobrem Bellino eruditissimo assentiri non possumus, cum biliari trunco intra jecur, ejusdemque ramis advolutum esse musculum statuit, quo directionem motus bilis firmitus, atque elegantius demonstraret. Quid ergo est, illud a Bellino ut Mangetus adnotat, demonstratum, demonstratum non videri Fantono, si hoc non est? Cur hæc verba, & sensum Fantoni is omittit, qui inter suas illas de me querimonias hanc quoque injustissimam posuit: a me scriptorum auctoritates mancas offerri? Atenim Fantonus dubium se adhuc testatur, cum paulo post subjicit: rem hanc in humano & bubulo jecore animum esse ultro investigare. Fateor. Sed quid hinc sequitur? Num illud duntaxat quod Provocator ait, nihilque ad me pertinet: „ Ergo falsum est hæcenus, Doctissimo revera 1061 „ videri Fantono, illud Bellinum non demonstrasse. „ An hoc quoque: Ergo verum est hæcenus, Doctissimo Fantono non videri, illud Bellinum demonstrasse. Nam si videretur; dubium se adhuc non testaretur, neque in animo haberet hanc rem ulterius investigare. Utriusque hujus consequentiae vim, & discrimen qui attenderit, is intelliget, quomodo in prima alienus a vero sensus, imo aliena verba suaviter mihi imposita sint, atque ideo in quem cadat illa altera querimonia, quod acutissimi ingenii modis, & lusibus controversia ineatur. Non igitur ego mancam Doctissimi Fantoni auctoritatem produxi, qui nihil dixi quod non quantumvis etiam dubitanti conveniat. Provocator autem cl. num mancam non attulit, qui primum apertissima illa de Bellino, quo de agebatur, verba omisit, cum alia quædam in quibus eadem sententia narratur, non impugnatur, protulerit? qui deinde siluit, quid de Needhamii, supra a se prorsus non omitta, opinatione Fantonus dixerit: siluit, Fantonum nunquam non fuisse arbitratum, hanc capsulam ab aliis diversam vix esse quæ ad munienda magis, quam comprimenda vasa, ut ratione, atque observatione ostendit, videntur esse factæ: siluit, Fantonum cum diligentius in homine rem examinaret, observavisse, ramos aliquot venæ portæ sociari quidem ramis arteriosis, atque biliaribus, sed tenuissimam vaginam obduci: Triplex insuper genus hoc vasorum non perpetuo in vaginali propagine simul decurrere: Porro fasciculos fibrosos, qui forte haberi pro carneis possunt, circa portæ venæ saccum exterius conspicuum, ubi in jecoris sinu vena recipitur, ac potissimum juxta minimum jecoris lobum occurrisse: hæc, inquam, siluit, Fantonum observavisse, quasi nihil nisi aliquot ingeniosas meditationes, ut ait, exeruisset, qui ex propositis observationibus illud deduxit, quo posito, Bellino se assentiri posse, apertissime negavit.

60 Quæ omnia cum ita sint; patet, in quem 1057 tandem omnes illæ querimonie jure ac merito recidant quod scripta in centones divellantur, quod scriptorum auctoritates mancae offerantur, quod declamationibus, arte factis contradictionibus, Scommatibus, aliisque similibus acutissimi ingenii modis, & lusibus controversia ineatur. Quæ sane querimonie a me erant eo gravius ferendæ quod prima earum origo ex iis exitit, quæ sub initium hujus Animadversionis a cl. Provocatore de me non ita obscure dicta notavi: quasi ego rebus 1056 omnibus ipsius contradicendi partes aliquando complexus, hinc hujusmodi capsulam, absque ullo musculari artificio, esse duntaxat membranaceam dictitans, contra ipsam veritatem remis velisque contendere insudaverim. Nam quid respondere possit, si universa, & singula hæc negem? Quomodo probare possit, me omnia, quæ ipse affirmavit, refellen-

(b) Inst. Anat. (c) De Anat. l. 4. c. 10. (d) De hum. corp. fabr. l. 4. c. 12. (e) Anthropogr. l. 5. c. 36.  
(f) Synt. Anat. c. 6. (g) Corp. hum. Disqu. l. 1. p. 4. c. 3. (h) Anat. c. 6. (i) Anat. quart. renov. l. 1. c. 22.  
(k) Anat. l. 1. c. 22. (l) Comment. in Vesling. locum cit. (m) De Viror. Organ.  
(n) L'Anatom. de l'homme Demonstr. 4. (o) Anat. nov. (p) Anat. corp. hum. l. 1. tr. 2. c. 21.  
(q) Anat. corp. hum. Diss. 8. (r) Inst. Med. n. 641. (s) Myot. Ref. chap. 2. (t) Comp. Anat. p. 343.  
(u) Elem. Anthropol. c. 31. (x) Obs. Anat. c. 9. (y) De Vet. med. (z) Serm. l. 1. S. 3.  
(a) Adv. II. pag. 31. 43. (b) Adv. III. pag. 48. (c) Anatom. corp. hum. Diss. 6.



tellenda suscepisse, qui nihil unquam eorum, nisi a Præcl. Mangeto propositum esset, attingere voluissem? aut me Glissonii capsulam, absque ullo musculari artificio, esse dumtaxat membranaceam scripisse, qui hac de re iudicium non interposuerim meum? aut me (quod gravissimum & a vero alienissimum est) contra ipsam veritatem velis remisque contendere insudavisse, qui mearum cogitationum cognitorem unum habeam Deum? Verum ut ipsi declamationes, & scommata relinquam sua, & de Capsulæ dumtaxat structura quidquid in Animadversione hac consulto omisi, paucis expendam; primum nego, in suis ipsum Tabulis ea demonstrasse, ex quibus illud consequatur, ut credit, Capsulam, idcirco veri ubicumque musculi nomine excipiendam esse. Nam ut daremus, ita rem semper sese habere, ut in ejus Tabulis; certe ipse Capsulam in ulterioribus partibus, & ubicumque non ostendit. Atque ut in ulterioribus cunctis partibus id ostendi posset quod in primis illis dumtaxat, ac majoribus ostendit Tab. VIII. Fig. I. quis tamen esset qui membranam, superadditis fibris quidem carnis, sed disjectis usque adeo, atque disjunctis, hic illic præditam, verum propterea musculus esse, & veri ubicumque musculi nomine excipiendam jure concederet? Id si liceret; verorum universi corporis Musculorum, catalogus mirum quantum excresceret.

Deinde vero quod Auctores producit fibras carneas, vel musculosam ex parte structuram in ista membrana agnoscentes, ea in re tempus, ut solet, terit; neque enim mihi incogniti erant, aut eos aliter docuisse, unquam scripseram. Neque ego unquam, quod meminerim, contendi, Provocatore cl. erravisse eo dumtaxat quod vel Bellinus, vel Lancisius contrarium senserint, sed ubi vel perspicuæ rationes, vel faciles, si opus esset, anatomicae ostensiones in promptu esse possent, eorum quoque Amplissimorum scriptorum iudicio, ac testimonio usus sum, præsertim cum disputatio mihi esset (id quod Provocator nunquam attendit) non cum ipso, sed cum Præcl. Mangeto, qui Cel. Lancisii ad cl. Provocatorem Epistolam, sine ulla censura in suum Theatrum receperat. Non ego igitur in Præclarissimorum Auctorum æstimatione varius, aut instabilis, sed in seligendis firmioribus eorum locis, & quæ si quis mihi forte negare vellet, possem facile resistere, non ita fortasse imprudens. Quid enim simile? Glissonii Capsula ubicumque est verus musculus; & Ductus Cysticus oblique confluit cum Hepatico. Hoc possis facile neganti ostendere; illud non possis. Quanti autem ego Bellinum fecerim, & faciam, illud testimonio sit, quod cum multa dicere in hac re possem; malui tamen primum silere, neque modo quidquam præter id dicere quod satis esset. De Lancisio vero, cujus ego nomen haud minus mortui colo, quam viventis coluerim, longe alia res est. Neque enim omnes fibras carneas Glissonii capsulæ nego, & si negarem, satis tamen Lancisio erat musculus adjunctus, cujus vices, quod ad jecur pertinet, proximum præstare Diaphragma fortasse posset. Hæc ego dicerem. Ille vero quocum istic cl. Provocator contendit, metipse

1061

quidam sane quid diceret, ignoro. Nam ipsemet quid sit, omnes sciunt; metipse autem quid sit, neque ego scio, neque adhuc inveni qui nosset.

61 Animadversio XIX.; nam XVIII. nihil ad me pertinet; ad seria nos revocat. Extollit Provocator cl. labores tot suos, tot tantasque ad Tironum progressus, & commoda contentiones, & studia in secretionis caulis exponendis; ut magnam, si Diis placet, in nos concitet invidiam, quod strenue horrissonoque bello in tam præclara, tamque universo terrarum orbi utilia sua cogitata irrumperere ausi simus. Verum si illa tam præclara, tamque utilia erant, quæ in prima Editione, nec primus tamen (a), proposuerat; cur in hac altera tot addit, tamque omnia confundit, & miscet, ut con-

tra magnifica illa novæ Præfationis pollicita; non facile videam, quæ loca ab Adversariis impugnata, neque immutata literula recognosci undeque possint. Nulla alia, opinor, de causa nisi ut qui priore illa Editione carerent, iis minus vereretur obtrudere, me nihil penitus probare adversus ipsum, multum adversus me ipsum probare. Quonam id modo? Quandoquidem, inquit, probare ipse nitens, neque viam a corde ad jecur esse omnium longissimam, neque viam a corde ad renes esse omnium brevissimam &c. et, gravem sub quadam FALLACIA larvatum errorem pro re certa intrudere laborat. De se ipso putat, an de me loqui? De me, inquit. Ubinam ergo fallacia hæc mea? Num ego, quod ipse continuo sub quadam aperitissima fallacia obtrudere laborat, breviorcm esse, aut longiorcm a corde ad hepar, aut renes viam ab apparenti dumtaxat inter utramque partem seu ad oculum mensurabili intervallo computavi, aut computavisse ipsum, dixi? Si dixi; verba proferat, locum demonstret. Ipse vero qui de non servato a me ordine toties queritur; nisi meum, imo suum priorem scribendi ordinem hoc in loco perturbasset; non prius examinare debebat ea quæ a me superiore pagina (b) scripta erant super illis verbis suis de sanguine ex quo bilis secernenda est, per tot arcus portæ longosque meandros usque ad ejus truncum ferendo, & rursus ab ejus trunco per novas & longas in ipso hepate ramorum divaricationes? At si hæc, ante, ut par erat, a me producta, ipse quoque prius produxisset; cui tandem nisi stipiti, aut trunco obtrudere se posse, sperasset, me viam istam ab apparenti dumtaxat intervallo inter cor, & jecur per fallaciam computavisse, aut ab ipso computatam indicavisse? Quid ergo dixi, nisi hoc (c): Quis est qui non videat, neque viam a corde ad jecur esse omnium longissimam, neque viam a corde ad renes esse omnium brevissimam? Num per hæc obtrudere id volui, unde aliquis statim diceret, longe breviorcm esse viam a corde ad hepar, quam a corde ad renes? an hoc potius, ut via a corde ad jecur sit per ambages, non tamen omnium longissimam esse? Extendat enim, quantum ipsi libet, omnes illas ambages; certe nunquam nos adducet, ut secum exclamemus: Quot ulnarum MILLIARIIS, vasa a corde ad hepar concurrentia longitudine equiparanda? Hoc nimirum proprium ipsius est, artificiosum, in quod alibi (d) declamavit, orationis genus, quod minima in maxima transformare posset, non vera in verisimilia sibi impune suasit. Hæc tamen tot ulnarum milliaria dum demonstret, expectabimus; atque interea ab his non veris, quæ frustra in verisimilia transformare conatur; ad ea transibimus minima, quæ in maxima transformare allaborat.

62 Dixeram: eodem fere a corde intervallo & tenuiora, & crassiora secerni, veluti pericardii humorem, & circumjectum cordi adipem, velut urinam, & circumjectam renibus pinguedinem, velut denique (nam ad salivam ipse provocarat, hoc est novissime salivæ exemplo nixus erat) in eodem ore & crassiorem, & tenuiorem salivam. Quid ipse ad hæc tria exemplorum paria? Ad primum, immemor, nullam mihi secum, sed omnem cum Præst. Mangeto disputationem fuisse, qui (e) secretionem humoris pericardii non sine folliculis glandulosis fieri, agnovit, relictis ipse Malpighii, & Littrii observationibus, de tribus, ab his discrepantibus, cogitatis nescit plane quod amplectatur; & tamen hæc ipsa tria sibi acceptiora esse, dicitur. Neque tempus modo mihi est, neque voluptas unquam erit cum ipso disputandi, ut hæc omnia possem, aut velim examinare. Sed quid si illud ipsum arriperem cogitatum cui magis confidere videtur, ut quod primo loco posuit, humorem videl. pericardii ab internis hujus foraminibus scatere cum ejusdem arteriarum, sine ullo flexuoso artificio distributarum, apicibus facile communicantibus? Quid enim putat? Certe hoc cogita-

107

50

1073

(a) Vid. Michelotti Diss. de separ. Fluid. pag. 251. &amp; seq.

(b) Adv. III, pag. 46.

(c) Ibid. pag. 47.

(d) Orat. III, pag. 24.

(e) Theatr. Anat. Tom. I. pag. 183. 184.



gitatum ostendere, multo brevius intervallum esse a corde ad fontes aquæ pericardii, quam sit a corde ad cellulas cordis adiposas. Nam ad illos, quamvis Diligentissimi Ruyschii (f) repugnet Icon, sine ullo, inquit, flexuoso artificio feruntur arteriæ; ad has autem arteriæ pertinent in innumeros, quod ipse ait, gyros, & flexus dispersæ, & intortæ, hinc in intricatissimos reticulos divaricatæ. Vides, ut ambagibus hic quoque indulgeat suis, si forte viam hanc in minutissimis, quod ipse inculcat, capillamentis, & finibus arteriarum ferme delitescentem transformare in maximam possit, & quæ aliquot ulnarum milliaria longitudine adæquet. Verum si his flexibus non plus fortasse quam par est, tribuamus; isti ipsi flexus, & quidquid præterea his addit, non in sui, ut credit, sed in mei ipsius commodum cedunt. Unde enim sunt hæc flexuosa adeo capillamenta? Certe ex arteriis, ut fatetur, coronariis, quarum origo minime omnium a corde remota est. Illæ autem pericardii arteriæ, sine ullo flexuoso artificio dispositæ, quarum ad hoc tempus cognita origo est, nonne sunt, ut Ruyschius (g) confirmat, vel ex mediastinis, vel ex mammariis, vel ex intercostalibus, vel ex phrenicis, quæ omnes quanto amplius quam coronariæ distent a corde nemo ignorat? Itaque suæ in iis capillamentis ambages, arteriarum quæ pericardio prospiciunt, longitudinem pensantes, ad illud idem fere intervallum a corde efficiendum pertinent, quod ipse negat, nos affirmavimus. In altero autem urina, & pinguedinis circumjectæ renibus exemplo non minus hic obliviscitur quocum mihi res foret: qua de re cum infra iterum sermo futurus sit; idcirco ad tertium exemplum transeo crassioris, & tenuioris salivæ, in quo non jam aliorum, sed sui ipsius oblitum miror. Neque enim nostra cum venia, sed cum sua scribere debebat, absolute se negare, illa crassiora liquida, illa, inquam, quæ a faucialibus glandulis scaturiunt, salivæ revera esse: & idcirco se glandulas cibarii tubi in salivales, & mucosas distinguere; quando ipse non modo in prioris, sed in hujus quoque Editionis I. Parte, non tantum ut hîc, palatinas, labiales, buccales & cat. sed diserte fauciales, etiam glandulas, inter salivares, inter eas quæ salivæ rivulos instillant, sine ullo ab aliis discrimine, proponit.

63 Nescio deinde, cur quandam, quam & ipse nimiam esse, subsensit, de adipe digressionem instituerit; nisi forte idcirco fecit, ut ex III. ad II. Adversaria, servantissimus ipse ordinis, suarumque immemor querimoniarum, transiliens, claudicare posset, ex duabus meis propositionibus, si utraque vera censetur, alteram esse manifeste falsam.

Nam certe nulla alia facere de causa potuit, ut continuo ostendamus, postquam de duabus illis propositionibus viderimus. Altera est: verisimile esse censeo, --- pinguedinem quoque assiduo quodam circuitu circumferri: Altera: Adiposæ membranæ sacculi pinguiferis globulis, quasi glandulosis acinis, referti sunt, ad quos vasa pertingunt sanguifera. Cur igitur si vera prima est; secunda sit falsa, necesse est? Quia, ut præposita a Provocatore verba declarant, hanc esse accipiendam non dubitat secundum eorum sententiam, qui adipem in propriis cellulis viventis animalis depositum, censent, veluti congelari in duriusculos, saltem non amplius fluentes, pinguedinosos globulos. Jam missa omnia alia facio quæ meam illam Animadversionem (h) legentibus ultro ostendunt, me globulorum nomine nil nisi subrotundas, inclusas sacculis, membranas cellulas posse intelligere, quæ, ut sacculi glandularum lobulis, sic ipsæ lobulorum acinis respondeant. Hoc tantum ajo: non pinguedinosos me, sive ex pinguedine globulos, sed certe pinguiferos scripsisse, ut nemo nisi qui forte credat sanguineos globulos, & sanguifera receptacula idem esse, credere me possit, cum gl.

Morgagni Epistola Anat. II.

bulos pinguiferos dixi, contentam pinguedinem; non continentes cellulas significasse. Nemo, inquam, non jam eorum dico, qui nostræ hujus ætatis pro latina elegantia prurigine, aut qui hac tam dulci literatorum Hominum mentis ægritudine laborent, sed eorum dico, qui hoc dumtaxat latine sciant, non esse idem pinguedinem ferre, & pinguedinem esse. Quod si quis forte id nescit; num verum æquumque est, ut pro ejus imperitia ego plectar, & falsum manifeste scripsisse dicar? Nulla igitur ob id causa erat, ut ista de Adipe digressio interjiceretur. Sed nulla quoque, ut ego admonerer, ut viderem an forte allucinatus non fuerim, adipem inter crassiores animalis humores recensens. Nam neque contrarium satis ostenditur, neque ego illud scripsi, neque bile ipsâ crassiorem adipem reputavi. Hoc tantum indicavi, quod adhuc confirmo: circumjectum cordi adipem, circumjectam renibus pinguedinem præ humore pericardii, & præ urina esse crassiora. Admonendus potius est cl. Provocator, ut videat, si adeps inter tenuiora recensendus sit, quorsum igitur suæ illæ ambages, flexusque pertineant quibus via a corde ad hujus cellulas adiposas usque adeo augeatur: itemque ut videat, si inter crassiora, si inter tenuiora pinguedo sit recensenda, cum hæc in omni fere corporis parte, & quod consequitur in omni a corde distantia secernatur; alterutrum inde effici, vel falsam igitur esse illam pro qua propugnat, sententiam, vel si mordicus retineri velit, in vasculis sanguiferis, pinguedinis secretioni dicatis, in singulis propemodum corporis partibus, majores, minoresve flexus esse confingendos certo ordine auctos, aut imminutos; quo tamen maxime precario commento uti, videat an satis sibi liberum sit, qui supra quidem ejus generis vascula ad adiposam renum tunicam scripsit esse flexuosissima, sed tamen ad cordis quoque basim in ejusdem generis vasculis innumeros gyros, & flexus agnovit.

64 Verum hujusmodi commenta jure ac merito effugia vocavi, & esse, probavi: ubi scripsi (a): Neque effugium variorum angulorum, & flexuum, aut variae (quam tamen Viri bene multi Doctissimi, & experientissimi, nullam agnoscunt) in sanguine fermentationis usque adeo prodesse potest, quando is sanguis qui a corde ad meatum auditorium fertur, non modo non ita longa, sed neque ita flexuosa, neque ita ad remorandum apta fertur via, ut is qui ad jecur deducitur; & tamen ex utroque materia lenta, flava, amara separatur, imo, velut infra agnoscit, ex illo magis SPISSESCENS bilis separatur, quam ex isto, contra atque fieri de ejus sententia oporteret. Quæ verba descripsi, ut intelligatur, quam vera sint quæ ipse distitit: „Angulorum, & flexuum habitudines effugium „esse pronunciat, sed quid unquam? Cur neque „verbum ad hanc propositi effugii firmandam „rationem adjicit? „Illud vero quod in transitu innui adversus sanguinis fermentationem, abjicere quidem a se cuperet, scriptitans, me forte mihi persuasisse, tenere se in sanguine Willisianam fermentationem, musto, ac panificio analogam. Sed qui satis possit? qui ut alia præteream, certe in illo ipso quod examinabam, capite (b) sanguinem cum liquoribus vinosis diserte comparaverat, qui spontanea solum fermentatione a mixtis impuritatibus defæcantur. Nam etsi ab hac defæcatione inhiberi sanguinem, mox indicavit, quousque motu ciatur locali sensibili; non multo post tamen scripsit, sanguinem ad hepar adventantem ex recessu hoc notabili, & distantia a motus localis impulsu, magis magisque inde in cursu suo tardigradum fieri, liberiusque inde, & vegetius vacantem fermentationi suæ, faciliusque inde biliosas extricantem sordes, & tanquam eructantem e plexu suo: idque ad alias deinde omnes animalis secretiones transfudit, repetens præcipue ex majori inde aut minori in

E

eodem

(f) Resp. ad Epist. Probl. 2. (g) Ibid. (h) 6. in Adv. II. (a) Adv. III. pag. 47.  
(b) Edit. I. c. 10.



eodem deſetto ſanguine, depurativæ fermentationis libertate, varias hinc ſolutiones in ſanguine, ut diverſorum hinc generum liquida aut tenuiora, aut craſſiora ſejungantur in itinere a tota maſſa. Quod legitimæ fermentationis genus etſi ex illis eſt quæ ab Doctiſſimis, & Experiendiſſimis viris in ſanguine negari, dixi, & merito quidem; neque enim ſanguis tantum uſquam remoratur, quantum ei rei ſatis ſit, neque unquam ex ſanguine, ut ex aliis quæ fermentationem ſubierint, liquidis inflammabilem ſpiritum elicere potuerunt; tamen ſi hoc quoque effugii genus cl. Provocatori permit- tamus, non facile poterit illud nobis expedire quod de bile magis ſpiſſeſcente, ſecretaque in meatu auditorio objeceramus. Si enim reliquæ bili ſecernendæ via illa ad hepar non modo longiſſima, verum etiam, ut addit, flexuoſiſſima, & in qua ſanguis depurativæ fermentationi liberius vacet, aptiſſima, neceſſaria eſt; quanto magis hæc omnia neceſſaria erunt ad ſpiſſiorem illam bilem in Auditorio meatu ſecernendam? Sed neque longiorem, neque magis flexuoſam, neque vero magis aptam in qua ſanguis fermenteſcat, hanc poteſt dicere, imo multis partibus ne tantum quidem. Novum igitur quærit effugium, & qui jam antea in ambages ſe conjecerat, nunc in anguſtias ſe conjicit, ex quibus evadere an poſſit, vehementer dubito. Hæc, inquit bilis potius in aure, quam in hepate ſecernitur, non quia longior ad illam via, magiſque flexuoſa ſit (vides, ut adamatam deſerere cogatur ſententiam) ſed quia anguſtior, tum anguſtiſſimis devehentiſſimis vaſorum apicibus adhuc apponitur glanduloſus intricatiſſimus tubulorum flexus. Hæc autem veræ ſunt anguſtiæ, eo confugere quod non modo ea qua accipi debet, ratione precarium ſit, verum etiam multis aliis partibus in quibus tamen ejuſmodi bilis non ſecernitur, commune. Sed nimirum anguſtiæ quæ in hac quidem Animadverſione tam ſæpe, & tantopere inculcantur, inter illa autem quæ nos ad examen vocavimus, cogitata inculcatæ non fuerant, novum, ut diximus, effugium ſunt, quod aliis additum, mirificam Ideæ illius ſecretionis ſimplicitatem, & vim magis magiſque patefacit, tum inſuper cum aliis illis effugiis maximopere conſentit; in anguſtiſſimis enim vaſis aptior, ut opinor, locus eſt, & juſtum ſpatium in quo motus fermentationis a ſanguineis particulis ſatis libere perſici poſſint, ita ut exempli cauſa, ea de qua dicere cœperamus, ſpiſſior bilis a ſanguine ſeparetur! Quid multis opus eſt? Ne ipſe quidem Provocator cl. novo huic effugio ſatis confidit. Nam ubi ſpiſſeſcentem illam ultra ſtatum ſuum hepaticum bilem meatus videl. auditorii memoravit, non intellexi, inquit, bilem illam ſpiſſeſcentem eſſe in ſanguine hepaticâ revera craſſiorem. Quid ſi non extaret Editio prior? in hac enim poſtrema multo cautius, quam fidelius eum locum vel omiſit, vel illuc tranſtulit, atque retruſit, ut non poſſim invenire. In illa autem Editione (c) cum oſtendendum propoſuiſſet, bilem a ſanguine non in hepate, ſed alibi ſeparari, cum alium in conſiſtentia induit genium, vel ſcilicet liquidius, ſic enim ait, vel craſſius, poſtquam in renibus exemplum protulit ſecretionis bilis bile hepatica ordinaria ſubtilioris, continuo exemplum ſubjecit craſſioris, illis verbis: non minus ac ſpiſſeſcens ultra ſtatum hepaticum ſuum; dicto valedicens colatorio, id eſt hepati, per glandulas philtratur ova- les meatus auditorii. Quæ omnia cum ita ſint; & quid tunc intellexerit, & quo nunc modo evadere, quantumvis conetur, haud poſſit, manifeſto liquet.

65 Eadem fide mox ſcribit: „in hoc loco Cen- „ſor cl. valde (niſi fallor) intempeſtively pronun- „ciat, a me ipſum ad ſalivam provocari. „ Nam neque ubi de bile auditorii meatus, ſed antea, ut vidimus, opportune ſcripſi quod ipſum niti ſalivæ

exemplo ſignificaret; neque me ad ſalivam provo- cari, ſcripſi, ſed hoc prorſus modo (d): velut denique (nam ad ſalivam ipſe provocat) in eodem ore & craſſiorem, & tenuiorem ſalivam. Quan- quam autem id eadem ſententia dictum eſt, qua ſæpe alia eodem modo, ut Provocet jam iſte ad Doctiſſimum Bellinum: quando ad lotrices provoca- vit & cat.; ipſe quo jure quæve injuria in cer- tiſſimæ contumeliæ locum trahit, & ad ea non veretur intempeſtively tranſilire quæ nunquam ab i- poſo dici oportebat, ut in calce hujus Epistolæ de- monſtrabitur. Nunc enim de iſto, ut ipſe vocat, Epifodio fere tantum attingemus, quantum huic loco ſatis ſit, ut animus, ſicut ipſe ait, reficia- tur. Nam quod ipſe dictitat, adverſus Hiſtoriam ſuam Herculeum, & inſigne productum eſſe argu- mentum, id eſt, „famofum illud cecinebant, „ non id argumenti loco, ſed Epifodii, ut reficeretur ani- mus, productum eſt. Quod quando aliorum, ut ait, erratum tam mirifico ac recondito artificio defendit, ut b pro r, ſimillimam nimirum litte- ram, irrepſiſſe dicat, cum videlicet non cane- bant, ut ſit, & proximo Epigrammati ſubſcriptum da- bant ſatis indicat, ſed cecinerant ſcriptum eſſet; cur, quæſo, tot alia quæ ſua certe ſunt, neque iſto cecinebant leviora, tueri ad eundem modum non connititur? Sed fortasſe timuit, ne ipſum vi- ciſſim Typographi aliquanto verius recriminaren- tur, ſi omnem in eos culpam transferret. Quid ergo fecit? Multo faciliorem, atque breviorẽ defenſionem excogitavit, ut ipſe qui latine tamen ſcribere vellet, latinæ linguæ curam inter inutilia; atque adeo inter mentis ægritudines aperte repo- neret, ſecurus judicii cum Summi Scriptoris Fon- tenelii (e) cenſentis, libenter homines inutile id di- cere quod ignorant, & hoc eſſe quoddam ultionis genus, tum verò etiam ipſius Hippocratis (f), aut ejus certe vetuſti Auctoris, cujus Epistolæ Hip- pocratis eſſe creduntur: Excellentia, is inquit, morbi opinionem de ſe præbet propter judicantium imperitiã. Unuſquiſque enim ex his quæ ipſe non habet, judicat id quod in alio abundat, ſuperfluum eſſe. Cujus utriuſque ſcriptoris ut ſententiam tam veram, quam inanem Provocatoris reprehensionem eſſe, demonſtrem; idcirco quod aliis ignoſcerem, in hoc uno diſſimulare non poſſum, ſed ejus im- peritiã linguæ, cujus inutilem curam dictitat, iis in quæ ſubinde incurro, prolatis exemplis pa- teſacio. Nunc autem ad famoſum illud cecinebant, ſive ad propoſitum Epifodium revertamur, cui qui- dem hîc addit quod novi Epifodii loco eſſe poſ- ſit. Perinde enim ac ſi vetus illud Epifodium in meo, imo vero etiam in ſuo libro non omni- bus proſtaret; miratur quo unquam modo conti- gerit, ut Viri alii ingenioliſſimi, eruditiffimique id ſcire, aut eodem poſtea uti, ad ſuos pariter reſi- ciendos Lectores, potuerint. Nimirum hîc ejus obliſcitur quod in proverbio eſt: Pulchrum om- nibus placere. Sed multo etiam magis obliſci- tur primum num ipſe Viris illis aliis, eorum- ve ſtudiis, atque dogmatibus ulla unquam Præfa- tione, ullis unquam Theſibus inſultare conatus ſit, deinde quid illi, ſi ſunt, ut vere ſunt, ingenioliſ- ſimi, eruditiffimique, ipſi per ſe poſſint, noviſ- ſime illos quoque tot alia, & herculeæ quidem, atque inſignia argumenta objeciſſe, ad quæ ſi di- ſerte reſpondere ſe poſſe, ſperasſet, nunquam cer- te ad iſtiusmodi Epifodia confugiſſet. Atenim in- ter illa, iſta etiam quæ in Adverſariis jam lege- bantur, objecere. Scilicet vera iſta etiam, ac par- tim opportuna, partim ſatis firma cenſuere. Ne- que vero illorum dumtaxat, quantumvis ipſe diſ- ſimulet, ſed & aliorum Præſtantiffimorum Viro- rum idem inter me, & ipſum judicium fuit. Quo- ties id Cel. Heiſterus oſtendit! quoties Præcl. Santorinus! quoties iſqui de Fiſtula Lacrymali po- ſtremo ſcripſit, Doctiſſ. Platnerus, cujus hæc verba ſunt: Morgagnus vero hæc omnia (Bianchi inventa) haud

(c) Pag. 40. 41.

(d) Adv. III. pag. 47.

(e) Hiſt. de l'Acad. des Sc. 1699. Præf.

(f) Epist. ad Dionys.



haud immerito in dubium vocat. --- & hæc Bianchi inventa nos nunquam vidisse, ingenue fatemur! quoties denique illi, qui instar omnium esse possunt, Gravissimi Viri a quibus Lipsiæ Acta Eruditorum scribuntur, quorum ut multa alia verba præteream, certe illa quæ huc maxime pertinent, præterire non possum (g): Bianchi, inquiunt, Historia Hepatica --- manca, obscura, contradictoria, falsa, in celeberrimi Malpighii manes injuria & cat. a Morgagno ample ostenditur. Si igitur quæ hi jam satis indicaverant, alii postea, præter modo memoratos, Præclarissimi Viri, quorum iudicium, doctrina, eloquentia satis superque omnibus spectata est, urgere voluerunt; num ego; an is potius qui erraverat, hosque lacessiverat, in causa est? (h)

Ego isthæc moveo, aut curo? non tu tuum malum æquo animo feres? Verum hæc in præsentia obscure ad ea quæ mustitat, satis sunt. Nam aliud est maledicere, ut ait Tullius (i), aliud accusare: accusatio crimen desiderat, rem ut definiat, hominem ut notet, argumento probet, teste confirmet; maledictio autem nihil habet propositi præter contumeliam. Ubi igitur quis accusare voluerit, non maledicere; videt quid sibi, si ullo modo possit, faciendum sit; nos quomodo ejusmodi inanem, futilem, atque, ut omnia uno verbo complectamur, vel ab ipso Provocatore desertam, accusationem certissimis, ubi opus sit, documentis penitus refellamus, & confutemus, jam vidimus.

1079

66 Nunc omni misso Episodio, ad reliqua pergamus; imo vero cum Provocatore cl. qui ordinem mirifice observat, ad ea quæ, ut ante a me scripta, sic prius examinanda ab ipso fuerant, retrogradiamur. Quanquam quid dixi a me scripta? Alia quidem litterarum forma perinde ac si mea essent, verba exscripta video, sed pro meis non agnosco. In Adversariis, ut supra admonui, in primaque Historiæ Hepat. Editione quid ambo scripserimus, quærendum; tum vero utri nostrum difficilior fuerit exscribere, quam confutare, est judicandum. Quod si sensa obiter duntaxat volebat perstringere; primum verba aliis characteribus scribere non debebat, deinde sic totam rem enunciare: Tradideram ego in I. mea Historiæ Hepaticæ Editione (k) id quod in II. ab Adversariis monitus, ut absonum, ex parte omisi, ex parte ita discerpsti, atque interpolavi, ut amplius vix agnosceretur: tradideram, inquam, ad solvendas ab reliquo sanguine bilis particulas, utpote quæ cæteris sint magis implicatæ, multiplicata fuisse instrumenta solventia, scilicet angulos & latera, vasorum; ad hæc enim in conum gracilescencia, & præcipue ad angulos ex ramorum partitione resultantibus allisas sanguinis particulas solvi, paulo ante docueram. Illud vero ut ostenderem, scripsi, sanguinem ex quo bilis secernenda est, non modo per vasa arteriosa, ut reliquum, ferri, sed insuper per venam portæ; ut spectata hac, longissima omnium via, ideo inferretur, ad tantos angulorum & laterum vascularium occursum, in tanto circuitu abundanter, allisionem illam fieri, & solutionem. In Adversariis autem animadvertum est, hoc additamentum venæ portæ ad illud propositum nihil pertinere, propterea quia a venæ portæ radicibus ad truncum inversa illa figura est, quæ in arteriis ad allidendum ita opportuna a me dicebatur; a trunco autem ad ultimos in hepate ramos etsi illa figura restituitur; maxime tamen, ut in tota illa vena, debilis est ea vis a qua sanguis allidatur. Verum si hæc omnia sua, & mea sensa, ita perspicue, integre, fideliter proposuisset; quomodo brevi manu potuisset nostra refellere, ejusmodi videlicet responsione in qua nihil diserte de angulis, nihil de contracta in conum figura, nihil de allisione, sed de alia prorsus re verba fiunt? vel quomodo unquam sperasset, alicui se obtrusurum, id quod mox conatur, ab istis suis propositis sensis non ea penitus discrepare, Morgagni Epistola Anat. II.

1080

quæ alibi, aut hîc exposuit? videlicet figuram venæ Portæ tum a radicibus ad truncum, tum a trunco ad extremos ramos ad sanguinem magis implicandum facere: viam autem hujus sanguinis per arterias figura sua facere ad sanguinem in genere solvendum, non ad solvendas peculiariter bilis particulas. Nam qui hæc contendat, potestne idem cum de peculiari bilis separatione ageret, & hujus causam in via sanguinis esse, traderet, per illas arterias, & totam venam portæ, potestne, inquam, omni ejus viæ longitudine descripta, & super alias omnes inculcata, hæc scripsisse: Nonne ideo inferes, ad tantos angulorum, & laterum vascularium occursum in tanto circuitu, abundanter, & quantum ferat exigentia illidi in radice liquidorum hanc massam, & in componentibus etiam intricatioribus dissolvi, & abrumpi. Nam si hæc hujusmodi illisio, & dissolutio in Vena Portæ non est, ut certe non est; non erat igitur cur ex longissima super alias omnes via illud esset inferendum: & si ea illisio, & dissolutio quæ in arteriis est, peculiariter pro bile non est, imo hujus obstat separationi, quæ requirit ut congeneres particula a progressivo motu non distractæ veniant commodius in intimiores contactus, & cohesiones; quæ ergo debebat qui peculiarem separationis bilis causam proponeret, hanc in multiplicatione instrumentorum solventium collocare, in multiplicatione scilicet angulorum, & laterum? Lectores igitur qui hæc omnia in I. de qua agebatur, Editione, non in hac altera, de industria, quanquam Præfatio neget, maxime mutata, & interpolata, quæsi verint, facile constituent, uter nostrum res confuderit, & quid de illis Provocatoris cl. verbis censendum sit: jam dubito Censorem nostrum cl. non intellexisse; aut potius, ut in contradictionem niteretur, finxisse non intelligere: quibus de verbis, aliisque istiusmodi quibus uti non veretur, in extrema hac Epistola mentio fiet.

67 Nunc enim, ne præterisse omnino videamur id, quod ipse obtrudit, me, quasi magnis mihi videretur suffultus rationibus, objecisse; rogandus est Lector, ut Adversariis inspectis, animadvertat, sic a me scriptum esse (l): Prætereo admissam in sanguine sine ulla dubitatione fermentationem; prætereo admissam observationem notabilis in sanguine portæ præ alio venoso amaritudinis, quam alii, ut Verheyenius, non admittunt, & eorum qui admittunt, nonnulli malunt, inde reditum bilis ex intestinis, quam extricationem biliosarum particularum comprobare. Intelligent enim, ea a me præteriri, non objici, ut non sit opus hic pluribus verbis tueri. Intelligent, illud a me non prorsus probari, quod ea quæ haud omnibus certa videri possent, sine ulla dubitatione admitterentur, imo ne plurimum quidem Scriptorum auctoritate confirmarentur, quæ nunc demum ob meum hoc monitum in postrema Editione addita est. Intelligent denique, me non unum Verheyenium negantem, ut cl. Provocator obtrudit, sed & alios respexisse: respicere autem ex iis quæ supra dicta sunt, me Verheyenium potuisse, cognoscent, non minus certe quam cl. Provocator potuit, Reverborstii, cujus alibi esse intolerandos errores distat, in illarum earundem rerum altera auctoritatem sequi, in altera hanc ipsam inter insomnia collocare. Quod si nostrum alteruter hîc vere obliviscitur; num forte obliviscor ego, qui de bilis circuitu constituere nihil volui? an ipse potius qui se credit satis suis locis demonstravisse, bilis circuitum inter modernorum insomnia esse ponendum, nil contra circuitus leges, & animalem machinam deformius excogitari posse bilioso hoc motu circulari, ut vel Medicinæ initiatis patet, imo vel per lacteorum oscilla esse dissonam, non possibilem, morbosam circulationem bilis; cum ipse tamen in Oratione VI. (m) inter eximia quæ in liquidis omnibus animalis partibus, earumque itineribus oggerere valuit modernorum

E 2

soler-

(g) A. 1720. M. Oâ.

(h) Terent. Andr.

(i) Pro M. Cælio.

(k) C. x. S. 3. 4.

(l) Adv. III. pag. 46.

(m) Pag. 47.



solertia, circuitum universalem diserte laudaverit ipsius Bilis, hæc etiam subjiciens: ut sane cultiorum Medicorum neminem ad nitidos hos dies prætereant; nullum Humorum Hominis immotum degere; quemlibet a propriis fontibus circumvagum ad unam aut plures partes corrivari; ab hisce ad fontes restitui, novosque gyros aggressum, motuum perennitate recreari. Quod tamen ad expletam attinet bilis secretionem a sanguine etiam ante adventum suum in hepar, haud satis scio an quod Gladbachii verbis exponitur, idem alii quoque observaverint. Certe laudatus Th. Cornelius (n) neque ea, quod sciam, se ipsum observasse, scripsit, neque aliud scripsit, nisi sanguinem juxta portas jecoris esse subamarum. De hujus autem rei veritate & se dubitasse Præcl. Fantonus (o) significat, & Ampliss. Lancisium haud aliter sibi dubitationem sustulisse, quam indicando, oportere venam cavam supra jecur in vivo cane obligare, ut duas circiter post horas sanguis in vena portæ obscure amarus inveniatur; ni hæc fiant (quæ num secundum naturam nostris in corporibus fiant, omnes vident) tantam bilis quantitatem, qualinqua distinguatur, haberi non posse. Atenim Provocator cl. rem fortasse extra omnem dubitationis aleam posuisse se, credet, observatione Realdi Columbi qui Romæ in ipsamet vena portæ Cadaveris Sancti Ignatii tres calculos biliosos invenit; ut habetur ex vita ejusdem Sancti. Verum quasi una dumtaxat haberetur, quo Auctore non addit; cum ego præcipuis inspectis quatuor quæ vel accuratius, vel certe copiosius a Petro Ribadenera, Jo. Petro Maffejo, Daniele Bartholo, & Vigilio Nolarco scriptæ sunt, in nulla tamen, istos calculos biliosos fuisse invenerim, neque in ipsius Columbi libris (p) alia unquam legisse meminerim, nisi hæc: Lapidem autem innumerabiles pene hisce manibus extraxi, inventos in renibus, colore vario, in pulmonibus, in jecore, in vena portæ, ut tu tuis oculis vidisti, Jacobo Bone, in Venerabili Egnatio Generali Congregationis Jesu. Quid? quod num reapse in vena Portæ fuerint, non immerito dubitari, adhuc potest (q)? Veruntamen hæc non eo pertinent ut oppugnem quæ in Adversariis me prætereire, professus sum; sed eo dumtaxat ut intelligatur, quam facile Provocator cl. quæcunque sibi favere, aut ad id de quo scribit, pertinere, credit, sine dubitatione arripiat, & sine diligenti examine pro certis, atque exploratis scribat; velut illud quod, tanquam sibi ab Amicissimo, & Præstantissimo Viro Jacobo Cicognino Regio Medico, & Consiliario narratum, litteris mandavit: innotuisse præceptori quondam suo Bononiensi Bilem artificialem naturali simillimam fabricare ex multo oleo communi cum quadam portione cineris cujusdam, & quodam acido. Et tamen ego qui iidem olim cum Doctissimo Viro Bononiæ Præceptoribus usus sum, ex illo ipso Doctore una audiui, non ex oleo communi, non ex cinere, sed ex oleo quodam, ex acri quodam, ex acido quodam, singulis ad certum quoddam pondus commixtis, posse illud confici, id quod deposito quovis pignore contendam, nostrum quoque ex Cicognino audivisse quanquam multo aliter atque audivit, deinde edidit; quantum enim alterius vel in loquendo diligentiam, tantum alterius vel in scribendo negligentiam spectatam habeo; neque injuriam homini facio qui supra se properanter scribere, confessus sit. Quid? quod in iis quæ per se vidit, & rebus quidem anatomicis, scribendis, in iis, inquam, ipsis utque adeo negligens est, ut ingentem in Nobili Cive meo (Georgio Marchesio) Mesenterii tumorem pro tumore Omenti describat. Similem, inquit, ipse descripto carcinomatofum Omenti affectum in Nobili Foroliviensi cum cl. piæ memoriæ Valsalva Bononiæ videbam & cat. At vero in accurata, quam Valsalvæ ipsius Præstantissimi manu exaratam habeo, ejusdem af-

fectus descriptione hæc lego: Ma ciò che aveva lo sconcerto, era il Mesenterio, dalla corporatura del quale tutta detta mole pendeva. Era questa coperata in tutta la parte antica del basso ventre dall'Omento, il quale erasi attenuato, ed in molti luoghi lacero. Separato l'Omento, restò alquanto più in vista il tumore, la di cui mole circondata nel miglior modo che si potè, mostrava di potere ascendere al peso di venticinque libbre: cætera in Posthumis, in quibus apparandis nunc totus sum, Valsalvæ Observationibus adjiciam. Sed quid majorem ostendere negligentiam potest, quam Epistolicæ Dissertationi hæc adscribere: Taurinorum Augustæ Pridie Nonas Februarii 1719; & in ea tamen de Ampliss. Lancisio jam mortuo verba facere, quem non nisi proximo insequente anno amisimus? Hoc certe iterum ad memoriam revocat Curionem illum (r) cujus M. Brutus vix credebatur tantam fuisse oblivionem in scripto præsertim, ut ne legens quidem unquam senserit sibi aliquid, huic simile, excidisse, & ne in scripto quidem meminisset quid paulo ante posuisset.

68 Reliquum est; nam cætera expendimus supra; ut quid Provocator reponat ad ea videamus quæ a nobis animadversa sunt in illis verbis, unde luculentam confirmationem haberi dicebat suæ secretionis sententiæ: Brevissima omnium; sic enim scripserat; via est a corde ad renales glandulas; ac nullis pene flexuositatibus, angulisve præter majusculum unum, emulgenti, & Aortæ interpositum, externe divaricata, interne autem seu in visceris corpore compendiosa est, & directa, usque ad secretionis locum, ac vix in aliquot ramulos dispersita. Primum in nova Editione suaviter eximit illud omnium ex loco ob hoc potissimum verbum a me impugnato, contra atque in Præfatione magnifice jactat. Id vero omnibus argumento esse debet, ipsum quoque ex iis quæ objecimus, & supra jam satis vidimus, errorem suum cognovisse; quanquam, ut solet, hic dicitur, se superius & alibi contrarium satis demonstrare. Et sane, ut flexus prædicat coronariarum arteriarum; nunquam persuaderi mihi potest, vel ipsum credere, se inventurum aliquem qui ipsi credat, eos flexus ad cellulas adiposas, (ut brevitatis studio de his tantum dicam) in ipsa cordis basi prope initium coronariarum sitas, tot tantosque esse, ut viam omnem superent, quæ ab eadem basi per Arteriæ magnæ truncum primum ascendentem, deinde deorsum inflexum ad emulgentes usque, imo ad ipsas usque renales glandulas intercedit. Sed quoniam hanc brevissimam esse omnium, haud amplius contendit, verbo omnium dissimulanter delet; verba reliqua nondum deleta, sed in alia, opinor, Editione delenda, quæ tueatur, videamus. Hanc totam eandem viam a corde ad renales glandulas nullis pene flexuositatibus, angulisve præter majusculum unum emulgenti, & Aortæ interpositum externe divaricatam esse, dixerat. Ego vero primum objeci: angulum hunc esse fere ex maximis. Quod objectum quid hic faciat, se certe ait non intelligere; quasi non esset longe manifestissimum, hic facere, ut omnes intelligant, qui angulus sit fere ex maximis, eum non fuisse ita extenuandum, ut majusculus dumtaxat diceretur. Neque vero magis intellexit (ne; ut ipse diceret; ego quoque dicam, finxisse non intelligere) quo pertineret id quod a me secundo loco objectum est. Objeci autem, alibi ipsum agnovisse, & scripsisse: resistentiam eo notabilem esse in trunco Aortæ super aliam quamcunque arteriæ partem, quo arcus ejusdem canalus non longe a corde notabiliter auctus fluentum sanguineum subito, & violenter inflectit.

Ipsæ vero hanc tantam flexuram non modo non negat, imo ipsam, ejusque vim in obsistendo impingentis liquidi velocitati hoc in loco extollit: quæ omnia mirifice pro me faciunt. Cum enim hæc in acutissimum, ut hic ait, angulum flexura,

(n) Prog. 6. (o) Anat. Diff. 6. (p) De Re Anat. l. 15. (q) Vid. Epist. l. Art. 49. & 66.  
(r) Vid. Cicet. de Cl. Orat.



*xura, cum hæc tanta super aliam quamcunque arterie partem resistentia non sint cum illo ad emulgentes angulo comparandæ; sint autem profecto in illa ipsa qua de agimus, a corde ad renales glandulas via; quo unquam modo ipse potuit, eandem illam viam dicere nullis pene flexuositatibus, angulisve, præter majusculum unum, emulgenti, & Aortæ interpositum, externe esse divaricatam?*

69 Sic ea defendit quæ de ista via extra renes scripserat. Videamus, num tueatur melius quæ de eadem intra renes affirmaverat: *compendiosam videl. esse ac directam usque ad secretionis locum, ac vix in aliquot ramulos dispersitam*. Opposui omnino adversantem anatomen Malpighianam, ut a Præcl. quocum disputabam, Mangeto infra, quod ibidem diserte dixi, propositam. Quid Provocator? Ego, inquit, fateor hæc Mangetum a cl. Malpighio in *Anatomico Theatro* exscribere. Satis hoc mihi est; nunquam enim cum alio disputatio mihi fuit quam cum ejusdem Theatri Cel. Auctore, qui quod ego opposui, idem ipse pro vero proponebat. Cum tamen Figuras quoque Præcl. lentium aliorum Virorum, ac nominatim Ruyschii, & Eustachii subjecerit, in iisque Provocator cl. effugium quæritet; num sic evadat, quæso, attendamus. Primum in Cel. Ruyschii Figuris, quæ Tab. LXIV. repræsentantur, dicitur, *renalium omnium in homine arteriarum tum externas, tum internas occurrere distributiones*: quod quidem tam a vero alienum esse, quam quod alienissimum, constat; neque enim Ruyschius in animo habuit, aut habere potuit alias iis in Figuris arterias ostendere, quam quæ in renum superficie, aut ea in sectione apparere possent. Quomodo ergo omnes ostendit? aut quomodo illam hic ostendere distributionem potuit, quæ ut appareret, alia dissectione opus erat; quo videlicet modo arteriæ humanos renes subeuntes, intra hos dividi primum incipiant, deinde aliis ramis obviam euntes, in arcum curventur, tum ab hoc arcu prodeuntes, in rete quoddam implicentur, & non intra lobulos, ut bene apparere hic possint, sed inter lobulos, ad renum usque superficiem excurrant. Hæc tamen distributio illa est quam Malpighius observavit, nosque objecimus. Ruyschius autem, ut de hac sibi laborandum non putavit, sic eam porro distributionem ostendere dumtaxat aggressus est, quam in arteriis jam ad superficiem renum a Malpighio deductis, dum ulterius pergerent, animadvertit. Has Malpighius dixerat, quod & nos postremo loco objecimus, *ab extrema superficie aliquantulum ad latera reflexas, tandem interius terminari, & harum speciosam sobolem immixtum atramentum perbelle describere*. Huic autem descriptioni Figuræ non repugnant Ruyschii, quæ & per eam superficiem, & ab hac introrsum illas ad latera reflexas, sive serpentino incessu eleganter pergentes exprimunt; imo longæ illi, & implicitæ priori Malpighii distributioni, quam minime, ut indicavimus, tollunt, ea addunt quæ contra Provocatorem cl. vehementer pugnant, dum ob oculos ponunt, usque adeo arterias in renum superficie inflecti, ab hac introrsum sic retorqueri, & per non modicum adhuc tractum ita convolvi, ut exercitissimus, si quis alius, in arteriolarum incessibus explorandis ipse Ruyschius, de his suis Figuris verba faciens (a) testetur, *vasa sanguinea tam mirifice hic esse contorta, & circumvoluta, ut nusquam reperire sit in toto corpore, ut hic Fig. 2. & 3. exhibetur*. Et tamen Provocator (qui cum hisce Experientissimi Viri verbis nunquam, opinor, sua illa de renum, & adiposæ eorum tunice vasis comparavit) quasi hæc ipsæ sibi plurimum faverent Figuræ, non dubitat scribere: in Fig. 6. (quæ eadem ac illa 3. est, ut constat etiam ex Prodro-mo Thesauri VI.) in illa, inquam, *præcipue observare esse, insignem illam*

Morgagni Epistola Anat. II.

a centro ad usque superficiem hujus visceris sanguineorum vasorum directionem, atque brevissimum trajectum: quibus in verbis quid magis mirer, haud facile reperio, num peritiam in existimando, a centro ad superficiem eas arterias deduci, quæ manifeste, ut decrescens earum crassities quo magis ad centrum accedunt, demonstrat, a superficie ad centrum feruntur; an veri studium in asserendo contra ipsius Figuræ fidem, insignem directionem, atque brevissimum trajectum in illis ipsis arteriis quas cogitur mox confiteri vermicularem illam, hoc est usque adeo contortam, servare habitudinem. Quid? quodcum in ead. Theatri Tabula, Figura 4. extaret, a Ruyschio idcirco addita (quod diserte ab ipso moniti sumus, itemque a Theatro monemur) ut reptatus vasorum, præsertim sanguineorum, luculentius quam in præcedenti Figura, videri posset; non hanc præcipue, ut par erat, Provocator cl. spectari jussit, quæ dici non potest quam inflexas arteriolas monstrat, & quam contortas; sed contra illam selegit in qua, ob aliam rem ostendendam, sibi primum satisfacere Ruyschius non potuerat, & in qua insuper scalptores Theatri ne tot quidem flexus, quot Ruyschius pinxerat, describere. Sic igitur ipsi favent hujus Figuræ. Quid autem de illa dicemus, in qua Eustachius, quantum ejus ferebant tempora, ita illam alteram de qua primo loco diximus, arteriarum distributionem a centro ad superficiem usque renis adumbravit, ut neque divisiones plures, neque dum sibi mutuo obviam eunt, arcus illos Malpighianos prætermiserit, additurus pro sua diligentia etiam reliqua, si ita injiciendo, ac vitra adhibendo, ut Malpighius fecit, ea retegere potuisset. Quæ certe omnia quicumque attenderit, atque insuper Provocatoris verba non ignoraverit, extollentis alibi (b) tanquam nobiliorem Eustachii inventorum partem, vasorum renalium arcuationes & mirificos plexus; idem non poterit alia ipsius Provocatoris verba non mirari, hic jactantis, in ea Eustachiana Figura, non tantum arcus, retia, atque ad latera flexuras in his, sanguiducis vasis exporrigi, sed plurimam a truncis ad totum visceris ambitum directionem, atque brevissimum iter; quasi vero aut arcus illi non ultro in oculos eam Figuram insipientium incurrerent, qui alicubi vel tres, alius alii succedentes, cernuntur, illam anfractuum & arcuum cumulatissimam rationem, adeo in mesentericis arteriis inculcatam, æmulantes; aut reliqua ab iis temporibus requiri deberent quæ auxiliis ad ea retegenda opportunis destituebantur; aut rectissima, & brevissima omnino via picta esset, quam Eustachius ipse in ejusdem Figuræ explicatione in quatuor vel quinque scissam ramos esse, ait, qui in multos alios rursus divisi, --- vario modo dispensantur, ac invicem permixti uniuntur, & denique in tenuissimos, visumque propemodum fugientes serculos cessant; aut tandem ibi ad superficiem revera cessarent, non per eam mirifice intorquerentur, introrsum deinde reflecterentur, atque ita inflexi, convolutique versus illam unde venerant, partem redirent, quemadmodum in iis saltem ad quas ipse modo provocaverat, Ruyschii Figuris ostenditur. Quæ omnia cum ita esse, omnes perspiciant, non est profecto opus ut doceam, quam Ruyschii, Eustachiique, a Præcl. Mangeto additæ, Figuræ illi faveant qui, ad sententiam confirmandam suam, affirmare non dubitaverat: arteriosam intra renes viam compendiosam esse, ac directam usque ad secretionis locum, ac vix in aliquot ramulos dispersitam.

70 Quanto autem minus conjecturis, quam observationibus fidendum est, tanto minus movere nos debet quod porro conjicere nititur ex quodam experimento, præsertim cum Mangetus (c), quocum nostra erat disputatio, contraria prorsus Malpighii experimenta sine ulla dubitatione proposue-

E 3

(a) Thes. Anat. III. n. 41.

(b) Orat. I. pag. 13.

(c) Theatr. Anat. Tom. I. pag. 400.



posuerit; Thomas autem Bartholinus libro I. *Anatomes quartum renovatae* capite 17. scribat: *flatum aut aquam immissam, per emulgentes quidem fluere, per tubulos autem (ureterum) non effluere*; sic enim Auctores, eorumque loca indicantur, non, ut ipse solet, & hic facit sic: *Bartholinus conspexit*, ut neque de quo Bartholino dicat, neque de quo Opere, aut libro, intelligas, si forte velis quæ omnino contraria ex Bartholino profert, conferre: quanquam id minus in hoc loco necessarium est, tum ob ea quæ dicta sunt, tum quia non unum esset quod posset ad contraria illa, etiam concessa, responderi. Postremo optaret cl. Provocator, ab iis qui forte Adversaria non legissent, credi, me nihil prorsus attulisse unde id quod iure indicavi de ipsius in re botanica usu, intelligi posset, cum ea tamen ipsius protulerim (d) verba, quæ in nova Editione, contra ac Præfatio pollicetur, *suaviter* mutare debuerit. Multo autem magis optaret, se nunquam scripsisse alia, quæ usque adeo, monentibus nobis, falsa esse intellexit, ut illa amplius in ejus *Historia* invenire non possumus. In illis exemplum est, quo suam *hypothese* luculenter firmari, prædicabat (e). Vides, aiebat, *lacteæ vascula transverse ad angulos rectos, aut rectis parum dissonos, cum fistula intestinali concurrere*. Vidi ego, quo ipse modo deciperetur, extimum videlicet primumque illorum *concursum* pro intimo atque ultimo, qui unus ad rem faciebat, perperam attendendo. Nunc autem vellet obtrudere, se *concursum* intimum ultimumque attendisse, hac spe fretus quod ego rem sub sensu non cadentem, *dissimilem* atque ipse dixit, ostendere non possim. Neque interim videt, ut uno se ex laqueo expediat, in alterum se, & multo quidem omnibus manifestiorem, induere. Nam si *concursum* illum intimum, ultimum, & sub sensum non cadentem intelligebat; cur igitur, Vides aiebat? cur *luculenter* suam eo exemplo sententiam firmari, pronunciabat, eo, inquam, exemplo „secretionis, quæ cum *sensibilibus* celebretur in „strumētis, genuinum & modum *insensibilis* secretionis, hepaticæ indigitare posset nobis? „Non igitur illos certos angulos ad *concursum* intimum reprehendi, quasi quod *dissimiles* ostendere ipse possem; sed ob hoc ipsum quod ostendi non possint, eosdem tanquam *sensibiles*, *luculentos*, videndosque ab omnibus in medium, exempli, imo confirmationis causa, productos reprehendi. Quæ omnia ejus effugia cum tam facile comprimantur; intelligere, etiam me tacito, per se possunt cordati, solidæque rei anatomica Cultores, me iure meritoque in *Adversariorum* ora adscripsisse: *Commenta quadam de secretionem animalis, & speciatim bilis, confutantur*. Neque sane dubito, quin pari a nobis iure illud quoque adscriptum intelligant:

*Hepatis commentitia structura confutatur*: qua de re infra videbimus. Interim de utraque quid censuerit Vir Celeberrimus Petrus Antonius Michelottus, cognoscere omnes poterunt qui ejus doctissimam *de Separatione Fluidorum in Corpore Animalis* Dissertationem (f) inspicient.

71. Animadversionis XX. dimidium ferme perlegeram, priusquam intelligere possem, quid hæc tandem ad me pertineret. Quid enim ad me, quod cysticæ venæ non invehant, sed avehant sanguinem a folliculo fellis? Nunquam sane mihi venit in mentem ut id negarem; imo cum id agnoscerem, non facile unquam, & sic sine ulla dubitatione decrevissem, infra harum influxum, Venam Portæ habendam jam esse pro arteria, quod cl. Provocator sua, ut moris est, potestate decernit, eademque iis unis venis speciale privilegium concedit, ut in Venam Portæ, non amplius Venæ, sed Arteriæ munus gerentem, sanguinem inferant. Hoc nimirum est contra decretum, & Canonem continuo peccare, ut quidpiam admirandum, quidpiam singulare, quidpiam non levis mo-

menti, --- quod hucusque ab Anatomicis alto fuerit silentio repositum, videri possit inventum, quod tamen qui mutationem officii in Vena Portæ paulo altius incipere statuant, in nihilum confestim redigant, nec fortasse injuria; quid enim tanti est, ut quidquam ab naturæ consuetudine alienum potius admittamus, quam istos ambiguos fines tantillo altius constituamus; nam aut in primum fere sinus initium, aut infra hoc, in truncum ipsum Venæ Portæ, Cysticæ confluunt? Quid porro ad me illud alterum quod non minore conatu, neque paucioribus verbis agitur: *bilem ab arterioso sanguine in folliculi glandulis non secerni*? Quoniam in loco *Adversariorum* hoc affirmavi? qui nihil de me, sed de Malpighio, & Ruyschio diserte scripsi (g); *portionem aliquam ejus bilis quæ in vesicula continetur, ab iis Glandulis prodire, existimarunt*. Quod igitur gravem hanc, ut vocat, *allucinatio-* nem facile delere se posse confidat; per me licet; num vero etiam per alios, haud satis scio. Nam quod primum ait *arteriosum sanguinem ad biliarum secretionem non designari, apud cordatos omnes in confesso esse*; vereor, ne, quantum ad hanc controverſiam attinet, se ipsum e numero cordatorum invitus expungat, qui, ut supra vidimus, docuerit, *portionem* quandam, & *amaræ* quidem, ac *magis spissæ* bilis a meatus auditorii glandulis, & quod consequitur, ex arterioso sanguine separari; qua ex re illud potius expectandum videbatur, ut argumentum peteret ad conjiciendum, non dissimilis bilis *portionem* a cysticis pariter glandulis ex non dissimili sanguine secerni, quæ reliquæ in folliculo bili affusa, hæc hepatica *crassior* quemadmodum ut plurimum esse, confitetur, & *amariorem* efficeret. Quod autem addit, *ligatis arteriis omnibus cysticis & cæc. vesiculam tamen novā multaque bile scatere*, hoc vero maximam bilis partem per eas glandulas non secerni ostendit; nullam omnino *portionem*, non ostendit. Atenim hæc glandulæ, inquit, *mucosum illud, seu lymphatico-aqueum duntaxat emungunt ab arteriarum sanguine, quod intimam cystis superficiem obtegere, atque oblinire valet*. Id vero est quod non dicere, & multo minus innuere, sed demonstrare eo magis oportet, quod a pluribus & experientissimis quidem Anatomicis minime agnoscitur. Nam Ruyschius (h); ut infra objicitur; *qualis earum glandularum humor sit, cujus saporis & consistentiæ, negat expiscari posse*; Santorinus (i) autem cum in nobilissima fœmina id exprimeret, quod illæ continebant, *bilis prorsus simile* ait se invenisse. Ac neutrum quidem horum fugiebat ista apud multos pervulgata, & propterea earum glandularum cum iis quæ in urinaria vesica sunt, comparatio, qua tantum nritur Provocator cl., ut affirmet, *jam luce clarius, vel per solam rationem ostendi, glandulas folliculi fellei bilis secretioni nullam operam impendere*. Attamen cum istam comparisonem uterque commemorarint, in hanc tamen luce clariorem non ivere sententiam; credo, quod neuter eorum usque adeo perspicax esse potuerit, ut *ALBIDAM* illam in utriusque (BILIS, & urina) vesicis *mucosam crustam* videret, *ALBIDAM*, inquam, illam crustam quam Provocator intra bilis cystim non dubitat ponere, cum mox agnoscat, vel quæ extra cystim sunt, proxima intestina bile valde suffusa, atque ideo flavescantia plerumque visi. Quod si contra bilis acridinem (non amplius acorem) mucosa intus crusta vesiculam contendit debuisset muniri; quam, quæso, mucosam crustam in exteriori facie eorundem intestinorum, aliarumque finitimarum partium contra istas bilis injurias opponet? quas quidem non cunctos pariter timere, ex verbis constat Gravissimi Bohnii, supra etiam ad XVI. Animadversionem productis: *quævis lingua degustantis, ratione amaroris, notabilem sui perceptionem imprimat bilis; minime tamen ideo tali*

(d) Adv. III. pag. 47.

(e) Edit. I. pag. 37.

(f) pag. 225. & seq. 253. 325. & cæc.

(g) Adv. III. pag. 65.

(h) Resp. ad Epist. Probl. V.

(i) Obs. Anat. c. 9. n. xi.



*tali acrimonia, vel ejusmodi particulis gaudet, quæ tactus sensoria afficiant, atque stimulent. Postremo etsi majores & crebriores per totum hepaticum ductum, quam in folliculo, glandulas hujusmodi esse, confirmat; non tamen hinc sequitur, contra Malpighianam (k) conjecturam bilem ab iplis non separari; nihil enim quod hoc prohibeat, profert; imo potius sequitur, non illud duntaxat (ut dicit, sed non demonstrat) mucilaginem linimentum secerni. Cur enim plus linimenti, ubi a minus amara, neque ita immorante bile, minus incommodi timendum esset? Certe ipse paulo ante scripserat, in urinaria vesica --- subsidens lotium, suosque idcirco commodius aculeos exerens, majus etiam ad excipuli faciem munimentum, quam in ureteribus, deponere. Quæ omnia cum ita sint; haud satis videre me, fateor, cur in Viros tot Præstantissimos, qui in contraria sententia sunt, juvenitem etiam hac ætate displodat igniculum, hac interrogatione longum suum concludendo sermonem: cur tam insulse, tantoque Tironum præjudicio quis adhuc pronunciarer, in glandulis fundi folliculi fellei bilem, non illam necessariam mucilaginem, secerni?*

1090

72 Sed hæc alii viderint: ego ad ea jam transseo quæ ad me pertinent, vel ut melius dicam, quæ ad me pertinere, usque adeo cl. Provocator existimat, ut hæc fidenter quasi in summas me coegisset angustias, subjiciat: *Ex his quæ nos hætenus discussimus, perpendat, inquit, paulisper, si lubet, divinnetque candidus, doctusque Lector, quonam itinere bilem in felleum humanum folliculum importare valeat Censor noster cl. Mihi vero inanis hæc divinandi in re apertissima sollicitudo confirmillima videtur comicæ illius sollicitudinis, & admirationis quam in Demiphone, opinor, expressit Terentius (l).*

--- quid mihi dicent, aut quam causam reperiunt?

Demiror. ad quæ Geta hæc continuo reponit: --- atqui repperi jam. aliud cura.

Quis enim Lectorum est, non jam dico doctus, sed qui duntaxat latine sciat, qui jam non norit quod supra etiam ad Animadversionem XIII. ostensum est, gravissime hallucinari Provocatorem cl., non dubitantem, me in Advers. III. Animad. 25. denegare, bilem ex hepatico ductu per cysticum in folliculum descendere, cum id tantum scripserim (m) Recentiores, bilem ab hepate ad intestinum, descendente pene totam divertere in cystim ita, indubitabile, ut ipse postea dicit, non existimare. Longe enim aliud est, negare, esse indubitabile, quidquid bilis ab hepate versus intestinum descendit, id pene totum in cystim digredi; & denegare bilem ex hepatico ductu per cysticum in folliculum descendere. Itaque tempus, chartas & atramentum consumpsit, & perdidit, qui hæc non intelligens, magno hætenus conatu anisus est refugium illud (sic enim putat) & asyllum ad cystis glandulas mihi præcludere, quasi oratorio, cujus ipse optimus artifex, & judex est, stylo illud a me unquam esset petatum, aut si esset, omnino id ipse jam præstitisset quod jactat: Jam igitur biliaris cysticarum glandularum secretionis commentum (ex quolibet hoc fautore profisciscatur, & qualibet sit fautorum Auctoritas, quanti Censor cl. studet) satis superque explosimus.

1092

Io triumphet! de quo alii, ut diximus, viderint, quemadmodum & de isto alio, qui continuo canitur, at de quo Viro? de Experientissimo, Diligentissimo, Celeberrimo Sene, & Professore Ruyschio: hoc jam de titulo, inquit, figura Ruyschii nullo pacto equiparanda est cum mea. Supra autem, postquam renalium sanguiferorum vasorum Icones Eustachii, & Ruyschii perpenderat, nonne pariter hæc adscripserat: *Ex quibus quidem omnibus, donec in universali nostra Anatomica Historia genui.*

1084

Morgagni Epistola Anat. II.

nam renalium sanguineorum canalium distributionem aperire aliquando studeamus, satis abunde liquet & cæt.

73 Sed quorsum hæc de eo potissimum Auctore cujus ex Figuris plurima, & in iis quædam difficiliora, etiam si non fassus esset, ipsum transfutuisse internoscere ad suam illam maximam exornandam? Nimirum quia ego scripseram (n): *Ex ea Cystis Figura, ejusque Explicatione intelligere omnes posse, de iis glandulis, quas olim Malpighius in suilla, & ovilla vesicula observaverat, quid Ruyschius videatur.* Verum quid necesse erat istam Figuram usque adeo abjicere atque contemnere; quando ex ea, qualitercunque in ea glandulæ ostendantur, semper tamen intelligitur, quales ipsæ visæ Ruyschio sint, certeque visum huic esse id quod ego visum esse contendebam, illas glandulas esse ponendas. Hæc enim continuo subiciebam: *Nimirum ab summis duobus hisce Anatomicis (Malpighio, & Ruyschio) vel aliud agentibus, eæ glandulæ jam olim fuerant luculenter propositæ, de quibus Historiæ Hepaticæ Auctor in prolixo, & eâ inscriptione ornato opere vix obiter fecit mentionem, & iis quidem verbis, ut cum utrum ipse admittat, ignores, tum illud certe satis intelligas quod addit: „Bilem per hasce glandulas secerni, ridicula est aliquorum confabulatio.* „ Quid ipse ad hæc? Meam fidem haud obscure in dubium vocare non veretur: „ *Vide, rit, inquit, ingenuus Lector, „ an ipse in prolixo meo Hepaticæ Historiæ opere vix obiter de his glandulis mentionem fecerim, & iis quidem verbis, ut, utrum admittam ignores.* Faciamus igitur quod ipsum facere ad me convincendum oportebat, neque tædeat sua ipsa super hac re verba omnia hic exscribere. Num alia in prima Editione sunt quam hæc, quæ & in hac nova retinuit illic, ubi de cystis tunicis sermonem habet? Qui (moderniores) quartam (tunicam) addunt, inter nerveam, & muscularem collocant, eamque glandulosam vocant, glandulis scilicet numerosissimis obsitam, per quas mucosum illud transcoletur, intimam inde hujus bursulæ faciem totam investiens. Bilem per hasce glandulas secerni, ridicula est aliquorum confabulationem, pronunciat, de his glandulis utrum sint, quales, & quantæ sint, & quid vere agant, ipse, inquam, ibi quid censet? Quid addit de suo, unde intelligamus, num modernioribus illis has ponentibus, & mucum secernendi officium assignantibus, adstipuletur, an repugnet? quid, inquam, addit? Ne verbum quidem. Sed de hisce omnibus, aliisque ulteriora non asserre se, dicit, prout largissime ab anatomes Historicis VENDITATA; ideoque hic supervacanea. Itaque sermone omisso, in quem obiter inciderat, de harum glandularum existentia, & officio, protinus ad tunicas de quibus loqui inceperat, redit. Quid igitur aliud est vix obiter de his glandulis mentionem facere, & iis quidem verbis ut utrum admittantur, ignores, si hoc non est? Contra, Malpighius, & Ruyschius non in prolixa aliqua Hepatica Historia, sed aliud agentes, ille videlicet in Exercitatione de Liene (o), hic in Figura, & Explicatione, subjectis Responsioni ad Epistolam Problematicam V. in qua plura, & varia a Frentzio quaruntur, eas jam olim glandulas luculenter proposuerant. Quid ad hæc? In Explicatione, inquit, illius Figure Ruyschius nullam prorsus biliaris in his glandulis secretionis mentionem instituit. De hoc postea videbimus; nunc illud primum agitur, an iis quas nos conjunctas objecimus, Figura ejusque Explicatione eas glandulas Ruyschius luculenter proposuerit. De ipsis ita, ut par est, conjunctis fiet. De Malpighio vero quid reponit? Illud primum ab ingenuo Lectore videndum dicit, an satis a Malpighio ibi probatum sit, „ portionem aliquam ejus bilis, quæ in vesicula continetur, „ ab

101

E 4

(k) De Lien. c. 6.  
(o) cit. cap. 6.

(l) Phorm.

(m) Adv. III. pag. 52.

(n) Ibid. pag. 64.



„ ab hujus glandulis prodire. „ Ita eadem semper chorda oberramus. Non hoc, inquam, primo hoc loco agitur; sed an Malpighius eas glandulas luculenter proposuerit. Verum ne illud quidem sibi videndum ingenuus Lector cognoscit, an satis a Malpighio probatum sit; neque enim unquam id dixi, sed hoc dumtaxat (p): Malpighium portionem aliquam ejus bilis quæ in vesicula continetur, ab iis glandulis prodire, existimavisse, ex ejus de Liene Dissertatione satis constare. Quid ergo videndam rem suaviter mutat? Cur hoc existimavisse Malpighium, ex ea Dissertatione satis constare, non probat? nisi forte id credit ibi se probare, ubi addit: „ hinc demum modestus Auctor vix „ tantum probabilia adducere fatetur. „ quo in loco vere ego possum dicere, quod immerito ipse alibi scripsit „ illud vix multa quidem industria „ fuisse a nostro cl. Provocatore in hunc textum „ intrusum. „ Nam Malpighius ibi quoque, ut solebat, ea modestia, quam omnes laudare video, paucos imitari, quæ existimabat ipse, ut probabilia proposuit; non tamen ut VIX TANTUM probabilia; quarum duas priores voces etsi, ut Malpighii, alia litterarum forma scriptas conspicio, apud ipsum tamen in toto eo loco non invenio; imo hæc diserte, & asseverantius quam soleret, scripta invenio: Altera portio constitutiva bilis, crassiuscula tamen, NISI VERIUS DICERE VELIMUS alteram bilis speciem, ex his, quæ post diutinos labores deprehendi in suilla, & ovilla vesica probabiliter exomitur a minimis glandulis miliaribus per tunicam biliaria vesicæ dispersis, ad quam arteriæ desinunt.

74 Atenim experimenta, inquit a Malpighio producta id non probant; --- sed solum aperiunt, hepaticam bilem in folliculum translata, ibidemque stabulantem longaque moræ potitam, novis inductis internis motibus, aqueis evaporatis substantiis, atque asperioribus exaltatis particulis, ex diluiori (ut fuerat in hepaticis ductibus) pallidiori, ac suaviori crassiorem, colore saturatiorem, amarior, atque acriorem evadere, quod quidem ab omnibus admittitur. Imo . . . Sed alia non est opus exscribere, tum ne in multo longiorem divertamus sermonem, quærentes, num is qui improbat, satis ipse perceperit, cur illa a Malpighio eo in loco addantur; tum quia neque illa, neque ista quæ exscripsimus, ad controversiam nostram faciunt, quæ minime illa est, an jure id Malpighius existimaverit, sed hæc dumtaxat, an id existimaverit. Cur igitur ista exscripsimus? Ut sic in transitu conferri possent cum aliis quibusdam quæ idem Provocator cl. supra scripserat: videlicet se in juvenis mulieris; febris acutâ denatâ cadavere bilem cysticam --- tum multo tenuem, seu hepaticam non crassiorem deprehendisse; tum nullo modo amaram, imo ad quendam dulcorem dispositam, hepaticâ interim satis amaricante bile. Breviori autem forsitan folliculari moræ fuisse hoc phenomenon imputandum. Nimirum ipse qui illationes Malpighii improbat, non intelligit, brevior in folliculo moram, ne amarior bilis hepatica evadat, præstare forsitan posse; sed ex satis amaricante ut nullo modo amara, imo ad quendam dulcorem disposita evadat, facere non posse. Quid ergo præstitisset dicere? Non brevior dumtaxat moram, sed commixtionem fortasse cum multo ex illo suo lymphatico-aqueo glandularum cystis humore, vi morbi minus mucoso reddito, in ejus phenomeni causa fuisse. Sic aliquid saltem commentus esset quod cum aliis suis, qualia hæc cumque sint, placitis magis cohæreret. Sed ad graviora, & in viam redeamus. Neque, inquit, Malpighius, ut Ruyschius per suam figuram instituit, memoratas glandulas in homine, sed in suilla, & ovilla vesicæ fellea dumtaxat proponit; ut ideo falsum sit „ ab summis duobus hisce Anatomicis, vel aliud „ agentibus, eas (seu easdem) glandulas jam olim

„ fuisse luculenter propositas. „ Tandem aliquando objecit aliquid, quod si minus ad rem faceret, at saltem facere videretur. Videretur, inquam, nam cum diserte ipsemet dixerim (q) eas glandulas Malpighium in suilla, & ovilla vesicula observavisse; quo unquam modo suspicari poteram, fore, qui obtruderet, me ab ambobus illis Anatomicis easdem glandulas dixisse propositas. Eas, inquit, seu easdem. Ego vero multo potiori jure, quam ipse alibi illa ista ipsa, affirmare possum „ bina hæc verba seu easdem ab ipso Viro hic „ loci creata esse, & verbulo eas ad censuræ locum „ cum superaddita: & ut super hoc seu easdem „ tota objectionis ratio sita est, ita hoc idem seu „ easdem in illa mea Animadversione me ponere, „ neque per somnium cogitavisse, ut videre est. „ Quod si pro eas nihilominus velit ipse easdem accipere; non easdem humanas, sed easdem cysticas intelligat, quas si alii, vel in bestiis dumtaxat cognitatas, aliud agentes, proposuerunt, quanto magis in homine jam notas, ipse diserte agnoscere, & proponere debuisset, qui Historiam Hepaticam perscribebat.

75 Illud sequitur multum me aberrare a vero, putantem Sylvii sectatores asserere, Bilem per cysticas glandulas secerni. Verum me id putasse, mea certe scripta non ostendunt. Scripserat cl. Provocator, quod supra vidimus: Bilem per hæc glandulas secerni; ridicula est aliquorum confabulatio. Adscripsi ego (r), Qui humanissimus (ne vero nomine appellarem, quod gravius tulisset, quam nihilominus hoc ferre videatur) Qui humanissimus, inquam, loquendi modus quam gratus sit futurus, haud scio, non modo Sylvii sectatoribus, de quo fortasse ille intellexit, verum etiam aquis aestimatoribus Malpighii & Ruyschii, quibus illa eadem verba non satis cavent. Quid igitur assererent Sylvii sectatores, non dixi, imo vero ne quid Sylvius quidem: hoc dixi, ipsum de Sylvio fortasse intellexisse; id autem dixi, propterea quod non multis post illum loquendi modum interjectis versibus hæc subjici, animadverti: Quod autem in membranarum Cystis porositatibus machina sedeat (ut supra) secretoria bilis a sanguine --- nonne sunt vaniloquia, homini caterum venerando jam superius commemorato imparia? fabellæ, inquam, & cæt? Scilicet cum illud ut supra cum primo illo loquendi modo conferrem, hos autem alteros consimilimos loquendi modos, ut libri ora diserte significabat, erga Sylvium adhiberi cognoscerem, Provocatorem quem non nimis sane diligentem esse in iis legendis Auctoribus quos redargueret, sciebam, de Sylvio fortasse in priore quoque loco intellexisse, visus sum mihi haud injuria posse suspicari. Nunc ille negat; ego mihi gratulor, non affirmavisse, sed fortasse, ut videbatur, dixisse; ipsi profecto non gratulor, qui fateatur necesse est, non in eundem dumtaxat, ut ego suspicabar, Sylvium, sed & in Sylvium, & in alios præterea Celeberrimos Doctores istiusmodi loquendi modis insurgere se voluisse. Et sane tunc ipse animadverti, priorem loquendi, qui plures respiceret, modum Malpighio, & Ruyschio non satis cavere, ut qui licet a Sylvii opinione (quam sine Doctore jam satis noram) longissime abierint, portionem tamen aliquam ejus bilis quæ in vesicula continetur, non a quibuscumque hujus poris, sed ab iis, de quibus ibi mentio erat, glandulis prodire, existimarunt, ut ex Adnotatione a Præcl. Mangeto exhibita, & Malpighiana de Liene Dissertatione satis constat. Nunc ipse de Malpighio ne conatur quidem; neque enim ullo modo posset; negare; Ruyschio autem videri vellet satis cavisse. Utinam posset; nam certe non minus dignus erat, quem observaret, nedum cui ab istiusmodi loquendi modis omnino caveret. Quo magis ægre fero, in eum me locum esse adductum ut connivere, quod mallet, & continuo credere non liceat, nisi ipse videri velim

fine



sine ulla prorsus ratione quæ paulo ante retuli, verba scripsisse. Atque ut intelligere omnes possint, me invitum in hoc loco versari; conjecturas duas, quæ ipsi excusationis loco sunt, quamvis facillime possem, non excutiam, non urgebo, non extorquebo: illud tantum dicam, Viros Gravissimos, & in Auctorum sensibus intelligendis, si qui alii, Exercitatissimos, Auctorum Eruditorum, quæ Lipsiæ eduntur, Scriptores (f) cum non hæc, aut illa Cel. Ruyschii verba seorsum spectata, sed omnia quæ Mangetus in illa Adnotatione etiam profert, conjuncta, ut par est, quid demum significant, pro eorum nunquam satis laudando instituto paucis referrent, hæc scripsisse: *Explicationem viæ, qua bilis ad vesiculam felleam descendat, jungit, eamque appellat cum celeberrimo Bohnio ductum cysticum, glandulas tunicæ interioris vesiculæ EIDEM SCOPO INSERVIENTES adjiciens, quas in collo plures, circa fundum rariores delineatas exhibet.*

76 Verum, seposito Cel. Ruyschio, ad Provocatorem cl. redeamus hæc subjicientem: An autem structuram intimæ superficiei vesiculæ, imo, & meatus cystici, ductumque hepatici, & communis, ne memoraverim quidem, qui legerint, judices sint. Hæc ego omnia negavi, atque iterum nego. Ipse qui contra ad Lectores provocat, cur loca non indicat in quibus ea memoraverit? Sæpius, etiam ubi nihil opus est, qua in Parte, quo in Capite, quo in §. aliquid scripserit, magna nobis sedulitate inculcat. Cur hic illud facit quod iis fere in rebus ipsum facere animadverti, quas se scripsisse, aut sic, ut contendit, scripsisse, probare non potest, ut neque §., neque Caput, neque adeo Partem unquam significet? Quid ergo est? si qui sunt qui illud possint facere, quod nos tunc fecimus, ut universum Historiæ Hepaticæ librum perlegant, sed primæ Editionis (sensit enim in nova apparanda, quam nos vera diceremus, & quam necessaria requireremus, ideoque saltem in calce multa quæ omiserat, aut vix attigerat, supplere conatus est) si qui igitur illud possint facere, & qua de structura nos in Adversariis dixerimus, attendentes, hanc in toto eo libro perquisiverint; iis confirmo, me nondum scire ubi sint ipsam inventuri. Sed quoniam is labor multo gravior est, quam ut multi subire velint; conjecturam faciant ex eo quod continuo subjicitur, & longe facilius expediri potest. Pari enim fiducia ad eosdem provocat qui legerint, ut, hi in super iudicent, an *Aliæ hujus Tabulæ* (seu memoratæ LXIII. Theatr. Anat.) *Figuræ discrepent ab Historiæ Hepaticæ sive disquisitionibus*, ut ipse ait, *sive commentis*, ut a me probatum est. Et quamvis ego cum *alias Figuras dixi* (t), non de omnibus aliis dixerim, sed de iis tantum, de quibus *supra indicatum erat*; tantos ipse sibi spiritus sumit, ut omnes inspicere velit, & cum suis placitis comparari. Morem, quando ita vult, geramus.

77 Ex I. Figura quædam assumit, cætera omittit. Inter ea quæ assumit, nihil est de quo controversum sit, nisi *interni hepatis lobelli*, de quibus, ut a Malpighio in medium adductis, cum mentionem injecisset, mox censuerat, Malpighium nil in hepate innovasse præter novi vocabuli introductionem; & tamen hic eos lobulos, ut veros a Figura representatos, apprime cum sua Historia convenire, dicitur. Omittit interea ostensas in eadem Figura Malpighianas subrotundas glandulas, & fibrosam, ac membranaceam lobulorum connexionem, quarum hanc nescio, ubinam in sua Historia memoraverit, illas contempsisse, vel ex iis quæ modo dicta sunt, omnes sciunt. II. Figura, inquit, *Apicum Portæ Venæ, & Cavae anastomoses, nobis sane acceptissimas, representat*. Imo Auctor Figuræ Bidlous diserite monet (id quod Mangetus in Explicatione non omisit)

illas venas *mutua anastomosi nunquam jungi*; ut constet, reprehendendos esse Scalptores qui uno aut altero forte in loco erraverunt. Videtur enim Bidlous hanc Figuram apparavisse, ut intelligeremus, minutos ramusculos earum Venarum neque jungi inter se, neque (id quod Provocatori maxime adversum universa Figura indicat) decussari. III. Figura quantum ipsi adversetur, satis supra ad Animadv. XV. indicavimus. De IV. etiam Figura quid habendum sit, ex iis quæ ad Animadvers. IX. adnotavimus, satis liquet. Nam; ut omittamus, quid de ea summus Anatomicus Ruyschius, alique, ibi laudati, censuerint; nihil profecto, nisi *Radices Cysticas*; ut Bidloi, Auctoris Figuræ, verbis utar; ostendit *per Hepatis corpus dispersas, earumque truncum majusculum*, quæ certe nunquam omnino negavi; communicationem vero ipsarum cum ductu hepatico, de qua præcipuum dubium erat, nullo modo ostendit; ut non intelligam quo jure cl. Provocator scribat: Hæc IV. Figura *ductus nostros hepatis cysticos, & cyst-hepaticos melius, atque optabilius exhibere, atque firmare non posset*; Hoc enim si verum esset; nihil erat causæ cur Tabulam suam V. excogitaret, cum ad hanc Bidloi Figuram, qua nihil ad id melius, atque optabilius, rejicere Lectores posset. VII. Figura (V. enim, & VI. desiderantur) *internam superficiem fellei folliculi a nobis in Tab. VII. expositam, ap. prime, inquit, dilucidat*. Melius dixisset emendat, ut alibi indicabo. (\*) Hic enim satis est animadvertere, ipsum suaviter, quod deinceps quoque facit, transilire ab *Historiæ Hepaticæ* prima Editione, de qua dumtaxat eo tempore loqui poteram, ad Tabulas, novæ huic Editioni nuper adjunctas, de quibus tunc lis esse non poterat.

Dixisse igitur debebat, non *in Tab. sed in Historia* expositam. Sed in hac, ut ex supra dictis colligitur cum eam structuram ne memoraverit quidem; idcirco neque illud ipse potest nunc dicere; & nos intelligere debemus, quantum igitur hæc Figura quæ illam in Vesicula & tribus bilis canalibus diligenter exponit, ab ea Historia discrepet in qua istæ horum omnium structuræ, tanquam in rerum natura non essent, omnino prætermittuntur. VIII. inquit, *Figura arteriarum & lymphæ ductuum per felleam humanam vesiculam distributiones depingens ea confirmat, quæ nos in Tab. II. & III. de his vasis delineavimus, & in Historia descripsimus*. Ecce iterum Tabulæ de quibus sermo tunc esse non poterat, in medium proferuntur, quibuscum tamen num prorsus consentiant quæ in VIII. hac Figura ab Diligentissimo Ruyschio pinguntur, vasorum incessus, divisiones, & ultiores præsertim, aut aliunde etiam accedentium arteriarum propagationes, omnes qui conferent, satis intelligent. Sed quoniam hæc in *Historia* quoque descripsisse se, dicit; sed quo in loco; non dicit; scire licet in primæ quidem Editionis descriptionibus hæc nusquam a nobis quæ ad arterias has pertinent, inveniri; quæ vero ad lymphæ ductus, cum sua ipsa Tabula III. non satis congruere. Atque ut hæc omittamus, illud certe non est omittendum, ipsum interea filere, quam iis quæ scripserat, adversetur in VIII. Figura *Ductus Cysticus tortuosus*. In IX. quoque Figura extra chorum saltat, dum hac ait *luculenter confirmari ea quæ sane suis in Tabulis exprimit*; quasi vero aut ego de his loqui possem eo tempore, aut non potuisset ipse ex ea Figura quædam in suas transferre, aut demum quæ transtulit, ea diligenter transtulisset. Cui rei exemplo sit illud unum, quod vere in sua quoque *Historia* scripserat, videlicet *lymphaticorum vasorum in suspensorio hepatis ligamento distributio, atque reptatus*. Scripserat enim id quod & pingere voluit, *per suspensorium ligamentum ire ea vasa usque ad glandulas lumbares*. Reverhorstius autem

1095



autem cujus nos Figuram objecimus, non eo versus ire contendit, ut ad IV. Animadversionem docuimus. Ecce vero Incomparabilis Anatomicus Ruyschius, qui in hac Figura IX. repentia per suspensorium ligamentum vasa lymphatica non versus lumbares glandulas euntia (quod Provocator) sed versus Diaphragma (quod Reverhorstius) depingit. Quid officere magis Provocatoris rebus poterat? & tamen has ait per hanc ipsam Figuram *luculenter confirmari*! Sed quem Iconismum sibi fatebitur officere, si vel X. Figuram rebus *suus non officere*, contendit? Quid vero? rebus igitur *suus non officit Colli Vesicae, ut & Ductus Cystici reptatus serpentinus*? Quid magis posset adversari? At hoc, inquit, *a nobis inter rariora superius repositum est*. Id videlicet, quod Figuræ Auctor Experientissimus Frid. Ruyschius in ipsius Explicatione, in plurimis Vesiculis Felleis humanis locum habere, testatur. Utri magis credendum sit, non est hic ambigendi locus. Satis est instituto huic nostro, hanc Tabulæ LXIII. Figuram, ejusque Explicationem tam discrepare ab Historia Hepatica, quam quod maxime.

78 Figuræ autem XI. XII. XIII. & XIV. quæ quidem cum arteriosa ac lymphatica vasa per hepatis tunicam reptantia, tum Portæ, & Cavæ per humanum, & vitulinum hepar ramificationes exporrigunt, nostras denuo tabulas, confirmant, inquit, & amplectuntur. Ad Tabulas denuo provocat suas, quas me tædet sæpius dicere locum in mea illa disputatione nullum habere potuisse.

Quid? quod ab ipsis ejus Tabulis Figuræ hæ omnes, nedum ab Historia Hepatica, plurimum discrepant. XI. enim Figura primum lymphatica vasa (ut numerum mittam quem tamen minime omittendum censet; urgetque Figurarum harum Auctor Ruyschius (a)) longe alio ordine ostendit atque cl. Provocator pinxit, & quendam fasciculum eorum imum, longe aliud iter affectantem, quam quod lymphæ ductibus hujus faciei hepatis in descriptione assignavit. Deinde arteriolas ex Arteria Hepatica oriundas, & per hepatis membranam reptantes plurimas hæc Figura commonstrat, quarum nullam in eadem membrana aut Provocatoris Tabulæ ostendunt, aut Historia describit, imo hæc (id quod a nobis (b) per hanc ipsam Figuram, nostramque observationem reprehensum est) illius Arteriæ diramationes universas in vasa solum hepatis, & per solas horum tunicas deduci, inculcat. Reliquis autem Figuris tribus quid cum Historia Hepatica, aut etiam cum hujus Tabulis commune sit, videre non possum. Nam cum illæ singulæ singula, & prorsus divisa vasa demonstrent; confirmare certe non possunt decussationes illas quas Historia comminiscitur, cumque omnes summo artificio confertissimos ramusculos minimos commontrent, quod, quæso, in Historiæ Tabulis sanguiferum vas est, nisi forte ex Ruyschio descriptum, quod pari cura, atque elegantia expressum sit? Quis porro crederet, Historiæ Hepaticæ favere Figuram quoque XV. quæ portionem hepatis hydropici, per morbum vesiculosi facti, depingit? Quidni? In disputationem ejus loci, & temporis meam, quasi aut ibi aliud quam naturales structuras spectarem, aut quæ nuper addita sunt, tunc redarguere potuissem, trahitur II. atque adeo, si superis placet, III. insuper novissima ejusdem Historiæ Pars, & de morbis hepatis ab obstructione progenitis mentio inducitur. At quanto congruentius erat perpendere, hepar ab obstructione sic vesiculosum factum, magnum indicium præbere earum quas negabat Historia, Malpighii glandularum, quas restitans materia dilatando patefecerit? XVI. Figura illa Verheyenii est, quæ tametsi adeo a sculptoribus depravata sit, tamen ut Historiæ illi adhuc repugnet, satis superque ad IX. Animadversionem indicatum est. In Figura denique ex eo-

dem Auctore XVII. illuc cl. Provocator relabatur, ut ad Tabulas provocet suas. Si, inquit, vel primo intuitu, cum prima nostræ hujus Tabulæ VIII. conferatur, quid aliud concors magis, & veritati unanimiter accedens deprehendi posset? Attamen ne primo quidem intuitu tanta ista concordia deprehenditur. Ubi enim in Verheyenii Figura sunt; ut alia omittam; aut sinus iste Ductus Hepatici, aut tot, talesque istæ fibræ, & glandulæ quæ in Capsula a Provocatoris Figura ostenduntur? aut contra ubi in hac est tortuosus ille Cystici Ductus incessus; qui etsi multo minus quam in aliis istius Verheyenii Figuræ Editionibus, in Theatro repræsentatur, non prorsus tamen omitti videtur? Quod si etiam Figura hæc cum illa Provocatoris Figura undequaque conveniret; num convenit pariter cum ea, quam ad ductus cystici, hepaticique confluxum Hepatica nobis describebat Historia? Angulos certe illos quam manifestissime repræsentat, de quibus alibi dictum est, a parte jecoris acutum, obtusum a parte intestinorum.

79 Quæ omnia cum ita sint, ac nulla prorsus de tot LXIII. Tabulæ, Figura inveniatur, quæ cum Hepatica Historia consentiat; tamenne clamabit Provocator cl., Ubinam ergo sitæ sunt Figure illæ hujus Tabulæ, quæ discrepant ab Hepaticæ Historiæ commentis? aut quasi nullæ ejusmodi in hac Tabula omnino essent, in ea quæ proxime præcedit, fortasse quærendas esse, dictitabit? in qua utinam pro faustis ejus rebus nullæ essent quæ discrepant. At omnes in ea quoque sat longe discrepant duæ videlicet Reverhorstii, totidemque Bidloi. Etsi vero duæ illæ quam intolerandis erroribus scateant (sic loquitur qui lapsuum a me adhibitam vocem exprobrat) sat superque demonstravisse se, scribit; in quo tamen discrepare, dixi, in eo, nonnullisque aliis in rebus quam parum sit demonstrationibus istis fidentum, ex parte supra, atque adeo etiam paulo ante docui; ex parte alibi, si tu, Vir Optime, velles, docebo (c). De duabus autem reliquis affirmat quidem, jam non esse suspiciendum, quidpiam a sua Hepatica Historia discrepare. Sed ut harum Figurarum primam, de qua alibi (\*) pariter mentio fiet, nunc, quod ipse facit, omittamus, & in alterâ illa ipsa, quæ pro se stare contendit, quæramus; hæc illi adversari Historiæ inveniemus. Nam influxus Cystici in Ductum Hepaticum talis pingitur, qualis jam a nobis ad XIV. Animadversionem de hac Bidloi Figura loquentibus dictus est; laudatæ vero illæ toties a cl. Provocatore Portæ venæ, & Cavæ decussationes si præsertim in iis in quibus opus est, ramis quarantur, minoribus videlicet, ut inculcaverat, (d) & minimis, num in quacunque hepatis parte ultimo assignabili ab hoc schemate perbelle, ut dictitat, ostendantur, omnium qui non sunt oculis capti, judicium esto. Neque enim necesse est, ut hanc, aut ullas ex meis responsionibus quis divinet, quæ ubique, vel me tacente, omnibus in mentem ipsæ veniunt, ut illud quoque, utri nostrum melius, atque laudabilius fuisset (qua de re in extrema Epistola tamen scribemus) promissum exequi, & cætera illa quæ ad scribendi genus pertinent, observare, de quibus ipse hic, & alibi tam secure ad proborum Hominum judicium provocat.

80 Quoniam vero Animadversio XXI. non contra nos, sed contra Amplissimum (quis crederet?) Lancisium scripta est, de Provocatore ci., siquis alius, optime meritum; alio in loco eandem examinabimus (e). Interea autem nonnulla quæ nos respiciunt, eidem Animadversioni præposita, expendemus. Hæc ad duo capita revocantur. Alterum est, Eustachii Tabulæ XXVII. Figuram I. intactam se desumpsisse, ut --- fidem omnem præberet perpetuæ per hepatis substantiam interfectionis, atque decussationis majorum, minorum, minimorumque ramorum Portæ & Cavæ a se in

(a) Resp. ad Epist. Probl. V.

(b) Adv. III. pag. 39.

(c) Vid. Epist. I. Art. 33.

(\*) Vid. Ibid.

(d) Edit. I. pag. 28, 29.

(e) Vid. Epist. I. Art. 68. & seq.



in prima hujus Historiæ editione expositæ, ductis-  
que inde ratiociniis elucidatæ, a quibusdam, for-  
tasse, in odium authoris, contradictæ. „ Alte-  
rum caput est, se tamen ei decussationi non tan-  
tum, quantum ego scripserim, tribuisse, imo ean-  
dem jam quasi abrogavisse, antequam quispiam in  
hanc suam hypothesin insurgere cogitasset. Primum  
igitur de primo capite videamus: Et Eustachii qui-  
dem Figuram, num ipse intactam, ut profitetur,  
desumpserit, facile omnes intelligent, qui præter  
auctam, de quo silet, totius Figuræ magnitudi-  
nem, videbunt, nec Venæ Cavæ truncum, nec  
quosdam aliorum vasorum ramos ita ab Eustachio  
pictos fuisse, ut exempli causa rami illius g, ma-  
xime attendendum, finem neque tam altum, ne-  
que unum in acumen contractum: trunculi autem  
d qui in Figura sinister est, ramum dexterum non  
cessantem paulo post, sed ulterius deductum, qua  
ex re quid sequatur, alias ostendemus (f): de-  
mum; ne plura adjiciantur; ramum illum oblon-  
gum, exilem, & singularem Venæ Portæ qui ad  
Cysticarum latus demittitur, nullo cum subjecti  
paralleli rami additamento, ut reliquos, ab Eu-  
stachio fuisse delineatum. Num vero hæc Figura  
Eustachii, fidem omnem præbeat perpetuæ illius per  
hepatis substantiam, Venarum decussationis; quod  
ad majores ramos attinet, ostendit pars Figuræ  
superior, ad quam nulli Venæ Portæ rami dedu-  
cuntur; quod ad minores, pars ima dextra common-  
strat, in qua minores jam facti Cavæ rami omnes  
minoribus Portæ ramis fere paralleli descendunt:  
quod denique ad minimos, eadem pars, extrema  
ipsa eorundem minorum ramorum omnino disjun-  
cta demonstrat. Et quanquam palam est, Eusta-  
chium in vere minimis (de quibus videlicet lis nostra  
erat) harum Venarum surculis persequendis, com-  
monstrandisque non eo accessisse, quo recentiora  
tempora pervenire; tamen si eam qua de agimus,  
decussationem in hac Figura ostendere voluisset, id  
saltem quod in ejusdem Tabulæ Figura XIII. for-  
te spectamus, præstitisset, ut nulla fere pars esset,  
in qua magis decussatos minores, minimosque quos  
poterat, ramos non exhiberet. Non erat igitur  
cur Provocator illam I. Eustachii Figuram accu-  
ratissimam prædicaret, cum illud præsertim acce-  
dat; quod mirum est, ipsum non vidisse; ut si  
hæc accuratissima sit, sua Venæ Portæ in ramos  
divisionis, horumque distributionis delineatio ne  
accurata quidem credi possit, cum usque adeo ab  
accuratissima illa discrepet. Neque erat cur te-  
staretur, se, cum scripsit, illam, utpote in tene-  
bris adhuc latentem, videre non potuisse. Nam  
primum quod illa exhibet, vel magis Figura Pic-  
colomini (a) ostendit, quæ ab longo jam tem-  
pore in omnium manibus versatur, præsertim cum  
a Bauhino in Theatrum suum (b), & ante hunc,  
a Laurentio (c) pro nova (quod miror) & ab-  
se addita in suam Historiam Anatomicam transcrip-  
ta fuerit; Deinde Glissonius (d) diserte scripse-  
rat: radices venæ cavæ, Portæ ramis fere decus-  
satim incumbere; quoniam vena Portæ hepar circa  
cavi ipsius centrum ingreditur, radices autem ca-  
væ necessario in medio superioris ac posticæ hepatis  
partis se se exonerant, ubi solum truncus venæ ca-  
væ (in quem radices illæ deplendæ erant) hepatis  
appropinquat; quæ quidem Provocator, sed minus  
caute, ut alibi ostendimus, sua fecit; Novissi-  
me quæ ipse Provocator de minimis præsertim ra-  
mis omnibus huc addiderat, atque huic addita-  
mento tanto olim cum strepitu superstruxerat, hæc  
denique est ab Adversariis nostris coactus, ut falsa,  
& commentitia, in nova hac Editione abjicere.  
Quod quoniam non modo, ut solet, dissimulare,  
verum etiam negare in hoc loco aperte cona-  
tur; age, Vir Doctissime caput hoc alterum exa-  
minemus.

81 Primum negat, in prima suæ Historiæ edi-  
tione --- in insensibili illorum vasorum ordine, quem

a sensibili per rationem deduxerat, tam solemne,  
ut ego scriptito, biliosæ secretionis fundamentum  
fuisse a se jactum. Quid ergo est quod Sapien-  
tissimus Vir Lancisius priusquam ego ejus Historiam  
examinarem, ad ipsum de hac scripsit: Duo il-  
la a te proposita, in quibus TOTAM explicandæ  
rei (bilis secretionis) rationem posuisti, mihi nul-  
lo pacto probari possunt. Primum, quod ra-  
dices venæ Cavæ in QUACUMQUE hepatici paren-  
chymatis portione cum ramis Portæ se se ad angu-  
los rectos intersecant, & cat. Verum quid ego  
ad Lancisianam Epistolam provoco, qui ad il-  
lam primam Hepaticæ Historiæ Editionem recta  
possum provocare? Nonne statim atque istam,  
de qua loquimur, decussationem proposuit, hæc  
continuo subjecit (e): Hæc dispositio in hepate,  
ramorum Cavæ cum porta MULTUM res nostras  
elucidabit; ut mox videbimus? Nonne mox, in il-  
la insistens dispositione, concludit (f), ideo deven-  
tam esse jam mentem ad compositionem illam he-  
paticæ glandulæ, quam neque Glissonius, neque  
Malpighius ipse potuerant invenire? Nonne hoc  
applicari proportionaliter posse, pronuntiavit, ca-  
teris animalis glandulis conglomeratis? Nonne sic  
cognita glandulæ hepaticæ structura, adsum jam,  
inquit (g), modum expositurus, quo ibidem a san-  
guineo latice liquidum exterminatur biliosum? Non-  
ne revera in eo modo explicando, structuræ illi  
atque dispositioni sic inhæsit, ut ubi post mul-  
tas ambages ad rem ipsam ventum est, ad ulti-  
mum videlicet secretionis actum unico feliciter in-  
tuitu conspiciendum, his verbis niteretur: Cum  
etenim rectus sit concursus finis portæ cum ductus  
excretorii exordio; deflexus autem cum cavæ radice  
(ut etiam superius demonstravimus) evidens est,  
particulam biliosam viæ rectitudinem multo facilius  
servare posse, quam mutata itineris directione in cavæ  
originem transverse detorqueri. Nonne huc tot illa,  
& tam prolixa spectabant, lacteorum vasorum,  
nutritionis, cribri coquinarii similia, ut dictita-  
bat, exempla, & illud oppositum, ut ipse qui-  
dem agebat, Renum structuræ? Nonne his pro-  
ductis, cum ad bilis consistentiam transiret,  
continuo subjecit: quæ est altera jecorariæ secre-  
tionis causa? adeo sibi persuasum habebat, primam  
ejusdem esse causam, structuram, dispositionem-  
que de qua hætenus tot verba fecerat? Nonne  
postremo hæc omnia inservire proportionaliter pos-  
se, dixit, apud cordatos, solidæque rei anatomica  
cultores, ad secretionem alias animalis omnes explican-  
das? Tot igitur, tantoque, ut mox ipse confessus  
est (h), cum strepitu ei vasorum dispositioni su-  
perstruxit; & hic scribere non veretur; quasi ego  
Lectoribus imposuissem; nequaquam in ea tam so-  
lemne, ut Censor cl. scriptitat, biliosæ secretionis  
fundamentum fuisse a se jactum! At nisi ego funda-  
mentum hoc convulsissem, ipsum adhuc, eique su-  
perstructum magnificum in speciem ædificium sus-  
piceret ac adamaret suum, ut post Gravissimi Viri  
Lancisii sincera monita adhuc facere pergebat; id  
quod ex Responso ad ejus Epistolam patet, in  
prima Editione apposito, in hac; quamvis a me  
redarguto; contra promissa Præfationis sublato.  
Quod quidem fundamentum, eique inædificata ip-  
se tandem aliquando sic disjecit, atque submovit,  
ut in Editione hac neque omnia quæ modo ex  
prima indicavimus, loca inveniri queant, & quæ  
inveniuntur, pleraque sic mutata, interpolata, at-  
que adeo emendata deprehendantur, ut quæ ego  
commenta jure appellaveram, ipse quoque nugæ  
jam vocet: Sed, quid, inquit, in nugis hujus-  
modi insistemus, diramationes, & concursus addu-  
centium, & abducentium vasorum hepatis inaniter  
perquirentes? Quid præclarius ad candidi, ac do-  
cilis animi laudem ex errore agnito, atque emen-  
dato referendam? Verum hanc quoque laudem  
amittere maluit, quando una hæc edidit, quæ in  
præsentia examinamus. Primum namque negavit,  
ut

(f) Vid. Ibid. Art. 71. (a) Anat. Prælect. I. 2. Lect. 17. (b) L. I. Tab. 35. Fig. 4.  
(g) Præf. & Tab. 7. Fig. 1. (d) Anat. Hep. c. 26. (e) Part. I. c. 8. (f) C. 9. (g) C. 10. (h) C. XI.



ut vidimus, tantum huic se fundamento innixum esse, quantum ostendimus, imo ait, pro conjecturali dumtaxat re habuisse; quasi vero in I. Editione (i) non scripsisset, uniformem, de quo loquimur, statum LEGITIMO JURE affirmare DEBEMUS in insensibilibus, ultimisque venarum earundem Capillamentis: ut paulo post: hinc lege contrariorum innixi asserere COGIMUR & cat. tum vero quæ paulo ante etiam produximus (k): cum etenim rectus sit concursus finis portæ cum ductus excretorii exordio; deflexus autem cum cavæ radice (ut etiam superius DEMONSTRAVIMUS) evidens est & cat. Quorum quidem trium locorum postremum nunc, quantum video, sustulit; reliqua autem duo sic novam in Editionem retulit, ut dicat in primo conjectabamus, in altero nisi conjecturis in prima hujus historię editione productis suffulti asserere velimus. Sed qui utrumque præcedebat locum, multo evidentius huic novo colori repugnantem, ne mutare quidem una litterula ausus est: Sequitur (scripserat, & adhuc scribit nescio quanto cum cæteris mutationibus, & novo hoc colore consensu) sequitur NECESSARIO; quod Cavæ radices in quacunque hepatici parenchymatis portione, cum ramis portæ ea habitudine concurrere debeant, ut se se invicem transversem, seu ad rectos Angulos, aut saltem in decussim quamdam interfecent. Verum enimvero vel vult, vel non vult istiusmodi commenta abjicere. Si non vult; cur nugas, ut vidimus, appellat? Sin autem vult; cur supra, ut pariter vidimus, in extrema Animadversione XIX. cordatos Lectores deprecatur, ut videant, an bene egerim, quum ipso, modo illo, quem porrigit hæc Historia, Hepatis structuram describente, ego tamen tam facile posuerim: „Hepatis commentitia structura confutatur. „ Ego enim certe structuram illam, ut commentitiam confutavi, quam ipse quoque in hac Historia nugas appellat. Num forte ipsum cujus judicii non pudet, cum a se est; ejusdem pudet, cum a me est? sic opinor. Nam illud deinde hic addit, semetipsum longe aliter de ea structura sensisse, & judicium hoc suum in nova primarum duarum partium hujus Historię impressione, quæ quidem ad perficiendam tertiam hanc, atque novissimam Editionem, antequam quispiam in hanc suam hypothesein insurgere cogitasset, ex Genevensibus prælis præstita est, jam scripsisse, publicique juris fecisse. At quomodo publici juris fecerat, qui mox fatetur, has ipsas primas Partes nunc solum cum Tertia, & reliquo Hepatico opere evulgari? Has quidem ipsas, inquit, ab anno 1717. jam typis fuisse redditas, amplam fidem præstare poterunt optimi Viri Johannes Fantonus, & Jacobus Cicogninus, quibus ego tunc temporis earum copiam jam feceram. Sed aliud est publici juris fecisse, aliud Amicis duobus ostendisse, tot præsertim gravissimis occupationibus distentis, ut haud facile fieri possit, ut post annos septem pro certo meminerint, an has ipsas tunc inspexerint, sic ut nullum folium, nullam paginam tam longo intervallo testari possint esse mutata. Quid? quod anno illo eodem 1717. nostra de quibus agitur, III. Adversaria edita sunt? Verum quid ego in re apertissima argumentor? Primum in manibus meis sunt utriusque eorum ipsorum litteræ A. 1718. scriptæ ex quibus constat, extremo jam mense Aprili ejusdem anni, anni, inquam, non 1717; sed 1718. Præclarissimum Fantonum, medio autem Junio Præstantissimum Cicogninum adhuc ignoravisse, an Genevæ ea nova Editio inchoata esset, hunc vero nihil de ipsa nisi Augusto demum mense vidisse. Quas litteras edendi facultatem ab Amicissimis Viris petiissem, nisi ipsius Provocatoris cl. testimonium, typis editum, in omnium manibus jam extaret, Epistola videlicet meis IV. Adversariis præfixa, in qua ipse ad Ampliss. Lancisium hæc scri-

psit: Dum novam operum meorum Anatomico-Prætorum, quæ nuper auxi, & illustravi, editionem Genevensibus typis APPARAREM, ad manus meas pervenire Adversaria II. & III. Cl. Morgagni. Si ergo cum mea III. Adversaria vidit, novam hanc editionem adhuc apparabat, idest (ut italice primum ad Lancisium scripserat in eo quod apud me servatur, autographo, dato A. 1718. mense Junio) già già se ne allestiva la stampa; quoniam hæc modo, antequam quispiam in hanc suam hypothesein insurgere cogitasset, ex Genevensibus prælis præstita erat? Permira hæc tibi videri scio, Vir Doctissime; sed in calce tamen hujus Epistolæ quæ longe magis mira videantur, producemus.

82 Animadversio XXII. ei quæ proxime præcedit, omnino respondet. Nam ut in ea verum in memorata Figura Auctoris Bartholomæi Eustachii sensum adversus Amplissimum Lancisium se credidit demonstrasse; ita in hac verum in glandulosæ structuræ hepatis descriptione Marcelli Malpighii sensum, non modo adversus me, sed adversus omnes se credit revelare sic, ut liquido constet, neminem hætenus ante se super hac re illustrem istum Scriptorem, quantum quidem luculentissimam veritatem deceat, fuisse interpretatum. O cor Eustachii! medullam Malpighii! Sed nos primum felicissimi Interpretis textum in Historia Hepatica videamus, ubi de Malpighio, ejusque hepaticis Inventis sermonem habens, rem in quatuor hæc verba contraxit: lobulis licet suis in medium adductis, totumque hepatis corpus complentibus, qui in acinos inde dispartiantur exagonos, conflatos tandem ex subovalibus glandulis, quas intrent omnis generis capillamenta vasorum. In hac interpretatione Malpighii sententiam minime fuisse intellectam, censui, & adhuc censeo. Itaque in his quatuor verbis esse tres non ferendos errores, animadverti (a): Interpretes negat. Ego ajo. Videamus de primo. Erat hic in acinis a glandulis hepaticis distinguendis, quas Malpighius nimirum esse ipsas acinos, voluit. Qua quidem re cunctis qui in Malpighii lectione vel mediocriter sint versati, nulla esse manifestior potest. Contra Interpretes, illam veram esse contendit Malpighii sententiam existimandam, ut Hepatis substantia ex lobulis conflatur, lobuli ex acinis, acini vero tandem ex glandulis. Quid hoc est aliud, nisi vim illius; adeo Malpighii familiaris; similitudinis non percipere, quæ videlicet solebat glandulosos lobulos cum exiguis uvæ racemis; glandulas ipsas cum uvæ acinis comparare, unde & acinorum nomen traxit, quod folliculos ipsos, siue glandulas significaret? Ut enim in racemi divisione ubi ad uvæ acinos ventum est, nulli præterea supersunt globuli in quos acinos ipsos divides; sic in glandulosi lobuli divisione ubi ad ejus acinos veneris, ibi subsistas, necesse est. Itaque in hepate describendo semper in acinis, ut ultimis particulis, Malpighius (b) substitit. Incepit (c) a Cochlearum jecinore. Divisit in lobulos. Deinde hæc addidit: nec sat est naturæ hanc parasse divisionem, sed minimorum valde amica, ulteriorem, soloque microscopio conspicuam, molita est; nam singuli mox expositi lobuli, velut exigui uvæ racemi conglobatis subrotundis corporibus, acinorum instar, constantur. Num ulterius in dividendo processit? Nullo modo. Sic in lacertis singulos lobulos memoravit, qui glandulosi acinis constant, & in his substitit. Sic in pisceum lobulis glandulosos acinos deprehendi, scripsit, nihilque præterea addidit. Sic in Sciuræ cum elegantem & claram esse jecoris compositionem, dixisset, quid tamen ultra lobulos, ut extremum, posuit, nisi acinos? & TANDEM, inquit, emergunt glandulosi illi acini, extra assurgentes. Verum quid ego ulterius pergo ostensurus in tota illa hepatis descriptione semper Malpighium in acinis, ut in ultimis particulis, sub.

(i) C. 9.

(k) C. 10.

(a) Adv. III. pag. 42.

(b) Exerc. de Hepate.

(c) c. 2.



substitisse, quando ipse in proxima de Cerebri Cortice Exercitatione (d) quidquid de Hepatis glandulosa structura modo docuerat, in summam ad hunc modum contraxit: *An cerebrum sit instar hepatis jam expositi, quod totum quandoque in multiplices lobos divisum, coagmentatur exiguis aliis minoribus, veluti glandulosis portionibus, quæ & ipsæ ulterius in minimos acinos subdividuntur, in quos ULTIMO DESINUNT vasa, dubitari potest.* Quid ergo Malpighio esse possunt hepatis glandulæ, quando vasa ultimo desinere in acinos, dixit, nisi hi ipsi, quos ab uvarum similitudine sic vocavit, acini? Conferamus, quæso, duo Posthumii Operis loca. In altero quam in hepate structuram invenerit, & docuerit, narrat: *Hepar, inquit, innumeris fere glandulis, velut tot uvæ acinis, integrari, habui, quibus sanguinea vasa, venæ scilicet portæ, EXTREMI FINES, arteria pariter, & porus biliaris, tanquam proprium excretorium vas, appendantur.* In altero hæc scribit: *lobuli hepatis coagmentantur minimis glandulis, in quas DESINUNT EXTREMITATES pori biliarii, & vasa sanguinea.* Cum igitur his in locis quid alias docuerit, exponat, hæc autem desinere vasa dicat in minimas glandulas; profecto acini in quos alias desinere vasa dixerat, nihil sint, nisi ipsæ minimæ glandulæ, necesse est.

83 Quæ cum ita sint; nemo erit plane qui non miretur illam Interpretis cl. interrogationem: *Ubinam, quæso, Malpighius aperuit, acinos hepaticos esse ipsasmet glandulas hepaticas?* A quo vicissim si quæramus, ubinam Malpighius aperuerit, acinos hepaticos eas glandulas non esse; ad hæc confugere videbimus quæ protinus examinabimus.

Primum: peculiarem circumscriptionem, & figuram acinorum Malpighium proposuisse; igitur acinorum nomine hepaticas glandulas noluisse significare, cum ultra omne dubium sit, non posse Malpighium, nec alium quemlibet Anatomicum sensibilem, manifestamque circumscriptionem, atque figuram proponere in hepaticis glandulis, quæ quidem sensui obviæ non sunt. Ad hæc, atque alia quæ in eandem sententiam addit Interpres cl., mirum est, ipsum non vidisse duas paratas esse responsiones: alteram, si hæc vera sint, cur igitur ipse acinos contendat de Malpighii sententia ex subovalibus glandulis esse conflatos? alteram, cur neque a Malpighio, nec ab alio quolibet Anatomico præstari posse, tam secure pronunciet, quod ipse, ipse, inquam, præstitit tum Figura Tabulæ VII. extra ordinem addita, tum ejus Explicatione. Pinxit enim figuram, & capacitatem, qua sunt hepatici folliculi, seu sacculi, subtilissimâ tunicâ conditi, fassusque se est tandem aliquando multâ ratione convictum, ex his sacculis ortum ducere canales felleos hepaticos; tum cum iisdem (sacculis) apices, seu fines Portæ, Cavæque venæ radices communicare. Qui igitur scripserat id quod in Adversariis (e) reprehensum, & hisce Animadversionibus indefensum, in hac quoque nova Editione retinuit: *hepatis parenchima glandulæ conglomeratæ nomine donatum nuper, non nisi ex vasorum Capillamentis glomeramen esse: & ostendere se, nil alio donari jecoris corpus, præter vascularem texturam: qui infra etiam jactat, ingrentium atque egerentium vasorum apicibus ubique glandulosum folliculum interpositum se explodere satis, ut putat, valuisse, ille denique incipit se in hepate convictum fateri.* Et quanquam ad illud, ad quod solent, confugiat, hosce folliculos glandulas non esse, hæc tamen longe alia lis est, neque ita facile, ut ipse putat, nisi de glandulæ definitione inter omnes conveniat, dirimenda: hæc autem, ista controversia seposita, de glandulis certe loquimur, ut Malpighius intelligebat; eas vero Malpighius esse ipsos folliculos, non dubitabat. Quos si cl. Provocator veros vidit, si inter illa sua præparata archetypa veros tenet, neque in

his (ut in aliis quibusdam interdum accidit, ob chartarum videlicet, chordarumque fidium similitudinem) ullum haud satis anatomicum artificium suspicionem cautis spectatoribus de se præbet; non video sane, cur id non potuerit Malpighius, nec alius quilibet Anatomicus, quod vel ipse tandem potest; multoque minus video, cur inter illas suas invisas hætenus fabricas hosce hepaticos folliculos reponere, eosque suum inventum diserte appellare non dubitet, quasi non essent illi ipsi, Malpighii Asseclis notissimi, loculi quos Malpighium acinos vocasse, nos dicimus, ipse vero, ex quibus Malpighius constare acinos, docuerit.

84 Cujus suæ interpretationis hoc alterum profert argumentum. Malpighius in Epistola de structura Glandularum & cat. hæc scripsit: *in cancri loco acinorum, & folliculorum conglobatorum cæcales sacculi occurrunt, quibus separatur, & coacervatur bilis; Igitur Malpighius, distinguunt in brutis hepaticos acinos a folliculis, seu a glandulis.* Sed mihi videtur munus Interpretis hoc fuisse, cum ex tot aliis, ut vidimus, locis res sic intelligi non posset, saltem paulisper considerare, an illud & esset pro seu a Malpighio usurpatum, sic ut non divideret, sed conjungeret acinos ac folliculos, præsertim cum ibi utrisque illis non duo distincta rerum genera, sed unum dumtaxat responderet cæcales sacculi. Consuetudinem autem scribendi Malpighii in ea ipsa Epistola si attendisset, hæc certe invenisset, *arearum, & spatiorum. primus exortus, & origo. hiant, & aperiuntur. glandulosi cribris, & porulis. perpolitæ, lavæque. determinatis meatibus, & porulis. congeriem fistularum, & tubulorum,* aliaque ejusmodi in quibus omnibus locis quis pertinaciter negare posset, fuisse & pro seu collocatum? Quid vero, si Auctor ipse in eadem Epistola, atque adeo paulo ante locum ab Interprete productum, istum ipsum locum sic ut nos contendimus, accipiendum esse, præmonstravisset? At præmonstravit. Cum enim ad viscerum, & nominatim ad hepatis structuram istam confirmandam transiret, diserte scripsit: *Huc usque ex lustratis conglobatis glandulis videtur Natura una, simplicique incedere methodo, dum scilicet excretorio vasi appendit unum, modo plures FOLLICULOS, SEU ACINOS membranosos, quibus mediantibus a vasis peculiarem separat humorem, eumque recolletum foras eructat. EODEM pariter artificio in companionibus visceribus Naturam usam, alias indicavimus, monentes, JECUR, cerebrum, & renes glandulas esse & cat.* Quid clarius posset desiderari cum ad paulo post subjectum locum intelligendum, tum vero ad demonstrandum, Malpighium folliculos, seu glandulas idem atque acinos esse voluisse?

85 Hinc quoque infirmitas cognosci potest ultimi quo Interpres nititur, argumenti. Oblitus enim eorum omnium quæ paulo ante in primo argumento usque adeo inculcaverat, Malpighium videlicet neque potuisse, neque voluisse hepaticis glandulis figuram ullam assignare, hæc repente affirmat, contenditque, aliam his glandulis, aliam acinis figuram assignavisse, ideoque aliud glandulas, aliud acinos esse, voluisse. Igitur glandulas ait globosas esse, aut a globosis non valde dispares, tradidisse, idque ex producto de cancri loco patere: *acinorum, & folliculorum conglobatorum.* Verum cum hæc sic esse accipienda ostenderimus ut si scriptum esset *acinorum, seu folliculorum conglobatorum;* liquet, quidquid ibi de folliculis dixerit, de acinis pariter esse intelligendum. Addit locum alterum petiit ab ipsa Exercitatione de Hepate, in quo ait, Auctorem, de humano jecore verba facientem hæc scribere: *Totum jecur, constat multiplicibus lobulis, qui coagmentantur glandulosis globulis.* Hunc ego locum ibi invenio, ubi Malpighius (a) de imperfecto adhuc hepate



pate secundum Harveii (b) non in humano fœtu, sed in avium ovis observationes verba faciens, de pluribus ab Harveio indicatis similitudinibus illam seligit, quæ sibi, ut supra diximus, acceptior erat, uvarum, & racemi, eamque sic explicat. Sicuti enim singulis racemi fibris, & vasorum finibus conglobata quædam moles appenditur, quæ ab excurrentibus per racemum vasis, sibi que continuis humorem recipit, cribrat, & per alia diversa, novaque vasa contento semini, seu plantulæ communicat, ita omnibus venæ portæ EXTREMIS ramulis glandulosos ACINOS addidisse naturam, probabile est, ut appulso humori subservirent; & sicut totus uvæ racemus exiguis quasi botris vasorum communione, & nexu conflatur, qui & ipsi appensis acinis, conglobantur, ita totum jecur constat multiplicibus lobulis, qui coagmentantur glandulosis globulis. Quis ex hoc toto, ut par est, perleto loco non intelligeret, cum in acinis, qui extremis venæ portæ ramulis addantur, Malpighii divisionem subsistere, tum vero ex vi ipsa similitudinis, magno uvæ racemo totum hepar, exiguis racemi botris lobulos, uvarum denique acinis glandulosos acinos, seu glandulosos globulos respondere; quid enim acini sunt, nisi extremi globuli, & quid extremi globuli, nisi acini? Igitur hic quoque quidquid de hepaticis glandulis Auctor dicit, de acinis etiam dicit. Quid igitur nobis Interpretes comminiscitur, aliud in hepate esse acinos, aliud globulos? præsertim cum Auctor, quem amplius atque attentius antequam ipsum interpretaretur, legere oportuisset, in Exercitatione de Renibus (c) diserte scripserit: in HEPATE, cerebro, aliisque glandulis hoc esse perpetuum, ut singuli quique glandularum ACINI, SEU GLOBULI proprium ramum excretorium, præter arterias, & venas, promant. Negaverat, Malpighio folliculos, & acinos idem esse. Malpighius autem ipse scripserat; folliculos, seu acinos. Negat, Malpighio acinos, & globulos idem esse. Malpighius autem scripsit acinos, seu globulos. Atenim, inquit, cum scribat Malpighius, hepaticas glandulas esse, se globosas, scribatque simul hepaticos acinos esse exagonos, jam plane hepaticos acinos ab hepaticis glandulis ipse distinguit. Videamus quæso, num ita scribat, & num simul. Verba quibus Interpretes nititur, glandulosos globulos, ea qua diximus occasione, scribit cap. 3. Capite autem 2. jam scripserat, glandulorum acinorum figuram, non semper, non absolute exagonam; quid ergo? dumtaxat ut plurimum exagonam, vel plurimum laterum esse; quo videlicet intelligeremus, de tot quæ se inspexisse, commemoraverat, tam variis animantibus, in plerisque sane, & præsertim piscibus fortasse, & imperfectioribus quæ continuo nominat, glandulosos acinos esse exagonos; in aliis autem non esse. Sic antequam id scriberet; lobulos pariter, conicam ut plurimum servare figuram, tradiderat; & tamen ipse mox subiecit, non eandem omnino in omnium animalium jecoribus similem esse lobulorum figuram, sed ut plurimum variari. Sic videri in quibusdam piscibus trifolium referre. Sic in aliis animalibus lobulorum figuram piscum æmulari, & in fele sex, aliquando plura latera observari; in homine idem adamussim reperiri. Quod exemplum cum esset ita propinquum, atque adeo continens cum iis verbis quibus pariter ut plurimum acinorum figuram tradidit esse exagonam; perfacile profecto erat animadvertere, quo hæc possent modo sic accipi, ut tot aliis, a nobis prolatis, Auctoris ejusdem locis minime adversarentur, potius, quam ea ratione intelligere, cui non tantum illa eadem loca repugnant, sed illud ipsum ut plurimum, inter hæc verba interjectum, non undequaque consentiret. Quæ cum ita esse, omnes intelligant, semperque, ut puto, intellexerint; liquido sane constat, neminem hætenus ante cl. Provocatorem super hac re illustrem

isum scriptorem sic fuisse interpretatum; an vero etiam, ut addit, quantum luculentissimam veritatem deceat, non modo id non constat; sed oppositum; nisi ego plurimum fallor; liquido constat.

86 Primo Interpretis errore ostenso, qui in eo erat, Malpighium acinos a glandulis hepaticis distinxisse; plura verba facere non est opus, ut alter ostendatur error, qui in eo est: Malpighium acinos ex subovalibus glandulis constari, dixisse. Nam si a me modo probatum est, Malpighium acinos, & glandulas hepaticas idem esse voluisse; consequitur, pariter esse probatum, acinos qui eadem glandulæ sint, ex his ipsis constari, noluisse; nihil enim ex se ipso conflatur. Sed Provocator cl. qui sibi esset conscius, se illam vocem subovalibus ex Malpighio non descripsisse, in eam me notatum errorem fuisse, opinatus est. Hic cæterum, inquit, alter ille est, intolerandus error, in Historia nostra ab illo Censore effectus, in quem sane ruere quemlibet scriptorem posse putarem, si aliam, præterquam ovalem, hepaticis glandulis ex Malpighiana doctrina accomodare figuram contenderet. Ego vero qui neminem unquam timui, ne in me rueret, præter ipsum, atque adeo ne ipsum quidem, verum in re notavi errorem, non effectum in vocula: quam non melius tamen quam rem tuetur, etsi evidenter hanc, a se effectam, objectionem uno quidem istu eversum se, spondeat. Profert enim ex supra laudata Malpighii Epistola (d) quendam locum, in quo sane scriptum est, naturam folliculos rotundos, interdum ovales, non raro oblongos cæci instar efformare. Sed hinc non ita luculenter, ut ipse putat, confirmatur a Malpighio, hepatis glandulas esse rotundas, & interdum ovales; nedum subovales, quod erat unice probandum. Illa enim verba inter ea interjecta sunt quæ de pancreate & facere inceperat, & facere continuo pergit; ut luculenter ad hepar non pertineant, & siquo modo magis pertineant, id eatenus sit (ut prædicta, & sequentia ibidem ostendunt) quatenus hujus quoque folliculi glandulosi in quibusdam animantibus instar oblongorum cæcorum inveniantur, quæ neque subovalia, neque ita in homine, aut in plerisque esse animantibus, quisquam dixerit. Unus ille igitur primus istus aut incassum, aut certe non evidenter cecidit. Multo minus alter quem cl. Provocator ingeminat. Cum enim inter initia ejusdem Epistolæ, bene ac sapienter, ut methodi ratio postulabat, omnium simplicissimam glandulam proponat Malpighius, eamque ovali, interdum rotunda, quandoque lenticulari, vel oblonga constare formam, doceat; hinc Interpretes cl. non melius hujusmodi scriptoris consilium interpretari me posse, mihi, inquit, visus sum, quam subovalem figuram, seu ovali, & rotundæ medianæ in hepaticis glandulis ex his ejus locis recognoscendo. At quibus ex locis? Ex superiore scilicet, atque ex hoc ultimo, in quibus modo rotunda, modo ovalis, modo oblonga folliculorum figura esse dicitur, nunquam subovalis, non modo absolute, aut semper subovalis. Quid? quod superior locus, ut ostendimus, non certe, ac luculenter ad jecur speciatim pertinet; hic vero alter certe, & manifeste ad jecur speciatim non pertinet. Neque enim Malpighius per hunc textum de conglomeratis, ut Interpretes ait, glandulis sermonem instituit, sed de disgregatis, sive solitariis, unoque loculo constantibus, quarum videlicet plures in intestinis videmus. Sed unicus Malpighii Interpretes, cum ejus Auctor ibidem loqui se, dicat de glandulis œsophagi, intestinorum, & consimilium partium; acute hinc infert, in his certe consimilibus partibus, pancreatis, atque hepatis viscera cum intestinis, commercium ducentia ab auctore comprehendere, verisimillimum esse; quasi vero Malpighius ibi vellet, atque adeo posset in proponenda simplicissima glandulæ idea, non quo in loco hæc esset, sed quæ

(b) De Generat. Exerc. 19.

(c) C. 3.

(d) De Arust. Gland.



quæ viscera cum eo loco haberent commercium, spectare, & has quoque glandulas, quamvis maxime compositas, in illud suum exemplum adducere. Ille vero, ut par erat, & omnibus quæ eam Epistolam vix legere inceperint, planum est, ab iis glandulis initium duxit, quæ uno, ut dixi, & manifestiore constarent folliculo, processurus deinde ad eas quæ pluribus constarent, hinc ad eas quæ multo pluribus, & obscurioribus, ut sic deinceps per multos gradus ad eas perveniret quæ tum ex plurimis, tum ex minus in nostro corpore manifestis folliculis compingerentur, quo in genere illa demum nominatim viscera pancreatis, atque hepatis collocavit; tantum abest, ut de peculiaribus horum folliculis inter initia verba fecerit, vel quod pariter Interpretes secure affirmat, nullo alio loco de hepaticarum glandularum figurâ apertius se explicaverit.

87 Tertius restat in Interprete notatus error, quem idem credit ex se ipso citra ullam animadversionem corruere. A Malpighio traditum esse, docuerat, hepaticas suas subovales glandulas intrare omnis generis capillamenta vasorum. Gravem ego errorem animadverti, negavique, a Malpighio unquam fuisse traditum, omnis generis capillamenta vasorum, hoc est etiam lymphaticorum ad eas glandulas pervenire. Num forte Interpretes cl. aliquem Auctoris sui locum profert in quo lymphæ etiam ductus eo pervenire, docuerit? Tantum abest, ut id conetur; plus etiam mihi videtur concedere quam objeceram. Scribit enim, Malpighium in memorata exercitatione de hepat. de vasorum distributione per hepatis lobulos mentionem inducentem, --- intelligendum certe esse de solis Cava, Porta, & pori biliarii ramis. Sed cum Malpighii Interpretes, nostro, opinor, aliquanto melior, ipse Malpighius id non concedat; tanta alterius liberalitate uti fas, non arbitror. Ille enim in Posthumo Opere, ubi quæ sibi fuerit in laudata Exercitatione sententia, exponit, hæc verba quæ supra etiam descripsimus, sed hic iterare necesse est, diserte conscribit: Hepar innumeris fere glandulis, velut tot uvæ acinis, integrari, habui, quibus sanguinea vasa, venæ scilicet portæ, & cavæ extremi fines, ARTERIA pariter, & porus biliaris --- appendantur & cat. Cum igitur ex his verbis liqueat, num Auctor intelligendus CERTE sit de SOLIS Cavæ, Portæ, & pori biliarii ramis; de arteria quidem, neque tunc quidquam objeci, neque nunc est, ut objiciam. Satis superque esse, putabo, si mihi de lymphæ ductibus satis fiat, si hos quoque mihi ostendatur Malpighium ad hepaticas illas subovales glandulas pertingere, docuisse. Sed tu attende, quæso, Vir Doctissime, non quomodo id ostendatur; sed novum prorsus, atque inopinatum defensionis genus: Cum ego, inquit cl. Provocator, præ aliis omnibus ille idem sim, qui acriter ostendo, neque arterias, neque lymphatica vasa intimos hepaticorum vasorum concursus, seu glandulosos, ut ajunt alii, folliculos penetrare, idque vix paucis lineis ante memoratum locum inculcem, quis jam a nostro Censore tam belle suaderi posset, ut crederet, me, cum scribo, „subovales hepatis glandulas intrare omnis generis capillamenta vasorum, intelligere etiam arterias, etiam lymphatica intrare? Verum enimvero si quæ indicavit de arteria (de qua non agimus) non tertia ab hac pagina, quæ autem de lymphæ ductibus non octava ab hac pagina, sed vix paucis, ut dictitat, lineis ante memoratum locum, inculcasset; si præterea in illo ipso, de quo agimus, loco, non Malpighii sententiam, sed suam exposuisset; nulla tamen ista defensio esset, in eo præsertim, quem usque adeo inconstantem, & obliviosum ostendissemus. Quanto igitur minus firma, minusque adeo ad rem erit, cum longe aliter se habeant omnia, & quod caput est, cum

eo in loco non de se amplius, suisque placitis; sed de Malpighio, & hujus observationibus verba facere, hæcque, secundum ipsius Malpighii sententiam Lectori exponere instituerit? Quod ut longe manifestissimum est, ita certissimum quoque est, non hic a nobis actum, quæsitumque fuisse, quid ipse intelligeret in propria, sed quid intelligere deberet in aliena sententia referenda.

Quod si id etiam ponamus, quod ipse postulat, & quod nullo modo ponendum est, ipsum in Malpighii sensibus exponendis ad suos proprios respicere debuisset, atque ideo cum dixit omnis generis capillamenta vasorum, non etiam arterias; non etiam lymphatica intellexisse; contrarius quidem, sed non facilius ferendus, ex ejus interpretatione existat error, necesse est, Malpighium videlicet non lymphæ dumtaxat vascula, sed etiam arterias ad hepaticas glandulas pertingere, negavisse. Quod quantum vero adversetur, non modo ex productis Posthumi Operis verbis, verum etiam ex iis cognoscitur, quæ in Exercitatione de Liene (a) idem Auctor edidit eodem tempore quo Exercitationem de Hepate evulgavit: Materiæ, inquit, bilis major copia, quæ fluidior est, erumpit a glandulis hepatis, in ipsas delata a venæ portæ ramulis, & non improbabilius etiam ab extremis ARTERIARUM finibus, quæ a ductu hepatico excident, tandem in HEPATIS GLANDULAS TERMINANTUR. Tribus igitur Interpretis erroribus demonstratis, tanto minus in eo ferendis, quanto magis de Malpighio, quem ne intelligere quidem valuit, libera, ut alias diximus, idem nobis judicia tulit; æquum sane est, ut huc illa ipsa verba adscribamus, quibus istam suam animadversionem concludere non dubitavit: Quis nostrum igitur Authores INTELLIGERE melius didicerit; An ego Malpighium, an Censor noster Historiam nostram, Lectores ipsi viderint.

88 Et si vero in proxima etiam Animadversione XXIII. satis libere de Celeberrimis aliis Auctoribus videtur loqui; ego tamen non necesse habeo, quæ minus ad me pertinent, examinare. Helmontii, inquit, aliorumque similium edentula nimium sunt --- objectiones, imo ex se ipsis regeruntur. --- a Bohnio vero, atque Bellino prolatas --- non difficilius comprimimus. --- Quæ adversus urinarum a bile tincturam proponit Bellinus de urinis Part. I. minimi pariter momenti sunt. Hæc omnia alii viderint. Nos illud dumtaxat perpendamus, quid ad eam quam ex aliis omnibus in istiusmodi controversia argumentis selegimus, objecimusque, Bellinianam urinæ evaporationem respondeat. Non est necesse, inquit, ut ad probandam in lotio bilis tingentis præsentiam superstes ab evaporata urinæ sedimentum cum flavum, tum amarum deprehendatur, veluti ejusdem authoris (Bellini) est animus. Quippe plurimæ amaræ res ab igne valide tentatæ, torrefactæque, ut hoc pacto naturalem amittant conformationem, amaritiam suam deponunt; multæque vel quolibet saturato colore pollentes, hac conditione eodem facile exuuntur. --- Re enim vera in evaporatione volatiliora, acutioraque salia, & sulphura, quibus quidem ratio saporum, atque colorum est, absumentur, atteruntur, aut invertuntur, ut sapidus aut coloratus eorum effectus non difficile pereat. --- Quod igitur sedimentum evaporationis urinæ nigrum appareat, --- probare hoc solum, residua ab evaporatione solidiuscula urinæ contenta corpora ab igne fuisse torrefacta; in nigrum idcirco necessarie colorem vergere. Verum ista omnia quam frustra dicantur, hæc ostendunt. Primum num urinæ solidiuscula corpora in proposita a Bellino evaporatione ab igne tam valide tententur, & torrescant, inde poterat intelligi, quod sedimentum non ad siccitatem usque deducitur, sed ad visciditatem dumtaxat. Deinde id sedimentum si totum simul aspiciatur, nigrum



nigrum quidem judicatur, non tamen revera est, ut esset, si ab igne fuisset torrefactum. Denique; ut ista, atque alia plura mittamus; si eo colore sedimentum apparet, falsissimi autem invenitur saporis, nulla unquam, hoc est ne tum quidem cum torrefactum nondum dici potest, contracta amaritudine, si tale; inquam, est propterea quia solidiuscula urinæ corpora ab igne sunt torrefacta, ut hoc pacto naturalem amiserint conformationem, sive absumpta, attrita, aut inversa sint; si ad hunc modum, inquam, res se se habet; quæ fieri igitur potest, ut affusa eidem sedimentum nulla alia re, nisi aqua communi ad eam quantitatem, quam evaporasse discimus per ponderationem, continuo redeat prior illa citrea flavedo, & pristinus ille sapor naturalis urinæ? Num torrefactionis effectus tam facile tolli? Num corpusculorum naturalis amissa conformatio tam facile restitui? Num absumpta, attrita, aut inversa sulphura, & sales tam facile reparari, augeri, refici possunt? Non mihi videtur legisse Bellinum, qui has ejus observationes in proposita controversia minimi momenti esse, neque difficile comprimi posse, scripsit. Hoc mihi satis attigisse; cætera quæ adversus Bellinum, & Bohnium congerit, alii viderint. Nam neque ad me pertinent, & quamvis pertinerent, nonnulla ejusmodi sunt, ut malim certe aliis credere, quam ipse experiri. Bilem exempli gratia in urinis ictericorum, cl. Provocator affirmat, sensibilem interdum amaritiam, quæ quidem ipsius falsedinis superat sensum, degustanti cuilibet porrigere, ut plurimi, se præsentem, sæpius in praxi experti sunt. Factum male quod ex istis plurimis ne unum quidem alias invenerit. Neque enim in alio hujus Historiæ loco scripsisset: icterici urinam, --- totam sinceræ bilis personam referentem, forsan eadem quoque sapiditate præditam invenissemus, si fædis hisce observationibus daretur immisceri. Nunc vero non modo plurimos invenit, qui sapius in praxi fædis hisce observationibus immiscerentur; sed se ipsum immiscuisse videri potest. Nam contra eam, quam passim & communiter credimus, quam a Bellino, ac Bohnio videmus sine ulla dubitatione positam observationem, nescio quam sibi videtur in urina amaritudinem invenisse. Nos, inquit, plane affirmamus, in quacumque urina naturali --- sub falsedine notabilem etiam amarorem gustu percipi, --- ut cuilibet attendenti liquere facile poterit. Verum istum notabilem amarorem, qui vellet, gustu percipiat, & num a peculiari urinæ falsedine distinguendus, & ad illam ipsam qua de agitur, bilis amaritudinem sit referendus, attendat; ego ad alia, quæ visu, non gustu percipi possunt, & quæ ad me pertinent, transibo, ut ex his quæ mihi experiri etiam licet, intelligam quid de illis quæ experiri nolo, sit judicandum.

89 Croceum naturaliter urinæ colorem esse, ipse litteris mandaverat (a) in eo loco, qui, ut de his solet quæ clam delevit, ubi nunc sit quærendus, non dicit; ego certe in nova hac Editione nondum potui invenire. Sapienter fecit, si nostro monito usus est, illumque delevit; urinæ enim color, ut in Adversariis (b) admonuimus, naturaliter croceus non est, sed dilute flavus. Num vero pariter sapienter faciat, quod hic nihilominus, colorem etiam dilute flavum contendat croceum prædicari posse, imo debere, attendamus. Si croci, inquit, granum unum in aquæ communis cyatho dissolvimus, hæc statim eundem, qui naturalis sanorum urinæ est, colorem induit, sive dilute flavum. Quid tum postea? ut enim laudo quod confiteatur, naturalem sanorum urinæ colorem esse dilute flavum; sic non video, quomodo quem dilute flavum fatetur, eundem croceum prædicari debere, possit nobis demonstrare. Croceum, inquit, esse dico seu illius instar, qui a pauca quadam croci aquæ sociata quantitate dilutus, ac vel-

uti citrinus progignitur; quasi vero istiusmodi colorum nomina non a rebus, quas referrent, sed a rebus ex quibus existerent, imposita essent. Quod ipsum si concederem; nullo autem modo est concedendum; sequeretur sane, naturalem urinæ colorem aqueum potius, quam croceum esse vocandum, propterea quia ex multo majore aquæ copia, quam croci, ejus similitudo conficitur. Sequeretur pariter, ut si crocus (id quod multæ res faciunt) colorem dare posset, quem ipse evidenter non haberet, cæruleum puta; color hic non cæruleus esset appellandus, sed croceus, quippe qui a croco fuisset inductus. Denique, ne a proposito recedamus exemplo, sequeretur, ut si croci granum unum dissolveretur non in aquæ communis cyatho, sed in tanta copia, quanta ex uno croci grano aliquod vel dilutissimæ flavedinis servare vestigium posset, hic tamen color croceus prædicari deberet. Quid igitur est, cur Medici, de quibus potissimum sermo erat noster, id cum deberent, minime faciant, idemque cl. Provocator hunc ipsis Canonem inter illos suos non præscripserit? Tunc fortasse facere inciperent. Hactenus vero quid fecerint, ex eo palam est, quod cum ipse confiteatur, a Practicis croceum urinæ colorem solere plerumque vocari, quum --- adeo tinguntur urinæ latices, ut saturatam imitentur aquæ ex majori immixti croci mensura tincturam; nullum tamen exemplum profert; cum istud plerumque plura non deesse significet; ex quo constat; eruditos, & recte loquentes Medicos naturalem urinæ colorem croceum quoque nuncupasse. Cum igitur neque hoc, neque Bellinianæ evaporationis infirmitatem probaverit; videbit certe in posterum, quem in se usum habere poterit nostra illa objectio. Et profecto etiam intel- liget quid sibi velit altera memoranda objectio quam eodem loco idem ingeniosissimus (sic enim humanissime loquitur) objurgator oggerit; cum videlicet si illa non satis sunt quæ ex illis ambobus locis descripta, & inter se collata legit, reliqua perleget, numque de illa re quam primo in loco pronunciat, in altero, quamvis suo, ut dixerat, loco quidpiam attigerit, incassum quæret, imo hæc inveniet non subtilioris bilis quæ hepar declinaverit, sed tantum legitimæ bilis Hepaticæ tincturas esse, voluisse.

90 Usque adeo XXIV. Animadversionis lectionem averso, & horreo, ut veniam petam a te, Vir Doctissime, ad XXV., quæ ultima est, transiendi, qua perpensa ad istam, inviti quantumvis, ægreque, ut decet, ferentes, extremo loco redibimus. Quæ igitur, tot alios Hepaticæ Historiæ errores adnotando defatigatus, post ipsos, professus sum (c) me indicando potius, quam notando, scripturum, num ejusmodi sint, quod Provocator noster cl. distat, ut vel ipse Lector legendo repellat, & deleat, videamus, an vero potius ejusmodi, ut quemadmodum, in cunctis superioribus Animadversionibus, ita in hac quoque, etiam me tacente, ipse per se Lector repellat, ac deleri, non sinat. Et primum cum meum istud quam brevissime ibidem scribendi institutum Provocator ipse commemoret, cur non ad hoc potius, siquid forte sibi videretur obscurum, retulit, quam illuc, ut per mutilata exscripta verba, effectumque hoc pacto centonem imponere fortasse studuerim? præsertim cum exscripta a me ista verba ita apud ipsum proxima sint, ut a me relatum est. Atenim solum comparate ad biliares ductus in medium attulisse se dicit, brevem venæ Cavæ a motu impulsu distantiam. Num illud ipse negavi, aut nego? cui quidem satis sit hæc illos perpendere qui cum Malpighio censent, celiacæ arteriæ, primi, ut cl. Provocator scripsit, aortæ emissarii hepaticum ramum cum glandulis quæ bilis ductuum initia sunt, communicare: hepaticum quoque bilis ductum cum eodem certe PERGRANDI satis,

(a) Edit. I. pag. 41.

(b) Adv. III. pag. 48.

(c) Ibid. pag. 61.



tis, & notabili arteriæ ramo concludi intra capsulam illam, quæ secundum accuratiorum indagines  
 1054 verus est musculus, sive quæ fasciculis muscularibus ROBUSTE instructa est, imò legitimus est musculus ad omnes portæ, & ductus fellei diramationes, itinera, & concursus elongatus, & advolutus; ut non tantum momentis sistalticis suis, sed  
 27 & contractilibus muscularibus suppleret defectui pulsationis in porta; trusiones ideo promovendo in concursibus, & canali excretorio, respectu ad liquida contenta, secreta, & per diversas hinc vias promovenda. Quæ omnia, atque alia ejusmodi, alibi, ut vidimus, a Provocatore proposita, vel etiam  
 1135 inculcata, probi Lectores opponunt primum nulli isti competenter amplæ, & pulsantis arteriæ attiguitati, deinde & nulli isti tunicarum cingentium oscillationi, aut muscularium adjacentium, præter debilis capsula, præssura. Debilis, inquam, capsula. Cum aliis enim minoris momenti ista vox debilis, ut pote superioribus Animadversionibus nimis aperte repugnans, sublata hîc est ex eo textu, qui cæteroqui sic profertur: *En textum, qui, neque litterulâ a prima Editione immutata, nunc habetur in §. III. & cat.* Et ego ille sum qui per mutilata exscripta verba imponere fortasse studeo! Huc illud accedit, quod si contendere voluissem, non comparate ibi, sed absolute ab eo scriptam esse brevem venæ Cavæ a motus impulsu distantiam; jure fortasse potuissem. Nam comparate quidem tunc loquitur, cum ait: *bilis ductus longe minus turgere succis suis, quam Cavam contento sanguine.* At vero cum seorsum momenta enumerat hinc in Cava, inde in iis ductibus ad fluxum urgentia, & quasi de Coronariis arteriis, non de Cava loqueretur, in hac statuit brevem a motus impulsu distantiam; non omnes certe ita facile concedent minus absolute hoc dici, quam id quod continuo præcedit, & absolute verum est, *vasis amplitudinem.* Secundo loco cum hepatis proximi diaphragmatis alternum motum non nihil valere, non nihil posse ad ipsam quoque hepatis concavam partem, indicavi (d) hoc nimirum volui, deprimi alternis a diaphragmate hepar non posse, quin hujus corpus universum, ipsique ideo biliarii ductus, & quod his inest, concutiat, imò quin concava ipsa jecinoris facies contiguas partibus quadantenus apprimatur. Nihil igitur eorum volui, quæ egregius Interpres obtrudit, *me intellexisse, ut veritati, si Diis placet, aut mihi jam ipsi videar adversari.* Tertio. Si modus quo Boyleus, & Papinius, grandiora cujuslibet Animalis, *ossa in liquidam substantiam solvunt*, revera apud Taurinenses usque adeo familiaris erat, ut nunc esse, affirmat; cur igitur verbis illis nescio quid reconditi promittentibus, ipsum describere aggressus fuerat: *Modum edocent curiosissimi Auctores, huncque ita Lectores qui ex Boyleo, & Papinio poterant jam novisse, describerat, quem vel coquis ipsis, ipsisque mulierculis familiarissimum esse, sciebat?* Sed mirum non est, quid Augustæ Taurinorum coqui, & mulierculæ gerant, nos ignorare, cum ipse ita quid Patavii Anatomici egerint, aut non egerint, ignoret, ut ex uno eodemque, adhuc vivente, Anatomico duos fecerit.  
 909 Quartæ meæ objectionis sententiam totam, non modo verba ipsa, non refert, quamvis alia characterum forma perinde ac si mea essent, descripta producat. Attamen ne sic quidem satis respondet. Primum namque confiteri cogitur, se non exacte, sed suo modo, ventriculum circumjectis visceribus stipatum cum machina Papiniana conferre; quasi diserte non scripsisset, ventriculum in superiori orificio ab iis visceribus premi adeo, & constringi, ut tanquam operculis stricte appositis occlusus, TRANSPIRARE NON SINT AT activiores ---- particulas, ac spiritus. Nam quod huc alia, tanquam ab se eodem loco inculcata, trahit; neque eodem loco scripta sunt, Morgagni Epistola Anat. II.

quæ altera ab ista pagina subjiuntur, neque in illa de qua una agebam, comparatione producta sunt, quæ post alteram prolixè descriptam comparationem adduntur. Quod autem ait, eo se Lienem non in primis advocasse, sed Hepar, suisque prolatis verbis, quasi id ego dissimularem, confirmat; neque hæc opus erat producere, quæ ipse produxi (e), & Lienem tamen de duobus istis operculis eo stricte apposis unum fecerat, quorum alterum si paululum amoveri finit, reliquo dumtaxat, illud intercipere orificium quæ poterit? De meo autem aere non laboro qui halitus illos humidos per ventriculi parietes non induco; ipse qui inducit, videat ut suis spiritibus satis caveat. Postremo quod ad majora chylosa functionis principia refugit, recte facit; nam hæc minora non satis firme tueri se posse, videt.

91 Quæ in quinta objectione, probanda esse de Viperis, dixi (f), minime probantur; sed probationis loco, quandam denique in Viros Doctissimos, atque Experientissimos insultationem invenio. Probandum erat primo loco, Viperis summe energeticum esse stomachi munus, ut, vel post Mures, & Canes, quasi hos voracitate vincerent, ipsas inter voraciora animalia recensendo, scriptum fuerat. Quid ad hæc probanda allatum est? Affirmatum est tantum, sed non probatum, *viperam, super alia voracia bruta, ingesta solidiora qualibet* (credo etiam ferrum, ut super voracem Struthiocamelum sit) *vel ipsa etiam viva, & integra non exilia animalia ut aves bufones & cat.* (non est satis; nam super voraces pisces esse debet) *animalia se majora sibi in escam comparare, devorare, & digerere.* Equidem de passerulis, & parvis bufonibus nonnunquam a vipera devoratis non ignorabam, ut ex iis quæ alibi scripsi, olim apparebit: sed de animalibus revera ipsa vipera majoribus, de solidioribus quibuslibet, super alia voracia bruta a vipera ingestis, Radium aliquem qui testaretur, libenter sane productum vidissem. Quod si ego mihi deesse nolui, cum Radium testem produxi in re, quæ, præterquam Redo, ut Noster ait, *omnibus nota est*; cur Provocator cl. sibi deest, nullum producendo testem in rebus quæ certe non omnibus notæ sunt? Attamen si mihi concedit, omnibus esse notum id quod Radium (g) ut summum in viperis observavit, has ad decimum usque mensem in ediam ferre, & si huc addit quod vere omnibus notum est, easdem longis jejuniis se accomodare, non modo aliquando, ut ipse fatetur, sed quam sæpissime, ut in captis & asservatis, quotidie videmus, ne quidquam dicam de hyeme, quo anni tempore, solent plerumque, & quidem secundum naturam (ut ejusdem Redii (h), si per cl. Provocatorem licet, verbis utar) aut nullo modo, aut quam minime, rarissimeque alimentum capere; haud satis video quomodo ipsas, non dico super alia voracia bruta voraces jure statuamus, sed murium dumtaxat voracitati, earum voracitatem anteponamus, cum illos Radium (i), sæpius expertus, nunquam ad tres solidos dies sine cibo servare vivos potuerit? Atenim viperæ modicos passeres, & bufones nonnunquam devorant. Num propterea voracissimas, idest inexplibili edendi aviditate præditas super alia voracia bruta censebimus? Deinde istos passerulos, ista ingesta solidiora qualibet a viperis super alia voracia bruta concoqui, & solvi, quem testem habemus? præsertim cum a quibusdam produci videam Libavium, qui illa animalcula a viperis reddi scripsit exsiccata diu, nil comminuta per membrum sui secessus, vel Plinium, qui a serpentibus prodidit rejici suetas avium devoratarum plumas, & ossa. Quæ certe omnia seu falsa, seu parte ex aliqua vera sint, ab eo videnda erant, ac discutienda, a quo summe energeti cum in viperis stomachi munus erat probandum. Ab eodem autem quomodo alterum probetur, hepar videli-



delicet in viperis non tantam supra, & circa ventriculum esse protensum, sed usque ad duodenum, videamus. Alterum, inquit, num ita sit, quis posset ingenuus dubitare, quin nempe nostram omniumque accuratiorum Anatomicorum autopsiam suaderi luculenter potest? Quid ergo? inter accuratiores Anatomicos non est Eduardus Tyson ponendus? Hic (k) tamen hepar, jam contra ventriculum, extenuatum, ne ad pylorum quidem, non modo ad duodenum, perducit. Præterea Baldus Angelus Abbatus, M. Aurelius Severinus, Gerardus Blasius, Michael Bernardus Valentinus ingenui homines non erant, aut non sunt? Quis ingenuus hoc dixerit? Hi tamen omnes num de ea re dubitaverint, ex Tabula III. Abbatis (l) liquet, quam cæteri in zootomias, & Amphitheatrum suum sine ulla unquam dubitatione transtulerunt.

In ea vero Tabula num Viperæ jecur ad totum ventriculum, nedum ad duodenum, protendatur, omnes satis vident.

Parcius ista Viris tamen objicienda memento. (\*)

His ergo omnibus, & propria quadantenus memoria aliter docentibus, & ingenui, & non imprudentis hominis fuit de opposito saltem (id quod nos fecimus) dubitare, donec viperis iterum, & sæpius dissectis, alio in loco possemus (id quod nunc possumus (m)) nos quoque ipsos aliter vidisse, affirmare; quanquam; ut tunc illud omitteretur; nimis sane ultra inanem, ut plerumque observasse meminimus, viperarum ventriculum, jecur circumfundi, & protendi oportebat, qui illum etiam post comesta animalia, ipsa vipera majora, distentum & fovere posset, & ad duodenum adhuc pertingere ad ultimam scilicet chilificationis opellam ibidem adjuvandam incubatu suo.

92 In sexta objectione; cum Provocator negasset, quidquam clarius illustrare posse hoc hepatis munus, quam notabilem indigestionis habitum omenti disjunctioni a fistula intestinalis incubatu succedentem; contrarias Riolani, & Foresti observationes memoravimus (n). Ipse autem regerit Galeni, aliorumque observationes, quasi vero aut Riolanus, aut Forestus, aut ego easdem ignorasset, cum neque illi ambo suas fortasse fuissent scripturi, nisi illas, quas diserte commemorant, tanquam pro Canone ad suam usque ætatem passim esse habitas, novissent, neque ego eorum observationes objecturus, nisi vidissem, ceu de re undequaque certissima sine ulla dubitatione adhuc scribi; quid clarius & cæt.? Itaque cum illi Galenicæ observationes probe scirent, Anatomici autem, & Chirurgiam callerent; quis ob illas audeat cum Provocatore pronunciare: Riolanum parvam omenti portionem pro magna reputasse censendum est. Id pariter de Foresti omento intelligi volo.

Quid enim omenti nisi paucum, & modicum, in communibus abdominis plagis, atque herniarum operationibus plerumque rescinditur? Quid hæc aliud significant, nisi qui hæc pronunciat, neque primum attendisse quis Riolanus fuerit, ut tam facile, quasi imperitus Anatomiae, & Chirurgiae, parvam omenti portionem pro magna reputaret, aut communibus & quotidianis in istiusmodi re uteretur exemplis: neque deinde illam Foresti, de qua iudicium ferre vult, observationem (o) unquam legisse, quæ de communibus certe non est, & in qua tantum abest, ut quid omenti paucum, & modicum duntaxat scribatur excisum; paulatim totum omentum extractum proponitur. Qui ergo illam attente perlegerint, num nihil inde ipsi in contrarium oggeratur, intelligent. Difficile enim concedent, in ejusmodi casu nihil, nisi eam, quæ neque in omnibus illuc usque extensa invenitur, omenti portionem ablatam esse, quæ ad ilei intestini inferiores dumtaxat flexus propenderet, reliquam autem omnem, superioribus intestinis accumbentem, relictam esse; ad quam nunc videlicet confugere cogitur, & de hac tantum affirmare quod incubatu suo

vere collisionem adjuvet, ilei intestini inferioribus flexibus exclusis, quando universe de fistula intestinali in Historia scripserat. Nam quod certam quandam suam juvenilem observationem Gravissimorum eorum Hominum observationibus opponit; ne ipse quidem, opinor, contendet, facilius ipsis fuisse parvam omenti portionem pro magna reputare, quam sibi, adhuc præsertim juveni, aut vasa quædam sanguifera ventriculo inservientia, quæ liganda non fuissent, non ligare, aut si ita, ut ait; diligenter omnia peregit, in non brevi illa operatione ita molossum non vexare, aut ita ejus viscera ab aeris injuriis tueri, ut quod semel observavit, aliunde esse non potuerit, sed tanquam multarum observationum summa quædam, nobis pro Canone esse debeat ad nostram, atque adeo Riolani imperfectam, si Superis placet, objectionem corrigendam.

93 In unam septimam objectionem multas contrahit. Prima illa fuerat: Cæliaca primum aortæ emissarium esse dicitur, quod evidentissime falsum est. Nunc evidentissime quidem id esse falsum, ipse confirmat, cum scribit, tot alia supra Cæliacam emissaria Arteriæ magnæ neminem vel anatomiae ignarum latere posse. Quod autem addit, negare neminem posse, cæliacam primum esse aortæ sub diaphragmate emissarium; ita verum est; ut si ipse quod hic demum facit, tunc ibi fecisset, ut sub diaphragmate non omitteret; nihil ego objecturus fuisset. Nam quod intelligi id debuerit, propterea quia de viscere in abdomine degente, seu de Hepate constans suæ Historiæ sermo sit, neque hoc verum est cum tot alia viscera, & partes in medium passim, & præsertim ubi egit de viis sanguinis ad varia secretionum organa, attulerit, & potest, ut in nervis conspiciamus, etiam vas aliquod sanguiferum non intra eam caveam cui prospicit, exoriri, imo certe carotides ex. gr. arteriæ intra thoracem incipiunt, & cranii cavæ novissime inserviunt. Ad secundam objectionem sic respondet: ego tertiam circiter totius sanguinis in homine degentis partem in Portæ trunco atque ramificationibus continuo residere, citato loco satis probasse videor. Si hoc, non dico, præstitit, sed vel uno verbo præstare aggressus est; nihil causæ est, cur ego ejus probationes infirmas esse, seu rem esse, ut ait, adversam, probare non debuerim. Verum si nihil aliud ibi fecit præterquam ejusmodi rem sine ulla dubitatione pronunciare; quis est qui id legens, mecum jure meritoque non censeat, rem saltem maxime incertam esse? Et ipse tamen scribit: id citato loco satis probasse videor? Perlegat quicumque velit non modo citatum locum, sed universum in quo est, Partis I. postremum caput. Spondeo fore, ut errores quidem, a me in eo capite indicatos, aliosque præterea inveniat, ullam vero quæ ad illud probandum spectet, litterulam non inveniat.

Atque ut in transitu hic duo ostendam; alterum, num verum sit quod infra ipse credi vellet, me ejus errata summo studio notavisse, cum reapse, aliud agens; ea tantum quæ scribenti succurrebant, notaverim; alterum, quantum in probando inter me, & ipsum discrimen sit; protinus id quod modo dicebam: esse alios præter eos quos in Adversariis indicavi, in eo ipso postremo capite errores, ex his uno exempli causa producto, aperitissime demonstrabo. Scriptum est in illo capite: animalium aquatiliū hepata terrestrium jecunioribus esse minora. Hoc ejusmodi esse, ajo, ut nemini illorum probari possit qui ingens multorum piscium jecur, quod interdum vel in duos amplissimos lobos divisum, a summa ad imam fere ventris partem extendi, mirati sumus, cum plerisque aliis eorundem visceribus comparaverint. Quid? quod in nullo ex tot Piscibus quorum dissectiones ad suum usque ævum editas collegit Blasius (a) quidquam de hepatis parvitate adnotatum invenire adhuc potui, cum ex adverso viderim, (b) in Acu Marino memorari hepar pro animalis magnitudine

(k) Act. Lipf. A. 1684. Tab. V. Fig. 1. (l) De adm. Viperæ nat. (\*) Virgil. Ecl. 3. (m) Vid. Epist. I. Art. 64.  
(n) Adv. II. pag. 62. (o) Obs. Chir. I. 6. Obs. 7. (a) Anat. Animal. Part. III. (b) C. 1.



dine satis grande, (c) in Pisce ex Canum genere, una cum visceribus suis 26. libras æquante; sine visceribus 15. excedente, hepatis pondus quinque libras superans (d), in Crocodilo hepar bifidum binis lobis insigne, (e) in Galæo lævi hepar in duas conspicuas fibras, & oblongos lobos divisum, velut insignes lineas abdominis longum percurrentes, (f) in Lucio hepar oblongum instar linguæ ad secundas pinnas extensum, (g) in Orbe Hepar maximum in sinistro latere (quod & nos in aliquot piscibus observasse meminimus) in dextro minorem lobum, (h) in Phoca hepar bene factum sex majoribus lobis discissum, (i) in Phocena hepar amplissimum, & totam, quæ est inter diaphragma, & ventriculum, abdominis cavitationem fere occupans, (k) in Salamandra hepar ingentis magnitudinis, (l) in Xiphia denique hepar grande satis: & exsanguis. Sed jam illuc unde digressi sumus, & quo tamen hoc etiam de minore piscium jecore pertinet, revertamur.

94 Ex iis quæ improbavimus, volebat Provocator ostendere, alterum esse hepatis usum, ut sanguinis copiâ, vel repentinâ etiam rarefactione turgentis diverticulum sit una cum liene. De liene quidem, ob ejus structuræ modum nolui unquam ab aliis etiam, id proponentibus, magnopere dissentire; hepatis vero substantiam prompte, ac prore nata ad modum laxiorum membranarum valde cedere, atque extendi posse, negavi. (m) Contra, Provocator cl. hoc compertissimum fieri, luculenter evinci, de hoc nos plane convinci, asseverat.

Si probationes quæris; duas omnino affert. Nam primum ait, Portæ ramos, qui potissimam hepatis partem constituunt, -- in jugulatis, aut improvise denatis -- longe ultra naturalem statum ampliores, & sanguine turgidiores deprehendi: in picrocholis vero, lentoque morbo demortuis graciliores admodum, atque inaniores. Etsi in Erratis monemur, ut hic pro jugulatis intelligamus præfocatis, non tamen erratum adhuc satis ab Auctore correctum est; quot enim sunt improvise denati ob magni alicujus vasis rupturam, quorum sanguis magnam partem in aliquam caveam invenitur effusus? quot præfocati, iidemque lento extenuati jam morbo? num in his etiam, quod ipse mox negat, aut in illis, contra ac videmus, longe ultra naturalem statum rami illi Portæ venæ sanguine sunt turgidiores? Verum ut essent; nonne id magis in Pulmonaribus interdum vasis, in Auricula cordis dextera, & potissimum in Venæ Cavæ Truncis quam sæpius, & luculentissime deprehenditur? imo in his tanto magis, quanto minus circumprimuntur, cum contra, Portæ venæ rami ab arctissime, confertissimeque intra eandem hepatis membranam conclusi tot ramis aliis, & vasis, & folliculis, & humoribus undequaque premantur. Quæ cum ita sint; satis planum est, num hepatis substantia, quomodocumque Censor velit, valde cedere, atque extendi possit, itemque num quia venæ Portæ rami sanguine interdum pleniores inveniantur, ob hanc rem, aliis etiam partibus, venisque communem, imo longe magis facilem, continuo peculiare sanguinis diverticulum in jecore potissimum statuendum sit. Quid? quod veri simillimum est, illam idcirco plenitudinem inveniri, quod ulteriorum fistularum hepatis cavitates ita ampliabiles non sunt, ut Provocatoris diverticulum postulabat; Earum videlicet angustias, cessante arteriarum & diaphragmatis impulsu, pressione dumtaxat incumbentium partium, & vi elastica vasorum promotus sanguis, superare non potest, ideoque in crassioribus ramis subsistit, quos quanto magis distendit, tanto minus ultiores ab hac distentione compressos, & quod consequitur, tenuissimos illos ex quibus magna hepatis pars construitur, potest dilatare. In hominibus autem adhuc viventibus, vel eas libere superare angustias valet, & sic tan-

Morgagni Epistola Anat. II.

ta ista in crassioribus ramis plenitudo neque fit, neque fieri potest, tenuissimis & ipsis tum Portæ venæ, tum Cavæ surculis sanguine plenis, ideoque locum non cedentibus; vel eas libere superare non potest, & sic a tergo plenitudines fiunt, unde subitaneæ illæ hujus visceris phlegmones, & celeres quædam ejusdem obstructionum species, quæ non ita facile contingerent, si penitissima substantia hepatis sic a natura esset compacta, ut diverticuli instar prompte cedere, & dare locum, non ob stare, majori sanguinis copiæ posset: Tantum abest, ut ab illis phlegmonibus, & obstructionibus de opposito plane convincamur, ut Scriptor noster cl. putat, hinc alteram suam repetens probationem! Sic fuerat a nobis animadversum (n) quod perhumaniter hinc ipse dissimulat, quam facilis idem sit in demonstratione, imo plena demonstratione statuenda. Hoc enim primum volebamus: tum vero deinde alterum, de quo ad Medicos judicium detulimus. Nam etsi inter omnes constaret, quod certe non constat, hæmorrhagias narium in LEVIBUS etiam hepatis, & lienis obstructionibus ORDINARIO accedere; non tamen continuo id quoque constaret, quod ipse plene demonstratum pronunciat. Sic longe aliud ex ea observatione consequi censebat Tozzius (o), qui tamen non a leviter obstructo, sed ab obstructo, tumidoque jam hepate contingere id scripsit, Volcherus autem, quem laudat, Coiterus (p) ab hepatis MAGNA obstructione, præcipue cum ex hac in hydropem incidunt; ut duorum jam Practicorum, & revera medentium judicium, quale se etiam proficitur amplecti, Nostro non favere, videamus. Eiusmodi hominum judicio ea quoque commisimus, quæ octavo loco indicavimus (q). Neque adhuc, ut Provocator cl. dictitat, hoc pendet judicium. Nam uter nostrum lacerationibus sit usus, judicium non obscure jam editum esse, infra apparebit. Uter vero toties allucinatus sit, judicatum a pluribus est, ut ex iis quæ ad superiores Animadversiones, & nominatim XII, ac XIX. sunt scripta, intelligitur. Num vero facilius quam hætenus fuerit, ipse morbos hepatis OMNES internoscant inter se se, qui possit adhuc pendere judicium, quando ejus confessio jam extat, jecoris ad attiguas partes adnascentias morbosas, varices, aneurismata, ductuum excretoriorum dilatationes præter naturam, tandem & hydatides, --- has, ut & alias hepatis nunc memoratas affectiones --- revera per sola extispicia palam fieri. Denique an in I. de qua sermo erat, Editione in hepatis morborum signis nihil immoratus sit; quomodo judicium nunc pendat, cum ipse in priore Præfatione jam edixerit, a se omnia stylo explicari historico; sicque --- nihil in signis, & curationibus exponendis immorante. Illam enim, quamvis sæpe a me redargutam, Præfationem in nova Editione omittere quidem potuit; horum autem nullo modo inter se cohærentium, ob idque etiam a me (r) notatorum verborum, memoriam delere non potuit.

95 Multo autem minus delere potest ea quæ porro sic per transennam, ut diximus, indicavimus in II. Historiæ Parte quam eadem Præcl. Mangetus sapientiâ omisit, qua alias pariter, etiam anatomicas, Provocatoris minas (s) in I. Parte prætermiserat. Nos primo loco, cum plura congesta videremus ad manifeste evincendum id quod hic etiam affirmatur: dari morbos a solido non dependentes a fluido; ne infiniti essemus, ideoque sapienter; alia omisimus; illud unum notavimus (t): ossa QUÆDAM duriora ad tantam redigi mollietatem POSSE, ut instar ceræ versari facillime possint in omnem sensum in sano quo ad cætera homine, hoc est sine ullo vitio fluidi universalis. Quid ergo queritur cl. Provocator, me ejus locum mutilavisse? Num alia omisi, nisi quæ ibi nolui redarguere? Quod autem redargui, nonne ab ipso affirmatum est? Atenim in aliquo dum-

F 2

taxat

(c) C. XI. (d) C. 14. (e) C. 15. (f) C. 20. (g) C. 22. (h) C. 25. (i) C. 26.  
(k) C. 29. (l) C. 36. (m) Adv. III. pag. 62. (n) Ibid. (o) Medic. Part. Pract. c. de Hep. & cæt.  
(p) Obs. Anat. (q) Adv. III. pag. 62. (r) Ibid. (s) Vid. Adv. III. pag. 38. (t) Ibid. pag. 62.



taxat casu, inquit, id volui affirmare? Num ego in omnibus affirmasse, dixi? Certe voces illæ quædam, & posse, quæ in supra scriptis, & sic a me editis, leguntur, hoc nemini in mentem venire sinunt. Nunc vicissim attendamus, an qui immerito de nobis queritur, de eo nos merito hic queri possimus. Igitur inter Auctores quos pro se laudat, & quorum fere omnium ut nomina exiguo labore ex una Observatione Miscellan. N. C. (u) exscribere potuit, sic plerasque observationes non satis ad rem facere, animadvertere potuisset; tres quibus in primis nititur, mihi objecit Olaum Wormium, Ferneliū, & Daniele Pruttenium in Miscellan. Curios. ex relatione Abrahami Baudæ Chirurgi Regii. Si quo in loco, quæras; nihil, ut fere solet, præterea addit; propemodum ut hîc quoque, quod passim feci, ipse debeam divinare, cum ego contra meis in scriptis, aliquo sedulitatis, magno certe fidei testimonio, neminem fere, in rebus præsertim ejusmodi, laudare Auctorem solitus sim, cujus locum, summo cum Lectorum, & Provocatoris in primis cl. commodo, diligenter non indicaverim. Non est tamen cur de Wormii, aut Fernelii verbis hic multum laboremus, primum quia Provocator nihil aliud urget, nisi utrumque eorum nullam concomitantium eam quæ in ossibus mollities erat, in liquidis morborum mentionem instituisse, quasi vero propterea ullum in liquidis morbum fuisse, negassent, aut non satis esset, si forte ii morbi præcessissent. Sic Fernelius, cujus locus est de abditis rerum causis l. 2. c. 9., ex morbo tam mollia & flexibilia evasisse ossa, scribit; quem morbum nihil vetat, quominus fuisse in humoribus, si lubet, credamus. Deinde Wormius; quantum conjicio ex eo quem paulo ante indicavi, loco Miscell. N. C.; ossium mollitiem in puella a nativitate videtur observavisse; nos autem hîc quærimus de ossibus durioribus, ad mollitiem redactis, non de cartilaginibus, fortasse nunquam induratis.

Pruttenii vero, vel potius Baudæ observationem; quam Provocator satis superque indicavisse se existimat, cum Miscellanea N. C. (quasi hæc uno perpassillo libello continerentur) nominavit; ut nondum in ipsis neque memoriæ, neque tot Indicium ope mihi datum est invenire, sic facile in iis in quibus olim me vidisse memineram Th. Bartholini Actis inveni, quæ Hafniensia inscribuntur (x). Animadverti autem, ex hac observatione quidquid pro se facere videretur, id Provocatorem exscripsisse; quidquid contra non modo oppugnare, sed penitus convellere suam sententiam posset, id omisisse, vel suaviter ut ipse diceret, mutilavisse. Mitto dolores vel maximos, mitto impotentiam omnium articulorum, cum ossa adhuc suam durtiem, & soliditatem conservarent, prægressam. Alia etiam mitto. Sed quæ subjiciuntur, prætermittere nullo modo possum: Multi, inquit Observator, causam tam portentosi morbi inquirentes, scorbuticam saburram accusarunt; alii alias causas rimati sunt. Ego virus Venereum credo causatum esse hunc morbum, eo magis, quod certus factus fuerim, ægrum olim ante tredecim annos Gonorrhœa virulenta per aliquot hebdomadas laborasse, & procul dubio male curatum fuisse. Hæc igitur præcesserant; & nobis tamen hoc exemplum præ cæteris fuse, & diserte producit ad manifeste evincendum, morbum locari in solido independentem a fluido, --- conceptibilem videlicet absque concursu fluidi? Hoc enim in in Historia Hepatica propositum erat, neque hîc negatur, cum compertissimum esse, dari morbos a solido non dependentes a fluido, ibi ista etiam observationum specie firmatum, & ostensum fuisse dicitur: Atenim quid, inquit, vitii liquorum aderat in illo Foresti Homine? Infantem voluit dicere natum cum brachio dextro a cubito usque ad humerum non tantum resolutum, sed omnino esse non

coagulato, ut brachium instar lori in omnem partem flexile flaccidumque concideret ita, ut in brachio a cubito usque ad humerum os abesse videretur. Ad quem sic natum Infantem accitus Forestus cum esset, intra tres septimanas curationem absolvit (y). Hic vero Infans quomodo ad rem pertinet? Num quia, ut cl. Provocator ait, dextro excepto humero, cæteræ omnes, non solum liquidæ, sed & solidæ partes in eo sanæ erant, & ab omni vitio immunes? Atqui Forestus de solidis cæteris partibus, excepto capite, nihil; de liquidis autem prorsus nihil memoriæ tradidit.

Num vero quia, ut ejuscemodi ossium affectiones sæpe, ita hæc quoque sanata fuit per impostas ferulas, aut fascias, aut aluminosa balnea, aliave remedia, non quidem liquidorum sed ossium vitium dumtaxat respicientia? Verum neque suum istud sæpe a Provocatore probatur, neque, si ex Foresti curatione judicandum est, opportuna saltem victus ratio excludenda est, quæ in humoribus emendandis plurimum potest. Mater ipsa, inquit Forestus, (z) jam recte habens & bene valens puellum optime lactavit, & commoda victus ratione usa fuit, cibisque boni succi & optimi nutrimenti, iisque quæ & lac augmentare solent, UNDE quoque magno cum successu, etiam adhibitis remediis ad hoc aptis, puellum citius sanitatem consequutus fuit. Denique hisce omnibus prætermis, num infantis hujus os ex duriore ad illam tantam redactum mollitiem fuerat? an potius ex quo mater inter initia gestationis in dextrum cubitum versus humerum prolapsa erat, indurari amplius non potuerat? Atqui disputatio non de hoc, sed de illo est.

96 Porro in eo quoque, quod secundo loco notaveramus (a), disputationem perhumaniter mutat. Contendit enim id quod nemo unquam negavit, prolapsa hepate, hoc est versus umbilicum descendente, umbilicale ejus ligamentum --- necessario pariter relaxari oportere. At nos hæc ejus verba notaveramus: ligamentorum hepatis omnium relaxationi debetur hæc affectio. Aliud autem est, 135 ligamenti umbilicalis relaxationi prolapsum hepatis deberi; Aliud in ipso hepatis prolapsu illius quoque ligamenti relaxationem consequi oportere.

Tunc ea relaxatio pro causa; nunc pro effectu habenda est. Primum notavi. De altero cur loquerer; nihil erat. Si ergo ullus esse Anatomicus poterit, qui ligamenti umbilicalis relaxationi deberi hepatis prolapsum, merito censeat; tunc illud quoque esse poterit quod Provocator affirmat, ut nostram secundam objectionem Anatomicus quilibet e limine comprimat. Tertium quod notaveram, illud erat, felleæ vesiculæ perruptionem sæpe in cadaveribus occurrere. Provocator cl. si tercetos fortasse, ut supra dixerat, vidit & examinavit folliculos felleos, cum unum, haud amplius, quantum hæcenus invenire possum, eumque erosione perruptum deprehenderit; præclare siquis alius, sciat necesse est, ejusdem folliculi perruptionem non nisi rarissime in cadaveribus occurrere. Contrarium tamen defendit, vel potius ad hoc defendendum sat esse putat repetere e quibus citato loco varias ruptionum vesiculæ felleæ observationes eruerit, Bonetum, Hoffmannum, Benivenium, Salmuthum, Job. a Meekren, Fabricium Hildanum, Bertinum; tum qui in Tertia parte suo etiam loco adducuntur in censum. Hic quoque divineamus oportet, non modo in Auctorum eorum locis, qui in II. Parte laudati sunt, verum etiam in suo illo inveniundo loco, qui in III. Parte esse dicitur, Sed quis erit in III. Parte suus locus, quando ipse confitetur, se in hac scribenda, non in eum quem in II. ordinem, ut videbatur expectandum; sed in alium, variumque, --- abruptum, & miscellaneum --- perrexisse? Rerum Indicem versemus; nihil de Cystis felleæ abruptione invenimus, nisi quod in II. Parte

(u) A. I. 37. (x) Vol. III. Obs. 24. (y) Obs. Med. l. 17. Obs. 5. (z) Ibid. in Schol. (a) Adv. III. pag. 63.



Parte est. Ad Elenchum totius Operis redire oportet, ut tandem aliquando (quis crederet?) inter Fluxum Hepaticum, & Biliosam Phrenitidem, suum istum de perruptione Cystis locum inveniamus. At si inde expungimus Georgium Bertinum, & Philippum Salmuthum, in II. jam Parte laudatos; duo tantummodo superadditi Auctores restant.

Primus est Joh. Matth. Faber, qui Dec. II. Ann. IX. N. C. ex fellei folliculi ruptura sapienter repentinam mortem fuisse consecutam enunciare dicitur. Sed revera unam dumtaxat, ejus rupturæ observationem (b) producit, quam ab alio videtur accepisse, & hoc addit: Ab ejus (Cystidis) ruptura pariter lethum extemporaneum vid. ap. Schenk. p. mihi 460. Hoc nimirum est illud sapienter; Schenk. autem nullum, quod sciam, ejus disrptionis profert exemplum præter illud idem (c), quod tamen ad repentinam mortem non pertinet, Georgii Bertini: Alter ex superadditis Auctor, fol. 190. quærendus, Cl. est Lentilius, qui tamen neque se observasse id scribit, & per conjecturam id proponit ex quo demum Provocator, Cystis felleæ rupturam infert. Ille enim, saltem in appendicibus anni 5. & 6. ephemer. germ. (adde omissam a Provocatore Dec. III. & pag. 128.) per conjecturam loqui se, ostendit. Itaque tota hæc accessio quæ in III. Parte facta est, ad unam redit observationem, quæ, a quo habita sit, nescimus. In II. autem Parte plures quidem laudantur Scriptores, sed apud Bertinum una tantum observatio est, cujus Auctorem, quantum verba indicant a Schenkio (d), & Boneto (e) producta, ignoramus, ut illud etiam, quod cl. Provocator affirmat, an id a calculis fuerit ductum opplentibus. Neque pariter plura uno exempla, aut Observatoris nomen habetur apud Hoffmannum, si ille tamen est, ut opinor, cujus a Boneto (f) verba afferuntur; Noster enim, quasi unus, & unius tantum Hoffmanni liber extaret, nihil præter cognomen proponit. Salmuthus autem (g), & Job. a Meek'ren (h) habitas quidem a se ipsis observationes, sed singuli singulas tradiderunt. De Boneto denique, Benivenio, & Fabr. Hildano hoc dumtaxat habeo quod dicam: Apud primum; quando perinde ac si non plura quam Benivenius edidisset, locus non additur; in Sepulchreto saltem, non alia adhuc invenisse me exempla vesiculæ a percussione, aut allisu disrptæ, quam duo illa, Salmuthi, & Hoffmanni: At nullum prorsus apud Benivenium, & Hildanum; quamvis apud hunc parte 4. obs. 45. casui suo similem extare scribat Job. a Meek'ren (i); apud illum vero cap. 110. simile quid legi narratæ a se observationi, indicet laudatus Hoffmannus. (k)

Quorum hæc verba quomodo accipere oportet, Provocator cl. intellexisset, si Benivenium, & Hildanum, ut par erat, antequam laudaret, inspexisset. Nunc autem cum vesiculæ a percussione, aut allisu disrptæ exemplum esse scripserit apud Benivenium; reapse in indicato hujus capite vesicula ne memoratur quidem, imo ne dissectio quidem cadaveris; pugnus tantum, quo stomacho cujusdam juvenis violentius impetito, homo interemptus est, memoratur. Pariter cum Provocator scripserit, ob impedimentum effluxus bilis, vel a ductus Choledochi intus susceptione in cystim ipsam, exhibitum; ex quo ducti Canalis strangulatio, disrptæ vesiculæ casum afferri a Fabr. Hildano; hic revera in memorata observatione intestina quidem, & inprimis tenuiora undique tam flava commemorat, ac si croco infecta fuissent; at vesiculam felleis non ruptam, sed omnino dumtaxat vacuam, cholidochum autem, non strangulatum, imo præter modum laxum & apertum fuisse, dicit. Quibus ex omnibus primum Lectoribus apparet, quantum auctoritatibus a Provocatore tam secure, & fidenter adductis credendum sit, cum Auctores, quorum nomina in magnifico illo Indice Historiæ præfigit suæ, ego vel aliud agens, & quasi præ-

Morgagni Epistola Anat. II.

teriens, ostenderim ab ipso inspectos non fuisse: Deinde quod ad rem præsentem attinet, constat, omnia quæcumque aliquo modo indicata huc summo studio congestis, disrptæ vesiculæ exempla, ubi examinentur ad quinque admodum observationes redire, quarum tres quos auctores habuerint, ignoramus. Quem sane nimis exiguum numerum si cum scriptis omnium ad hunc usque diem apertorum cadaverum historiis, quarum immanis, atque incredibilis copia est, comparemus; non video, qua ratione quisque videat, an ruptio, vesiculæ felleæ SÆPE in cadaveribus non occurrat. Addamus enim quam alibi scribit aut a se ex erosione, ut diximus, aut ab aliis ex vulnere observatam, insuper quam nos apud Bonetum (l) animadvertimus; ne sic quidem effici potest, ut res oppido quam rarissima, & a plerisque exercitissimis Anatomicis nunquam visa, quasi tertio quoque die inveniretur, dici posset sæpe in cadaveribus occurrere.

97 In ea autem inconstantia, quam jure, quarto loco notaveram (m), defendenda nullis non artibus utitur cl. Provocator. Nam primum ad spirandi strangulationem crudeliter deductum hominem ab hepatis tumore, atque adeo brevi etiam suffocandum pingit, ut in hoc casu, morte videlicet alioqui imminente, apertionis lateris demonstraret necessitatem, perinde ac si omnino eadem vel tunc fuisset, cum sapienter ipse in incremento tumoris ad hujusmodi ineundam operationem exstimulabat Chirurgum. Deinde hujus ait intempestivam formidinem non a se, verum ab ipsa in cadavere inspectione aperturæ, ab ipsomet naturæ conatu tentatæ ad exantlandum humorem, fuisse redargutam, quasi vero illa inspectio per se voces emisisset, non ejus qui scriberet, hæc verba essent. Tum vero a natura plenam & certam externæ apertionis indicationem ostensam esse per aperta sponte tumoris claustra; quasi ad meliceridis locum, ad hepatis verticem, Chirurgi ferrum adigi potuisset, atque adeo debuisset, per quem Natura ipsa non sine ægri perniciæ, morbosæ materiæ exitum molita est: quod si medicum aliud auxilium extogitari non poterat; certe illud quod diximus, non auxilium, sed perniciæ ægro fuisset. Cæterum quod ad suam inconstantiam attinet; poterat certe ex iis quæ in genere præcipue indixerat contra istiusmodi auxilium, aliquid in singulari casu, & secundum circumstantias varias excipere. Verum enim vero num excepit, qui quasi nihil unquam contra præcepisset, nihil præsentanei periculi fuisset, tam cupide istius tumoris incisionem urlisse se ostendit? Atque adeo num excipere potuit, cum meliceridem ad hepatis verticem fuisse, fateatur, cum exterior quidem intumescencia etiam foret, vel potius appareret, sed non parva admodum, non in acutum fastigiata, non pus candidum data, non tandem ita cum latere conglutinata, ut, incidendo, materia per abdominis cavum effusa contenta viscera non præfocaret, quæ verba; quamvis illa quæ profert: Cito lethalia sunt hujus generis apostemata, & subitanæ sæpe necem afferentia & cat. continuo sequantur; tamen ab ipso tacentur, a me autem non omittuntur, ut intelligat, me in practicis rebus ita delectari, ut nunquam tamen Celsi (n) monitum contemnere: esse prudentis hominis ---- non subire speciem ejus, ut occisi, quem fors ipsius interemit. Nam abscessus jecoris eo ritu curati non tot denique visi sunt, quot ipse existimat; certe Nic. Tulpii, a quo in primis id visum esse dixerat, afferre locum potuisset, quem ego invenire necdum potui. Atque ut melius intelligat quibus ego in practicis rebus delecter; sic habeat: longe pluris a me fieri Medicos qui esse malint, quam videri; & rogari, quam ambire: qui plus in diligenter observando ægros operæ, quam in Canones præscribendo consumant: qui Hippocratem re magis, quam verbis imitentur:

F 3

qui-

(b) Pag. 466. (c) Obs. Med. l. 3. ubi de Vesica Fell. (d) Ibid. (e) Sepulchret. l. 3. S. 8. Ob. 35.  
(f) Ibid. l. 2. S. XI. Obs. 42. (g) Ibid. l. 3. S. 16. Obs. 10. (h) Obs. Med. Chir. c. 46. (i) Ibid.  
(k) Loc. cit. (l) Sepulchr. l. 3. S. 14. Obs. 5. n. 4. (m) Adv. III. pag. 63. (n) De Med. l. 5. c. 26.



626 quibus *usui frequentius sint* simplicia illa medica-  
 130 menta, non uno in jusculeo tredecim, quinimo  
 duo & viginti, si Diis placet, incoquere remedia  
 soleant: qui in aliorum observationibus produ-  
 cendis tantam fidem, ac diligentiam adhibeant,  
 ut vel ex hac quantam in propriis habendis, &  
 conscribendis præstiterint, satis perspicere possi-  
 mus; qui tametsi Hippocrati jure meritoque plu-  
 rimum tribuant, non tamen contendunt, (\*) Me-  
 dicinam nihil ab Hippocratis ævo ad nos usque pro-  
 fecisse, præsertim cum paulo post, non sine mani-  
 festissimæ inconstantia nota, suspicere cogantur,  
 Mercurialem, Martianum, Baglivium, Sydenha-  
 mium, Duretum, Mercatum, Cratonem, quos in-  
 ter; ut alios, cunctis longe notissimos, fileam;  
 cur Hollerium, Jacotium, Ballonium omittant,  
 non video, sane aliquo ex memoratis majores, ne-  
 que ab iis, quorum simiam inepte agunt, præter-  
 missos. Sunt alia præterea multa quæ in vero  
 Medico requiram, quæ siquando a me impetrare  
 potero ut III. *Historiæ Hepaticæ* Partem perlegam,  
 sciscitanti, provocantique indicabo. Neque me  
 pro vero propugnantem istud jure absterre-  
 terit, quod ei Parti præfixit, Hippocraticum ini-  
 tium libri de *Arte*, post quod, tanquam post Aja-  
 212 cis clypeum, latere se posse sperat, Quid vero? si  
 forte ex eo clypeo mox in extrema Epistola gla-  
 dium efficerem, proferens in medium Hippocratis  
 verba, quæ ab ipso ibidem omittuntur, per ea-  
 que insuper, si esset opus, ostendens: *si quis ver-  
 borum inhonestorum arte ad ea quæ ab aliis inven-  
 ta sunt, confundenda promptus fuerit, nihil qui-  
 dem jure corrigendo, si quis, inquam, id fece-  
 rit; eum qui in — artes hoc modo irruerit, ab  
 aliis quibus hæc cura sunt, quorumque id intere-  
 rat, & præstare hoc poterant, fuisse, auctore ipso  
 Hippocrate, prohibendum.* Sed nunc, hisce omis-  
 sis, ad reliqua, olim in II. Parte notata, red-  
 eamus.

98 Tandem aliquando ad objectionem perveni-  
 mus, cui suas inesse vires, Provocator cl. non  
 diffitetur. Hæc quinta est; in qua palmarem il-  
 lum errorem perstrinximus (o), quo *Atheroma-  
 tis*, & *Steatomatis* definitiones inter se fuerant per-  
 mutatæ: Quid queris? In miseros amanuenses, qui  
 suam dicere causam non possunt, gravissimum hoc  
 erratum transfertur, quasi hic de verbo pro verbo,  
 non de definitione pro definitione perperam inter  
 alienum tum nomen, tum exemplum conscripta  
 ageretur. Quæ excusatio tam ab omni veri si-  
 militudine ipsi qui utitur, visa est esse remota, ut  
 parum huic fidens novam quandam & inexpecta-  
 tam comminiscatur defensionem, sibi que ab uno  
 ad alterum gravio-rem, ut sit, errorem transitum  
 paret. Interea, inquit, neque hunc errorem in no-  
 va hac nostræ *Historiæ* editione emendare curavimus.

Cur, quæso? Primum, inquit, ut intacta illa  
 omnia candidorum Lectorum arbitriis plane dijudi-  
 canda supersint, quæ a nostro Censore summo studia  
 petuntur, atque objurgantur. Sed quomodo hoc vere  
 spectare potuisset, nisi contra atque contendit alibi,  
 has duas Partes nondum typis habuisset descri-  
 1007 ptas, priusquam nostram *Censuram* videret? quæ  
 num summo studio parata sit, alia demonstrant quæ  
 in istius ipsius Animadversionis examine, minus  
 olim animadversa, vetera ejusdem errata notavi-  
 mus: num vero ipse intacta illa omnia, ut hic  
 quoque confirmat, reliquerit, & satis antea visum  
 est, & infra videbitur. Sed alteram cur hunc  
 saltem locum non emendaverit, causam attenda-  
 mus. Secundo, inquit, quoniam error hujusmodi  
 est, ut vel sibi plane relictus lectoris tironibus, aut  
 1146 Cliniciis officere vix queat; Quum revera in praxi  
 hæcenus recensendus sit nemo, qui *Atheroma*, &  
*Steatoma*, tumores ambo folliculatos ---- ipsa cu-  
 rationis ratione haudquaquam dispares, --- recte,  
 & dilucide internoscere didicerit, aut edocuerit.  
 Scilicet hoc relinquebatur, ut, ne se illo sal-

tem in loco erravisse, confiteretur; miscere o-  
 mnia, & turbare contenderet, ac tot Medicinæ  
 lumina, Galenum, Paulum, Actium, Tagaul-  
 rium, Ingrassiam, Falloppium, Paræum, Fore-  
 stum, Fabricium ab Aquapendente, Barbettum,  
 atque alios, quorum neque nomina, neque loca  
 indicare necesse est, cum omnibus notissima sint,  
 aut deceptos ipsos esse, aut nos decepisse, obtru-  
 deret, cum de duobus istis tumoribus vel internos-  
 cendis, vel dispari modo curandis diserte docue-  
 re. Non me quidem præterit, ante illos omnes,  
 Celsum (p) scripsisse, hos tumores *mediocres dif-  
 ferentias habere*, ---- neque diverso genere curari:  
*tum quid intus habeant, ut conjectura præagiri  
 posse; sic ex tota cognosci, nisi cum ejecta sunt,  
 non posse;* tamen ipse quoque aliter Chirurgum  
 rem gerere oportere monuit in *steatomatis* cura-  
 tione, neque signa quibus hoc conjiceretur, omi-  
 sit, nec, quod caput est, nomina tamen ita mi-  
 scuit, ut quod alii omnes *Steatoma*, id *Athero-  
 ma*, & quod *Atheroma*, id *Steatoma* sine maxima  
 rerum perturbatione, atque etymologiæ ignoratio-  
 ne, vocari posse, innueret.

99 Quod autem sexto loco notaveram (q): In  
*generalibus viscerum abdominis obstructionibus, quem-  
 vis legitime affirmare posse, primogenitam fuisse  
 obstructionem hepatis;* id me jure notavisse, ipse  
 probat, cum eodem in loco scribat, hoc ordina-  
 rio contingere, & difficillime rem aliter eveni-  
 re. Ex hisce enim sequitur, interdum igitur id  
 legitime affirmari non posse. Septimo loco illud  
 reprehenderam: præcipuam ad vitam animalis fa-  
 cientem secretionem biliosam esse. Ipse vero quid  
 mihi velim, intelligere se, negat, quum nullum,  
 inquit, vel minimum animal, terrestre, aquati-  
 cum, amphibium, volatile, insectum & cat. hepa-  
 te, bile, ejusque pro vitæ muniis præcipuis, se-  
 cretione destituatur. Verum ego qui non omnia  
 animalia dissecuisse me, fateor, neque in vel mi-  
 nimis hæc satis videre potuisse, istis universali-  
 bus, securissimis pronunciatis ipsi perlibenter re-  
 lictis, gravem ipsi auctoritatem hoc quoque loco  
 opponam, suam. Alibi enim affirmat: *bilis, suc-  
 cique pancreatici in æconomia animali usus a se sim-  
 plices assignatos, commodos quidem esse ad vitam,*  
 non autem necessarios: & paulo post: ex forti ob-  
 98 structione, Scirrho, aut alio vitio quocumque, ja-  
 cente in animali jecore tanquam si non adesset, seu  
 impedita in eodem bilis secretionem, indeque & di-  
 spensationem ad duodenum, affectos sæpe hoc ritu ho-  
 mines vitam aliquamdiu, imo apparentem & sani-  
 tatem protrahere. Deinde adversus objectionem  
 ultimam advocet jam quantum potest, flatum fu-  
 riosum, & flatulentum ambulonem, & si quid est  
 nominum horribiliorum; non facile illud vetustum  
 flatibus in animalibus imperium restituet, ut li-  
 bere per universi corporis ambages celerrimeque ex-  
 patiari possint.

100 Restant quæ ex Lancisiana ad Provocato-  
 rem ipsum Epistola animadvertimus. Ea, inquit, 1147  
*commentitia pleraque esse. Quæ responsio an vere  
 commentitia ipsa sit; quæ continuo subjiciuntur,  
 commonstrant. Se non invenire ait in illa Episto-  
 la, virum gravissimum Historia Hepatica perlecta  
 ,, diserte ea ipsa affirmare quæ in hac negantur. ,,  
 Non est opus ambages quærere; ea quæ sint,  
 satis superque significavi; indicavi paginas, co-  
 lumnas quas vocant, non omisi; ut, si ipse cl.  
 Provocator nolit, at alii omnes; tum ea, tum cæ-  
 tera quæcumque dico, & quatenus dico, possint  
 videre atque invenire. Illud vero in ista II. Editio-  
 ne ego quidem neque video, neque invenio, quod  
 tamen ut a me notatum, secundum ea quæ sæ-  
 pius jactantur, nullo modo prætermitti debe-  
 bat, Responsum videlicet Lancisianæ Epistolæ in  
 prima editione tum subjectum, tum ex parte  
 antepositum. Illud ipsum cum iis quæ in *Ad-  
 versariis* in eaque Editione scripta sunt, deinde  
 cum*

(\*) Præfat. nov. Edit. Hist. Hep.

(o) Adv. III. pag. 63.

(p) De Medic. l. 7. c. 6.

(q) Adv. III. p. 63.



cum iis quæ ad XXI. Animadversionem, vel potius ad huic præposita supra adnotavimus, conferri volumus. Sic enim patebit, num a Cel. Lancisio improbata tueri potuerit, an potius tum in eo Responso, tum præsertim Cap. IX. & XV. Part. I. hujus Editionis coactus sit unum ex potissimis suis commentis extenuare, atque invertere, & denique nugæ appellare, atque ab hoc imposterum excutiendo misterio se abstenturum polliceri. Sic opinor, agens, non obscuram ab Lancisio approbationem nactus fuerit. At si perperam Responsum illud omisit; recte fecit quod Amplissimi Viri Epistolam non omisit, quacum ea quæ nos animadvertimus, ipse autem hic negat, conferri facile possint. Nam Lancisius a placitis, inquit, nostris dubitanter recedit, imo vix adversus duo

1152 ---- dubitare videtur. Lancisius autem diserte scripsit: duo illa, a te proposita, in quibus totam explicandæ rei rationem posuisti, mihi NULLO PACTO probari possunt: & paulo infra: in hoc sane diligentem, solertemque anatomicum hæere minime decet, qui non artefactis iconibus, sed naturæ exemplaribus duci debet. Præterea cl. Provocator videre se, negat; in Lancisii Epistola, Malpighii, aut Lymphaticorum vasculorum, non in extima solum superficie capsulæ subsistentium, ulam mentionem institui. Ego vero sic in Adversariis animadverteram (r): Non credit Lancisius, nihil in hepate Malpighium nisi nomen glandulæ innovasse, sed veras glandulas, veros glandularum folliculos adhuc agnoscit. Videamus an agnoverit. Certe inter ea quæ paulo ante protulimus, Epistolæ verba, diserte & sine ulla dubitatione locutus est de hepatici corporis glandula, ---- de communi, inquam, loculo, seu glandularum folliculo, qui ad sphaeroidem, vel ovalem figuram accedit. Qui sic loquitur, num hos folliculos non agnoscit, & si hos folliculos agnoscit, num præstantiam, & veritatem, contemptæ a Provocatore, Malpighianæ hepatis anatomix non fatetur? Illud deinde animadverti: Non credere Lancisium lymphatica vascula, in extima solum superficie capsulæ, subsistere, sed censere lympham, quæ antea bilis particulis intermixta erat, absorbere. Hoc vero censeat, an non, alia haud procul 1153 insequentia ejusdem Epistolæ verba satis indicant: partes, inquit, bilis sibi mutuo adhærescere coguntur, cum subtilis lymphæ, quæ illas in vena porta solvebat, agitabatque, tam per insensilem transpirationem, quam per sensilem in rorifera vasa derivationem, ab iisdem recedit, ubi in ductus biliarios confluunt, atque aggregantur. Si ex hoc igitur loco recedere a bilis partibus lympham in rorifera vasa, censuit; certe hæc in extima solum superficie capsulæ subsistere, nequaquam credidit. Itaque in iis quæ ex Lancisiana Epistola adversus cl. Provocatorem animadvertimus, nulla; non modo non, quod ipse scriptitaverat, pleraque; commentitia sunt; ne illud quidem quod illam incredibili, ut Lancisius solebat, humanitate scriptam diximus; satis superque hoc comprobant loca quæ Provocator ex ea producere non omisit, hæc facile nimirum inveniens, ac videns, qui reliqua illa invenire, ac videre se, negat. Verum ei summæ atque adeo, ut vere diximus, incredibili Tanti Viri erga se Humanitati ut responderit, mox videbimus.

1157 101 Nunc pauca quæ in calce hujus Animadversionis cl. Provocator subjicit, sunt inspicienda. Et primum in meam cum Præcl. Mangeto disputationem se intrudit; sed frustra. Nam tametsi Hepaticæ Tabulæ, huic novæ Editioni adjunctæ, ejusmodi essent, ut unæ pro omnibus, illque in primis quas ab Incomparabili Ruyschio Mangetus sumpsit, poni potuissent; non hinc tamen sequeretur, eam de qua tunc loquebar, Hepaticæ Historiæ Editionem, cujus vitia atque defectus alienis Tabulis, & quæ ex Tabulis eliciuntur, observationibus, ipse Mangetus necessario corri-

Morgagni Epistola Anat. II.

gere, ac supplere debuit, talem fuisse, ut idem scribere jure meritoque potuerit, omnia in ipsa summa æræ confecta nobis occurrere, nec esse quod aliquid pro Hepatis plena descriptione post eandem desideraretur. Quod autem Provocator cl. sibi gratulatur, se de Hepatica Re jam ad unguem perduxisse Vindicias, ut jam alias omnes, quæ reliquis Operibus suis medeantur, --- exequi protinus possit, atque evulgare; duobus omnino monitis videtur egere, altero ut si melius cæteris quam Historiæ Hepaticæ mederi non possit; videat, ne si, ut Celsus ait, (a) est prudentis hominis, eum, qui servari non potest, non attingere, imprudentissimi sit, morbum insuper medicamentis augere: altero ut prius tamen has primas de Hepatica Re vindicias revera ad unguem perducatur, deinde ad reliquas aggrediatur. Neque enim quæ vindicanda suscepit, vindicare potuit, sed novis erroribus cumulavit, & multa præterea sunt quæ ne vindicare quidem conatus est, sed vel convictus abiecit, vel quasi facile defendenda Lectoribus reliquit, vel etiam suaviter dissimulavit: ut quæ de venæ portæ munis duo perperam dicta notavimus Advers. III. pag. 39. ut tot illa quæ XXI. Animadversione perstrinximus: ut pleraque pag. 43. 44. 45. redarguta: ut nonnulla quæ pag. 48. attinguntur: ut alia demum, quæ reprehendimus pag. 49. & 50. ex quibus tamen ultimis cum ipse quædam alias se vindicaturum promiserit, vel nobis silentibus, omnes perspiciunt, num Historiæ Hepaticæ Vindicias, ad unguem perduxerit, sicuti ex primo hoc in re selecta, & ab ipso diu versatissima, toties inter suos jactato, ac promisso conatu quid de reliquis exultandum sit, vident, & eo magis vident, quod quæ reliquarum Vindiciarum specimina subinde elegit, quæ huc potissimum afferret, ea quam levia, infirma, vitiosa sint, non difficile est judicare.

102 Quod reliquum est, minime video, qui confidat illa omnia, & singula, quæ in his --- scripta hætenus sunt, neque ultra suæ hujus Hepaticæ Historiæ institutum, neque ultra ingenuam, & honestam ejusdem defensionem prolata esse, probos quoslibet, atque prudentes Viros intelleturos fore.

Ne enim hic memorem quæ de Utero, atque Urinaria Vesica ultra institutum admiscuit, & tandem aliquando, quantumvis invitatus, ad superiorem, quam huc distuli, XXIV. Animadversionem transeam; quid tandem ista ad Hepaticæ Historiæ institutum pertinebat? Quid enim addit? quid defendit? quid docet? Nonne crambem recoquit primum, & in importuna non modo satis superque propositarum meditationum, sed toto præterea 1129 cælo a priore illa quæ unice adversus Animadversiones meas defendenda erat, sententiâ suâ discrepantium, recensione versatur? Deinde si priores 1130 illas paleas, & tricas suas, aridas quidem, sed tamen a Præcl. Mangeto propositas, sic triturai, ut hoc saltem Litterariæ Reipublicæ emolumentum emerferit, ut non modo omnes, sed Auctor ipse nugæ esse confiteatur; num propterea in aliis, atque aliis, quas non jam Præstantissimus Mangetus, sed ipse proponit, triturandis me bonas horas perditurum, sperare potuit, eoque descensurum, ut secum, quod nondum feci, metiri ulnas post hæc præsertim meditarer? Si ergo neque hoc adeo facile sperare debuit, & illud primum cum alienum a priore disputatione est, tum prorsus supervacaneum; quoniam, quæso, animadversio ista redit, aut quid in ea conscribenda spectatum est, nisi id quod neque ad Hepaticæ Historiæ institutum, neque ad ingenuam, & honestam pertinet ejusdem defensionem? Horresco id referens, quod ipse non horruit facere. Quis enim honestus, ac bene institutus homo ignorat, quam rigide, salubriterque Honoris disciplina cautum sit, ne præteritarum rerum memoria iterum evolvetur, postquam fœdere pacis inito, sancta eas pressit oblivio? Ipse

F 4

vero



vero *iterum evolvere* non reformidat, atque ita *evolvere*, ut scripta, ut facta, ut rerum ordinem invertere conetur, & quas ob res mihi olim ultro satis fecerit, ob easdem me, si Diis placet, objurgare, & criminari non dubitet. Hoc vult, hoc agit, huc ista apertissime spectat Animadversio.

At si in cæteris, ut hactenus ostendi, omnia quæ scripsit, ejusmodi sunt, ut me docti cujusque judicio respondere necesse non sit, in hac certe ea scribere non dubitavit, ut jam, honesti cujusque judicio, nihil ipsi debeam ullo in genere amplius respondere. Atque adeo hîc ego scribendi finem facerem, nisi ad te, hoc est primum ad me alterum scriberem, deinde ad Virum cum cæterarum, tum præsertim Disciplinæ Honoris consultissimum, quocum omnia idcirco communicem necesse est, ut siquid forte in mea causa ipse falleretur, tu pro Tua summa & Prudentia, & Benevolentia me docilem, ut nosti, hominem, & meo in gravioribus præsertim rebus consilio diffidentem, tuo regere, & juvare possis. Id ut facilius præstare queas, rem Tibi, quemadmodum gesta est, summa cum fide ex ordine exponam. Quamquam enim tibi jam magna ex parte nota est, mihi autem qui in omne tempus de ea me taciturnum receperam, gravis supra quam credi possit ac difficilis est ad narrandum; tamen neque tu optimum, ut solitus es, mihi dare consilium posses, si quid forte in re de qua consuleris, adhuc ignores, & ego (quod tu planius infra perspicies) jam omni promisso, receptoque solutus sum.

1131 103 Cum *Hepaticæ Historiæ* Auctor ad me datis A. 1711. litteris amicitiam quævisset meam, cumque ego ipsum, ut Amicum decet, diligere, atque adeo colerem; in me fecit quod neque ego, neque tu in ignotum hominem faceremus, Quot ad illud tempus *Anatomicas Figuras* edideram, in tot, ne una quidem vel minima excepta, censuras suas, me inscio, imo ne suspicante quidem, in magno atque expectatissimo Præcl. Mangeti Theatro edendas, Genevam misit. Negatne ipse horum quidquam? Nihil prorsus. At hoc dicit: *sane putavi semper, & puta-*  
bo; liberum esse cuilibet in *anatomicas res* insudanti, ea quæ non tam diverse ab aliorum descriptionibus, quam tute, & constanter observaverit, in publicam utilitatem sincere producere. Quam neque tute, neque constanter ipse observaverit, non est hic ostendendi locus; satis hoc est in *Adversariis* demonstratum. Sed hic fingamus, & tute, & constanter observavisse; cur me pro amicitia non ante admonuit, quam ederet? cur in censuræ modum edidit? cur nihil tale in tot aliorum Figuras quas illæ in Theatro sciebat esse proponendas, edidit? Ita enim tandem liberum est cuilibet, discrepantes suas observationes edere, dum non in Amicum, nihil ejusmodi promeritum, nec opinantem, aut si in Amicum, certe non in censuræ modum, aut si in censuræ modum, certe non eo loco, ut omnibus parcere, in Amicum dumtaxat insurgere videatur. Quid aliud est amicitiae injuriam facere, si hoc non est? Quanto autem magis est, si quæ in neminem honestum hominem licet, ea in Amicum edantur, & censuræ in Amicum susceptæ, in litteraria provocatione non subsistant, sed in longe aliud provocationis genus excurrant? Quod cum in ejus adversus me tam tolemniter editis Animadversionibus omnes perspicere, ut neque dissimulare possem, neque negligere; enim vero, quamvis ægre ferens, & prope invitatus, necessario coactus sum mihi ipse non deesse, eaque in Alteris, Tertiisque *Adversariis*, ut nosti, scribere quæ istiusmodi provocatio postulabat, in proximis autem; sic enim rerum ferebat ordo; illa me continuo editurum polliceri quibus sigillatim omnia, quæcunque non in meas dumtaxat, quod levius est, observationes, sed in meam quoque, quod multo gravissimum est, si-

dem, & existimationem intorta fuerant, evidentissime refellerentur.

104 Jamque ego omnia ad editionem parata habebam, cum tandem aliquando expergisci homo, & ad se redire visus est. Fateri jam cœpit, justam mihi esse causam, ob quam de se quereretur; quandoquidem ipse in suis animadversionibus quibusdam esset usus loquendi formulis, neque mihi debitis, neque sane a se bene animadversis: quod editæ hæc essent, se ægerrime tulisse: imo etsi Illustrissimo Lancisio videri posse speraret, me abunde mihi de se in meis *Adversariis* satisfecisse; in super tamen memoratos animi sensus, quibus mihi satisfieri posset, ad Amplissimum eundem Præsullem scripsit, ut hic eos vellet mihi asferre, & si referre existimaret, typis etiam vulgandos permittere in ea Epistola in qua ad ipsum confugiens, rogavit, ut suam cognoscere causam non gravaretur, in qua illum, quod ad se attineret, plenissima auctoritate arbitrum constituebat. Cognovit Arbitrarius causam; tantumque abfuit, ut ego abunde mihi de Provocatore in meis *Adversariis* satisfecisse, Arbitro videretur; non modo mihi eandem milit Epistolam, ut ante *Adversaria* IV., quemadmodum factum est, eam typis vulgarem, sed ut omnes intelligerent, quid ipse in ejusmodi causa censuisset, suas ibidem vulgari a me insuper voluit Epistolas duas, in quarum altera, ad Provocatorem scripta, hæc posuit: Nemo, amicissime *Blanchi*, Te perpetuam cum optimo Viro pacem voluisse crederet, si *ACTA* cateroquin *IMPROBANDA* defenderes; in altera autem, ad me data, diserte scripsit, jam pro certo se habere, me consuetudine benignitate, *JUSTAS* licet, *SEVERIORIS* *Apologiæ* causas magnanimo silentio prætermisurum. Itaque ego, quem nunquam, ut *Tullius* (a) ait, pœnitebit mortales inimicitias, sempiternas amicitias habere, Viro Amplissimo, & de me, siquis alius, optime merito, enixe petenti, ut par erat, continuo annui, atque ita *severioris Apologiæ* causas cateroqui justas prætermisi, ut omnia loca ad istas formulas spectantia, quasi ea nunquam scriptæ essent, ex tunc edendis *Adversariis* deleverim, meaque præterea sponte hæc (b) a *Cel.* etiam Viro, cujus ut nomen, & doctrina, ita integritas, ac prudentia omnibus, in primis autem mihi, eidemque Illustrissimo Lancisio probe cognita erat, ac spectata, diligentissime expendi voluerim, ne mihi forte, tunc agro præsertim, aliquid contra ac recepissem, atque omnino vellem, elaboraretur. Quod consilium magis ipsi, ut video, quam mihi necessarium, si Provocator ut minime ignorabat, ita sequi voluisset, neque communium Amicorum sincera de hoc monita, ridere maluisset; non eo præcipitem ruisse, omnes mirarentur, unde se recipere nunquam possit. Sed hæc ipse viderit. Mea certe illa de quibus cœperam dicere, tria postrema *Adversaria* cum Lancisio denique edita considerasset, in litteris quarum initium est: Cum primum xi. Kal. Augusti & cat. ad me datis A. 1719. III. Non. Sept. hæc scripsit: De Tuis vero *Adversariis* dicturo multa simul, omniaque egregia, & singularia, postremis potissimum tribus, mihi offeruntur. --- Video admirorque --- magnam in utroque *Adversario* refellendo, tuisque doctrinis propugnandis animi moderationem. Perdifficile siquidem est, amicissime *Morgagni*, dum bonam causam adversus oppugnatores tuemur, id neque cum acri contentione efficere, neque a recta sapientiæ via quidquam deflectere; rarum quippe est, laessitum lenem, humanumque se præbere. --- De humanitate vero, ac moderatione Tua in postremis potissimum *Adversariis*, non est ut quidquam addam, quandoquidem vel obiter eadem perlustranti ubique observantur lenitatis, ac modestiæ tuæ argumenta. En quomodo ego Arbitri, ab ipso Provocatore electi, judicio steterim. En quomodo, fœdere pacis inito, superiora omnia, quibus

(a) Pro G. Rab. Post.

(b) Vid. Præf. I. B. Vulp. ad IV. Adv.



quibus acrius laceffitus fueram, altæ, ut honestum hominem decet, oblivioni mandaverim. Neque hoc satis mihi fuit; Amici etiam, & benevolentis erga Provocatorem officia præstiti. Testantur id ejusdem Arbitri verba in litteris quæ incipiunt: *Tenendo io, die XI. Nov. 1719. ad spontaneam commendationem meam sic rescripta: Lodo intanto, che VS. Illma lo ajuti (il Sig. Dr. Bianchi) quanto più può, ed io non mancherò alle mie parti, eziandio per incontrare il di lei buon genio.* Ab eo autem tempore quemadmodum meam fidem, Amicique officia præstiterim, ut cætera omittam, primum scripta alia ostendunt mea, quæ nullam præteritorum memoriam redolentia, Lancisio jam mortuo, tum emisi, tum per Virum Præstantissimum Jacobum Cicogninum Regium Medicum, & Consiliarium amicissimis verbis meo nomine Provocatori reddenda curavi. Deinde Præstantissimus idem Vir, itemque; ut duos pro omnibus memorem; Celeberrimi Collegæ mei Antonius Vallisnerius, Cæsareus Medicus Cubicularius, & Joannes Polenus, Marchio, ex assiduis ille epistolis, hi autem sermonibus meis satis superque perspicere potuerunt quam mihi jugiter, fideique contiterim.

105 Ipse contra quo plerumque animo adversus me fuerit, non obscure indicavit, eo præsertim e vivis sublato, cujus reverentia, & metu in officio contineri videbatur, Lancisio. Non est opus quæ aut Bononiæ, aut Augustæ Taurinorum de me dixerit, scripserit, credere se, ostenderit, commemorare, quando Bononiæ A. 1720. in ea, quam ibi unam publice habuit, sed non sic edidit, Oratione se cohibere non potuit, quin me nihil ejusmodi meritum, indigne ferentibus bonis omnibus, oblique perstringeret. Verum hisce in præsentia omittis, ad majora de quibus cœperam dicere, confestim veniamus. Jam illa ipsa non dubitat commemorando renovare, quorum omnino memoriam omnem sublata funditus, ac deletam esse oportebat. De illis ipsis audet apertissime verba facere, atque ita facere, ut res prorsus mutet ac rerum ordinem invertat. Principio, in illis suis Animadversionibus, injurio dicendi genere numquam, si ipsum audiamus, usus est. Sibi tantummodo excidit in unica ex his animadversionibus lepidum unum, aut alterum verbum, ex quadam revera juvenilis tunc animi hilaritate. Quid, si ipse in ea quam edidimus, Epistola, cum suam Lancisio causam exponeret, ultro passus non esset, me a se provocatum fuisse illis formulis, iisque præsertim, quæ in PLURIBUS locis ejus animadversionis occurrunt, quam in III. meam Tabulam scripsit? Nunc nihil est, nisi unum, aut alterum verbum, idque non injurium, sed lepidum ex quadam juvenilis tunc animi hilaritate. Utinam res ad hunc se modum habuisset. Dicit non potest, quanto melior ejus causa fuisset, si nihil debuisset apud Lancisium nisi leporem, & juvenilem tunc, cum scripsit, hilaritatem defendere. At cur de lepore, & hilaritate in ea Epistola ne verbum quidem? præsertim cum de ea qua scripsit, ætate aliquid innuere conatus esset, videlicet ex quo primum mea I. Adversaria in illam Urbem allata sunt, res illas in suum dumtaxat usum adnotavisse. Eas animadversiones cum ita scripsisset, nunquam deinde amplius inspexisse. Pluribus exinde annis elapsis, --- ne relectas quidem, Genevam misisse. Quæ tamen quam vera sint, cum alia commonstrare possint, quæ nunc prætereo, tum illa demonstrant, quod in ejus Animadversionibus semel atque iterum (a) de Terraneo, ut jam mortuo, verba fiunt, qui anno saltem 1714. adhuc vivebat (b): quod postquam illa cuncta jam scripserat de Vesica urinaria quæ in ejus Epistola leguntur die 1. Novembr. ann. 1715. ad Præcl. Mangetum data, & ab hoc sui Theatri Tomo I. edita, invisa

adhuc sibi esse testabatur (c) ea Adversarior. I. folia, atque adeo illam ipsam paginam (d), in qua de Linguae Foramine ea scripseram quæ in ejus Animadversionibus (e) carpuntur; quod in his diserte scribitur (f): *Sed hæc omnia evidentius demonstrantur (in suum videlicet dumtaxat usum hæc, atque alia ejusdemmodi adnotabat! illudque præsertim quod in alia Animadversione est (g): præstat jam nostras hujus anni super hæc re observationes quædam etiam extensione evulgare.)* Sed hæc omnia evidentius demonstrantur per nuperrime evulgatam Dissertationem Epistolicam, cui titulus, „*Ductus Lachrymales Novi.*”, eam autem Dissertationem evulgavit vergente A. 1715. Ex hisce igitur cunctis præclare constat, quo demum tempore aut scriptæ, aut certe auctæ, non modo inspectæ, & relectæ, fuerint illæ Animadversiones, A. 1716. editæ. Si autem eo quod indico, tempore quo maxime amicitia nostra vigeat, quartum jam supra tricesimum agebat annum; quis locus juvenili tunc nimis hilaritati in eo præsertim homine esse poterat qui sibi nunc in anatomicis dissectionibus, atque anatomicorum librorum lectionibus jam prope consenuisse videatur? Vel si sua nihil aliud quam lepida verba esse contendit, juvenili tunc hilaritati condonanda; cur non eadem mecum indulgentia utitur, quem præ se adeo putat juniorem, quod anno insequentem tum eundem fere agens annum, tum provocatus, quod fatetur, II. & III. Adversaria conscripserim?

106 At qui sibi parcat, tristem mecum severissimi Patruī personam induit. Mea verba, si ipsum audiamus, indecentes sunt rerum, atque verborum translationes, indecentia, inquam, inter maturos, honestos, atque in dignitate (utcumque, tandem aliquando) repositos Viros scenica Dicta, --- offensiones, atque nimis absona dicteria, --- sonora convicia, --- asperrima dicteria --- cum quibus nullo videlicet modo æquiparandæ illæ sint adhibitæ a se loquendi formulæ, sive lepidum illud unum, aut alterum verbum ex quadam juvenilis tunc animi hilaritate. Miserum me, qui obstrictam Lancisio fidem, quamvis post ejusmodi alterius facta solutum, liberumque me censeam, servare tamen quoad possim, vehementer velim, neque eas formulas proferre, quas nunquam me sponendi commemoraturum; miserum, inquam, me, si illæ Animadversiones non extarent, aut quibus me formulis potissimum provocatum esse, censuerim, non aliqua ex parte intelligerent omnes, tum ex pene ultimo versu meæ in II. Adversaria Præfationis, tum ex Responsionis ad Lancisium meæ, quam Adversariis IV. præfixi, capite secundo, & tertio! Usque adeo, sine ulla prorsus causa, ab eo qui mihi se amicissimum profiteretur, repente provocatus, quid demum continuo in II. & III. Adversariis reposui, quod ex æquo illis omnibus formulis responderet? Quatuor quæ sibi gravissima visa sunt, selegit Provocator ipse specimina, quorum tamen num ullum sit quod mores, hoc est voluntatem ipsius aperte lædat, tu pro Tua eximia in ejusmodi judiciis Prudentia, satis vides, præsertim cum primum ubi ipse indicat, non inveniatur; ubi ubi autem sit, non unam habeat interpretationem; alterum, hoc est Archipoetam non ipsum quidem esse dixerim, sed eas locutiones Poetam magis, vel potius Archipoetam quam Anatomicum decere; tertium in ipsum dictum esse, convincere nemo possit; quartum denique non meo, sed amicorum judicio fuisse positum, sic ab omnibus intelligatur, ut ita intelligi, sine ulla dubitatione confirmare ego quoque potuerim; confiteri autem; qua satis impropria formula Provocator nunc utitur; neque potuerim, neque debuerim, neque adeo unquam voluerim. Quæ cum ita sint; idem confidenter admodum, qua satis propria hic formu-

(a) Vid. Mangeti Theatr. Anat. Tom. II. pag. 32.

(d) 4. I. Edit. Advers. I.

(e) Theatr. cit. Tom. II. pag. 436.

(b) Vid. Anel Suite & cæter. pag. 226.

(f) Ibid. pag. 379.

(c) Pag. 421.

(g) Ibid. pag. 176.



formula utitur; profecto scribit: *Quale de hoc mordaci acerbissimoque stilo apud Transalpinas sapientissimas Academias, totque exteros prudentissimos, doctissimos Viros judicium fore putabimus? Num istis in hoc decantata illa per omnes aetates Italicorum scriptorum gravitas, num moderatio, num saltem publica utilitas elucebit?* Verum enimvero (h)

*Quis tulerit Gracchos de seditione querentes?* Scilicet sapientissimi illi Viri ignorant, quæ nos pueri ex Terentii Prologis edidicimus (i)

--- *si quis est, qui dictum in se inclementius*

*Existimavit esse, sic existimet,*

*Responsum, non dictum esse, quia læsit prior.* ---

(k) *Hic respondere voluit, non laceßere.*

*Benedictis si certasset, audisset bene.*

*Quod ab illo allatum est, sibi id esse rellatum putet.*

At benedictis, inquit, certavi, cum quibus locis de me amplius conqueritur Censor, his sane plures ingenue laudes eidem intexerim. Quid aliud hoc est, nisi eidem homini sinistra blandiri, cum dextera vulnus infligas, & deinde ob blanditias illas contendere, ne inflicti vulneris dolorem ostendat, eidemque ne medeatur? Imo vero, si vir sit, non modo ingenuas ejusmodi blanditias non credet, sed hoc magis conqueretur, quod sibi quasi puero per blanditias præterea imponere, & fucum facere impune speraveris. Quid autem minus ferendum esset, quam si qui sic vulnus inflixisset, quereretur ipse, quod blanditiis suis non satis grate responsum esset? Non in eo reponendus esset

--- *hominum numero, qui ita putant*

*Sibi fieri injuriam, ultro si quam fecere ipsi, exposculant*

*Et ultro accusant? (l)*

988

Hoc vero ipsum est, quod supra alio in loco facere Provocator non veretur, mihi propterea minus grati animi, si Diis placet, notam imponens, quod in eodem Theatro, suis tum ingenioli mei laudibus, tum in meam fidem, & veracitatem vulneribus una propositis, de horum potius justa medicina sollicitus, quam illarum memor fuerim, quasi hæc, ut paulo ante ostensum est, non mihi potius augere dolorem debuissent, & certo tamen in loco (m) illi de qua loquitur, Dissertationi respondente, ego quoque Ingenium ejus libenter non agnovissem. Utinam tam in me alia vigerent, si qua sunt, bona, quam gratus, candidus atque pacificus, natura, & institutione animus profecto viget. Nam si non hunc, quid in me aliud ament tot, & tam clari tum apud nos, tum apud exteros Viri, quorum constantissimis amicitias orno, certe non video. Alia enim omnia quæ pro suo erga me amore tribuunt, fortasse cupio magis, quam habeo; grati autem, candidi, & lenis animi laudem facile agnosco. Hanc unam de multis probo, quæ pro incredibili eorum erga me benevolentia congestæ in me sunt sive solutâ oratione, a Cl. Collega meo Jo. Bapt. Vulpio (n), sive in elegantissima carmina constrictâ, a Præstantissimo Viro, qui Scientiarum Academia Bononiensi a secretis merito est, Francisco Zanotto (o), cujus Elegias aliquot, quas ipsum Catullum scripsisse non puderet, hic nuper cum suorum laudatissimorum Carminum libris edidit Vir Præcl. Jo. Antonius Vulpus.

107 Sed quoniam Provocator quid de meo potissimum mordaci, sic enim ipse ait, *acerbissimoque stilo Transalpina sapientissimæ Academia, totque exteri prudentissimi, doctissimi Viri judicium ferant.* tantopere scire avet; miror, non ipsum attendisse, neminem unquam, quod sciam, vel apud Exteros, de meo stylo conquestum esse, imo apud eos quoque præclara de hujus candore, & modestia extare testimonia: de quibus duo novissima dumtaxat seligam, alterum Gravissimorum Virorum, a quibus Lipsiæ *Eruditorum Acta* conscribuntur, alterum Cel. Viri Georgii Danielis Coschwitzii in Alma Fridericiana Halensi Academia Prof. Publ. Ordin. & Potentiss. Poruss. Re-

gis, Physici Meritissimi. Hic enim quod nobilem Dissertationem suam, quæ *Ductus salivalis* Novus inscribitur, mihi etiam, nunquam antea officiis ullis, aut epistolis noto, pro eximia ejus Humanitate dicatam esse voluerit, hanc causam edidit, ex qua ipse, ut ex aliis quoque mox necessario a me proferendis, aut indicandis de me locis, nihil nisi quod ad meos attinet mores, agnosco, reliqua ut magno & perliberali Laudantium animo paria esse, video; sic mea esse fateor mediocritate longe majora. Ita igitur Vir Præclarissimus: *Te denique quod publice compellem, inter Anatomicos nostri ævi summe Morgagne haud mireris: tanta enim apud me Nominis Tui ab eo quo tempore Adversaria tua Anatomica cognita mihi fuere, fuit, & manet æstimatione ut excusationis ob temeritatem meam abs Te expetendæ fundamentum in Magni Tui Nominis æstimatione TUOQUE CANDORE E SCRIPTIS TUIS elegantissimis UBIQUE ELUCENTE, reponam.* Nobilissimi autem Doctissimique Lipsienses de mea in Serenum Samonicum Epistola sic perbenigne loquuntur (p): *In hac judicium suum justus rerum æstimator interponit de editionibus pluribus, & quid in singulis vel probandum censeat, vel improbandum, INGENUE MODESTEQUE enuntiat, & paulo post: UBIQUE autem MODESTIÆ ita litat; ut dubites, utra viri virtus major sit, MODESTIA, an eruditio.* Sed de ipsis II. & III. Adversariis cum Provocatoris Animadversionibus, ut par est, collatis, Transalpinorum judicia attendamus. Et primum iidem Prudentissimi Viri Lipsienses cum quæ nunquam antea edita Cl. Mangetus Theatro Anatomico inseruisset suo, & in his cætera Provocatoris scripta diligenter commemorarent (q), nullam hujus in me Animadversionum mentionem injecerunt. Contra, de illis singulis Adversariis meis non modo singulas, easque præclaras relationes habuerunt, sed (r) me temere laceßitum, & optime tamen de publico mereri pergere in iis Adversariis, pronunciaverunt. Insuper cum in IV. Adversariis recensendis, scripserunt (s), hæc me temperiori stylo cum reliquis edidisse, quod Blancus celeberrimi Lancisii --- interpositione post ingenuam culpæ confessionem ex Præfatione Vulpii quatuorque Epistolis præpositis mihi videatur reconciliatus; profecto neque temperatum II. & III. Adversariorum styllum fuisse, negaverunt, & cur non æque temperatus esse debuerit, præclarissime indicaverunt.

Certe Provocatoris cum ingenuam culpæ confessionem dixere; non lepidum unum, aut alterum verbum, vel quandam juvenilem tunc animi hilaritatem designaverunt, imo infra aperte declaraverunt, meam illam Tabulam III. INIQUIUS sugillatam pomum Eridos præbuisse. Et cum hæc tam luculenta de utriusque stylo testimonia Virorum inter Transalpinos spectatissimorum extarent; Provocator tamen Transalpinarum sapientissimarum Academicarum, & exterorum prudentissimorum, doctissimorum Virorum judicium, quasi secundum se esset, memorare non dubitavit! Verum aliorum, credo, judiciis nititur, quorum nullum tamen pro se, aut adversus me ab ipso adhuc proferri video, nisi forte Prudentissimi, ejusdemque Doctissimi inter exteros Anatomicos Viri, Heisteri sententiam sibi propitiam esse, putaret. Sed hæc hisce gravissimis verbis concepta est (t): *Blanchus in Mangeti Theatro Anatomico Morgagnum ACRITER AGGRESSUS EST.* En lepidum illud unum, aut alterum verbum; en illam quandam juvenilis tunc animi hilaritatem; Morgagnum, inquit, acriter aggressus est, valvulam colicæ negavit, atque simul novos vesicæ musculos ibidem delineavit. Morgagnus autem quid tum fecit? Hæc vero omnia (pergit judicium ferre Heisterus) a Morgagno in Adversariis suis examinantur, atque excutuntur. Num mordaci acerbissimoque stilo? Nihil ejusmodi? Num acriter? Ne id quidem. Quid ergo? Cum alia in Editione (u) Vir Gravissimus eandem

(h) Juven. Sat. 2. (i) Eunuch. (k) Phorm. (l) Terent. Adelph. (m) Adv. III. pag. 97.  
(n) In Epist. Dedic. Celsi. (o) Eleg. 5. & 6. (p) A. 1724. M. Jul. (q) A. 1717. M. Maji.  
(r) Suppl. Tom. 7. Sect. 5. (s) A. 1720. M. Mart. (t) Progr. de Invent. Anat. (u) In 4º.



dem hanc iisdem verbis sententiam posuerit; ultima dumtaxat sic leguntur: *quæ vero omnia a Morgagno in Adversariis suis nervose refutantur*. Sed cur ille acriter; hic tantum nervose? Nimirum quia ille aggressus est; hic refutavit. Cur ille iniquius dicitur sugillasse; hic temperato stilo non negatur scripsisse, imo scripsisse dicitur candore ubique elucente? Videlicet quia ille culpam admiserat, & pomum Eridos præbuerat; hic autem temere laceratus fuerat. Norunt enim Doctissimi Viri, quid natura doceat, quid Prudentissimus Princeps Vespasianus pronunciaverit (x): Non oportere maledici --- remaledici civile fasque esse. Esse igitur in his quoque rebus (y)

Duo cum idem faciunt, sæpe ut possis dicere,  
Hoc licet impune facere huic, illi non licet;  
Non quod dissimilis res sit, sed quod qui facit.

Imo (z) ut in seminibus est causa arborum, & stirpium, sic acris, si est, defensionis meæ in acri aggressionem causa fuit, ut omnia denique, si recte ratiocinemur, uni debeamus accepta referre Provocatori. Atenim mihi quoque acerbus, ut dicitur, stylus fuit. Fuerit fortasse, quando ita vult, fuerit; sed certe in refellendo, non in provocando fuit; (a)

sed hic stylus haud petet ultro

Quenquam animantem: & me veluti custodiet ensis

Vagina testis: quem cur distringere coner  
Tutus ab infestis mucronibus? o pater, & rex  
Jupiter, ut pereat positum rubigine telum:  
Nec quisquam noceat cupidomibi pacis, at ille  
Qui me commisit (melius non tangere clamo)  
Flebit.

Quod si hæc Flaccus sine italica gravitatis, & moderationis nota edixit, nec sine publica utilitate etiam fecit; siquidem (b) --- avidos vicinum funus ut ægros

Exanimat, mortisque metu sibi parcere cogit,  
Sic teneros animos aliena opprobria sæpe  
Absterrent vitiis;

quid lepidorum verborum, & juvenilis hilaritatis Patronus, novus repente Cato nobis efficitur, & a decantata illa per omnes ætates Italorum scriptorum gravitate, moderatione, publica demum utilitate idcirco defecisse me, indicat, quod mea sponte lenis in alios, necessario severus in ipsum fuerim? quasi vero non omnis ætas Italos etiam Scriptores vidisset eo severius qui provocaverat, refellentes, quo graviores ipsi erant, quo in reliquos moderatiores, quo publicæ utilitatis cupidiores. Quod si quia me sic ut par erat defendi, idcirco dedecorasse Italorum Scriptorum opinionem, & publicæ obfuisse utilitati, vel apud nostrates, vel apud externos censendus sum; quid ergo est, quod post illa emissâ Adversaria, major in me Prudentissimi Principis Liberalitas, major tum nostræ, tum Exterarum Nationum erga me benignitas, & favor extitit? Non est opus quæ nota sunt omnibus, commemorare, neque vero pudoris mei est omnia recensere. Tamen cum hic locus sit non gloriolæ aucupandæ, sed contumeliæ repellendæ, coactus faciam, quod & paulo ante facere debui, ut nonnullos de tot erga me benignissimis Transalpinis saltem nominem, quorum iudicio, mea neque Italiæ decori, neque publicæ utilitati obfuisse Adversaria constet. Consummatissimi apud Amstelodanenses Professoris Ruyschii Adversaria Prima, Eximii in Lugdunensi apud Batavos Academia Medici Boerhaavii Institutiones, & ad Ruyschium Epistola, Præstantissimi jampridem in Altorfensi, nunc in Helmstadiensi Lyceo Magistri, Heisteri Compendium, Illustris in Parisiensi Regia Scientiarum Academia Anatome Winslowii non una Commentaria, Amplissimi Cæsareæ N. C. Academiæ Præsidis Schrockii Observatio L. Cent. VIII., Nobilissimi Halæ Magdeburgicæ Professoris, & Regii Consilarii Friderici Hoffmanni Medicina Ra-

tionalis, Præclarissimi apud Wittenbergenses Professoris Abr. Vateri Dissertatio de Ductu Salivali; Celeberrimi ex Regio Londinensium Medicorum Collegio Viri Richardi Mead ad magnificentissime editam, Cowperi Myotomiam (quam hæc dum scriberem, a Munificentia accepi Viri summi Aloysii Ferd. Com. Marsilii) de motu Musculorum Introductio inspiciantur, præsertim vero Regiæ Scientiæ Societatis Anglicæ humanissimum de me iudicium spectetur; & tum denique quid de meis Adversariis quæ certe omnia apud Lugdunobatavos recusa sunt, Transalpinæ sapientissimæ Academia, totque exteri prudentissimi, doctissimi Viri iudicium tulerint, existimetur.

108 Verum hæc omnia ita, an secus se habeant; quid tandem attinet disputare, quando electus ab ipso Provocatore plenissima cum autoritate Arbitrarius, sapientissimus Vir Lancisius tantum abest, ut moderationem in II. & III. Adversariis non esse a me servatam censuerit; justas adhuc mihi superesse Apologiae severioris causas, ideoque mihi publice satis adhuc faciendum esse, ut supra vidimus, iudicavit, & ita quidem satisfaciendum, ut ex vulganda Provocatoris Epistola omnis de ipsius provocationis genere, de meæ refutationis moderatione ambiguitas, omnis de Exterorum iudicio sermo tolleretur. Nam cum ad Amplissimum Præsulem, impetrandæ a me pacis causa, Provocator ultro confugisset Epistola primum italice scripta die 12. Junii 1718. in qua cum alia quæ Lancisius minime tulit, tum hæc ponebantur: I. per avere io nelle mie animadversioni usate espressioni, a lui, dirò così, non dovrete. --- II.: e non sembra a VS. Illma che il Sigr. Morgagni siasi presa una abbondante soddisfazione, e direi anche, eccedente? --- III. Così non avranno gli Stranieri di che deridere, o condannare nelle nostre Contese; Lancisius eadem italicâ Epistola jam constitutus Arbitro autorevolissimo, litteris pariter italicis ad Provocatorem datis die 9. Jul. 1718. quarum initium est: Ha VS. Eccma. & cat. hunc ita monuit: I. questo „ dirò „ così „ va levato affatto, perchè distrugge tutta la soddisfazione; & infra; ella ha da detestare con sensi chiari, e non punto ambigui. Certe lepidum unum aut alterum verbum oportere detestari, nunquam dixisset. II. io toglierei quell' „ eccedente „ se vogliamo l'aggiustamento: & supra: il rispondere con asprezza a chi vi tratta senza dolcezza, è accordato infm da libri sacri, non che da Vespasiano. III. Andrebbe parimente trasandato quel luogo „ così non avranno gli stranieri & cat. „ perchè ritorna ad alterare gli animi loro. Hæc diserte præscribebat Arbitrarius, hæc aperte monebat. Hæc in vulganda Epistola Provocator, ut mihi secundum Arbitri iudicium satisfacere, observare debuit, & reapse cum eadem latine redditam Idibus Octobris 1718. ad Lancisium remisit, certe observavit. Hæc ipsa nunc, ut supra vidimus, minime observat. Quid faceret Amplissimus Arbitrarius, idemque Honestissimus pacis sequester, si viveret, non est obscurum, cum ex inexpectata qua sua Provocator monita exceperat, mora, & tergiversatione, cæterisque tricis, de quibus postea dicemus, quasi hæc quæ nunc acciderunt, animo præsentiret, in meis manibus esse voluerit & Provocatoris autographa, & exempla suarum ad eum litterarum, quæcunque tum eo tempore ad suam mihi probandam fidem, ac sinceram agendi rationem, tum olim, si hæc quæ Vir Prudentissimus jam tunc vereri videbatur, acciderent, ad Provocatorem undique convincendum magis idonea existimavit. Iis in præsentia utor, Tibi atque omnibus, quotiescunque oportuerit, ostendendis, & facile ab omnibus quicumque aut cum Provocatore, aut cum Arbitro litterarum commercium habuerint, pro legitimis sine ulla dubitatione continuo agnoscendis. Quod si Provocator novisset; fortasse aliquanto cautior fuisset in iis scribendis, quæ protinus examinabimus.

109 Nam

(x) Sueton. l. 8. c. 9. (y) Terent. Adelph. (z) Ex Cic. Phil. 2. (a) Horat. Serm. l. 2. S. 1.

(b) Id. l. 1. S. 4.



109 Nam quasi suas in me formulas non jure, & merito, neque ita censente Arbitro, detestari debuisset, sed ex animi liberalitate, sed Amplissimo atque Amicissimo Viro rogante, atque adeo deprecante, ut huic gratum faceret, damnare voluisset; Lectoribus hæc narrare non dubitat: se  
 1132 illas formulas, ita avente, ac deprecante amplissimo illo Viro piæ recordationis amicissimo Lancisio (cui nempe, veluti qui super se, suamque omnem voluntatem perpetuum valuit, nihil unquam renuere potuisset) per epistolam publici juris redditam, omnibus, ut ille jussit, atque jubere potuit, mansuetioribus, & amicioribus sensis cumulatam, generoso, atque incredibili pene modo condemnasse. Non est satis. Attende quæ addat, & quid moliatur. Namque ut comperta, inquit, sit omnibus mea in illa scribenda Epistola (II. ad initia Adv. Anat. IV.) erga gravissimi Præsulis vota observantia, animique mei liberalitas, & tanta profecto, ut melius hanc fore ab Adversariis nostris remunerandam roto corde censuissem (de quo videbimus postea) liceat obiter innuere, quibus hanc a me Epistolæ formam efflagitaverit Lancisius, & quibus eā, tandem post longum elapsum tempus, plurimosque Epistolarum itus, ac reditus, a me obtentā, plauserit ille sibi, mihique voluptatis suæ, gratique animi argumentum protulerit. Ita igitur ad me rogans, de Epistola scribebat Lancisius, Caro Signore, Bianchi fa d'uopo devolvere qualche cosa al giudizio ancor mio & cat. VS. se si arrende a questa condescendenza, consola me & cat. Ella dunque si degni darmi questa consolazione & cat. Aspetto una breverisposta di reciproca quiete, e contento: Me la dia per obbligo garmi sempre più, & cat. 1133 Accepta vero aliquando nostrā illā Epistolā (quæ an proprie nuncupata Confessio sit, infra videbimus) suam statim lætitiā ornatissimus Lancisius datis ad me latinis his litteris significabat. Viro Doctissimo & cat. Maximam, Clarissime Bianchi, ex novissimis tuis litteris VI. Kal. Aprilis ad me datis voluptatem cepi, quod quem speraram, atque optaram, nunc cum attulerint, scilicet Te in meam tandem sententiam venisse: quā dissensiones omnes inter literatos Viros, præsertim vero amicos, penitus abigendas esse arbitrabar. & cat. quare tibi, Vir optime, vehementer gratulor, mihique gaudeo, quod meis consiliis adductus cum Præstantissimo Morgagnio, prioribus scriptis tuis offenso, posterioribus tuis erga illum observantiam testantibus, pristinam amicitiam redintegrare studueris. & cat. Incipiamus, quæso, ab his latinis Lancisii Litteris, quibus hunc Provocator ait suam statim lætitiā ob acceptam illam, ut dicit, Epistolam significavisse. Quo die, obsecro, datæ sunt? Non apparet dies. At quo anno? Ne is quidem. Illæ vero aliæ italice scriptæ rogantes, atque adeo deprecantes, illamque, ut ait, Epistolam efflagitantes, quo tandem tempore missæ sunt? Harum quoque tempus filetur. Quid, si hæc missæ fuissent die XI. Martii 1719. illæ vero latinæ ipso Sabbato Sancto VIII. Idus Aprilis MDCCXIX. ut nos luculenter omnibus qui velint apud nos inspicere quæ Lancisius ad nos scripsit, & quæ litterarum exempla misit, ostendere continuo possumus? Num ad illam quam ait, Epistolam pertinerent, quæ jam sic emendata ut a nobis edita est, ad Lancisium missa fuerat; quod supra etiam diximus, & ipsa ostendit; Id. Octobris 1718? Certe nullo modo. Quis enim posset Lancisius pro nobis efflagitare id quod anno superiore ante menses ferme quinque acceperat, & ad nos sic omnino edendum, continuo tunc miserat? Provocatorem sane paulo magis oportebat esse memorem. Nam istæ ipsæ quas producit, lætabundæ Lancisii litteræ, si non in fine, unde illud quo scriptæ sunt, tempus ademptum est, at certe ipso initio diserte significant omnibus, eam voluptatem ab Lancisio captam esse ex novissimis Provocatoris litteris VI. Kal. Aprilis ad se datis; non igitur ex ea Epistola quæ Id. Octobris data fuerat. Quid ergo est? Nempe istæ ambæ quas producit, Lancisii Litte-

ræ ad longe aliam rem, ad longe aliam Epistolam pertinent, de qua infra dicam, ubi ostendero, ut non eas de quibus in istis litteris, sic nullas Lancisii preces ad justam illam obtinendam vulgatæ a nobis Epistolæ emendationem intercedere debuisset.

110 Ex quo enim a Provocatore die 12. Junii 1718. ultro ad se confugiente illam, ut supra ostendimus, multiplici emendatione dignam Epistolam Lancisius acceperat, ad Idus usque Octobris ejusd. anni 1718. quo tempore emendatam recepit, rescripsit primum die 9. Julii anni ejusdem tum illa tria quæ supra retulimus monita, tum hæc quoque: dicendole apertamente, che --- a volere una vera pace, e ritornare all' antica litteraria amorevole corrispondenza, bisogna nella discolpa non stare attaccato a certe parole, e non porre alcune voci, che distruggono tutto l'aggiustamento: & infra: „Illos ferre non possum, dice pur bene Cicerone, qui dum se pacem velle simulant, acta de-„fendunt: „& paulo post: Il confessare i propri falli non è vergogna è prudenza. In his ergo litteris hæc quidem invenio, quæ monentis, an deprecantis sint, patet: verba autem rogo, aut deprecor omnino non invenio. Et sane cur eum qui ad se ultro confugisset, seque Arbitrum constituisset, rogaret, nulla nisi forte humanitatis, & ejus qui ad se confugisset, utilitatis causa erat. Ad has autem litteras cum respondisset ille die 26. Augusti 1718. Epistola quæ incipit: Per la maggior & cat. qua se esse, & fore in Monentis arbitrio constantissime confirmavit his verbis quibus Epistolam conclusit suam: Monsignore: Intiera le replico la mia in ogni modo constantissima sommissione, e tutto nel saggio di lei arbitrio l'orror mio depongo; post hæc profecto non video, qui locus amplius Lancisii precibus esse debuerit. Hæc igitur fuerunt Lancisii deprecationes illæ, efflagitationes rogationes, hi plurimi illi Epistolarum itus, ac reditus, hæc illa tanta, & tam generosa, atque incredibilis Provocatoris erga nos provocatos animi liberalitas! Quam certe non intelligo quomodo cum tot illis deprecationibus, & efflagitationibus; cum plurimis illis Epistolis, cum illo tandem longo elapso tempore componi & conciliari posse, putet. Sane intercessit aliquod tempus priusquam ipse ad Arbitri a se rogati sincera monita rescriberet. Sane in Epistola, Id. Octobris tandem missa, quædam relicta sunt, connivente Lancisio, dura, & parum cæteris consonantia. Num illud generosam, atque incredibilem animi liberalitatem; num hæc, omnia mansuetiora, & amiciora sensa revera ostendunt? Quanto aliter ego, qui etiam dare operam omnino debui in mea, quæ una edita fuit, Epistola, ne illa viderer aut non intelligere, aut comprobare; tamen confessionem Provocatoris vel ut ipsi gratum facerem, vel ut naturæ ingenioque meo indulgerem, vel ut Lancisio, quod caput erat, Amplissimo, & de me egregie merito Viro obsequerem (quamvis adeo provocatus; neque adhuc sigillatim provocationibus a me repulsis; magno insuper mihi in mutandis reliquis Adversariis impendente labore) certe promte ac libenter accepi. Meaque illa ipsa Epistola usque adeo tota Lancisio placuit, ut continuo ad me rescribens die 5. Nov. 1718. eas litteras, quibus initium est: Per farle & cat. eam & vocaverit, & judicaverit, gentile, imo ad Provocatorem ipsum scribens illas quæ latine una editæ sunt, litteras, humanissime in ea me egisse, pronunciarit, neque unquam, suo quidem judicio (id quod infra in loco meminisse te velim) in ea mutandum, nedum emendandum censuerit quidquam. Quod autem de ea Epistola sensit, multo nunc magis, si viveret, ac legere hunc posset locum, de me sentiret, qui etiam alii eas quæ nunquam fuerunt, illius efflagitationes, & deprecationes productis litteris huc minime pertinentibus jactare voluerint, ipse contra qui ejusdem Lancisii epistolas huc maxime spectantes, & sive non vulgares efflagitationes, sive summam erga Provocatorem commiserationem exprimentes produ-



1079 cere vicissim possem, non faciam tamen, sed apud me premam, & ne illis quidem ad hoc utar quæ ante IV. Adversaria editæ sunt. Omnino enim sic intelligo, atque ita sentio, qui *generosæ animi liberalitatis* laudem cupiat, nihil ei minus convenire quam pervicaciam & tergiversationem suam in liberalibus, nedum in justis actionibus edendis jactare. Tum ab iis qui utriusque nostrum animi velint recte internoscere, atque uter pacis studiosior ac cupidior fuerit, intelligere, nihil est quod malim spectari, quam Provocatorem ad injurias Amico inferendas ultro decurrisse, Provocatam ad repellendas prope invitum, coactumque ab sapientibus Amicis, descendisse: rursusque Provocatorem cum de satis faciendo ageretur, tardum se & pertinacem tum hic jactare, tum alibi etiam scribere: quod voluit Lancisius, & se TANDEM voluisse; Provocatam autem delatam tandem satisfactionem prompte ac libenter accepisse. Uter est, in quem conveniat illud Terentii (a):

hic ubi opus est,

Non verentur: illac, ubi nihil opus est, ibi verentur?

Et hic tardam suam, neque omnino castigatam, satisfactionem melius fore ab Adversariis suis remunerandam toto corde censuisset? Num continuo? an postea? si postea, in ipsiusque ultimis Adversariis; quid de hac statuerit Arbitrator, supra ostensum est, illudque præterea hic addi potest, quod idem Arbitrator die 22. Julii 1719. ad nos scripsit iis litteris quarum initium est: *L'altra sera & cat.* Sic enim ait: *Mi sono arveduto, ch'ella usa ogni possibile dolcezza nel ribattere le censure del Sig. Bianchi, e singolarmente ove ragiona delle glandole sebacee, e delle mammelle. Certo, che a quel Professore durando la temperie di mente, con la quale si era determinato di volere pacificamente vivere seco in avvenire, non potrà, che ringraziare lei del tratto civile, che usa con lui.* Si vero continuo, atque adeo in illa nostra quæ una edita est, Epistola se melius fore remunerandum, censuit, videat ne sperarit id quod sua non satis castigata Epistola, meo salvo honore, haud permittebat. Nam certe & Lancisius meam, ut supra dictum est, humanam, imo humanissimam judicavit, & ipse probavi ex verbis, quæ protuli, certe præcipue in ead. Epistola attendendis, quibus, ut ipsi etiam Provocatori gratum facerem, me ejus confessionem prompte ac libenter accipere, diserte significavi.

III Verum in hoc ipso sibi invenire videtur quod nobis exprobet, atque adeo de quo conqueratur. Nostram, inquit, Epistolam multâ ovatione Censor noster, Confessionem, sæpius nuncupat. Scilicet qui justum apparatusque triumphum ipsi remitterem ac condonarem, ovationem, credo quærebam, atque aucupabar! Sed tamen non totam quidem ejus Epistolam, quæ aliquot in locis a me penitus probari non poterat, sed illam dumtaxat partem, qua culpam confitebatur suam, cum me prompte ac libenter accipere, nec parvi facere significarem; quo minus quæsito, quo magis proprio, quam confessionis vocabulo uter? aut cum semel sic appellassem, quomodo, si intelligi vellem, appellare aliter possem, non quidem sæpius, sed in uno aut altero loco, in quibus in non ita brevi Epistola eandem iterum oportuit designare! Quid si detestationem vocavissem? Sic enim Lancisius jam die 25. Jun. 1718. scriptis ad me litteris hoc initio, *Avendo io ricevuto & cat.* indicaverat: *egli (il Sig. Bianchi) conosce, confessa, e detesta il suo errore.* Certe cum ad me hujus emendatam Epistolam misit, scriptis etiam italice litteris die 15. Oct. 1718. quarum initium: *Mando a VS. Illma & cat.* in ea esse dixit la confessione del Sig. Dr. Bianchi. Num igitur ut Arbitrator præibat, non loquerer? At quomodo alii vocaverunt? Actorum quidem Lipsiæ Scriptores, ut

supra vidimus, *culpa confessionem* vocavere. Num Viri Doctissimi, Prudentissimique improprie locuti sunt? Quid? quod ipse Provocator in sua illa eadem Epistola satis prævit mihi, hæc diserte conscribens: *Equidem fateor, justam illi esse causam, ob quam de me queratur: --- fateor, me illud agerrime tulisse & cat. --- Concedo, a me, quamvis, ut iterum fateor, id nolente, primum ipsum provocatum fuisse.* Num sæpius ego confessionem dixi, quam ipse fateor? Quod si illud ipsi vocabulum in mea Epistola usque adeo displicebat; cur de eo nunquam aliquid, quod sciam, ad Lancisium scripsit? Multo id mihi proclivius fuisset mutare, quam res alias quasdam, quæ, ejus non mutata Epistola, mutari vix poterant, & quas tamen ut Lancisii non judicio quidem (hoc enim quod fuerit, ante ostendi, idque, ut meminisse velles, rogavi) sed novo desiderio obsequer, quoad potui, omnes mutavi.

112 Unde autem hoc novum in Lancisio desiderium sit ortum, exponens, id quod supra pollicitus sum, præstabo, ut quo pertineant eæ duæ productæ a Provocatore, Lancisii Epistolæ, doceam. Meam ad se Responzionem ut humanissimam censuit, sic continuo Lancisius Novembri jam mense ad Provocatorem misit. Hic vero cum pristino more nihil diu ad Lancisium & Arbitrum, & Virum tali dignitate præditum, mirantem atque ægre ferentem rescripsisset, tandem die 19. Decembris eam dedit epistolam, quæ sic incipit; *Alle repplicate preziosissime lettere & cat.* in qua illas de quibus modo indicatum est, mutationes cum justas fore, probare vellet, mirum esset omnibus, ea quæ postea contingere non ignorantibus, animadvertere quo inter cætera argumento, ut certissimo, niteretur. Verum ego, ni gravius (si tamen gravius possum) ab ipso adhuc provocer; id semper silentio apud me premere constitui, ut illa pariter, quæ circa ejusmodi præsertim tempora in certis quibusdam Lancisii litteris de ipso scripta penes me habeo. Ea dumtaxat quæ ad præsentem rem pertinent, nec ipsi æque aut obesse, aut displicere etiam possunt, indicabo. Lancisio igitur cum hanc novam de mutationibus molestiam ad hætenus toleratam accedere viderem; non sum passus, ut id a me vehementius peteret, sed quamvis meis publicis solemnibus occupationibus distinerer, morem libenter gessi, & quoad potui, mutavi. Itaque ipse quid a me impetrasset, gravibus, & bene longis litteris, die 28. Januarii 1719. datis, Provocatori significavit, quibus hoc initium fecit: *Sono già corst otto mesi, caro Sig. Dr. Bianchi, da che VS. Eccma. si compiacque scrivermi & cat.* In iis litteris cum sua, atque adeo aliorum multa judicia satis aperte exposuisset, ac præsertim quid inter me, & Provocatorem interesset, & qua ratione mea verba essent accipienda, diserte declarasset, rem jam confectam arbitrabatur; cum ecce tibi aliæ a Provocatore longissimæ ad ipsum litteræ, quibus ejus auctoritati non acquiescens, novam adhuc flagitat mutationem. Enimvero Lancisius multo gravius ferre, & quorsum hæc spectarent, præclare intelligere. Attamen cum ego oblatam Amplissimo Viro molestiam ne tum quidem perpeti possem; eo descendi, ut rursus, quoad res lineret, eum Epistolæ locum mutarem. Quam mutationem postremam cum accepisset, tunc denique eas italice ad Provocatorem, cujus rem egerat, litteras dedit, quarum ipse verba produxit, quasi a Lancisio de longe aliâ illâ re, jam ante plures menses confectâ, enixe rogante scripta essent, cum revera, si quis recte rem sciat atque perpendat, eum sibi maxime in rogando finem proposuisse intelligat, ut tandem aliquando nulla sibi amplius molestia ab eo qui ultro ad se Arbitrum plenissima auctoritate, confugisset, & pro quo tot egisset, crearetur, neve amplius cum omnium fastidio



dio nodus in scirpo quæreretur. Hoc satis apparet ex eo quod de istis ipsis litteris suis ad me scripsit die XI. Martii 1719. hoc initio: *Che si ha da fare & cat.* Sic enim ait: *Io ho fatta una lettera mista di agro, e di dolce, e mandatala questa sera al Sig. Dr. Bianchi, e non dispero quel fine, che sarà migliore per lui, che per lei, che già trovasi con la sua fama in sicuro.* Ut mihi igitur satisfaceret, non laborabat; nam res hæc longo ante tempore confecta erat. Ne ullæ amplius tricæ excogitarentur, ut iudicio suo meis de verbis statueretur, ne quid contra promissa, aut novi fieret, ut omnes tandem, & ipse præsertim vexatissimus Arbitrator, quiescere possemus, hæc vero, hæc volebat, hæc, si æquum erat, illum ipsum qui ad se confugisset, rogabat. *Aspetto, inquit, una risposta di reciproca quiete, e contento.*

113 Sed Provocator, qui preces Amplissimi Senis, & dulcia Epistolæ verba edidit, cum alia quædam omiserit, illa quoque verba omittere poterat: *Nè stimo giammai vero ciò, che da qualch' uno mi vien riferito, pensar ella di dar fuori le lettere famigliari, scritte dal Signore Dr. Morgagni...* Hæc enim verba sic descripta, neque ad preces pertinent, & in animis legentium, ac in meis illis familiaribus litteris quid scriptum sit ignorantium, gravem quandam excitare suspicionem possunt, aliquid fortasse ejusmodi a me scriptum esse, cujusmodi in iis quas paulo ante a me premi litteris dixi, a Provocatore, aut de Provocatore scriptum est: quod videlicet si produceretur, mihi aut obesse aut displicere per se posset. Nihil vero istiusmodi est. Imo omnia ejusmodi sunt, ut si proferrentur, magis Provocatori, quam mihi apud sapientes homines sane obessent. Nam mea denique omnia crimina in iis litteris; ut ex ipsarum quæ apud me servantur, exemplis intelligo; eo pertinent, quod in iis aliter atque in *Adversariis* de Provocatore, aut de scriptis ejusdem fenserim, & quod ipsi in controversia quadam litteraria aliquid ex me sollicitanti, aperte, ut inter Amicos fieri par est, ea responderim, quorum si me pœnituisset, eorum nullam, ne subobscuram quidem, in *Adversariis* mentionem fecissem. Quod si aliter res se habet, in iisque Epistolis quidpiam est, quod hic dissimulem, & quod prolatum, nocere, aut displicere mihi possit; proferat; jam per me licet, ut alter alterius familiares omnes litteras edamus. In meis cunctis quidquid est, in lucem prolatum, ipsi profecto obesset, non mihi. Ego enim tantum amicitiae tribuebam, ut quæ aliis subobscuræ, ipsi aperte significarem. Ille eodem ipso tempore amicitiae tantum deerat, ut illas suas in me Animadversiones appararet. Ego ut (a) *fere libenter homines id quod volunt, credunt*, mihi ab amicitia fucum fieri patiebar, ut quæ reapse in Amico bona non inerant, ea inesse, & laude digna esse, libenter putarem. Ille ex mea hac credulitate, & facilitate tantos sibi spiritus, tantam fiduciam sumebat, ut se posse Amico impune insultare confideret, & ne illa quidem æquo animo mihi relinquere, quæ noti, ignotique omnes semper constantissime tribuerunt, veri studium, & fidem. Quid ergo erat causæ, cur Lancisius nollet, meas illas familiares litteras a Provocatore publicari? Primum id ipsum, quod modo dictum est, ne quanto major meis ex litteris amicitiae vis appareret, tanto major culpa Provocatoris qui amicitiam læsisset, agnosceretur. Quid enim diceret? Hoc puto quod de Tullio quondam Antonius: Aliter de me iis in litteris sentiebas. Ipse vero quod Tullius (b) reponerem: *At ego non nego: teque in isto ipso convinco non inhumanitatis solum, sed etiam imprudentiæ.* Quod enim verbum in istis litteris est non plenum humanitatis, officii, benevolentiae? omne autem crimen tuum est, quod de te in his litteris non male exi-

stimem: quod scribam tanquam ad Amicum, tanquam ad doctum virum, non tanquam ad inimicum, & tot in erroribus deprehendendum. Deinde nolebat Lancisius ut mihi vicissim daretur causa, eaque iustissima, familiares ad me Provocatoris litteras publicandi, quæ (ne alia nunc dicam) mirum quantum ab ejus Animadversionibus discrepant. Quid enim, obsecro, causæ est, cur modo nullas, nisi Lancisii, aut ad Lancisium pertinentes, familiares epistolas, imo ex his ipsis huc illud dumtaxat transcribam quod possit; si tu Vir Doctissime esse opus existimes; Lancisii ipsius honori tuendo satis esse? nimirum quod nullas Provocator adhuc nisi familiares Lancisii litteras, ut me, & in me Lancisium sequestrem pacis offenderet, publicavit. Nam si publicasset meas; quid ego jure possem facere, & omnes intelligunt, & aperte Cicero significavit, hæc addens (c): *At ego tuas litteras; etsi jure poteram, a te lacessitus; tamen non proferam.* Novissime etsi meæ litteræ nihil prorsus habeant, quod prohibeat, quo minus, me annuente, vulgari possint; id ipsum tamen quod injussu meo, vulgarentur, ejusmodi esse, videbat Lancisius, ut etiamsi inter homines eadem, aut quædam aliâ sed certi & peculiaris generis offensione lacessitos ferri possit, inter alios tamen, nedum inter nuper reconciliatos, homines ferri non posset. Neque enim Eruditissimum Virum fugiebat, quid supra in Antonium nulla ejusmodi a se lacessitum offensione dixisset Cicero (d): *At etiam litteras, quas me sibi misisse diceret, recitavit homo & humanitatis expers, & vitæ communis ignarus.* Quis enim unquam, qui paullum modo, bonorum consuetudinem nosset, litteras ad se ab amico missas, offensione aliqua interposita, in medium protulit, palamque recitavit? Quid hoc est aliud, quam tollere e vitæ societatem? tollere amicorum colloquia absentium? quam multa joca solent esse in epistolis, quæ prolata si sint, inepta esse videantur? quam multa seria, neque tamen ullo modo divulganda? Non, inquam, hæc ignorabat Lancisius, imo quam ægre ferrentur, expertus erat. Sic enim in quadam Epistola cujus initium est: *Debbo rendere un esatto conto a VS. Illm. di molte cose & cat.* de quadam cui cum ipse ignovisset, tanto magis necesse est ut ego sic ignoscam, ut ejus nomini hic parcam: *Il Sig. Dr. .... è un Uomo caro. Mi stampò, come lei avrà veduto, una risposta sopra la ..... senza farmene parola: ringrazio Dio, che per quanto ho poi scorto, non vi erano gran spropositi: ma un Uomo può talora in lettere famigliari non far tutte le necessarie riflessioni.*

114 Verum ut illa de meis familiaribus Epistolis Lancisii verba Provocator melius omisisset; sic illa recte posuit: *Per altro io credo, che stampando VS. le sue nuove Opere saprà contenersi nei termini di onesta civiltà, e di gravità degna d'un savio letterato.* Istam autem alteram Lancisii Epistolam, lætitiæ plenam, multo etiam rectius edidit.

Nam cum ad priorem illam italicam Provocator ita respondisset, ut ejus se auctoritati, & consiliis acquiescere profiteretur, atque ea quæ modo dicta sunt, non tantum se observaturum, neque passurum unquam, ut sibi quidquam excideret, quod nos sincere constanterque in gratiam restitutos non esse, suspicionem facere posset, verum insuper scripta sua apologetica, si Lancisio placeret, nunquam editurum polliceretur, hæc autem omnia amplissimis verbis, & Lancisii vota ac spem superantibus complecteretur, ut se sibi satisfacere negaret, ni plusquam ille optasset, re præstitisset, ut mecum certare officiis studere se, confirmaret, ut gratissimum sibi fore diceret, si quæ tunc officiose de me scriberet, mihi ipse nunciare vellet; quid multis opus est? Senex optimus, antiqua fide, qui ex sua natura cæteros fingeret, his tunc

(a) Cæsar. de Bell. Gall. l. 3. (b) Phil. 2. (c) Ibid. (d) Ibid.



tune verbis, & pollicitationibus tantum credidit, ut; si Provocatoris emphasi uti fas est; *plausit ille sibi*, ipsique voluptatis suae, gratique animi argumentum protulerit. Nimirum ad hanc officiosissimam Provocatoris Epistolam incipientem: *Et si novissime ad illum & cat.* non ad eam quae *Adversariis* IV. praefixa est, confessionem complectentem, jam missam Id. Octobris 1718. cujus initium est: *Dum novam operum meorum & cat.* non ad eam, inquam ut hic Provocator obtrudit, sed ad hanc postremam, datam 27 Martii 1719. latinas istas, quae proferuntur, rescripsit litteras, laetitia redundantes, quemadmodum idem prorsus dies, hoc est VI. Kal. Aprilis, harum initio memoratus, luculentissime demonstrat. In his tamen ipsis verbis illa, cum superioribus italicis convenientia, & ad rem praesentem maximopere pertinentia, diserte a Lancisio posita sunt: *Nolim tamen una cum dissidiis utilia etiam scripta sepeliri. Delendam utique, abstergendamque omnem ab iis amaritiam, ac dissensionis memoriam suaderem*: non est satis: quod certe, inquit, *abs te jure expectandum censeo*. Hæc videlicet ultima Arbitri, plenissima auctoritate a Provocatore ipso constituti, hæc postrema sequestris pacis sententia est, non sine juris formulis concepta & pronunciata: quod certe *abs te JURE expectandum CENSEO*. Hac autem sententia ut Provocator steterit, ista ipsa quam hactenus examinavimus, Animadversio, siqua alia, demonstrat. Quo enim modo deleta, absterfaque omnis ab ista est amarities, ac dissensionis memoria, cum huic eidem amaritiei refricandæ, ac universæ dissensionis commemorandæ ista Animadversio peculiariter dicata sit? cum id agat, cum id molietur, ut rursus evolvantur omnia quæ sancto pacis foedere sepulta fuerant, atque ita evolvantur, ut rerum ordo, & summa evidentissime invertatur. Quid tantum mali ab Lancisio Provocator unquam accepit, ut in ejus memoriam, & in obstrictam ipsi fidem peccare tam aperte potuerit, ut qua in Animadversione ejus nobis Arbitri sententiam edat, eandem Animadversionem contra hanc ipsam sententiam scribat! Atqui non modo nunquam de Lancisio conquestus est, imo ut Virum erga se humanissimum, & vel in controversia nostra sibi æquum, imo universe amicissimum, commendavit, atque commendat. Statim enim atque confessionem illam suam ita ut Lancisius jussit, emendatam ad hunc remisit, Epigramma quoddam scripsit, cujus ad me Lancisius misit exemplum, quo in Epigrammate de hoc verba faciens, diserte ejus erga se æquitatem laudare voluit; nunc autem suam quandam edidit Dissertationem in qua de Lancisio sic universe loquitur: *Illustrissimus Præsul, dumque viveret, mihi amicissimus, Johannes Maria Lancisius*, atque adeo in his ipsis paginis de eodem sic meminit: *amplissimo illo Viro pia recordationis amicissimo Lancisio*. Siccine igitur cum amicissimis Viris agitur? Sic obstricta ipsis fides, quæ vel hostibus servanda esset, servatur? Quid aliud est, duas res sanctissimas, ut Tullius ait (e), violare, amicitiam, & fidem, si hoc non est? En cui credas! quem inter Amicos recipias! en memoriam mortui Amici! en metum vivorum exultationis!

115 Sed, credo, in hac una Animadversione adversus obstrictam Arbitro Amicissimo fidem peccatum est. Quid igitur tot alia sibi volunt loca in quibus de iis queritur, quæ post constitutam pacem non erant amplius commemoranda, de formulis videlicet quibus ad eas quæ in me intortæ fuerant, refellendas in III. *Adversariis* uti debueram; ut pag. 988; de scommatibus quæ iple vocat pag. 1057; de lacerationibus (sic enim ait pag. 1140.) *Historiæ suæ*; de illo demum quod probi homines noverint, ac judicabunt, scribendi genere, quemadmodum loquitur pag. 1096. At meas, opinor, dumtaxat formulas commemoravit; ipse vero in suarum delectu, cæterisque rebus cautus, co-

misque nunc fuit, ac pacis observator religiosissimus. Quidni fuerit, qui & suum ipsum hunc librum in perpetui obsequii, atque amicitiae Tesseram (sic enim sua inscripsit manu!) mihi dono miserit, & in hisce Animadversionibus diserte confirmaverit, se studere constanter res suas defendere moderatione illa comitateque, quas eruditissimo dignissimoque Adversario debitas esse videt, atque vult; tum perpetuam sibi pactum esse legem, diligenter illam tueri amicitiam, quam inter nos instaurabat Lancisius. Humanissima profecto & munera, & verba, laudes insuper nimis benignæ, neque a me sine grati animi significatione prætermittendæ, nisi hæc tandem omnia, quasi cum stipite, aut puero aliquo ageretur, cui facile imponas, aut temere insuper illudas, quanto ad speciem sunt amiciora, tanto ad sensum essent, cogitationemque acerbiora. Huic enim dono, huic confirmationi, hisce laudibus nimis multa passim in me jacta repugnant, adversantur, reclamant, quorum pleraque non in Amicum modo, sed ne in honestum quidem hominem torquere licet. Verba omitto, scriptitandi, clamitandi, oggerendi, irrumpendi, objurgandi, explodendi, intrudendi, atque obtrudendi. Lepida, edentula, insulsa etiam nomina, objurgatoris item, aut Censoris invidiosum vocabulum, quo Provocatus (quis crederet?) passim insignitur, prætermitto. Levia hæc sunt, ac fere indigna quæ inter tot alia longe gravissima hic memorentur. Ironias quoque omitterem, ut pag. 987. *Herculeæ profecto rationes, quibus inde anatomicas inauditas res doceri possumus*. ut 1091. *Censoria, ut moris est, potestate locutus*, --- suam super hepaticas res nostras humanissimam Censuram strenue absolvit, atque coronat. ut 1119. *sequens elogium mihi a nostro cl. Censore humanissime inscriptum*. ut 988. *sua in eandem dissertationem Censurâ grati animi testimonium rependit, me ipsum inter alia honorifica atque humanissima elogia & cat.* has, inquam, pariter ironias fortasse omitterem, nisi pleræque ad ea spectarent, quæ post initam pacem refricare non licebat. Veruntamen sunt alia graviora, ut 1057. a me plurimum scriptorum (verbo absit invidia) auctoritates mancas offerri, ut 1141. ejus locum sane mutilatum exscribi, ut 1000. in alio plurima omitti, & mutilari, potissimum in observatione nervi partem facientia, ut 938. ab suis textibus verba alias plerumque perhumaniter asfolere a me mutilari. Neque tamen hæc sunt usque adeo gravia, ut quod ponitur 1135. *Censor cl. per mutilata exscripta verba, effectumque hoc pacto centonem imponere fortasse studet*. ut quod 1081. scribitur: *jam dubito Censorem nostrum cl. non intellexisse, aut potius, ut in contradictionem niteretur, finxisse non intelligere*, ut quod 1018. queritur: *Quo igitur conscientia consilio scribere hæc potuit cl. Censor?* ut quod, cum ego ingenue alios me majores Viros secutus, scripsissem: *Alterum num ita sit, dubito*; pag. 1137., non ingenue profecto respondetur: *Alterum vero num ita sit, quis posset ingenuus dubitare?* Quis crederet, superesse graviora? supersunt tamen. Longe enim apertius, & sine ulla dubitatione affirmatur 984. *cum a nemine negari ullo modo possit*; --- tamen in rei veritatem remis me velisque niti, quod & pag. 1056. in me, non obscure designatum, rursus torquetur his verbis: *contra ipsam veritatem remis velisque contendere insudant*. Apertissime autem 1147. *Quæ congerit cl. Censor circa Lancisii Epistolam de re hepatica*, --- hæc commentitia pleraque sunt. 984. fingit illico Censor noster cl. illud --- non intelligere. 1017: *Quid autem de inconstanti nostra --- assertionem Clarissimus noster effugit?* 1072. gravem sub quadam fallacia larvatum errorem pro re certa intrudere laborat. 1018. Ficta igitur --- sunt mihi ista imputata inconstantia. 951. effectum ab Adversario --- fundamentum. 1057. arte facta contradictiones. 1060. a vero alienus sensus Auctori impositus. Quid singula persequor? cum hæc quoque



que omnia, atque alia ejusmodi involuntatem magis quam in intellectum contorta, supra aliud agens, in suis quodque locis confutaverim, pleraque etiam alio charactere scripta, merito in Provocantem retorquere potuerim. Hæ igitur novæ formulæ *moderationem, comitatem, instauratam amicitiam*, quam verbo proficitur, decentes, ab ipso post septennii studium selectæ sunt, ut in his tandem *Transalpina sapientissima Academia decantatam illam per omnes ætates Itatorum scriptorum gravitatem, moderationem, quæritam publicam utilitatem* agnoscerent? Sane quid *publicæ utilitati* conducibilis, quam post initum tam solemne atque illustre per Amplissimum sequestrem, pacis & amicitiae fœdus, idque typis ultro permissum, totoque terrarum orbe vulgatum; quid, inquam, *publicæ utilitati* conducibilis, quid humanæ societati servandæ utilius, quam ita agere, atque ejusmodi Animadversiones, & formulas typis mandare? *Fidem qui lœdit*, inquit Cicero (f), oppu-

gnat, omnium commune præsidium, & quantum in ipso est, disturbat vitæ societatem. Enim vero si hujusmodi exemplum a bonis omnibus non improbetur; quis in posterum id velit facere quod ego feceram, ut culpæ confessionem per Illustrissimum Virum mittenti crederem, ignoscerem, amicitiam redderem? Nemo, mihi crede, Vir Doctissime, inveniatur, qui pacis sequestres audire velit, cum ego qui Amplissimum Præsulem audiverim, hunc meæ facilitatis, atque humanitatis fructum retulerim. Sed hoc homines viderint. Ego certe quod Disciplina Honoris constanter docet, servabo, & quidquid ille aut modo in me intorsit, aut alias fortasse intorquebit, nulla responsione dignum credam, nisi forte ea quæ exercitationis, & consultationis causa, ut hæc, ad intimum aliquem Amicum mittatur, a meis certe manibus non facile in publicum exitura. Vale.

D. Patavio Prid. Kal. Aprilis CIO IOCC XXVI.

(f) Ibidem.

EPISTOLÆ SECUNDÆ FINIS.



